



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



*Del est Temp<sup>t</sup> de la Comp<sup>te</sup> de Jheru<sup>sa</sup>lem*

ANTONII

MVSAE BRASAVOLI

Ferrariensis, Examen omnium

Simplicium medicamento-

rum, quorum in offi-

cinis usus est.

*Addita sunt insuper ARISTOTELIS*

*Problemata, quae ad stirpium genus,*

*& oleracea pertinent.*

*Andrea Tirino CR*

Cum priuilegio.

LVGDVNI,

SVB SCVTO COLONIENSI,

APVD IOANNEM ET FRAN-

CISCVM FRELLAEOS,

FRATRES.

M. D. XXXVII.



# Reuerendissimo,

PRIMO ARCHIDIAcono

Episcopi Ferrariensis, ac Lugdunensis Ar=


chiepiscopi Vicario dignissimo, AL=

PHONSO CISTARELLO,

IOANNES ARGENTE

RIVS Hastensis, Me=

dicus S. P. D.



V M multa essent, aut potius omnia, in medicina ab antiquis autoribus Græcis & Latinis bene explicata, à nobis nōdum satis cognita: tum in primis perdifficile fuit nostris temporibus accommodare quæ illi de alimentis medicamentisq; magno eorum labore, magnaq; mortalium omniū utilitate prodiderunt, ALPHONSE Vicarie dignissime. Siue enim quòd bonis in hac arte autoribus, ut in alijs omnibus hætenus contemptis, medici qui nos iam per multos annos præcesserunt, ab incultis barbarisq; quibusdam scriptoribus ea mutuauerint: siue quòd illi etiam in quæstiunculis ac nugis tractandis diligentiores, id quod eorum arti proprium erat omniumq; utilissimum ( nullo ut fortè putabant humani generis periculo ) idiotis, ad summumq; indoctis hominibus, uel plebi etiam curandum reliquerint: siue aliter factum fue



rit (non enim in hoc magnopere laboro) ad tantam obscuritatem, tantosq; errores perueneramus, ut cū omnia confusa essent & deprauata, nihil penē etiam ex ueterū remedijs amplius extaret, quod mortalibus magno usui esse posset. Quam ob rem plurimum illis debemus, non minus certe quā inuētoribus, qui huic rei propemodū deperditæ suppetias tulerunt, ac tanto uehemētius ei patrocinati sunt, quanto negligentius ab alijs cōtemptra fuerat. Tanta enim fuit nostro hoc seculo uirorum doctorū in hac parte restituenda honesta contentio, ut dum alij in uertendis Græcis, unde potissimum illa emanarūt, alij in refellendis falsis opinionibus, alij in rei historia explicanda laborauerint, pauca iam supersint quæ suos autores non agnoscant, nosq; fallere possint. Veruntamen in tanta rerū ueluti luce aliquid desiderabatur, licebatq; id adhuc admirari, quòd omnes qui hanc medicinæ partem illustrandam susceperunt, ita rei herbariæ hætenus incubuissent, ut reliqua quibus in officinis utimur, uel penitus contempserint, uel, quod nemo negare potest, negligentius explicauerint. Neq; uero id solū, sed quòd etiam ea ita tractauissent, ut medicos dūtaxat docere uoluisset uideatur. Quanquā tamen & alia utilitate nō carent, ac mihi uidetur nūquam fieri posse ut res hæc nitorē suū omnino recipiat, nisi seplasiarj & herbarij unā cū medicis inueteratos errores exuant, melioraq; discāt. Quòd si doctioribus bene admonentibus sponte credere uellēt, conarēturq; bonos libros alijs reiectis intelligere, minori profecto labore id consequerentur. At cū eorum plurimi, proprie scilicet ignorantie sibi non conscij (neq; enim aliud existi

existimare possum) nec doceri patiantur, neq; alios præ-  
 ter eos in quibus à principio male instituti fuerunt, aut  
 legere uelint, aut intelligere ualeant, hosq; tanta pertina-  
 cia tueantur, ut nihil apud eos reperiri quod reprehendi  
 possit iam dulcè sibi persuascent: aliter profectò res tra-  
 ctanda est, atq; ita sanè, ut posteaquã eos quos sequebatur  
 errasse cognouerint, priorem uitã detestentur, ac meliorem  
 tandem eligere cupiant. Itaq; non antè rem perfectã fore  
 sperandum erat, quàm aliquis inter medicos, ad quos scili-  
 cet res pertinebat, illorum sectæ non ignarus, omnia quæ  
 sub antiqua specie falsò uenditant, quibusq; abutuntur, ue-  
 riusq; utantur, ad antiquorũ rationes examinanda susce-  
 pisset, effecissetq; ut uel inuiti demonstrationibus uicti,  
 ueterem barbariem relinqueret, ueritatemq; capefferet.  
 Ac mihi quidem uidetur id præstitisse ANTONIVS  
 MVSÆA, medicus Ferrariensis doctissimus, tãta profectò  
 felicitate, ut non minori admiratione à nobis legi possit,  
 quàm olim à GALENO reliquisq; Græcis medicis cele-  
 bratus fuit antiquissimus ille medicus ANTONIVS  
 MVSÆA, ut certissima cõiectura ob studiorũ animorumq;  
 similitudinem, hunc ab illo emanasse existimandum sit.  
 Nam si huius uiri & aliorum qui in eodem serè argumẽ-  
 to uersati sunt, monumenta cõparare inter se libeat, illos  
 pauca sparsim, nulloq; sepe ordine: hunc plurima, eaq;  
 certo, antiquo, & iucundo scribendi genere tradidisse cõpe-  
 ricimus: ut si propter utilitatẽ alios legimus, amamusq;  
 hũc iam uenerari & in sinu gestare oporteat. Et meher-  
 cle multis alijs nominibus laudandus est. Etenim alij non  
 omnes ex æquo, sed Germani Germanos, Galli Gallos, ac

tandem unusquisque suos potissimum iuuare studuit: hic omnibus prodesse uoluit, ad omnesq; nationes sua transferre laborauit, ut ita ab omnibus uehementer amari debeat. Alij præterea ita doctè scripserunt, ut à solis doctis legantur: alij ineptè, ut nulla uoluptate lectoris adiciat. Huc etsi rem cū idiotis tractaret, tamen orationē ita temperauit, ut ab eruditis, quoniā eruditus, & à paulo rudioribus, propterea quòd à populari facilioreq; stylo omniā non reccedit, cum utilitate & iucunditate legi queat: ut posthac neminē esse putē tā male in antiquos autores animatū, qui huius uiri lectione oblectatus, tandē nō resipiscat, cupiatq; in bonis studijs uersari: neminem tam doctum qui illius conatus uehementer non approbet, fateaturq; se multū cū eo profecisse. Quapropter cū superiore mense Lugdunum ab Vrbe uincū huius præstantissimi operis exemplar delatū fuisset, utilitate eius maxima inspecta, nō passi sumus ut eo alij diu carerent. Itaq; imprimendū curauimus, tibiq; ALPHONSE Reuerēdiſſ. dedicandū esse duximus, dignū esse rati, ut quemadmodum in Italia auspicijs illustrisſ. principis tui Ducis Ferrariensis autor primam editionē fecit, ita tuo fauore in uniuersam nostrā Galliam, Germaniam, aliasq; omnes gētes quæ ab huiusmodi literarū studijs nō abhorret, prodiret. Accessit quòd te harum rerū maxime studiosum cognosco: ut quoniam etiā noui Archiepiscopi nostri uicē geris, hac ratione fieret, ut opus hoc apud omnes hosq; præsertim generosiſſimos comites nostros qui omni disciplinarū genere summo opere delectantur fauentq; literatis omnibus, maiorem gratiam & autoritatē cōsequeretur. Vale, nosq; dilige. Lugduni 111. Idus Ianuarij. 1557.

# Ad Illustriss. &

SERENISS. PRINCIPES

HERCVLEM ESTENSEM, & RENATAM

GALLAM Ferrariæ duces, ANTONII MVSÆ

BRASAVOLI in Examen Simplicium

medicamentorum Epistola

nuncupatoria.



LEGITVR, Serenissimi  
Principes, Socratem summū  
illum sapientē Platonis præ  
ceptorem, qui nunquā Athe  
nis nisi pro patria pugnatu  
rus discessit, eius discipulos  
ad speculū mittere solere, hortariq; ut sese pressius  
intuerentur: qui si bonis corporis, id est, pulchritu  
dine exornatos conspexerint, animā pulcherrimis  
virtutibus exornare conarentur. Quibus autē cor  
poris liniamēta diminuta, oborta, mutilaq; essent,  
extimularentur, excitarenturq; quod natura mu  
tilum fecit, industria, & solitudine exæquare, &  
in melius augere, eorū animā copiosissimis, unā &

## EPISTOLA

perfectissimis uirtutibus ornantes. Nos, Illustriss.  
 principes, per Socraticum speculum, non materia-  
 le, aut chalybeum intelligimus, sed speculū quoddā  
 mysticè, & philosophicis inuolucris designatum.  
 Quippe Socrates, eius discipulos animi mores,  
 actionesq; contēplari iubebat, quæ si proprijs li-  
 neamētis respondeāt, et uiuidè in eorū animis inser-  
 ta sint, totis uiribus perseuerare conētur, & in dies  
 melioribus optima addētes exaugere. Si è cōtrario  
 prauis moribus, et quasi ferinis se ipsos imbutos in-  
 tueātur, pudeat his maculis deturpari: sed ueris, &  
 exquisitis animæ bonis indui tentēt, nec desistant,  
 priusquā ineptis moribus depositis, ueri præcipui,  
 & quodāmodo diuini egregie introducti sint. Hæc  
 præfatus sum, Illustrissimi Principes, ne assentan-  
 di, palpandiq; uitio argui possim, si nonnihil uestra-  
 rum laudum, & probatorum morum enarrare inci-  
 piam. Nam uos potius tanquā in Socratico speculo  
 uobisipsis commonstrare tētabimus, ut quibus, qua-  
 libusue præstātissimis uirtutibus insigniti sitis agno-  
 scentes, in eisdem perseuerare conemini, & in dies  
 exaugere. Sed alicui fortè stilus noster humilis ni-  
 miū, & penè depressus uidebitur, ineptusq; ad tan-  
 torum principum laudes enumerandas. Huic statim  
 respon

## N V N C V P A T O R I A .

respondebimus: sat nobis esse hac tenui, & serpente uena, Illustrissimos hos principes sibi ipsis ueluti in Socratico speculo ostendere, quantū præsertim nūcupatoria Epistola exigit, aliās ubertim de ipsis (ut dignū est) tractaturis. Viros, è bonis potissimū laudauit antiquitas, quorū tria genera apud probatissimos philosophos inueniuntur, naturæ, fortunæ, & animæ. Naturæ bona corporis pulchritudinem amplectuntur, mēbrorum symmetriam, concinnam totius, suo ordine respondentem compositionē, robur immensum: quæ à Stoicis μέγα uocantur, & ignauissimis quibusque contingere possunt, ad humanam perfectionem felicitatemq; indifferentia, nullus, ex his culpa, uel laude dignus est. Sed rerū effectrix natura, Seneca etiā omniū moralissimo, & penè in uirtutibus tetrico, admonente, Egregiā mentē sub quauis etiā pelle, & cute latere. Cui nec illud Virgiliū aduersatur, Gratiōr est pulchro ueniens in corpore uirtus. Nec poëtarū mores, qui quū uiros aliquos uirtutibus præstantes adumbrāt, pulcherrima forma, & uenustissimos pingunt: ineptos uero & mendaces, turpi & indecora. Verum enim uero, et si hoc naturæ bonū sit, in quo ipsamet potius laude digna est, tamen ad felicitatē humanā

## E P I S T O L A

*mire adiuuat: philosophorum omnium sapientissimo in Ethicis dicente, Eum omnino felicem non esse, qui turpis sit forma, & careat prole. Ad Christianam uero felicitatem, & uerè philosophicam, pulchritudo nihil facit, sed inter externa bona numeranda, quæ nec meliorem aut insigniorem hominem reddunt: quauis, Gravior sit pulchro ueniens in corpore uirtus. In hoc autem bono potissimum naturæ debetis, quæ uos, & pulcherrimos effecit, & pulcherrimis natis ANNA, & ALPHONSO decorauit: Fortunæ bona diuitiæ sunt, quæ & ipse hominem meliorem non faciunt: sed cuique etiâ scelestissimo contingere possunt, quauis eorum usus ad uirtutum culmina progredi adiuuet, atq; dirigat. Quid enim in se egregij habet, quod in infunda scelera cogit: in furta: homicidia: auaritiæ: bella: nisi eorum usus temperatissimus sit. In hoc etiam fortuna ipsa encomio extollenda, quæ uos principes fecerit, antequam nati essetis, diuitiores, quam in tota Italia regnaret. Ex hoc autem uos Illustriss. principes laude digni estis, quod his diuitijs perpulchre utimini, bonis, honestisq; uiris impartiendo, ut nullus indonatus à uobis recedat. Magnus ego sum testis, quem ( alijs pluribus omis) nuper amplo prædio donaueritis. Testes sunt*

## N V N C V P A T O R I A .

*sunt omnes alij domestici, quorum neminem absque munere inuenire licet. Imò quis ex Ferrariensi populo etiam abiectissimus, Mutinensi, & Regiensi, HERCVLIS illustrissimi Ducis Ferrariæ hoc nomine secūdi immunitatibus non gaudet? Vt hinc colligere liceat, diuitias Herculem non perficere, sed ipsum ad sui perfectionem, & virtutis cumulū diuitijs uti. Quibus, cur, quomodo, quando conuenit, elargiens, hoc est in ipso principe egregiū, non quod diues sit, quod omnes Italiæ principes non æquet quidē, sed longe superet gemmis, auro, urbibus, campis, mari. Potissimū uero laude digna sunt, & encomio decantanda hæc duo fulgentia Italiæ lumina, & lucidi soles HERCVLES & RENATA, ex tertio bonorū genere: hæc uera bona sunt, & unicuique propria, & peculiaria, non à natura, uel fortuna tributa, sed à nobis ipsis acquisita primo omniū motore adiuuante & ostendēte. Quæ animæ bona nuncupantur, hæc non sunt, pulchritudo, aut membrorū Symmetria, non corporis dexteritas, non agilitas, non diuitiæ, non latæ urbes, maria, & montes, quæ à nobis ample possidētur, non genus Estense, aut Gallum, non genitores bellicæ rei egregij LVDOVICVS duodecimus Gallia-*



## EPISTOLA

rum Rex, & ALPHONSVS tertius Ferrariæ  
 dux: sed ea sunt animi bona, quæ uos beatos, & in  
 hoc statu, & in futuro reddent. Hæc ea sunt bona,  
 quibus procures, & antiquissimi heroës iere, hæc  
 quibus Christianissimi, & qui de fide bene meriti  
 sunt, incessere. Fides in primis, quæ decus est, &  
 animi ornamentū, adeò in uobis splendet, ut pro fi  
 dei specimine HERCVLES & RENATA  
 adducantur. De prudētia, Magnanimitate, fortitu  
 dine, munificētia, tēperātia, charitate quid referā?  
 quū plura passim nota sint, quā ego referre pos  
 sim? nullus enim tam obliuiosus qui non meminerit,  
 nullus tam uecors qui non nouerit, nullus tam inci  
 uilis, qui dissimulare possit. Iustitiā quoq; transige  
 re decreui quum & ipsimet Rei, & crimine aliquo  
 correpti iustissimos principes esse fateātur, & præ  
 dicent. De liberalitate autē quid opus est referre,  
 quum nullus sit qui ab illustrissimo HERCVLE  
 & serenissima RENATA indonatus, aut suis uo  
 tis (modo honesta sint) inexpeditus recedat. Hæc  
 sunt uera bona, quibus laudandi, quibus extollēdi,  
 quibus in cœlū rapiēdi principes, quibus uita peren  
 ni uiuere datur: felices arbitror, & terq; quaterq;  
 beatos nostros ciues, quoties mihi in mentē ueniūt  
 hi pro

## N V N C V P A T O R I A .

hi proceres à summo rerū opifice in hoc calamitatibus pleno æuo donatos, ut initiū sint remittendi aduersa, populos in rectā uiam dirigendi. Hoc est Socraticū speculū, Excellentiss. principes, se ipsum sibi ipsi qualis sit, ostendere. Vobis autē uos ipsos commonstrauī, qui principis exquisitissimi exēplaria estis, ut continuo perseueretis, & in dies exaugeatis: quanquam ad uirtutū uestrarū cumulū nihil addi possit. Ne autē uidear potius assentandi gratia, quā uera narrandi præfari, his sinē faciemus, ad præcipuū huius Epistolæ institutū accedentes. Superioribus mensibus omnia simplicia medicamēta, quorū in officinis usus est, Ferrariæ, nostra trutina, qualiscunq; sit, per censere cœpimus Illustrissimo genitore tuo suadēte, fauente, & exorāte, imò & qui plerunque uarios apud pharmacopolas errores audire & uidere delectabatur, propterea hunc libellū, eius excellentiæ inscribere atque dicare institueramus, sed inopina morte præuentus est, & nobis ferè clanculū subreptus. Tu mox Illustrissime Princeps, & patrone serenissime, totius ditionis, & imperij, & omnium bonorū hæres euasisti. Vnde et huius libelli, sicut cæterorū aliorū bonorū hæres esto, quem tibi inscribimus, tibi dicamus,

## EPISTOLA

atque deuouemus. Vt excellentiæ tuæ aura fretus, ubique aperta fronte incedere possit, & co tutius euagari, quo illustriss. RENATAM fauricem naëtus erit. Iamq; huic nuncupatoriæ epistolæ extremā manū imposuissē, nisi ea in mentē uenissent quæ superioribus diebus de citris, Adami pomis, narantijs, ita à nobis appellatis, ab excellentia tua quærebantur, An apud antiquos inuenirentur, & quomodo à profunda hyeme seruari possent. Quippe hoc anno frigoris inclementia omnes ferè huius generis arbores periere, quæ in amœnissima Padana insula Beluidere nuncupata, Alcinoi & Hesperidū hortos delitijs excedente, uirebant. Nunc tuæ illustrissimæ excellentiæ satisfactū iri statuimus: quanquā superioribus annis ad illustrissimū & reuerēdisimū fratrem HIPPOLYTVM Mediolani archiepiscopū unam & alterā Epistolā supra hoc negotiū scripserimus. At nōnulla in tuæ excellentiæ gratiā repetere non grauabimur. Primo autem communis omnium error menti occurrit, eorum præsertim qui sacras literas interpretantur, ex hac arbore ligna cedrina putantium: quibus Salomon Hierusalem templum strui præcepit. Et de hac etiā id intelligunt, quod in libris Regū scriptū

repe

## N V N C V P A T O R I A .

reperitur, Salomonem à Cedro Libani usque ad hyssopum parietis differuisse, id est à præstantissima & maxime omnium arborum procera, ad infimam, humilem, & imbecillem plantam differuisse. Legimus præterea cedrinas mensas apud antiquiores ingenti pretio emptas: uelut Ciceroniana mēsa, cuius decimoquinto capite decimiterij uoluminis Plinius & antiquiores meminere. Additq; in Anchorano monte citerioris Mauritaniae ingenuissimas altissimasq; enasci, Theophrasti autoritate fretus. Passim deinde à poëtis incorruptibile materiā esse decantatur, & cedrino unguēto, oleūe inunctas chartas perpetuo durare, ut poëtæ carmina digna cedro. id est perpetuò superesse dicantur, quæ summam apicem artis gestiente natura attigere. Nunc uero præscriptam arborem à uulgari citro alteram esse ostendamus. Principio sit nobis Dioscoridis sententia telū & aculeatus ensis primo rei herbariæ uolumine in hunc modum inquiringis: Cedrus de magnis arboribus est, fructū fert ut Iuniperus, myrti magnitudine rotūdum. Quibus indicijs manifestissimum est alteram esse arborem cedrum in illustrissimi principis nostri delicijs receptam, neq; enim inter maiores arbores numerare oportet

## EPISTOLA

quum sit ferè arbuscularum pomilio, fructus quoq;  
 myrti magnitudinem longius excedit. Liceat præ-  
 terea Plinij uerbis præmonstrato loco aures admo-  
 uere: Sunt autē, inquit, cupresso fœminæ etiamnū  
 syluestris similes, folio, odore, caudice. Quod aper-  
 tiſſime Theophrastus uel hoc indicio manifestat,  
 nusquam de cedro loquutus, quin cupresso, iunipe-  
 ro, altioribus uel arbusculis propinqua sit. Imò &  
 tertio de plantarum historia uolumine inquit, Est  
 iunipero non absimilis, sed folio maxime distat.  
 Quippe cedro durum, acutū, spinosumq; iunipero  
 mollius. Additq; fructum iunipero similem. Ex his  
 quantū antiquior illa cedrus ab hac nostra uulgari  
 dissentiat, cuiq; etiam mediocriter erudito manife-  
 stum esse arbitramur. Ex antiquiori etiā mēſas, de  
 lubra, naues factas esse Plinius & Theophrastus  
 prodidere. Antiquam cedrum aliàs, nunc uulgarem  
 prosequamur. At unum in primis submonere insti-  
 tuimus, nominibus etiam in autorum communi usu  
 differre. Quippe illam ex qua naues, & templa, ce-  
 drum: nostram uero, citrū, atq; citriam apud Græ-  
 cos appellatā legimus. Quin & Dion in Neronis  
 uita non citreas, sed cedrinas mēſas nūcupare ma-  
 luit. Quod adiectiuum in sacris literis frequentius  
 animad

## N V N C V P A T O R I A .

animaduertimus. Quanquã nullo modo dissimulan-  
 dum sit Phaniam Eressium quinto de plantis libro  
 Cedrũ appellasse, atq; malum cedriũ: pro eo quod  
 nos citrum uocamus, & citriũ. Præstat igitur anti-  
 quum nomen exarare: quo fuit diu hæc arbor insi-  
 gnita. Legitur apud Theophrastũ quinto plantarũ  
 uolumine sub mali medicæ, aut persicæ titulo,  
 quã in hunc ferè modũ pingit: folium habet simile,  
 & penè æquale portulacæ, aculeos, quales pirus,  
 aut spina acuta, sed leues acutosq; uehementer, &  
 ualidos: pomũ eius non manditur, sed odore præcel-  
 lit: necnon & foliũ arboris odoratissimũ est, & si  
 inter uestes pomum ponatur, inoffensa conseruat.  
 Vitale & cum medicinã mortiferã quis biberit, &  
 ad oris suauẽ olentiã: quippe si quis interna pomi in  
 iure aut aliquo humore concocta in os expresserit,  
 digesseritq;, suauem haliũ reddet: fert poma omni-  
 bus horis, alijs decidentibus, alijs subnascentibus,  
 alijs maturescentibus. Quæ nostræ arboris imagi-  
 nem representant. Ambiges uero, dictũ esse pomũ  
 eius non madi: sed ambiguitas cesset. Quippe Theo-  
 phrasti & Plinij tempore nondũ mandebatur, sed  
 tantũ odore commendabãt. Athenæus etiã autor  
 est, neminẽ ex antiquis gustasse. Mox post Palla-

## EPISTOLA

dij tēpora cœpit mire in conuiujs, ac ganeam atq;  
 gulæ irritamenta in saporēs, ac per seipsum expe-  
 ti, ut nulla uideatur elegans, aut saliaris cœna, qua  
 citrū desideremus. Lubeat deinde Dioscoridi aurē  
 accommodare hāc arborem mirum in modum uer-  
 bis effingēti, Nota sunt Medica quæ alij cedrome-  
 la, alij persica, Romani citria appellāt. Arbor hęc  
 omnibus horis pomifera est, ita ut antecedentē fru-  
 ctum subnascens identidem occupet nouus. Pomū  
 ipsum oblongum, caperatumq; rugis, colore in aurū  
 inclinato, suauī odore, alioqui graui. Semen habet  
 piro simile. Contra uenenū in uino bibuntur. Aluū  
 laxant: oris halitum & suauitatem commendant.  
 In uestiarijs condita uidentur arcere animalium no-  
 xas. His quoq; Plinius grauis autor assentit, in hūc  
 ferē modū, tertio duodecimi uoluminis capite scri-  
 bens: Malus Aſſyria, quam alij uocant Medicam,  
 uenenis medetur: folium eius est unedonis interue-  
 nientibus spinis. Pomum eius aliās non manditur,  
 odore præcellit, foliorū quoque, qui transit in ue-  
 stes unā conditus, arceatq; animalium noxia. Arbor  
 ipsa omnibus horis pomifera est, alijs cadentibus,  
 alijs matureſcentibus, alijs uerō subnascētibus. hęc  
 est, cuius grana Parthorū procures incoquere dixi-

## N V N C V P A T O R I A .

mus esculentis, cōmendandi halitus gratia. Ex his quisque etiam ineptus, arborē, quam citrum appellamus, ab his autoribus adumbratā intueri potest. Eiusdem generis omnino sunt, quæ limonia, Adami poma, aut rancida nunc uulgò dicuntur. Quæ Rantia dicuntur, Hermolao teste, quasi raudia, à colore æris, id est, fulua: uel à Neratio inuentore, Neratia dici potuere, nisi quis uelit Araniū quasi Ariam, id est, persicum à gente appellatum. Est enim Aria, ut inquit Hellanicus, Persica quædam regio. Quid item si malum Arantium ab Arantia oppido Achaia, Iuba autor est, Hesperida, & malū hespericum nuncupari, placetq; Hercule in Græciā trāsportasse, & malum aureum esse uocatū. Cuius in pastoritia contentione Virgilius meminit, Aurea mala decem misi, cras altera mittam. Quāuis Pausania non aureum malū, sed Hesperidum ab Hercule primum in Græciā transportatum dixerit. Aristophanes etiā Grāmaticus oximala persica uocari prodidit. Galenus quoque pomum ipsum non medicum, sed citrinum appellatū uoluit. Quanquam sit apud Theophrastū, sub medicæ mali dictione repertum. Græci quidam fabularum inuentores, nuptiale pomum esse putauerunt, à Tellure editum fa-



## E P I S T O L A

bulantes, nunciato Iouis, & Iunonis connubio. Superest illustrissime princeps antiquissimam curam in plantando, & diligentiam in seruando edocere. Propagine ac seminibus ortum ducit. Semina, inquit Theophrastus quarto plantarum historiae libro, detracta Vere, terris seruntur diligentissime cultis. Rigantur deinde quarto, aut quinto die: quæ autem maiuscula fuerint, transferuntur Vere iterum ad molle, riguumque solû, nec ualde tenue, tale enim desiderat, opusque est pingui aqua, marcida ue irrigari, non admodum frigida, qua etiã equorum stercore ora triduo macerata sint. Additque seri fictilibus in uasis perforatis. Prosunt, & columbinæ sordes eadem aqua maceratæ. Quum hæ arbores in iustâ molem creuere, flores pariunt, qui an spes sint futuri partus, Theophrastus primo plantarum libro his indicijs ostendit: Inter flores, inquit, mali Medicæ, qui ueluti colum quandam, erectam in medio habeant, fœcundos hos fore affirmant: qui uero non habeant, hos fore infœcundos. Quod iterum uolumine quarto animaduertisse testatus est. Vnum uero submonendum arbitramur, si hyemis inclemētia in Ferrariēsis hortis flores, aut subnascētia poma defuerint, causamque Theophrasto primo

## N V N C V P A T O R I A .

primo de plantarum causis assignari. Quippe placidum aërem expetunt, medioq; conflatum tempore, quo scilicet germinatio, & fructificatio assidue factitari potest. Nec illud posthabere dignum est, illa esse fecunda semina, quæ in colo quadam prorumpant. Hic unus est nascendi modus. Nonnulli ramusculum ut subnascencia uirgulta radicibus euellunt: ac intorquēt Vere in molle solum, udum, & pingue magis, quàm gracile plantantes: quarto etiam aut quinto die prædictis aquis irrigant. Alij ramos non ab arbore euulsos, sed adhuc illi infixos, fictili uase, testaceo, aut cucurbiteo uertice pingui terra pleno circundant, quod radices emitat, proinde ab arbore diuellitur, transplantaturq; dato radicibus spiramento. Sæpius integras arbores è longinquis partibus transferre excogitauimus, ut antiquiori tempore ex Persia & Media euehebantur. Nunc triuialis est ferè arbor: pluribus horum pomorum generibus Citreta Liguriæ, Campaniæ, Apuliæ, Benaco lacu, & tota ferè Italia, præsertim uero calidioribus locis felicius germinant, & quamcunque imaginem topiario opere reddunt. Nos Genuæ, & Sauonæ atria, Cubicula, Papiliones topiario opere ex his arboribus fictos

## EPISTOLA

uidimus, quum excellētia tua Anno à CHRISTI  
 ortu M. D. XXVIII. Galliam peteret. Sed  
 qua arte sine ullo discrimine transferri possint, Pli-  
 nius tertio, duodecimi uoluminis capite ostendit:  
 Tentauere, inquit, gētes trāsferre ad se propter re-  
 mediꝝ præstantiam fictilibus in uasis, dato per ca-  
 uernas radicibus spiramento: qualiter omnia trāsi-  
 tura longius feri arctissime, transferriq; meminisse  
 conueniet, ut semel quæque dicantur. Necnon  
 eiusmodi arbores antiquitus inferebantur, quorum  
 fructus Citromela nonnulli appellarunt. Denique  
 huius arboris morbos, & remedia opus esset affer-  
 re, nisi satis superq; in nostra arborum medicina  
 ostenderimus, Tamen illud unū admonere non gra-  
 uabimur, corticis ablationem esse huic arbori mor-  
 tale nocumentum, hyeme præsertim. Tunc opem  
 ferre, noua cera, resina ue obstructo uulnere de-  
 cet, ne frigus intima arboris medullam ingressum  
 perimat. Hyeme uero à temporis inclementia ser-  
 uantur, si in fictilibus plantatae sint hae arbores,  
 & in clausum locum portentur, in quo aër natura  
 uel arte temperatus sit. Arte autem si propè cali-  
 darium fabricetur. At si communi solo plantatae  
 sint, tugurio cannitio, aut ex milij nigri culmini-  
 bus spa

# N V N C V P A T O R I A .

*bus spatio unius pedis ab arbore , circundentur.  
Mox equinum finum ad medium usque tugurij ex-  
terius circumponatur . Hæc sunt Illustrissime Pa-  
trone, quæ ex antiquorum uoluminibus de hac ar-  
bore tuæ excellentiæ gratissima delineare ualui-  
mus: quibus iam esset finis additus, nisi hoc unum  
in mentem accessisset, Lacedæmonios, Aristopha-  
ne Grammatico autore, Deos hac arbore coro-  
nare solitos. Vale Illustrissime Princeps,*

*Et totius Italiæ Decus eximium,*

*Et nostrum hoc Munuscu-*

*lum, ut cætera alia,*

*hilari fronte*

*sumas,*

*quod hæredita*

*rio iure tibi debetur.*

IN LIBRVM EXIMII PHI-  
losophi ac Physici ANTONII MVSÆ Bra-  
sauoli Francisci Bouij Ferrariensis  
Epigramma.

*Simplicia Examen subeunt Medicamina cuncta  
Libro hoc: flos, radix, fructus, & herba potēs.  
Lignum, Poma, Nuces, Oleū, Sal, Gēma, Metallū,  
Mel, Liquor hic, Succī, pharmaca quæq; patēt.  
Mille notæ occurrunt, rerumq; uocabula mille  
Hic, quibus haud dubiè singula nosse datur.  
ANTONI MVSÆ gaudent præsētia, quantum  
Prisca Dioscoridis nomine secla sui.  
Perlegat hunc Medica quisquis desudat in arte:  
Verset & assidua Pharmacopola manu.*

# Examen omnium

Simplicium medicamentorum, quibus Ferrarienses pharmacopolæ in suis officinis utuntur, ANTONIO MUSA BRASAVOLO Medico Ferrariense autore.

BRASAVOLVS, SENEX PHARMACOPOLA, HERBARIVS.



VORSVM optime BRASAVOLVS. mi uiri per has Alpes inhospitas, & inaccessas, & per tam horridos recessus, qui uix timidis capreolis, & leuibus damis, ac dorcadibus aditum præstant? HERBARIVS. Quorsum pedibus ducimur. BRASAVOLVS. Nos capite ducimur, pedibus autem ambulamus. SENEX. Mihi uideris æquè ut nos pedibus incedere, & capite aërem secare. BRA. Ita incedimus, quoniam pennis caremus. Sed, ô optime senex, Mens est quæ nos ducit, & quæ huc uel illuc pedes ambulare iubet, ipsi autem ueluti famuli pa-

rent. Bruta alioqui pedibus, non mente, nec ratione quorsum impetus rapit, trahuntur. Sed ne silentio præcreatis, obsecro cur hos montes ascendatis. HER. Herbatum uenimus, ut uirentes herbas ac radices nostris manibus euelleremus, quæ ad nos adeò sicca feruntur, ut uix integrum folium, aut tenuis cauliculus cerni possit. BRA. Optimè consulistis: uerum, cuiates estis? HER. Mundani. BRA. Hoc non me latebat. HER. Cur latere non potuit? adeò alta montium iuga conscendimus, ut mundum superasse uideamur. BRA. Non ab re dubitabas: sed qua patria ortum ducitis? HER. Qua optimè esse cōtingit. nam, Vbi bonum, ibi patria: ut uulgato adagio fertur. BRA. Deniq; uos capiam: qua mundi parte orti estis? HER. Nos absq; retibus aut pedicis non capies: Occidentales autem sumus. BRA. Sed iocari desinamus: qua urbe nati estis? SE. Ferrarienses sumus, nostram effigiem ignoras: tamen simul millies uersati sumus. BRA. O dii immortales, demum uos agnoui, iam diu mihi necessarios, quantum exterior uestium habitus effigiem mutat. Herbarium uerò primo intuitu agnouissem, nisi barbam illam promissam abscidisset, etsi cinericio bardacucullo circūdetur. Immortali deo gratias ago, qui in his inuijs montium cacuminibus adeò beneuolos uiros coniunxit, & eò maxime, quòd eodem proposito duccimur. Obsecro uos, per Apollinem & Aesculapium, ut me in uestrum sodalitium recipiatis, quippe ero fecundus comes in uia, nec pigebit laboris, quamuis ardua montium penetralia superetis. SE. Quid iucundius accidere potuit, quam adeò familiarem uirum inuenire, & uia & euellen

euellendarum herbarum comitem? ubi potius urfos, uo-  
racesq; lupos inuenire putabamus. HER. Sol prope  
meridiem est, & solis radij adeo calent, ut in proximam  
illam planiciem secedendum sit, & in certa illius specus  
umbra prandendū, dum cicadæ resonant: inclinante enim  
sole tot radices euellam, quod non uidebor diem & ope-  
ram luisse. BRA. Meridiano æstu ingentes destillatio-  
nes, capitis dolores fieri solent, ideo huius arboris incerta  
umbra derelicta, Herbarij consilium sequamur. SEN.  
Tu ergo Herbarie onere deposito mappam supra uiren-  
tes illas herbas & humiles sternito, pernamq; & tucetū  
in ligneum orbem ponito, & cantharum generoso uino  
plenum deobturato: hæc sunt, quæ in hac syluestri soli-  
tudine Antonio Musæ præstare possumus. BRA. Hæc  
principi inter montium iuga equitanti satis essent. Ego  
pane, uinoq; etiam dilutissimo, & maxima uisendarum  
herbarum appetentia contentus sum. Antiquitas her-  
bis, & glandibus diu uiscebatur, dum homines sincera  
fide, & probis moribus uiuebant. Mox (prô pudor) ga-  
nea, tot uaria, in saporibus coquendi modis, uariarum re-  
rum permixtione, cibaria adinuenit, ut nullus sit modus,  
nullus finis edulij, quæ infinitos morbos pariunt, & ple-  
runque in mortem inopinam perducunt. SENEX.  
Quid ad nos si alij ægrotent? Ego pharmacis, tu me-  
dendo lucraris. BRASA. Quantum in me sit, Deum  
optimum oro, neminem unquam ægrotare: quum uerò id  
fieri non possit, ægros aliquot mihi cōtingere opto, ut ex  
mea arte honestum uictū, & uestitū habere possim. At  
si nullus unquam ægrotaret, nō sum adeo stupidi ingenij,



quin statim artem aliquam mihi comparare sciuerim, ne uitam per inertiam transigerem. HERBA. Omnia in promptu sunt, in hac uirenti herba sedere. SENE X. Tucetum hac parte rancidum est, illa uerò optimum. HER. Nec deest sua laus perne. BRA. Vinū generose respōdet. Verū, ô Herbarie, quæ nā herba illa est, quæ apud cantharum uiret? HER. Apud omnes notissima, eā

Rhaponticum, ignoras? Reuponticum appellatur, cuius radix adeò præstat, ut eius duplum pondus Reubarbarum æquet. BRA. O mirus Recentiorum error, & mira pharmacopolarū ignauia, per tot secula in hac herba decepti sunt, & nūc decipiuntur, tamen addiscere nolunt, & si res ipsa præ oculis adducatur, ueritatem agnoscunt, sed maligno quodam animo uerum abnegant, potiusq; in sua illa ceruicosa ignorantia perscuerare uolunt, quam uerum agnoscescere. HER. Id fortè nostra gratia dictum cupis: apud me certum est herbam illam Reuponticum esse, ut ab ineunte etate à summo quodā herbario didici. SE. Nec ego aliud Reuponticum uidi, quàm simile: tu fortassis uis nobis ostendere, panem non esse panem, aut uinum non uinum. Ego ita Reuponticum nosco, ut tu hoc uitrum, uitrum esse putas: nunc autem quidam iuniores insurgunt, qui potius libidine gloriolæ, quam ueri sciētia, optimos libros reprehendere conantur, nec uerentur, nostrum Euangelistam, id est, diuinum Messem, execrari, Pandectas reprehendere, Auicennam taxare, Serapionē demoliri, & Auerroim exhibilare: non desunt nobis luminaria, sed hi conātur extinguere. BRA. Obsecro te optime pater, ne ira conciteris, sed blandis uerbis rem tra-

ctemus

stemus, & mites aures præsta. s e. Nunquam potero in  
 Mesuem, aut alterum Arabem cōuicia audire. B R A. Et  
 quis adeò audax hos præstantissimos uiros uellicare co=  
 nabitur? s e. Tuus Leoniceus, Manardus, & nescio qui  
 recentiores. B R A. Deciperis optime senex: nam Leoni=  
 ceus, & Manardus, si aliquot Arabum errores detexerint,  
 modeste loquuntur. Recentes autem illi potius culpa  
 digni sunt, quum execrantur, quàm laude, erant demon=  
 strandi errores, non conuicijs laceffendi autores. s e. De  
 Mesue quid sentis? B R A. Quid aliud quàm optimum  
 uirum, qui omnia Deo duce scripserit, & posteris iuuan=  
 dis multum insudauerit. s e. Quid de Auicenna? B R A.  
 Non quidem principem medicorum (ut recentes puta=  
 runt) sed Cordubæ. At summum philosophum, qui multa  
 uiderit, ac perlegerit, quanquam eius uolumina multis  
 erroribus scateant. s e. Quid de alijs Arabibus? B R A.  
 Id quod Plinius testatur: Nullus liber tam malus quin ali=  
 qua ex parte profit. Ego omnibus rei medicæ candidatis  
 suaderem, ut in primis, Græcis perlectis, Arabes quan=  
 doq; gustarent, quos aliqua ex parte prodesse, non dubi=  
 tamus. Vnde consilium id non modo non probo, sed ual=  
 de improbo, quo nonnulli Arabes penitus abolendos sua=  
 dent: nos uero potius corrigendos iudicamus, ubi mendæ  
 aliquæ appareant. s e. Si omnes tuam sententiam ample=  
 cterentur, nulla esset inter Arabum, & Græcorum secta=  
 tores controuersia. B R A. Non laudamus Arabum se=  
 ctatores, sed omnes Græcos imitari hortamur, Arabibus  
 non spretis. Ad tēpora incidimus, quibus Græcis maledi=  
 cunt, nec ipsos dignantur suo nomine appellare, quod in

Arabes non  
 omnino reiici=  
 endi,

bonis literis tyrannidem quandam peperit. Hippocratem igitur, Oribasium, Galenum, Paulum, Aëtiumq; admiremur: sed nec Serapionem, Rhasim, Auicennam, Auerroem. Mesuem omittamus, nisi ubi inextricabiles nodi inciderint, & nonnullæ in rebus ipsis lituræ. SENE. Sunt ne aliqui iuniores Ferrariæ, inter eos qui recenter doctores creati sunt, ad id nauandum commodi, ac prompti? BRAS. Equidem sunt: Hippolytus Guarnacius, Franciscus Brusantinus, Maurelius Sanctus, & Ioannes Leo Vercellensis. Hi quandoq; & breui, nostræ patriæ splendentia lumina euadent, qui Græcos autores summè obseruant, nec Arabum recte dicta cōtemnunt. Vt enim propriam animam rectis & Christianis moribus exornarunt, ita ab omni maledicentia immunem fecerunt. SEN. Ad rem ipsam sermo uertatur: Herbarie, asser Reuponticum. HERB. En, nec unà deest radicis fibra. SEN. Hoc igitur Reuponticum esse ambigis? BRAS. Imò non esse certus sum. SEN. Sum ne tam grande uis sententiam mutaturus? BRAS. Eia pater, quacumq; ætate discendum, statim autem te assensurum non dubitamus, si benignas aures præstare uolueris. SEN. Amor erga te meus, aures præstare cogit. Id igitur non esse Reuponticum ostende. BRAS. Apertissime ostendam, modò antiquioribus autoribus fidem adhibere statuas. SEN. Quos antiquos appellas? Pandeſtarius mecum attuli, quem omnia ad unguem scripſisse arbitror. BRA. His igitur autoribus fidem præstabis, qui à Pandeſtario in testimonium adducuntur? HERB. Aliter fieri non potest. BRA. En igitur, Pandeſtarius Dioscoridis teſtimo

stimonio utitur, eo capite, quo de Rheon, uel Rha, à Ro= Rheon, uel  
 manis Rha ponticum appellatum tractat (non enim Rha,  
 Reuponticum, uel Reubarbarum, ut uos passim dicitis:  
 sed, Rha ponticum, & Rha barbarum proferre oportet: uerum uocabulis uestris uti non impediam.) Tamen  
 idem Pandectarius per Rhaponticum id intelligit, quo  
 passim in officinis utimini, cui magna recentiorum pars  
 consentit. At si tibi apertis oculis, hoc non esse Diosco-  
 ridis Rhaponticum ostendam, nonne dices non solum  
 non esse Rhaponticum, sed longe Pandectarium halu-  
 cinatum esse? SEN. Alij adhuc suberunt scrupuli, nunc  
 istud demonstrare pergas. BRASA. Dioscoridi aures Lib. 3. cap. 1  
 presta: hanc radicem, quæ Rhaponticum dicitur, esse  
 sine odore, esse fungosam, & sine pondere, & habere gu-  
 stum glutinosum dicenti. Olficias igitur ipsam radicem,  
 optime senex. SENEX. Iam olfacio. BRASAVOL.  
 Caretne odore? SENEX. Minime: sed grauem ha-  
 bet, fortè intelligit, non habere odorem, scilicet bonum.  
 BRASAVOL. Hoc potius est sine ratione fugere: quo-  
 niam Dioscorides hoc uocabulo, odor, tanquam medio  
 utitur, cui bonum, aut malum, suaue, aut insuaue con-  
 iungit. Quum igitur sine odore scripsit, quod sua lin-  
 gua ῥαποντικόν dicit, odore carere penitus censet. Sed  
 aliud consideremus, χαλκον sit, & ὑπόκιστος, fun-  
 gosa & sine pondere. SENEX. Equidem fungosa non  
 est, sed potius densa, ut inde grauis efficiatur. BRAS.  
 Nec gustum prætereamus, quem glutinosum censet. Gu-  
 sta, mihi nullum glutinum in lingua parit. SEN. Nec

Rhabarbarum.

mihi. B R A . In alijs si quodammodo huic nostro Rha-  
 pontico conuenire uideatur , in multis dissentire certum  
 est. S E . Hoc adeò manifeste percepi, ut is cæcus sit,  
 qui non uideat. Nunc sententiam mutare cogor, ut dein-  
 cept in simplicibus Pandectario nostro fidem non adhi-  
 beam. Tamen plures de Rhabarbaro differentes audiui,  
 qui hoc Dioscoridis Rhaponticum, Rhabarbarum, quo  
 uimur esse profiterentur. B R A . Non defuere plures,  
 qui id sentirent, quod etiam Leoniceno attributum est,  
 tamen decipiuntur, quoniam ῥόσμος non est Rhabar-  
 barum, id est, sine odore, nec habet radicem similem Cen-  
 taurio, quippe Centaurium radicem longam habet, &  
 quamuis Rhapontico minorem inesse scribat, tamen ean-  
 dem formam non habet, quia Rhabarbarum in formam  
 rapæ, & rotundum uergit. Nec Rhabarbaro inest ῥίζα  
 μέλαινα, id est, radix nigra, sed potius in subcroceum  
 quendam colorem uergit, adeò ut tabulas quasdam ex  
 infusione Rhabarbari apte croceas reddiderim: & nisi  
 pretium impediret eo pictores uterentur. S E N E X .  
 Vidisti ne unquam radicem, huic Dioscoridis descriptio-  
 ni similem? B R A . Vidimus, Venetijs in ædibus phar-  
 macopole, qui Campanam pro insigni habebat: hic ( ut  
 uir erat nulli parcens sumptui ) ex ripis Rha fluminis in  
 Meotidem paludem influentis, radicem hanc, & ipsam  
 herbam Venetias portari curauit, cui hæc Dioscoridis de-  
 scriptio adeò quadrabat, ut tu ipse tibi ipsi similis es.  
 S E . Est ne Rhabarbaro similis, quo nunc passim uti-  
 mur? B R A . Non equidem, sed potius Rhapontico ue-  
 stro, his demptis in quibus Rhaponticum uestrum ab  
 illo

illo Dioscoridis dissentire monstrauimus. HER. Reperitur ne apud Dioscoridem, aut alterū antiquum autorem, nostrū uocatū Rhabarbarum? BRA. Nodum Herculeo illo arctiorem solucndum petis. Nunc silentio pertransire decreui, ut res maturius agatur. Vnum tamē præterire nō possum, neminē adhuc apud antiquos autores adinuenisse: & hi longius halucinatur, qui Rhecoma Rhecoma, Plinij Rhabarbarū esse existimarunt. HER. Audes ne tu inuenire, nunquam ab alijs inuentum? BRA. Nondum effari audeo: sed diutius intra me, quod animo concepi, examinabo, fortē, prius quā alijs quæ cōcepimus tradamus, perpetuo silentio transire decernemus, aut breui scriptis mandabimus. SE. Sentis ergo Rhaponticum Dioscoridis, & aliorum antiquorum, ut Galeni, Pauli, aliam rem esse à nostro uocato Rhapontico, & Rhabarbaro? BRA. Non modo hoc sentio, sed adeo certus sum, ut alioqui dubitare nefas arbuter. SE. At nostrū hoc Rhaponticum apud antiquiores inuenitur ne? BRA. Si herbam illam legamus, quæ Centaurium maius dicitur, huic adeo similis apparet, ut ipsamet sine persona Centaurium maius, incedere uideatur: unde plures Recentēs, & Leoniceus absolute eam esse censuerunt. Tu igitur herbam, ac radicem manibus sumito. SE. Iam accepi, Dioscoridis textum legas. BRA. Aure praesta. Ita enim inquit: Iuglandis nucis folia habet. SE. Habet equidem, licet betae etiam Romanae conferri possit. BRA. Oblonga. SE. Nec ab hoc dissentit. BRA. Colore ut in brassica uiridi. SE. Illam ferē uiriditatem habet, sed extra subalbescit. BRA. Serræ modo per ambitum incisuris secta. SEN.

Hoc non ita quadrat. **B R A S A.** Omnino incisuræ sunt, licet parvæ, caulem rumici similem habet, duorum, triumve aliquando cubitorum modo altitudine. **S E.** Hoc frequentissimè uidi: habet enim radices longiores, quàm herba altera quam uiderim. **B R A S.** Multis à radice adnatis, in quibus papauerum capita sunt. **S E N.** Rectè modo papauerum dixit: quia centaurij caput, non est omnino ut illud papaueris. **B R A S.** Floret colore ad cœruleum inclinato. **S E N.** Ita certè uidetur. **B R A.** Cnico simile semen, ueluti lanis in flore inuoluitur. **S E.** Et si hæc res Lana appellari non possit, similis tamen lænæ uidetur. **B R A.** Radix uasta, ponderosa, dura, longitudine ad bina cubita, succo plena, sapore acri, cum adstrictione, dulcedineq; aliqua, rubescens, & cuius pariter rubescat succus. **S E N.** In gustu nullam acridinem percipio, & nullam, uel minimam adstrictionem. **B R A.** Nec ego: tamen optimè mando, & iam magnam copiam deglutiui. **S E N E X.** Suspicio igitur nostrum hoc Rhaponticum, id nō esse, quod Dioscorides Centaurium maius appellat: præsertim quum ex Apulia afferatur. **B R A.** Afferitur quidem ex Apulia, & sponte oritur in monte Gargano, nunc sancti Angeli, ob Archangelum Michaëlem, qui ibi uisus est, appellato, in cuius pede, olim Sipontum insignis urbs sita erat: nunc ab eo distat, & Manfredoniæ nomen acquisiuit. Alias loca celeberrima, nunc adeò pressa, ut uix extent antiquitatis uestigia. Quamuis ergo ex Apulia afferatur, & Dioscorides in Lycia, Peloponnesso, Helide, Archadia, & Messenæ abundare, & plurimum circa Pholoën, Lyciam, Smyr-

nam

nam nasci fateatur, non tamen negat alia loca eo abundare posse: imò & in Liguria, hoc, & Rhaponticum Dioscoridis, & nostrum uocatum Rhabarbarum, quū essem Genuæ cum illustrissimo principe HERCVLE ESTENSE ducis Ferrariæ primogenito frequentia uidimus: quæ omnia radicibus quidem, sed folijs non multum differebant. SENE X. Imò & nunc Ferrariæ habetur, & plerisque in hortis plantatum uiret. BRAS. Et futurum speramus multas alias herbas ad nos afferri. SENE X. Vt autem de hac re receptui canamus, tres diuersas radices edocuisti, Centaurium maius, Rhaponticum Dioscoridis, & Rhabarbarum quo utimur. BRASAVOL. Imò si Centaurium maius, à nostro uocato Rhapontico separes, quia in pluribus differre uidentur, quatuor radices erunt, quarum si unam ignorabimus, perfectam ipsarum historiā nescimus. SENE X. Obsecro igitur, quid sint, edoceas. BRAS. Tibi satis sit hodie, nostrum Rhaponticum, non esse Dioscoridis Rhaponticum, didicisse: nec etiam esse Centaurium maius eiusdem Dioscoridis. Nec parum fuit, ad cōinueteratis opinionibus, id simplex non esse id quod queritur, demonstrasse. SENE X. Igitur hoc Rhaponticum proijciam? & deinceps domum nostram non ingreditur? BRASAVOLVS. Imò collige: est enim radix multis nominibus digna, & qua frequentissimè ad meos ægros reparandos utor. HERBARIVS. Iam stomachari cœperam, si tam magnum acerrum proiecturus eram, quem uobis loquentibus effoderam. SENE X. Nisi cito properemus, non erimus hac ebdomada



Herbæ non om-  
nes à montibus  
petendæ.

expediti in colligendis herbis. *HER.* Tot herbas colle-  
cturus es? *SE.* Officinam meam oppelleturus sum, ut  
nihil desit: nec ab his montibus discedam, quin hos saccu-  
los plenos uideam. *BRA.* Studes igitur in his montibus  
omnes herbas inuenire? *SE.* Omnes, quibus utimur, &  
omnes flores, omnia semina, omnes radices. *BRA.* Hoc  
erit in maximum agrorum incommodum: non enim om-  
nes herbæ à montibus petendæ sunt, sed aliquæ in con-  
uallibus, aliquæ in humentibus locis, & planis utilius col-  
liguntur. *SE.* Arbitrabar montanas herbas uirtute ma-  
gis pollere. *BRA.* Pollent quidem eæ, quæ à montibus  
sumi debent. *SE.* A pueritia hoc imbiberam, montanas  
herbas cæteris præstare. *BRA.* Nec solus eras huius  
opinionis particeps. *SE.* Obsecro te per Medicæ artis  
Deos, ut in hac herbarum collectione mecum sis, & eas  
herbas ostendas, quæ in montibus, & quæ in plano, lo-  
co uel aquoso & humenti ualeant: his enim non desunt  
conualles, aquosa loca, & plana. *BRA.* Id lubentissime  
agam, sed nec omnes herbæ hic nascuntur, quia nonnullæ  
aliubi petendæ, nec tempus hoc aptum est, ut omnes col-  
ligantur. *SE.* Nonne possemus omnes Ferrariam asser-  
re, & transplantare? *BRA.* Possemus quidem, sed uir-  
res amittunt. *SE.* Tamen eadem folia seruant, eundem  
caudicem, eosdem flores, & eosdem fructus. *BRA.* Imò  
multæ non fructificant, ut castaneæ, xylocharactæ, quæ  
in montibus, & sua cæli periodo fructificant: alibi uero  
nunquam, & pinea nisi salso quodammodo solo fructifi-  
cat. *SE.* Vidimus pineam Ferrariæ, quæ fructus gigne-  
bat, & nunc gignit extra moenia spatio unius milliari, in  
horto

horto Monachorum sancti Bartholomæi & in horto  
 patrum sancti Pauli castraneam. BRASAVOL. Fru-  
 ctus quidem pariunt, præsertim pinca, sed imperfectè  
 maturant, & pineæ nuces minores sunt. Ita natura res di-  
 stinxit, ut hæc cœlo isto, illa altero gaudeant: nam cœlū  
 est quod parit, non solum, ut Theophrastus inquit: quā-  
 vis & terra aliquid faciat, tanquam mater & materia:  
 cœlum uero, id est, aer, forma est, & agens, præsertim cū  
 influxu cœlesti, & hoc non solum in plantis, sed etiam  
 in animalibus usu uenit. SE. Quomodo in animalibus?  
 BRA. Leones in Italiā, cameli, dromedarij conuehuntur,  
 tamen nō pariunt, uel agrè id faciunt, ut per sobolem non  
 multiplicentur, adeò cœli periodus in uiuentibus agit:  
 imò & in lapidibus ac mineralibus. HER. Hæc nihil  
 ad rem, sed totus sermo ac labor circa herbarum col-  
 lectionem sit, si prius me admonueris, ita Rhaponticum  
 apud alias nationes nunc alio modo appelletur. BRA.  
 Nomina illa omitto, quæ à Dioscoride citantur, quoniam  
 ex teipso ea legere poteris. Etiā omitto à Serapione Ra-  
 ued uel Reu dici. Nunc uero Hispani hoc eodem nomine  
 appellant, quo nos uulgò Reupontico: Germani uerò ulti-  
 mam syllabam omittunt, & Repontic dicunt: Galli ue-  
 ro per e, & u, scribunt Reupontic: proferunt autem ac si  
 inter e, & u, media quedam litera sit. Sed, ô pater, quem  
 ordinem seruas in colligendis herbis? SE. Mihi in pri-  
 mis omnes flores, postea omnes herbas, tertio omnes radi-  
 ces: deniq; omnia semina, quibus utimur, descripsi. BRA.  
 At quomodo flores nunc, radices, & semina colligere po-  
 teris, quum hæc uarijs temporibus in suam perfectionem

ueniant? s E. Omnia simul colligebam, tu nunc ordinem edoceas. B R A. Librum scripsimus de colligendarum herbarū temporibus, qui iam propè ad umbilicū est: illū tibi dono dabimus, quo colligendis herbis apta tempora, & radicibus, seminibus, ac floribus inuenies: imò & quibus locis quæque herba quærenda sit, ubi proprias vires efficaciores habet: multum enim refert quo cælo, & qua prouincia herba ortum duxerit. s E. Esto dux fati, & à qua parte incipere lubeat, admoneto. B R A. Schedā illā tuam sume, in qua omnia scripsisti, & à prima incipito. s E. Nullus ordo seruatur, ego à floribus cœpi. B R A. Et ab his incipere opportunum: primum florem legas, etsi nullo ordine digesti sint: nam satis ordinem seruabis, si nullum in colligendo omiseris. s E. Primus est in ordinem scriptus Camomille flos, quo frequentissimè utimur. B R A. Chamæmalon potius dicito: nam Dioscorides ita appellari censet, quia odorem mali habeat. s E. Id aliàs audiui, sed quomodo odorem mali haberet, nunquam discere potui. B R A. Nonnulli putarunt floris mali odorem habere: ego autem puto odorem mali præmaturi intelligendum. Non tamen is præcise odor est, sed in illum uergit: nec cuiuslibet mali, sed alicuius tantum speciei. hanc herbam in hoc mōte colligere poteris: nam siccis gaudet, & macris, ac semitis uiret, in ipsaq; caliditas & siccitas aliqua expetuntur. Sed miror quorū flores tantum legere studeatis, quum & herba & radices uiribus præsent. s E. Herbam quoq; seruamus, sed flores seorsum, radices uerò in usu non sunt. B R A. lubeo ut deinceps serues. s E. Seruabo, sed nunquam uendentur.

B R A.

BRA. Ne ucrearis, nam curabo ut eas prius uendas.  
 Vnum præterea admiratione dignum est, quum tres sint  
 Chamæmali species, quur hanc unam tantum colligatis, Chamæmali  
species tres.  
 quæ in medio orbiculum aureum habet, foliis albis cir-  
 cundatum, quum alterum genus habens foliola illa pur-  
 purea calculosis efficacius ualeat, & Eranthemum à qui Eranthemum,  
 busdam propriè dicitur, quia Vere floreat. Præterea uide  
 in hac semita tertium genus habens foliola illa aurea, unde  
 Chrysanthemum nuncupatur, quod ciendis urinis magis ua- Chrysanthemum  
 let. Nescio quur uos pharmacopoe hæc genera omiseri-  
 tis, quæ longè mortales iuuare possunt: de quibus Macer  
 poëta, qui de herbis carmine scripsit ( si is liber qui cir-  
 cunfertur Macri sit ) in hunc modum canit:

Autores dicunt species tres illius esse,  
 Quas solo florum distingui posse colore  
 Tradunt. est cunctis medius flos aureus illis:  
 Sed uarijs folijs flos circumcingitur ille,  
 Albi, uel nigri sunt, purpurei uel coloris.  
 Dicitur Anthemion propriè, cuius foliorum  
 Purpureus color est, maiorq; & fortior hæc est.  
 At Leucanthemion folijs deprehenditur albis,  
 Mellinis Chrysanthemion. uis omnibus illis  
 Sicca, calensq; gradu primo conceditur esse.

Hactenus Macer, qui uires trium specierum postea enu-  
 merat. Et quamuis speciem unam nigri coloris esse di-  
 cat, Melinum intelligere oportet, ut postea quum eas di-  
 stinguit, manifeste scribit. s. e. Nos unam speciem tan-  
 tum seruamus, quæ habet foliola illa alba aureum globum  
 circumdantia: quoniam in Ferrariensi solo, illa uireat, cæ

teræ minime. Est autem ea, quæ Leucanthemon appellatur. B R A. Aliæ etiam species in Ferrariensi agro nascuntur, licet non adeò frequenter. Tu igitur ex omni specie colligas. S E. Deinceps hoc agam: uerum uno deterreor, ut ambigam hoc esse Chamæmalon: quoniam Dioscorides illa florum foliola, magnitudinem foliorum Rutæ habere tradit. B R A. Rem non probè intelligis: quoniam Dioscorides inquit, foliola illa esse parua, tenuia, numerosa. Quam autem dicit habere magnitudinem folij rutæ, id in toto flore intelligit, nō in paruis foliolis circa luteam partem sitis: ut sensus sit, flos totus Chamæmali, magnitudinem foliorum rutæ habet, & in rotundum uergit. S E. Tibi assentire cogor. H E R. Satis ne collectum putas? S E. Duobus annis satis erunt. B R A. Ne tam magnam copiam legas, ut ea altero anno utaris: uerum singulis annis recētem habeto, alioqui uires deerūt. Secus autem est de eius oleo, quod inueteratum efficacius sanat: nec prætermittas ex floribus recentibus pastillos fingere, & seruare pro sudoribus ciendis, ut Aëtius ex sententia cuiusdam Aegyptij conformari docet. S E. Singulis annis herbas colligo, & uetres projicio, præsertim quum in puluerem redigi uideantur. B R A. Probè agis. H E R. Ego autem scire uoluerim quibus nominibus ab alijs nationibus, appellantur, his demptis, quæ à Dioscoride & Plinio numerantur. B R A. Rē dignā quidē petis, sed ferè infinitam. Nam quot prouinciæ sunt, tot ferè nomina, & quot etiam in prouincijs diuersæ urbes aut castra, etiam nomina diuersa reperiuntur. En Hispania, prouincias habet Lusitaniam, Beticam, & Taracōnensem:

nensem: Lusitani ipsam Macellam appellant, alij Mancanillam: Galli, Cameminam: Germanorum pars Chamillenblüm: blüm enim apud ipsos florem significat. At posteaquam nouisti tres Chamemali species seruandas, & simul herbam, radices, ac flores, nec hos montes præterire conuenit, ideo ad alia transire opportunum erit.

SEN. In hac mea schedula secundo loco uiolarum flores scripti sunt. BRA. Ergo nullū ordinem seruas, quia frigida calidis immiscuisti? SEN. Hoc à principio admonui, ne ordinem aliquem in mea schedula expectares.

BRA. Esto, uiole sequantur, ne ipsas in montibus quæ= Violæ.

ras, præsertim communes has, quas Dioscorides nigras appellat. SEN. Dicis ne hoc ac si sint aliæ uiolarum species, præter nigras, à quibus uiolaceus color, nostra materna lingua deducitur? BRA. Imò plures aliæ sunt uiolarum species, & ab autoribus multum in medica re commendatæ: sed medicorum incuria nec colliguntur, nec

earum usus habetur. Græci enim duo nomina habent, quibus uiolam significant: *ἰοπ* unum est, quo omnes uiolas intelligunt, ab *Ιο*, quæ à Ioue in uaccam conuersa est, pro cuius pabulo iussu Iouis uiole in campo creuerunt: unde

& nos uiolam, quasi uitulam dicimus. Sub hoc ergo nomine, *ἰοπ*, omnes uiolas, etiā quas *Ιο*seminos dicimus, cōnumerantes intelligunt. Aliud nomen est, *λευκῶϊοπ*, quo

proprie albæ significantur: tamen ad omnes uiolas usurpant, præsertim ad eas, quæ primo statim Vere nascuntur, siue candidæ, luteæ, cœruleæ, uel purpureæ sint: de quibus omnibus aliàs diffuse tractauimus, quoniam in re medica plurimum ualent, & uarijs locis querendæ sunt.

Violarum duo nomina apud Græcos, *Ιοπ*.

*Λευκῶϊοπ*.

Ne autem in presenti ab incæpto remoremur, ne desinas tu uiolas purpureas aut nigras colligere, quia de albis aliàs agemus. Dixi aut purpureas, aut nigras, quoniã apud Dioscoridem in aliquibus codicibus simpliciter legitur  $\omega\pi\epsilon\iota$   $\iota\omicron\upsilon$ , id est, de uiola: per hanc tamen, ea quæ apud nos in usu est, intelligitur: in aliquibus,  $\pi\epsilon\gamma\iota$   $\iota\omicron\upsilon$   $\pi\omicron\varsigma\phi\upsilon\varsigma\delta$ , id est, de uiola purpurea, scriptum est. Antiquissimi uerò habent  $\pi\delta\iota$   $\iota\omicron\upsilon$   $\mu\acute{\epsilon}\lambda\alpha\nu$   $\Theta$ , id est, de uiola nigra. S E N. Hæc adeò confusa mihi uidentur, ut longiori studio indigeant, quàm nunc opus sit. B R A. Imò longissimo. Verum ad loca illa umbrosa secedamus, ubi uiolas nigras inuenies. En, uide iam terrã præ copia purpureescere. S E N. Quas partes collecturus sum? B R A. Tres, herbam, flores, & medium id purpureum, aut subcroceum, quod in medio floris situm est. S E N. In compositis autorum medicamentis frequenter ambigo, quoties uiolas miscent, an flores, uel herbã intellecturus sim. B R A. Quum Ferrariæ erimus, composita illa medicamenta ostendito: quoniam aliqua flores, alia herbam recipient. Nam in syrupo, qui uiolatus dicitur, pharmacopole passim herba utuntur, nos autem potius flores accipere iuberemus. S E N. Medium id purpureum qua de causa colligendum? B R A. Vt anginis succurramus, & comitialibus in infantia, si cum aqua bibatur, quæq; enim pars suis uiribus insignitur. S E N. Est ne uerum uiolam Narcoticam esse, ut Mesue illi tribuit? B R A. Excellentiss. uir Ioannes Manardus Mesuem reprehendit, qui uiolam in primo ordine frigidam, postea Narcoticam dixerit: hic celeberrimus uir in suo paruo Mesue, marginales quasdam

quasdam annotationes scripsit, quas in uulgatam epistolam collegit. At non debuit existimare, omnē Mesue codicem ita legi, sicut suus ille paruus: quippe antiquissimum habeo, in quo, optima, & non Narcotica legitur. Inquit enim: Et ipsa quidem est infrigidatiue optima, id est, inter ea quæ infrigidant, optima est uiola, quoniam nulli parti officit. Propterea addit: Sedatiua dolorū calidorum, extinctiua inflammationum. SEN. Hæc sententia mihi plurimum arridet, nec erat tam magnus uir ita temere culpandus, præsertim quum Auicenna, quem Mesue imitatur, & Serapio, nihil simile dixerint. BRA. Nō deest etiam alter optimus modus leuādi Mesuem ab hoc onere, ex altero antiquissimo textu, in quo quidem legitur Narcoticam esse uiolam, sed ita scribit: Et ipsa quidem est infrigidatiua Narcotica. Postea sequitur: id est, sedatiua dolorum calidorum, extinctiua inflammationū. Vnde sese exponit, quid per narcoticum intelligat, id scilicet quod calidos dolores sedat, & inflammationes extinguit. SEN. Nonne multa alia dolores sedant, ut Rosa, Chamæmalon, tamen Narcotica non sunt? BRA. Sedant quidem, sed non calidos dolores: unde id uocabulum Narcoticum, stuporem significare certum est. Græci enim uerbum habent νάρκω, quod est stupefacio, & νάρκημα, uel νάρκησις stupor: ideo piscem illum qui torpescendo à nobis dicitur, νάρκον appellant: tamen omne sedās dolores calidos apud Arabes quodammodo Narcoticum existimatur. At re uera quæ tenui frigore insignita sunt, proprie Narcotica existimare non debemus: tamen aliquo modo dici possunt. Propter id Mesue, ne quispiā pna



taret uiolas uere narcoticas esse, seipsum interpretatur, dicens: id est, sedatiuas dolorum calidorum. SEN. Primæ sententiæ potius, quàm huic secundæ assentirem, quâuis nec ista à uero dissentire uideatur. Tamen aliud etiâ est, in quo Mesue à Manardo reprehenditur, quia uiolas soluere dixit, nusquam uerò apud Græcos uiolas soluere inuenit. BRA. In hoc etiam res mitius agi debuisset, quoniam Arabes uocabula confundunt, & eorum interpretes magis, ut soluere, purgare, & lenire pro eodē frequentius sumant, & uocabulum soluere, quo utitur Mesue, pro lenire sæpius accipiunt: sed hæc missa faciamus, ut de uiolis receptui canatur. SE. Fiet, si in primis quæ agenda sunt circa uiolas breuibus edocebis. BRA. Quæ multæ sint uiolarum species, omnes à pharmacopolis seorsum colligendæ essent, & non simul, ut quidam contraria contrarijs miscentes agunt, quoniam rei medicæ multum proficiunt. De nostris autem his uiolis flores seorsum, herbam, & medium illud croceum seruato, nec radices prætermittas, utpote, quæ ab Auicenna non omitantur. Verum in his montibus radices, aut herbam colligere non laudo, quoniam Ferrariæ toto anno uirent, nec dira hyemis frigora illis officiunt. HER. Libenter scirem quibus nominibus apud diuersas nationes appellantur. BRA. In aliquibus tibi satisfactum erit: Galli, uioletes appellant: Germanorum pars, Veil: alij elegantius, uiol dicunt: magis rude est, uiolaten, apud ipsos: Hispani autem urcielas dicunt. SEN. Iusta uiolarum copia colle

Rosæ. Etæ est. Tertio loco Rosæ occurrūt. BRA. Nō minor est in rosis specierum diuersitas quàm in uiolis. Poætæ, omnes  
Rosæ

## HERBARVM.

Rosæ antiquitus albas fuisse tradiderunt: uerum quum Mars zelotypus Adonidem interfecisset, accurrebat Venus per dumeta opem latura, & uulnerato pede, eius sanguine rosæ tinctæ sunt. Alij ex sanguine Adonidis potius, alij sanguine Cupidinis, alij ex uino sparsa à Cupidine la sciuiante alis in coena deorum. Sed hæc poetarum fabu lamenta omittamus. Dic optime senex, quot rosarum genera seruas? SEN. Tria: Rubras, ex quibus oleum ele ctuarium, & saccharum rosatū conficimus: Communes nostras, ex quibus aquam præ copia facimus, & syrupū rosatum solutiuum: & albas, quas Damasceñas appella mus, pro solutiuo syrupo, & odoratis oleis conficiendis. At nonnunquam syluestres quasdam albas colligimus, quibus rarissime, aut nunquam utimur, sed pro cynorho dis seruamus. Tu (si lubet) quas collecturus sim edoceas. BRA. Apud Theophrastum, & Plinium distincta gene ra ex locis reperiuntur, ut Prænestina, quæ celeberrima est, Campana, Milefia, Trachinia, Alabā dica. Distincta etiam sunt multitudine foliorum, quæ à quinto usque ad centesimum sunt. Rosæ enim quinque foliorum & non pauciorum, & centum foliorum, & non plurium repe riuntur. Differunt etiam asperitate, leuore, cādore, odo re. En tu rosas, quæ circa hæc ruderata colligas. SEN. Quas legere debeo, & quas partes? BRA. Nusquam legi (quod nunc meminerim) aut herbam, aut radices in re medica ualere, sed tantum flores. Inter flores autē pu niceas illas, antiquitus laudatissimas seruato, quas Mile sias Plinius uocat, ardentissimum colorem habentes, nec duodena folia excedentes. Cōtentus essem, si has solas col

Rosarum tria genera.

Rosæ Damasce næ.

Rosarum distin ctio ex Theo phrasto & Plinio.

ligeres (quamuis & alijs sua uis insit) tamen quum pau-  
ciores sint, ad tot compositiones parandas nō sufficerent:  
ideo & nostrates has, quæ passim ubere nascūtur habere  
conueniet, & Damasceñas etiā, quas antiqui ignorarunt.  
Multas enim rosarū species nesciuit antiquitas, quas Lu-  
sitānorum nauigatio annis elapsis adinuenit: de illis enim  
partibus, aut de his quæ ibi nascūtur, nusquam antiqui lo-  
quuti sunt, aut illuc etiam posse nauigari prodiderunt.

SEN. Optarem summopere, ut partes in rosa demonstrā-  
res, quas hoc anno & alijs subsequētibus seruaturus sum.

BRA. Multæ sunt rosarū partes, à Plinio & Theophras-  
to numeratæ, quas habere opportunū erit. Vna est, cor-  
tex, illa scilicet quæ calycem circumdat, quæ quum calyx  
aperitur, in quinque partes secatur. SEN. Sunt ne illæ, de  
quibus scriptum est, quamuis ineleganti carmine:

Quini sunt fratres in eodem tempore nati.

Tres sunt barbati, & duo sunt barba absque creati,

Vnus de quinis non est barbatus ubique?

BRA. Illæ equidem sunt, quæ in illis carminibus tan-  
quam enigma proponuntur. SEN. Valent ne hæ par-  
tes in re medica? BRA. Valent, exiccant enim & exte-  
nuant, ideo seorsum illas serua. SEN. Ne alias partes

Calyx, omittas obsecro. BRA. Calyx, est illæ rosæ globus an-  
tequam folia patefiant, quem nos uulgò bocolum appel-  
lamus: hoc etiam integrè seruandum est, quoniam opti-  
me exiccat. SEN. Forsitan quia adhuc immaturus, im-  
matura autem stiptica quodammodo esse consueuerunt.

Imò, & quia eam naturā habet, quæ illi sponte immis-  
cetur. Flos, est illud medium crocēū capillamentis insidens.

Capilla

Capillamenta uero sunt ueluti tenuia fila, supra quæ flores insident. **Capillamenta,** **SEN.** Hæc etiam uires habent? **B. R. A.** Habent, quales in rosa inueniuntur, & sunt hæc calidiores rosarum partes, quibus ad multa pro ratione uti possumus. Simul enim capillamenta & flores legito, multum enim adstringunt, Galeno teste, & pro gingiuis à Dioscoride: pro albis uero mulierum fluctionibus à Plinio parantur, quanquam & pro rubris ualeat. **Caput,** est globulus ille ab inferiori parte, quem si aperias, re quadam ueluti lana plenum uidebis, quod quum maturuerit, semen ambit, aptum plantari: non plantatur autem, quia tardiuscule nascitur. Vnde multos deceptos arbitror, qui putarunt, semen, esse **Semen,** id croceum, quod flos dicitur, capillamentis insidens. At semen in capite est, illi uero flores è semine prodeunt. De cipiuntur autem plerique: Recentes qui Antheram rosæ flos **Anthera,** rem putarunt. Verum Anthera, Celso teste, compositio est ad oris ægritudines proficua, quæ tamē rosas recipit, folia ipsa sunt ueluti tegumentum seminum: in his enim natura propter semen omnia facit. Sicut etiam in fructibus, semen proprie fructus est, ut in 11. de Anima lib. ab Aristotele docemur, & à Theophrasto in libro de plantarum historia. Caro autem illa, quæ semen circumdat, propter semina facta est. Lanam illam per se colligito, **Lana,** quæ ad Gonorrhæam mire ualet, & in mense Octobris succum ex capite exprimito. **SEN.** Est ne caput illud, quod subrubescit, & crassius efficitur quum in maturitatem peruenit? **B. R. A.** Illud inquam. **SEN.** Quum eram puer libenter eo uescebar quadam insita dulcedine affectus. **B. R. A.** Succus ad pastillos cōficiendos optimus est,

qui adstrictoriam uim habent, & per se solus induratus  
 Gonorrhœa, in aqua plantaginis potus succurrit. s e. Fo  
 Folia. lia despicere uideris. B R A. Nunc ad folia peruenimus,  
 Vnguis. quæ duas partes habent. Illa enim infima pars alba, Vn-  
 guis appellatur, quæ in medica re ( si autores considere-  
 mus) nullum usum habere uidetur. Reliquum foliorum,  
 & expressum in succam & per se, ad plura conuenit, si  
 Dioscoridem, Plinium, Galenū, & ceteros antiquos me-  
 dicos sequamur: tamen nec unguis despiciedus, qui in cly-  
 steriorum decoctionibus in dysenteria ualet. s e. Quū  
 rubræ rosæ, id est, quæ colorem puniceū habent, summè  
 laudetur, quid est quòd Ioānes Manardus Mesuem repre-  
 hendit, dicentem in abscissione rubedinis, non plus est ro-  
 sa, quàm homo mortuus? B R A. Quibus argumentis re-  
 prendit? s e n. Primo, quia rosa non habet speciem  
 ex rubedine, alioqui alba rosa non esset rosa: præterea co-  
 lore deperdito, odor seruat, & adstringendi uis. B R A.  
 Manardus senex uenerandus est, tamen nō debuit ita in-  
 consultè quenquam reprehendere. Nam Mesue compo-  
 sitionem rosæ considerans, ex partibus aëreis, & igneis  
 subtilibus, & considerans has partes, rubræ rosæ, nō au-  
 tem albæ amaritudinem & ruborem tribuere, per quæ  
 species rosæ rubræ circumscribitur. Præter hæc speculati  
 cœpit, quid ex his duobus esse rosæ magis seruet, an ama-  
 ritudō uel rubor, & cōsiderans impressiōes, quæ sūt ut  
 amaritudo efficiatur, & rubor, nouit maiore impressiōe  
 fieri à uirtute dante ruborē, quàm à dāre amaritudinem:  
 & hoc uia regia philosophica: ideo rubor magis quàm  
 amaritudo, aut etiam odor perfectiōe suam conseruat.

Ideo

Idco scriptum reliquit: In abscissione ruboris, id est, quum rosa rubra non est rubra, id est, ruborem amisit, amplius non est rosa: nisi ut homo mortuus, est homo: nam æquiuoce homo est: nunquam autem rubedinem amittit, nisi uel ex senio quum in puluerem transit, aut quum putrescit: ut si in humido loco rosas dimiseris, breui ruborem amittūt, & cœruleæ efficiuntur, & tunc non sunt rosæ. Nec Mesue intelligit ruborem esse ueram differentiam, quæ rosam in esse cōstituat: sed esse aptius accidens quàm aliquod alterum ad circumscribendam differentiam. Quum uerò Manardus infert tunc albam rosam non esse rosam, consequentiam inficiamur: nam in rubris rosis loquitur: in albis autē aliquod aliud fortassis sumeret, quàm colorem, ut eius speciem circumscriberet: nec id uerum est, amisso colore adhuc odorē & adstringendi uim seruari. Si enim per putredinem hoc fiat, non modo non bene olet, sed grauitèr etiā foetet, potiusq; relaxat, quàm stringat. At si hoc per senium fiat, quum in puluere ducuntur, nihil penitus redolent, & ita stringunt sicuti puluis. Vnde excellentissimus Manardus remitti puniceum illum colorem, amitti esse putauit: quod non ita est: tamen quum exiccatur, diuersas uires subit, ut Græci pariter ac Arabes docuerunt. Sed in altero de hoc celeberrimo uiro miror, qui inquit Mesuem manifestè errare: quum dicat albas rosas non soluere, quod dignum consideratu sit. Nam rosæ albæ de senio, quas Damascenus dicimus, quum albiissimæ sint, tamen ceteras in purgando excellunt. Sed pace dixerim tanti uiri ac mei præceptoris, plus peccat ipse, quàm Mesue: quoniā Me-

sue sub genere rosarum eas non numeravit, quæ de sceni appellantur: imò sub alio capite à Serapione & ab Auicenna ponuntur. Quippe Serapio 187. cap. sub nomine, Nersim: & Auicenna sub nomine, Nesfrim (quamvis uocabula corrupta existimem) & non sub nomine rosæ eas intelligant. Est ergo uanum Mesuem in alba rosa reprehendere, quam sub nomine rosæ non intelligit, sed per albas rosas communes has nostras deprehendendas uoluit. Sed error peior priore detegitur: quia rosæ de sceni eæ non sunt quas damascenas appellamus: non enim sunt sambuco similes nostræ Damascenæ (nisi colore) ut sunt illæ de sceni: quod hi autores referunt: nec Damascenæ nostræ calidæ & siccæ in tertio ordine sunt, ut illæ de sceni. De his autem aliàs, ut deniq; de Rosa finiamus. S E N. Ego autem nunquam rectè finitū arbitrabor, nisi omnes rosarum partes, quas collecturus sum, in summa edoccas. B R A. Hoc lubentissimè agam si promptas aures accommodabis: Puniceas rosas collige, rubras, albas (utpote magis adstringentes) & Damascenas: ex omnibus autem his rosarum speciebus præscriptas partes serua, quæ ad plura in medica arte proficiunt, ut Græci partim, & partim Arabes edocuerunt: quæ (ut felicius numeres) in hunc modum disponentur.

R O S A R V M   S P E C I E S  
S E R V A N D A E.

Rosæ puniceæ.

Rosæ rubræ, quæ passim apud nos sunt.

Rosæ albæ.

Rosæ Damascenæ.

P A R

27

HERBARVM.  
PARTES ROSARVM  
SERVANDAE.

Cortex.  
Calyx.  
Flos.  
Capillamentum, uel capillus.  
Caput.  
Lana.  
Semen.  
Vnguis.  
Folium, dempto ungue.  
Succus ex folijs.

Hæc sunt quæ singulatim legenda ac seruanda sunt, ad rem medicam ualde proficua. HER. Ne prætermittas obsecro quibus nominibus apud alias nationes rosæ appellentur. BRA. A Gallis Rosæes dicuntur, ita scribentibus ut nos elineauimus, quanquam nonnulli etiam ita scribant, rosæ, sed illud, s, legunt ac si, z, fuerit, & proferunt, quod plerumq; faciunt Galli quoties, s, simplex inter duas uocales ponitur. Germani ros, uel rosen: primum singulare est, alterum plurale: sunt autem qui asperius illud, s, proferant ac si nostrum, z, sit. Hispani serè ut nos, Rosas uocât. Tu, ô Senex, quid in tua charta scriptum sit prosequaris. SEN. Nenufar sequitur. BRA. Nenufar. Ecce occasionem præsentancam habes, ex utraque specie tibi copiam parare, quoniam conuallis hæc, ad quam facilis descensus offertur, his herbis scaturit, alba scilicet, Nymphæa, & crocea. SEN. Cur Nymphæam dicis?



**Nymphæa.** **B R A.** Quoniam quam uos corrupto uocabulo Nenufar appellatis, antiqui Nymphæam dicebant: uerum barbaries in pluribus adeò nomina immutauit, ut nullam cum antiquo similitudinem habeat. In hoc autem aliquid similitudinis seruetur, ut Nenufar, quasi Nymphæa dicatur. Ex his duabus herbis flores, & radices colligere nihil impediet: nam foliorum usus (nisi uireant) in re medica nullus est: ipsis enim in æstuantibus renum caloribus utimur. In Ferrariensibus paludibus copiosè nascuntur, si tamen hic præsentis colligere placuerit, libenter expectabimus. **S E N.** Hunc descensum agrè fero, satis erit Ferrariæ colligere. **B R A.** Imò aptiores habent, & exquisitiores nostro cælo uires. Duo seruanda sunt ad medicæ rei usum, flores, & radices, folijs quando utitur, quisquis accipiet. **H E R.** Ne aliarum gentium nomina præter eas. **B R A.** In præsentis filebo apud nos uocari, Taiero de aqua, uel Taicrazo, sed referam Gallos qui ferè modo Arabum dicunt Nenufar iaulne, Nenufar blanc, album & citrinum intelligentes. Saxones autem Germanorum partes Selek enken appellant: alij in Germania populi Vuassermachn, alij Selehbloumen, alij Sechbloum, quasi flores lacuum. Albos autem à croceis distinguunt, uueissz & Gelbueissz: sechblüm album significat, Gelbsechblüm luteum. Alij horuurtz, alij horstrang, alij Rolletuurtz appellant. Nam, ut à principio te admonui, ferè tot sunt herbarum nomenclaturæ, quot urbes: Hispani ex Lusitania, Golphano. Tu ad reliqua transcas.

**Buglossa.** **S E N.** Buglossæ flores offeruntur, quid circumspicis? **B R A.** Spectabam an aliquo in loco huiusmodi flores uiderem.

Ecce

Ecce, ad illa fabuleta transeamus, ubi iam uideo purpure-  
 rescere. SEN. Transeamus, tamen potius sedere opta-  
 rem. BRA. Nemo potest sedere, & herbas colligere:  
 fortè non ab re erit, si asellum hunc conscenderis. SEN.  
 Bona uenia conscendam, quum ætas id exigat. BRA.  
 Ipsum herbe nomen manifestum errorem ostendit. Vul-  
 gus enim hanc Buglossum, id est, bouis linguam putat,  
 quum nullam habeat cum bouis lingua similitudinem, sed  
 potius canis lingue similis est: eius enim folia longa sunt Canis lingua  
 ac stricta, cuius figura linguam canis imitatur: bouum ue-  
 rò lingua latior est. Non tamen hæc dixerim, quod cy-  
 noglossum Dioscoridis esse putarim. Inquit enim, Cyno- Lib. 4. cap. 124  
 glosson caulem non habere: ut nobis Ferrariensibus con- Cynoglosson.  
 stat, in quorum agro cynoglosson in terra spinosum non  
 nascitur: humi enim stratum est, ut idem autor refert. Ve-  
 rum herba à nobis buglossa nuncupata, & caulem, & à  
 terra multum eleuatur. Ideo non est cynoglosson DioSCO-  
 ridis. SEN. Quid ergo est? BRA. Nihil à me in præ-  
 senti certi habebis. SEN. Hoc mihi satis non est, quia  
 quod collecturus sum ignoro. BRA. Huius herbe flo- Borago.  
 res legito, quæ apud nos borago appellatur: nam apud Cirsion.  
 Dioscoridem & Plinium buglosson est: Cirsion uero cū  
 buglossa nostri temporis similitudinem habere uidetur.  
 Imò Nicolaus Leonicenus præceptor excellentissimus eā  
 esse suspicatur: tamen in hac re potius ipsi sensui, & an-  
 tiquorum uerbis cōsentirem, quam alicui alteri. Id tamen  
 non prætermittam, duo genera Boraginis apud nos esse,  
 quorum unum cirsion, id est, magnum buglosson: aliud,  
 Buglosson apud antiquos appellari suo loco demonstrabi

mus. S E N. Optarē ut hoc nunc efficerēs. B R A. Nolo sermonē sermone confundere, aliās, herbas omnes tibi ad unguem ostensurum promisi. Nunc satis sit, eas herbas & simplicia recensere, quæ in uestris officinis uagantur.

S E N. Quid ergo de hac herba colligere oportet? B R A. Flores, herbam, & radices: nec tuam illam ac communem buglossam prætermittas, ne alij medici à tua officina abigantur, quum abesse nouerint, præsertim illi qui bonas literas negligunt.

S E N. Hos adeò paruifacere incipiā, ut nec obambulantes salutare uelim. B R A. Nugaris: nullus, uel penitus ignarus, despicendus est, sed potius ad bonas literas hortandus, quas si amplecti uoluerit, felici omine incipiat: sin minus, sibi imputetur.

S E N. Futurum spero ut omnes ueritatem amplecti curent. B R A. Ego secus arbitror: quippe nonnullos cognosco, qui adeò fatuitates, & sophistica deliramenta imbibere, ut ueluti di-

pha uestis, nunquam sint colorem amissuri. S E N. Hos missos faciamus, & hic lege Dioscoridem, qui Cirfion nō esse nostrum buglosson manifeste ostendit, nec etiam boraginē. Inquit enim esse triquetrum, id est, habere triangularem scapum. Nostræ autem borago & buglossa rotundum habent: nec etiam in his foliola sunt rosaceorum

figura, nec aculeatis per interualla angulis. B R A. Imò adde ipsarum flores non exire postremo in pappos, nec in illos euanescere, sed hæ duæ herbæ potius in semē desinunt, quamuis in boragine nonnihil lanuginis sit. H E R.

Quibus nominibus ab alijs nuncupantur hæ herbæ? B R A. A Gallis Borago, Bouraches: ab Hispanis ex Lusitania, berragenis: à Germanis, burretsch. Buglossa uerò à Gal-

lis eodem

lis eodem modo Buglossæ proferendo, s, ac si sit, z: ab Hispanis, lengua de uacca: à Germanis, Ochszenzung, uel Gegenstrasz dicitur. Tu ad sequentem florem te præpara. SEN. Flores stichados sequuntur. BRA. Stæchas Stichas. herba ipsa nuncupatur. Recentes passim genitui stichados pro recto utuntur. Vide hic miram huius herbæ copiam, & recentium florum exuberantiam. SEN. Certè pulchriores sunt quàm unquam uiderim. BRA. Pulcherrimi omnino sunt, & apprime redolentes: & quamuis in insulis è regione Masiliæ pulcherrimi nascantur, hic tamen non deest suus honos, in hoc monte colligito: nec multum referat stæchas uel stichas scriptum legeris, nomen est ab illis insulis acceptum ubi potissimum nascitur, quæ Stæchades appellantur, & partes Galliæ sunt. SE. Quid seruaturus sum? BRA. Summos apices, id est, flores, quibus si aliqua foliola inhereant, ne curæ sit. SEN. Iam satis, superq; collegit Herbarius. Verum ab uno diseruior, quum in Gallia potissimum nascatur, cur Arabicum à Mesue cæteris præfertur. BRA. Pluribus locis nascitur, sed ob magnā copiā in Stæchadibus insulis nasci dictū est. Nō tamē inficiātur autores in alijs etiā locis, & copiosas & electas crescere, ut in Arabia patriū solū Mesue, aut in proximiori parte: ideo nō mirū si ab Arabibus autoribus suum præfertur, quæ præmanibus habent. Hoc eodē nomine appellatur à Gallis, ab Hispanis eodē modo, & à Germanis similiter. Ad reliqua autem te accingas. SEN. Flores Anthos in meo hoc Anthos flores. folio cōsequūtur. BR. Quàm uanè hi flores appellātur: nam Anthos Græcè, idē est quod apud Latinos, flos: ideo

idem est flores anthos dicere, ac si dicas flores flos. Quem admodum eodem errore Recentes, in amore superfluo, qui ægritudo est, decipiuntur: ipsum enim appellant amor eros, quum potius eros dicere debuissent: de quo pecunia re caput faciunt, ac si dicant amor amor. SEN. Ita nos

Rosmarinus, solemus per excellentiam flores herbæ, quæ rosmarinus dicitur, appellare. BRA. Tamẽ reperiuntur flores multo odoratiores istis, nec absolute flores dicuntur: nullus etiam autor fide dignus hoc nomine utitur, licet Simon Genuensis per anthos, florem rorismarini intelligat, sed nullum autorem sequitur: ab ipso autem Pandectarius & ceteri recentiores accipiunt. De hac herba Diosco-

Libanotis, rides sub nomine Libanotidis tractat, quam Romani (ut nos) Rorem marinum uocant: quod nomen à thure sumptum est, quod libanum appellant, utpote quod una eius species thus redoleat, uel saltem eius flores, aut potius radix. Tu ex hac herba quæ in his montibus efficacior est, quàm Ferrariæ, flores seorsum & folia serua: ad plura enim in re medica ualent, & flores acopis miscentur. SEN. Quum Dioscoridem perlego, occurrit mihi nescio

Lib. 3, cap. 80 quid ambigui. Inquit enim, graui odore: at mihi suauis apparet. BRA. Non intelligit Dioscorides, hæc herbam graui odore insigniri, eo quod foeteat, sed redolet, uerum cum quadam grauitate: habet enim nescio quid uehementis in odore. Vnde sua lingua dicit, βαρυσµα, id est, odorata cum grauitate, ita enim commodius interpretabitur. SEN. Alter etiam nodus occurrit, nempe inquit: folium habet intus candicans, extra uiride. At potius è cōtrario uidetur folium extra candidum, intus uiride. Ego enim  
inferio

inferiorem partem foliorum extra & exteriorem, superiore intra & interiorem putabam. B R A. Ita equidem est, & illa est Hermolai summi uiri interpretatio, quam legebas. Imò & Dioscorides ita sua lingua dicit: ἑνδοθεν λευκὰ. ἐκ δὲ τοῦ ἑκτὸς χλωρὰ. quem si nostra lingua ad uerbum referamus, inquit: Intus alba, extra uiridia. Sed in his locis res intelligenda est, ut ab auctore ponitur. nam per eam uocem ἑνδοθεν, inferiorem partem, per ἐκτὸς, superiorem intelligit. Quæ Hermolai ad unguem nō aduertit, nec omnia possumus omnes: ipse autem uerba potius, quàm rem considerauit. Nunc Ferrariæ ex libanotidis floribus nonnulli pharmacopole zucharum parant roborando uentriculo commodum & odoratum. S E. Nos quoq; parare incipimus, hic flores & herbam colligentes. H E R. Quomodo ab alijs nuncupatur? B R A. Galli, Roumarin: Germani, ut nos, Rosmarin: Hispani uerò Romero, dicunt. S E N. Origani flores ad limen ueniunt. B R A. Nulla ferè herba est, & nulli flores, in quibus antiquissimi etiam auctores magis dissentiant, quàm in origano, quippe si nunc tēpus daretur hanc rem pertrahendi, omnium in omni ferè specie opiniones dissentire ostenderemus: tu uerò herbam, & flores colligito huius nostri uulgaris, quo utimur, & potius in his montibus, quàm Ferrariæ: hic etiā copia non modica offertur, quem si gustu tentes, saporem alterū, & acutiore in hoc mōtano persenties, quàm in nostro humido Ferrariensi solo. Ideo & uires etiam exquisitiores hic habet. S E N. Quam speciem hanc nostram uulgarem existimas, apud antiquos? B R A. Ea est, quam origanum heracleo-

Origanus.

Origanus Heracleoticus.

Origanus syl-  
uestris,

ticam Dioscorides appellat, ab Heraclea urbe Ponti, in qua perfectissima exuberat: tamen alijs plerisque in locis nascitur. S E N. Quomodo sunt diuersae origani species, ita etiā ad diuersas aegritudines ualēt. B R A. Paulus Aegineta qui de omni specie origani simul agit in genere, inquit omnes species origani incidere, extenuare, siccare, & calefacere. S E. Fieri ne potest, ut una species altera efficacior sit? B R A. Imō ita esse constat: nā Dioscorides priuatim syluestrem origanum uenenatorū moribus ualere tradit, flores & folia, cū uino bibita: & Plinius Tragoriganum pluribus priuatim cōferre censet, tamen & omnes aliae species in idem concurrunt. Sed ne in tanta antiquorum differentia nunc uelimus sententiā ferre, herbam & flores huius nostrae uulgaris in his montibus colligere nō desinas: suo enim loco species omnes tāquam digito ostendere, & autorum differentias cōciliare conabimur. S E N. Iam ingentem copiā exaceruauit Herbarius. B R A. In meum etiam usum ac gratiam partem accumulet: nempe eius puluis supra coctos mugiles summē placet, nec in placentis, aut phaselis, alijsq; obsonijs immisceri displicet. S E N. Neapolitani hoc puluere frequentissime utūtur. B R A. Et Graeci intinctus plures ex origano parant. Vide hic miram naturā, & ingens odiū cum Brassica, ubi uiuet unum, alterum perit, & arescit. En brassica istae propinquae aridae spectantur? S E. Quae est huius rei causa? B R A. Multarum rerum causae reddi non possunt: non enim à cognitione oritur hoc odium, sed potius ex quadam naturarum contrarietate & distantia, ut lupo ouē odio habet, & gryphus equū. Sunt nonnul

nonnullæ manifestæ proprietates, quarum determinatas, & statas causas philosophorum præcipui inuenire nescierunt. HER. Satis mihi erit si aliarum urbium nomina edocueris. BRA. A Germanis Dosten, à Gallis origan, ab Hispanis oregano appellatur. SEN. Liliū ex nostro ordine sequitur, quod nos album appellamus. BRA. Nul- Lilium.  
lus antiquorum album addidit, sed absolute liliū, aut liriū dicunt, adeo mire & apte à Plinio descriptū cap. v. xxi. uolu. ut eius descriptio cum natura certet. Fingūt ex lacte lunonis dormientis in terra effuso natum, quū Hercules puer lac incertè & uagè, ut pueri faciūt, exurgeret: unde Rosa lunonis dictum. Plures sunt eius species, sed potissi- Rosa lunonis,  
ma hæc est qua utimur, à Græcis Crinon appellata: flo- Crinon,  
res potissimum colligas, ex quibus lirinum, uel susinum unguentum fit, de quo Plinius cap. xix. lib. xxi. uel succus, nos oleum liliorum alborum ita appellatum conficimus: postea radices, quæ ueluti bulbi sunt, seruato, ad rem medicam aptissimas, ut Plinius ac Dioscorides testantur: nec folia prætermittas, quarum succus dum uiridia & recentia sunt, exprimendus, & aceto ac melle in æneo uase coquendus contra uetusta ulcera, nouaq; uulnera optimus: flores tantum colligere didiceramus, sed nunc folia etiam ac radices non prætermitemus.  
HERB. Aliorum nomina edoceas. BRA. A Germanis lilien, ut in en finiat: ab Hispanis liriū, à Gallis lis blanc dicitur. SEN. Meliloti flores lilium sequuntur. BRA. Nostri, trifolij florem quendam colligunt, quem melilotum uocant, ita à meliloto differentem, ut rosa à lilio. Latini fertulam campanam uocant,



Sertula Cam  
pana.

uel sertam campanicam, Catone teste, sertam, quia coronas ingrediebatur: Campanicam, quia in Campania oritur, præsertim circa Nolam eius regionis urbem: nō multum laudo, ut hic melilotum colligas, sed in Campaniā facile mittere poteris, quum naues olei gratia Apuliam petent: non tamen ita in Campania (quæ nunc terra de lauro dicitur) nascitur, quin alibi nasci nō possit. S E. Iubebo etiam semina afferri: sed quum melilotus trifolij species sit, florem luteum habens, & hoc trifolium sit florē luteum habens, cur melilotus non est? B R A. Alia plura exiguntur, odora hunc florem. S E. Iam odorō, sed nihil penitus nisi herbacei offertur. B R A. At melilotus odorē habet, quamuis languidum, arida autem diutius odorē seruat. S E N. Hæc autem semper inodora est. B R A. Habet etiam melilotus pinguißima folia, quæ in nostro hoc non extant, nec cana sunt folia, ut Plinius illi attribuit capite nono x x i. uoluminis, tamē ubiq; nascitur apud nos, & nostræ mulieres trifolium appellant: Germani uero Bernklebe, hanc nostram melilotum uocant: tamen si ex genere meliloti sit, iam degenerauit. Nos autem uidimus, & habemus ueram ex Campania allatam, & eius semina terræ manlauimus, sed degenerarunt in nostro solo Ferrariensi: tamen certum est trifolij folia habere, quod & nomen lotos ostendit. S E N. Tibi morem gerere statui: quum nuntij occasio offerretur, in Campaniam mittā, ut herba, flores, & semina afferantur. H E R. Nō finam uos loqui, nisi aliarū gentium nomina edocueritis. B R A. A Gallis etiam Melilont: ab Hispanis, corona de Rey, quasi corona regia: à Germanis gelutele appellatur, ac si  
dixe

dixerint trifolium croceum. S E N. Salvia flores sequun- Salvia.  
 tur. E R A. Hæc herba in locis asperis nascitur, & hor-  
 tis: quæ in hortis, eleliphacus à Theophrasto uocari ac-  
 cipitur, V I. de historia plantarum libro. Sylvestris autē  
 ab eodem sphacelon appellari uidetur, quæ ad omnia in Sphacelus.  
 re medica efficacior est, ut suo loco exquisitè edocebi-  
 mus. Tu nunc in hoc aspero loco, herbam, & flores colli-  
 gito, quæ seorsum ad plura conferunt. Decipiuntur uero,  
 qui uulgare nostrum eupatorium, sylvestrem saluiam pu-  
 tarunt, sed hæc est similis hortulanæ, nisi quod latiora  
 & maiora folia habet, quæ & in hortis etiā reperitur.  
 A Gallis autē salvia, saulge dicitur: à Germanis salbey:  
 ab Hispanis, ut nos, salvia, sed ponendo accētum supra, i.  
S E N. Tassi barbaſi flores accedunt. E R A. Nō est opus Tassus bar-  
 in hac herba, quæ à Græcis phlomos, à Latinis uerbascū, baſius.  
 à Galeno plomos appellatur, multum immorari, & si ua-  
 rias species habeat, quoniam eisdem uiribus insigniuntur.  
 Ad campeſtria igitur illa deſcēdens, flores per ſe, & her-  
 bam ſeruato: tamen marem potius, quàm ſœminam ha-  
 bere curarem, quia in omni ſerè ſpecie mare ineptior eſt  
 ſœmina: tamen ab autoribus nulla ſpecies altera effica-  
 cior probatur. Germanorū pars illam Vuulkrout, quaſi  
 lanca herba: nam ex ipſa lychnia ſiūt: unde à Dioſcoride  
 lychnitis & Thryallis dicitur, cuius flos albus eſt: etiam Lychnitis.  
 à Germanis dicitur Marghicherzen, id eſt, Mariæ cādē- Thryallis.  
 la. Alteram uero ſpeciem purpureum florem habentem  
 campuloſam, & Marien roſen, id eſt, Mariæ roſam ap-  
 pellant. Hiſpani uero, ut Latini ſerè, & Galli, Melon  
 blanc uocant. S E N. Rubri papaueris flores accedunt. Papauer ru-  
brum.

**B R A.** Nusquā apud antiquos sub nomine papaueris re-  
**Anemone.** peritur, Anemonem uocant, quoniam nunquam aperitur  
 nisi flante uento: non tamen hoc dico, quin etiā nouerim  
 esse agreste papauer, uel papaueralida, de quo Dioscri-  
 des distincte ab anemone, tractat. Verū quod rubrū pa-  
 pauer dicimus, est Dioscoridis anemone: quippe errati-  
 cum papauer duos tantum colores habet, rufum, & can-  
 didum: anemon uero plures, & præsertim rubrū, ut edo-  
 cebimus, ut ex his constet rubrum papauer apud nos uo-

**Anemones spe-  
 cies duæ.**

catum esse Dioscoridis anemonē. Cuius duæ species sunt:  
 syluestre, id est, sponte in incultis nascens, & quod in cul-  
 tis nascitur: syluestre hoc est, in hac rupe uirēs, quod etiā  
 frequenter parietes ascendit, hoc (si lubet) colligas, quo-  
 niam efficaciores uires habet, quā cultis locis nascens,  
 sed hoc ex coloribus species uariat: nam aliquæ puniceos  
 flores habent, aliquæ subalbos, aliquæ lactescētes, aliquæ  
 purpureos. Nos anemone utimur flores rubros habēte, in  
 triticis plurimum nascente, quam Dioscorides τὰ ἄνθη  
 ποινικὰ, id est, flores puniceos habere dicit. Hermolaus  
 Barbarus interpretatus est florem sanguineum, nam hic  
 flos biliosum sanguinem præsentat: nec ab re fortassis ita  
 Hermolaus interpretatus est, florem sanguineum, quoniā  
 poëtæ ex Adonidis cruore natā uolūt. **S E.** Sum' ne tuo in  
 dicio alias species collecturus? **B R A.** Ut lubet, sed ego  
 potius in Ferrariensi agro colligerē, ubi ingens copia ha-  
 betur: nostræ mulieres Rosellas appellant, à rubore, uel  
 quasi sint parue rosæ: Germani uero à strepitu quem faci-  
 unt folia quoties imposita supra manū, & altera manu  
 percussa crepitant, Clapperrosen, id est, crepitans rosa, ap-  
 pellant: quamuis & proprium nomen Germanū habeāt

huius floris, scilicet Glitschen, quod tamen ex crepitu ducitur: Galli, ut nos, pauot rouge: Hispani nonnulli Latinū imitatur, quanquā & apud alios Germanos uuill maen, & ab alijs corn rosen appelletur. Nostræ mulieres pro decoranda facie aquā parant. Antiqui Aegyptij ex hoc flore morbos hominū intelligebāt, Horo teste: huius herbæ in re medica usus est radice, folijs, & flore, imò antiqui florum uires breuibus transigunt, circa herbā & radices uires edocētes: tu autē, ne in hac re nimis immorari uideamur, ad alios flores transire coneris. **SE.** Croci flores colligendi. **BR A.** En circa hanc semitā, prope illum fonticulum, quomodo terrā pingāt cōsideremus. **SE.** Reuera croceus ille color uiridi mixtus perpulchrā picturā efficit. **BR A.** Ibi flores & bulbosus radices seorsum collige, quæ ad ciendam urinam cū passo apprime ualēt: nec multum refert, montanū aut satiuū seruaueris, degenerauit autē quod nostræ mulieres gruogo, quasi crocū appellant. Iam cœpit Ferrariæ plātari, nec modicus est prouētus. Galli Arabico nomine utūtur, ut nos etiā uulgò, zapharan dicētes, sed sequēti modo scribūt, saffran: ita enim & apud Mauritanos ferè dicitur: Germanorū uero pars etiam saffran: Hispanorum autem cafran appellant. **SEN.** His sambuci flores adnectuntur. **BR A.** Sambuci duas species antiqui fecere: maiore, quæ arboreescit, hanc nunc queris: & minore, quæ ebulus etiā uocatur. Vnde à Græcis χαμαιόκτης, id est, humilis sambucus: ἄκτὴν enim sambucū dicūt: eadē sunt uires ambabus speciebus. Ne sis autem floribus contentus, sed radicem quoque atq; folia seruat o, quæ in re medica seorsum ualent, teneros caules

asclitici relinquo, & granorum etiam succum, quū ma-  
 turuerint exprimito, ad capillos insiciendos aptū. Apud  
 antiquos nulla est pro medica re florum recordatio, nūc  
 uero ipsi solū expetuntur, nos uulgò uacolas appellamus,  
 quibus mulieres pastillos, ex ipsis, ouis & casco in mense  
 Maij, & quādoq; lac addentes parant. s e. Ex interiori  
 cortice succum etiā pro ascitis, & ex medulla puluerem  
 seruabo: quin etiā uirgas collecturus sum, pro baculis ad  
 podagricos leuioribus parandis. B R A. Videris ex phar-  
 macopola lignarius faber euadere. s e. Hoc ago, ut nihil  
 meae officinae desit quod aegris aliqua in re cōducere pos-  
 sit. H E R. Hoc ipsi cōcedatur, sed baculos Ferrariae acci-  
 piemus. s e. Ne tu aliarū gentiū nomina deseras. B R A.  
 Germani sambucū, holder appellāt, ex cōcauitate: unde  
 ridicula ex eo nomine fingūt & ferè enigmata. Hispani,  
 xabugo. Galli uero, sureau. s e. Zenestræ flores sequun-  
 tur. B R A. Genistā, & spartum rectius dicitur, in re ru-  
 stica pro ligandis uiribus apta. Hunc locū incultum acce-  
 damus, ubi magna copia uiret: flores & semina seruabis,  
 quanquā & Ferrariae nūc inuascatur, & in omni hor-  
 to magna copia uireat. Nec prætēmittende uirgæ, quæ  
 in aqua macerate, & expresso succo ad anginas & coxæ  
 dicum dolores ualēt. Radicū nulla mentio apud antiquos  
 est, quibus tamen plerunq; ad educendā aquā intercutem  
 usus sum. An uero proprie differentia sit inter spartū &  
 Genistā, & de duplici eius genere, in eo libro pertractabi-  
 mus, quo herbarū discrimina, et species assignare iam cœ-  
 pimus. Galli Genest appellānt: Germani uero, Genster.  
 s e. Lambruscæ flores ad limen ueniūt. B R A. In hac re  
 plures

Zenestræ  
 flores.

Zenestræ  
 uirgæ.

Labruscæ  
 flores.

plures optimi uiri decepti sunt, uitē syluestrē cū labrusca  
 confundentes, imò nō solū recētes, ut Serapio ac Arabes,  
 sed & Plinius propter hoc nomē deceptus bis de hac re  
 sermonē fecit, x x i i i. uol. cap. i i. & x x v i i. cap. v i i.  
 sed nobis nūc opus non est opiniones autorū recensere.  
 Vocabulū hoc ἀμπελος ἀγρία, id est uitis syluestris, Vitis sylue-  
 æquiuocum est: nam herbam quandam significat, quæ ui stris,  
 tis quidem non est, sed ob fructum racemosum uitis ap-  
 pellatur, quum tamen folia uitis non habeat, sed hortensi  
 foliano similes sint. Alterum significatum est, labrusca à  
 Gallis resin sauluage nuncupata: a Germanis etiam no-  
 men non habet, nisi ex uite et syluestri compositum, quæ  
 à domestica uite nihil differt, nisi quia syluestrē habi-  
 tum habeat, nec colitur: & non modo hæ duæ agrestes  
 uites figura differunt, sed & uiribus: nam illa calidissima  
 est, & ui caustica, & depilatoria insignitur, hæc autem  
 frigida, & adstrictiua. Dioscorides etiam agrestis uitis  
 duo capita fecit. Vnū, in quarto libro, ubi de herbis agit.  
 Alterū, in principio quinti uoluminis, ubi de uitibus per-  
 tractat. Flores huius herbe, qui non peruenerint ad ma-  
 turitatem, colligito, uerū folia, & palmites, & capreo-  
 li in medicinæ usum seruantur. Fit ex cœnanthe, id est, la- Cœnanthe.  
 bruscae flore, oleum ac unguentum: appellant enim labru-  
 sce flores cœnanthe, quamuis & herba sit eiusdem no-  
 minis, cuius Dioscorides libro tertio meminit. Mirādum  
 tamen est de Marcello, qui in cœnanthe, id est, labruscae  
 flore, dicit se nunquam legisse apud Dioscoridem herbā  
 aliquam quæ cœnanthe diceretur. Ex his quæ edocui in  
 Serapione mirum errorem percipio: is enim uir hæc duo

genera agrestis uitis confundit, prius enim inquit agrestem uitem folia habere solano similia, quod uerum est in herba iam dicta: postea huius herbae uires scribit, mox flores describens, & quomodo fructus faciat, de labrusca, id est, de ea uite syluestri, quae inter uires nuncupatur, pertractat. Imò quod mirum est, inter uites de illa syluestri loquitur quae herba est, & illi contrarias uires assignat.

B R A. O beate senex, in hac re optimè sentis, utinà alij non essent adeò ceruicosi, ut rem non aspernarentur, ita enim quisque incorruptam ueritatem cognosceret, sed pauci sunt qui norint uera bona. Ideo & tu, quae praedicta sunt boni cōsulas, & alios flores numera, quā Ferrae labruscae copia scaturiat. S E N. Balaustium occur-

Balaustium.

Mali punici flores ab auctoribus duobus nominibus appellati.

rit. B R A. In hoc flore apud Græcos & Latinos differentiam uideo: quippe Theophrastus, Dioscorides, Paulus, & Aëtius flores Mali punici duobus nominibus appellant, Balaustium & Cytinum: Cytinus est flos domestici & satiui mali, Balaustium syluestris. Intelligūt uerò per florem nō foliola illa tantum, sed & calycem, qui pomum efficit, cuius rei argumentum est, quòd Dioscorides comparans uasculum hyoscyami, in quo semina sunt, cytino comparat: certum uerò est in foliolis illis non esse semina, sed in calyce. Plinius autē inter Latinos præcipuus decimosextimo capite uoluminis decimiertij, balaustium mali punici florem simpliciter nominat: nec inter satiui & syluestrem distinctionem facit, quem omnes recentiores medici imitantur, per balaustium cuiusuis mali punici florem intelligentes. Idem Plinius capite sexto uigesimi tertij uoluminis, cytinus appellat primos huius pomi partus

partus florere incipientis: Balaustium uerò flosculos in hoc ipso cytino, antequam malum ipsum prodeat, erumpentes. Ex Plinio nihil aliud intelligere possum, quàm cytinum esse florem ipsum nondum apertum, & qui foliola illa rubra non emisit. Postquam uerò erupere, & iam foliola rubescunt, balaustium dicitur: fortè cytinus appellatus, quia eo colore uestes tingantur: aut à κύπε, quod Græcis ambitum, et captum significat, quia intus fructus uel florem capiat: nunc uulgato nomine apud pharmacopolas utamur, tam domesticos, quàm syluestres nomine balaustij intelligentes. Ita enim & Galli communi nomine balaust, & Hispani flor de granada: & Germanorū pars, balausten (his enim ob ingentiſſima frigora magna Germanorū pars caret) appellāt. Eadem uis domesticis & syluestribus inest, Dioscoride teste, quamuis ego maiorem uim adstrictoriam syluestri tribuerem. Syluestres hic colliges, domestici Ferrariæ habētur. Nunc Venetias ex Creta, & alijs orientioribus partibus ualde punicei afferuntur, quos propriè balaustia nonnulli pharmacopola censent, quum re uera & apud nos balaustia, id est, mali punici syluestris flores sint. SEN. Ex his arboribus quid colligendum censet? BRA. Nunc flores quum maturuerint, poma, succum, malicorium, & cicum, id est, pelliculam acinos interstinguentem, quæ & ipsa rei medicæ conducit: nunc etiam balaustij succum parare poteris, & pro commodo seruare. SEN. Hæc de balaustio satis sint: flores sequuntur, quos Cheiri dicunt. BRA. Cheiri. De his, quum uiolas colligebas, nonnulla disseruimus: quæ enim à Græcis leucoia, ab Arabibus Cheiri appellantur:



hoc manifestissimè apparet Serapionem legenti, qui primo species per colores distinguit, ut Dioscorides facit, inde illa ipsi attribuit, quæ Dioscorides leucoijs, & eundem modum insidendi mulieres in decocto, laudatq; citrinum, Dioscorides & ipse luteum laudat, unde cheiri corrupto uocabulo idem est quod leucoion: uel sicut in Græco ex albo denominantur leucoion, quamuis aliæ species albæ non sint, ita in Arabico Cheiri, id est, albæ nominantur, quia cæteris pulchriores sunt, non efficaciores, ut non nulli putarunt, quia antiqui luteas magis laudat, & nunc medici eis potissimum utuntur. Vnde non immeritò Galili a luteis nomen dederunt, ipsas uiolette iaulne appellant: & Lusitani Goiues, quasi giluas dicunt: Germani autem Gelbueil, aut geluiol, aut Geel, id est, luteæ uiole: nam Gelb, uel Geel, apud ipsos luteum significat: ueil, uel uiol, uiolâ, quâuis & uiolaten dicât: unde uiolarû diuersitates ipsi per colores præpositos faciunt, ut Blau uiolaten, Gel uiolaten, Brun uiolaten, id est, albas uiolas, luteas uiolas, nigras uiolas. Flores, folia, ac semina cõdas. S E N. Est ne hic idoneus locus unde colligã? B R. Nõ modo idoneus, sed adrò perfectus, ut nullibi perfectiores nascentur, præsertim quia montani in hoc genere cæteris præualent: non enim in Ferrariensi solo ita efficaces sunt, utpote humili, atque humidiori. An uerò flores illi, quos iefeminos nunc appellamus, antiqui Gelfeminos, sub leucoijs poni debeant, in præsentī disputandum non est, etsi prius sub uiolarum uocabulo comprehendī animaduertimus. Nusquam enim à Dioscoride iasmini recordatio fit, nisi quod primo libro iasmini unguenti meminit. Quod autē  
à uiolis

à uiolis, & leucoijs, Iasmini distincti uideantur, id testimonium esse potest, quod Serapio tria diuersa capita facit. Vnum de fenestegi, quod illi respondet quod de Iou, id est, uiola, Dioscorides tractat: Mauritani enim fenestegi, uiolam dicunt. Aliud de Cheiri, in quo Dioscoridem in leucoio precise imitatur, & tertium ab his distinctum de Zambach, uel Sambach, id est, Iesemim: in quo capite ostendit manifestè rem esse à Dioscoride, & Galeno non pertractatam, quoniā Arabum testimonio tantum uititur. Et quamuis species distinguat per colores, ut in leucoio fit, in album, citrinum, & cœlestis coloris ( ut eius more loquar ) tamen hic album citrino præmittit, sicut in leucoio citrinū albo. Id autē oleum, quod à Græcis Iasminū uel unguentū dicitur, ab Arabibus zambachinū uel sambachinū appellatur, magno ægrorū discrimine, ex crassa plurium medicorū ignauia, qui rerum nomina nescientes pro eo sambucinū oleū accipiunt, quū diuersæ sint huius & illi uires. Decipiuntur autē ex nominis ferè affinitatē, sambacinū, & sambucinū à sambuco, sed hæc aliās: tu interim alios flores enarra. **SEN.** Iam flores expediti sunt, quorū apud nos usus est. **BRA.** O' mira & nimis decurtata res, tam paucos flores in officinis habetis? tamen infinitæ herbe sunt, quibus odorati, pulcherrimi, & in re medica efficaces flores insident. **SEN.** Posteaquam hanc artem exercere cœpi, quod à primis unguiculis ferè fuit, nunquam alios flores legi, aut ab alijs pharmacopœis seruari percepi. **BRA.** Arabes rem medicam plurimum decurtarunt, quorum uestigia pharmacopœæ imitantur. Verum post flores quid collecturus es? **SEN.**

Quod in meo libello scriptum erit. B R A. Quid inquit illud est? S E N. Si prius labia in hoc fonticulo ablucero, cetera prosequi incipiam. B R A. Abluas, mihi potius bibendum est.

DE HERBIS, QVIBVS PASSIM  
in officinis utuntur pharmacopolæ.

S E N E X.



HERBÆ post flores scriptæ sunt.

B R A. Nec omnes in his montibus inuenies, imò & si hic uirerent nonnullæ, aliubi tamē petendæ, quia plures in humentibus locis, planis, frigidis & con-

uallibus efficaciores uires habent. Eia senex optime tuas illas herbas numera. S E N. Numerabo equidem, sed nullo ordine scriptæ sunt. B R A. Ergo flores imitantur. S E N. Imitantur quidem in ordine, qui nullus est, nam ut pyxides, & sacculi se offerebant, ita scribebātur. B R A. Tamen aliquis ordo est, omnia absque ordine disponere, quippe in inordinatione ordo seruat. At his cauillis omiſſis, iam herbas ipsas uocare incipis. S E N E X. Salvia uelut omnium antesignana in hoc catalogo uexillum fert. B R A. Hanc in floribus copiosè collegisti. S E N. Copiosè quidē, ideo alias herbas prosequar, Rosmarinus, Borago, Buglossa, Origanus. B R A. Quid opus est hæc iterū enumerare, quum in floribus collectæ sint? S E N. Noli quicquam prætermittere, ut nihil nostræ officinæ desit: nullus enim est in auctario error, sed magnus in herbarum defectu. Endiuiæ, & Cichoreum sequuntur.

Endiuiæ & Cichoreum.

sequuntur. BRA. Optimè duo hæc sigillatim numerasti, à Græcis ambo σέγις appellantur: à Latinis intubus: in satium & agrestem diuiditur. Agrestis apud Ferrariense vulgus, sylvestris radícula nuncupatur: ab autoribus, picris & cichoreum, quamuis nonnullæ etiam urbes in Italia sua vulgari lingua cichorea uocent, ut Romani, Neapolitani, Tusci, & plures alij: eodè modo Galli, Cichoree dicunt, & Hispani: Germanorum uerò pars, uueguuardt appellât, quasi custodē uiarum: nam uidetur ferè indicare uiam peregrinis: à profundioribus uerò Germanis, ut Saxones sunt, hirtlaup dicitur: ab alijs crasfiusculè, uuege uiisse, quia uiam etiam demonstrat. Græci tamen per cichoreum, tam domesticum, quàm sylvestre intelligunt. Satium duplex est. Vnum, latiora folia habens, lactucæ similis, quod nos endiuuiam corrupto uocabulo, quasi intubum appellamus: Hispani ex Lusitania, Almeyrorem: à Gallis, Endiue: à Germanis additum, endiuen. Alterum, strictiora folia habet, quod radiculam hortensem nostra lingua dicimus, uel radechio, à multis capillamentis per radicem transcuntibus. Hæc igitur communia uocabula sunt, seris, intubus, cichoreum: sed usus fecit, ut apud nos cichoreum, sylvestrem radiculam significaret, quam picrida Græci uocât: Latini, ut Celsus, Ambubeiam appellare uidetur: Germani plures, Ambubeia, præter dicta nomina, hindtleuff. Intubus uerò aut seris eâ Intubus, significat, quam corrupto uocabulo Endiuuiam dicimus. Ex his herbis & radices colligito, quæ in Ferrariensi solo efficaciores existunt: præterea expressum succum ad multos usus serua. SEN. Est ne uerum speciem helio-

tropij Cichoreum esse? B R A. Id plerunque obseruauī, sed nunquam uerum esse percepi, quanquam ab autoribus certum esse scribatur, sed hoc nihil ad rem tuam.

Scolopendra. S E N. Ergo Scolopendra sequitur, quam sinistrorsum in illo umbroso loco uirere cerno, præsertim lapidibus inhaerens. B R A. Et tu ex illis es, qui scolopēdrium hanc herbam putant? S E N. Nec aliud unquam audiui aut noui. B R A. Illam ergo esse putas quæ à Dioscoride

Asplenon. Asplenon appellatur? S E N. Illam inquam. B R A. Et tu summè erras: sed utinam error in legenda herba tantū esset: audias ergo quomodo illa nō sit scolopēdrium, quā uos in officinis habetis, & à Gallis etiam scolopēdre appelletur: à Germanis uerò Hirtzjung, quasi lingua cerui dicant. S E N. Libenter hoc audiam. B R A. Dioscorides folia similia scolopēdre animali habere tradit. S E N. Et habet nescio quas lanugines in uersa parte, quæ huic animali assimilantur. B R A. Sed hoc non est habere folia huic animali similia, sed potius aliquid in folijs huic animali simile habere: quæ autem sequuntur aptius te mouebunt: addit, polypodij modo incisuris diuisa. S E N. Nulla est huius herbæ cum polypodio affinitas, nec incisuras habet. B R A. Sequitur, ex inferiore parte aspera & flauescens, superiore uiridis: quod in uostro hoc scolopēdrio non inuenitur. S E N. Nihil ad me, modo eisdem uiribus muniatur. B R A. Imò contrarias habent, quoniam hoc scolopēdrium, quod legere parasti, constrictiuam uim habet, & dysentericis prodest: medici autem tanquam herba aperiente, lienes dissolvente, & calculos frangere utuntur. S E N. Hic esset excrebilis

bilis, & nefandus error. B R A. Imò est, & nescio cur medicos non pudeat simplicium medicamentorum notitiam omittere, non sunt ipsi qui medeantur, sed mulieres illæ, quæ herbas inueniunt, ut Leoniceus quandoq; per iocum disceptabat. S E N. Miror, ac miratus sum frequētissime, nostræ ætatis medicos non modo non callere simpliciā, sed eos etiam deridere, qui hæc sequantur, & qui aliquid egregij in his parare conentur. B R A. En quorū sum res medica trahatur, habemus qui proceres nostræ urbe appellari uolunt, purpurati, ac togati incedētes, qui duas summas medicæ rei partes ignorant, simplicij scientiā, & anatomen, sine quibus nemo aut medicus, aut medico similis appellari debet: hos autem relinquamus, ad rem nostram redeuntes, uides ne circa huius putei latera inhaerentem herbam? S E N. Video, & iam folia accepi. B R A. Hæc est Asplenon uel scolopendrium antiquorū. S E N. Nos istā Citharac appellamus. B R A. Vel citharac: aut Cetharac, aut quolibet alio barbaro nomine appelletur, ea est quæ antiquioribus scolopendrium, Asplenon, & à fibris, quas habet in modum filicis, pteryx. Quod ignorās Marcellus, illius nominis rationē reddere ignorauit, à Gallis ceterach etiam dicitur, & ab Hispanorum parte: à Germanis uero styenkeren. S E N. Ea inquam est, si descriptionem recte considero: deinceps autē quid acturus sum? B R A. Hanc pro scolopendrio serua, quam Citharac appellasti, & quum ignaui medici scolopendrium ordinabūt, hac utere: Tamen nec illud cōmune scolopendrium pro dysentericis omittas, quod à Dioscoride phyllitis, quasi foliosa dicitur, passim lingua ceruina Phyllitis,

nuncupatur: à Gallis etiā scolopēdre: at à Germanis magis proprio uocabulo hirtzzung, id est, lingua cerui. In-  
fra autē Leonici errorē uidebimus in lingua cerui, quā hemionitida putauit, quū potius sit phyllitis. **S E N.** Si lubet, descriptionem huius phyllitis consideremus. **B R A.** Maxime lubet, Rumicis folia habet, longiora tamen, et speciosiora. **S E.** Hucusq; res ita se habet. **B R A.** Interius leuor, auersis annexos exiles ueluti uermiculos præferens. **S E N.** Adeò illa est, ut nec cæcus errare possit: sed quæ fuit tam magni, et execrabilis erroris causa? **B R A.** Nihil aliud arbitror, quàm quod sub folijs ueluti uermiculos habet: in usu autē medico uires cōtrarias habet, quàm sit communis, et uulgatus eius usus. **S E N.** Gaudeo in hanc ætatem seruari, utpote qui in multis uerum assequi po-

**Absinthium.** tuero. Absinthium scolopendri terga consequitur. **B R A.** Montanum palustri nostro efficacius est, ideo hic colligere opportunum erit: herba notissima, hæc præsertim quæ barypicron ab amaritudine, et ab odore dicitur: à Gallis absinse: ab Hispanis alosena: à Germanis Ber-  
muet, quasi prohibens alacritatē dicta: fortè ob gustū ita appellarūt Germani. De santonico, et seriphio, id est, marino, alijs loquemur: tu in his montibus hoc collige, quo omnes in re medica utuntur: ostendunt enim oculata fide montanum efficacius esse palustri, aquæ, quæ ui ignis eli-

**Menta.** quantur. **S E.** Menta sequitur. **B R A.** Duss, aut tres herbus numeræ. **S E.** Postea calamentū. **B R A.** Siste, quoniā has duss recte copulasti: Menta notissima est herba, et humano generi pluribus nominibus utilis, cū in medicamentorū, tum in cōdimentorum usu, à Lusitanis ortelan, à Gallis

à Gallis Mente, à Germanis Mirz dicta: calida, & uen-  
triculo summè apta, ut de Aristotele mirādum sit, qui cā  
frigidam, & seminis uirilis absumptiuā dixerit, in Proble-  
matum libris, ubi rationem reddit cur belli tēpore serēda  
non sit. Hermolaus per se quidem calidā fāretur, sed fieri  
posse, ut per accidens infrigidet. Suspicio autem ego ibi  
corruptum esse uocabulum, nec mentam legi debere, sed  
herbam alteram frigidam, in qua re quid sentiā aliās me  
edocturum promitto: syluestris menta, Mētastrum à no- Mentastrum,  
bis dicitur: à Gallis, Mente saulage: ab Hispanis, Men-  
trastes: à Germanis, uuilt mintz, id est, syluestris menta:  
hoc peculiare Germanis est, ut adiectiua substātiuis conti-  
nuò sua lingua prēmittāt. Ad omnia ualet, ad quæ mēta,  
ignauius tamen: ideo solam mētā habere studebo, ut re  
efficaciori, & nō minus efficaci utar. Calamintha à mēta Calamintha.  
nomen habere uidetur, quā & Galli calament dicūt: ta-  
men re uera non habet cum menta figuram: & licet tria  
genera calaminthæ inueniantur, montanum scilicet, quod  
prope pedes habes, ocimi folia præ se ferens, & alterum,  
odorem pulegij, tertiumq; folia mentastri, longiora tan-  
tum habens: omne tamen genus, Nepeta, à Latinis nuncu Nepeta  
patur, quamuis peculiari nomine secundum genus à Ro-  
manis Nepeta dicatur. Nostri pharmacopole duo uulga  
ta harum herbarum nomina habent, neuēda scilicet, & Neuēda,  
herba Gattara. Gattara. S E N. Hoc magis notum mihi est, quā  
ut dicatur. B R A. Sed his, quæ dicturus sum, mentem  
adhibeas. Quam uos nepetam siue neuēdam, aut herbam  
Gattaram appellatis, secunda species calaminthæ est,  
quam nonnulli agreste pulegium uocant, ut Dioscorides



inquit, quia pulegio assimilatur: id autem nō in folijs, sed  
 Calamentum, in odore intelligendum censco. Eam uero, quā calamentū  
 appellatis, est tertia species calaminthæ, ignauior & in-  
 efficacior cæteris: quam uero hinc habes in hoc cāpestri,  
 aspero & aquoso loco, calamintha mōtana est, omnibus  
 efficacior. Quā ob rem quum hæ tres species equas uires  
 habeant, & tertia, quam uos pro uera calamintha colli-  
 gitis, cæteris inefficacior sit, eam dimittere, & montanā  
 solum colligerem, aut etiam secundam speciem, quā Ro-  
 mani proprie Nepetam dicunt, quāuis & hoc eodē nomi-  
 ne tres species significetur: quumq; ab aliquo medico ca-  
 lamintha, aut Nepeta, aut herba Gattara ordinatur, sem-  
 per aut montanā calamintham, aut hanc, quam uos Gat-  
 tariam uulgò appellatis, & apud Dioscoridem secunda  
 species calaminthæ est, accipito. Itaq; nullus fiet error,  
 & illa inefficax herba dimittetur, à Dioscoride tertia  
 species calaminthæ, & à uobis peculiari nomine calamē-  
 tum nuncupata. S E N. Hoc consilio utar, quandoquidem  
 Maiorana, optimum esse uideatur. Maiorana sequitur. B R A. In hac  
 herba, quæ Amaracus dicitur, an eadem esset cum sam-  
 psucho dubitauī, eandem esse Plinius apertissime osten-  
 dit lib. x x i. cap. i x. & Theophrastus, imò & ipsemet  
 Dioscorides sampsuchum amaracum appellari tradit.  
 Quod autē dubium fecit, primus Dioscoridis liber fuit,  
 in quo duo capita sunt: alterum, de sampsuchino unguen-  
 to: alterū, de amaracino, ac si amaracus & sampsuchus  
 duo diuersa sint. Re uera multū dubitauī, & nonnunquā  
 huic sententiæ harebā, in primo libro additum esse ab ali-  
 quo librario caput de amaracino ungueto. Mox id præ-  
 ter rem

ter rem esse cognoui: quoniã Galenus, & Paulus Aegineta duo diuersa capita, & ipsi faciunt, alterum de sampsuchino, alterũ de amaracino unguētis. Imò & Plinius scorsum Amaracinũ à sampsuchino describit: fortè quẽ admodum & nunc, nõnulla in uno Italiae loco fiunt, quẽ in altero preciosiora, & diligentius fieri possunt, ut Theriaca, quẽ apud Tortonam laudatissima existimatur, tamen ubiq; etiã fit (sed nullibi uera) ita usu uenit in amaracino ungueto: ex sampsucho enim fit, tamẽ in Cyzico perfectius fiebat: nam & ibi amaracus perfectior est, & efficaciores uires habet: hinc ex urbiũ diuersitate, perfectius & imperfectius unguentum fiebat, & secundũ aliarum urbiũ nomina uario modo denominabatur. At quia diuersæ compositiones erant, ideo duobus nominibus appellabantur, & duo distincta capita facta sunt. Non tamen hoc ideo est quia sint duæ herbæ sampsuchus, & amaracus, sed quia ubi fit perfectũ hoc unguentũ, id est, in Cypro, secũdum Plinium, & Cyzicenis, quæ sunt prope Siciliã, ubi nominatur amaracus, ideo potius illa compositio dicta est unguentũ amaracinũ: illa uero altera in tota Græcia facta ubi sampsuchus appellatur, suæ compositioni nomen dedit, & sampsuchinũ unguentum dictum est. Quæ dissolutio ex hoc suspecta est, quia diuersæ sunt compositiones & nõ eadem, dempto solũ nomine: propterea id fortè melius, quum duæ sint amaraci species, una odorator, quã nos uulgò gentile appellamus: altera minus odorata, & habens latiora folia, ex odoratori Amaracimum unguentũ fiebat, quod Cyzicenis potissimum cõponebatur, quoniã is locus gentili maiorana

exuberabat. In alijs Græciæ partibus fiebat ex inodora-  
tiori, ideo sampsuchinum dictum est: quicquid sit, eadem  
herba est sampsuchus & amaracus, quā nos Maioranā  
dicimus: Germani Maioran, uel meyran: Lusitani Man-  
iarona: Galli Mariolaine: herbā in his mōtibus collige,  
ubi, odoratior est, & potius hanc serpentē, quā illā re-  
ctam, quæ & si à Dioscoride serpere dicatur, id ubiq; nō  
fit: tamen intelligi potest serpere, quia nō solum nascitur  
seminibus iactis, sed etiā ramulis plantatis, uel terræ quo-  
modocunq; admotis. Nihil autē in præsentī differendum  
est de Galeni amaraco, ipse enim ita nostrā matricariam

Cyclaminus.  
Panis porcinus.

Theodori Ga-  
zæ error.

Tuber terræ.

Rapum terræ.

Vmbilicus  
terræ.

uocauit. Quid demde sequitur? s. E. Cyclamen. B. R. A. Panis  
porcinus uulgò dicitur, quoniā suis mirè placeat: ubi in  
Theophrasto κυκλάμιν & legitur, Theodorus Gaza,  
Malum terræ interpretatur, sed re uera deceptus: quoniā  
ut ex Plinio sumi aperte potest, Tuber terræ, & rapū ter-  
ræ, & umbilicus terræ dicitur: nā malū terræ, ut ex eodē,  
& Dioscoride patet, Aristolochia est. Quicquid tamen  
sit, huius terræ rapi tres species inueniuntur, & hæc tantū  
apud nos nota, ea est quæ uires medicas habet, ideo hanc  
solum colligere expedit: sed nō debes esse sola radice con-  
tentus, imò & quum caudex plurimum in re medica ua-  
leat, ideo & caudicem & eius succum ad usum reserua,  
imò & ipsius radicis succus seruandus. Recentes alio no-  
mine, arthanitam uocant. s. E. Id agam: nunc pulegiū oc-  
currit. B. R. A. De pulegio multi dubitarūt, quibus uisum  
est esse syluestre serpyllum, sed tenuibus argumētis inhæ-  
rent: si eius historia apud autores cū hoc nostro uocato  
pulegio, & uulgò polezolo, ab Hispanis poleo, à Gallis  
poleont

Arthanita.  
Pulegium.

poleont, à Germanis poley, conferatur, nullus erit adeò  
 stupidus, qui nō noscat pulegiū esse. Ex hoc montanū ser-  
 uandum, & dum flores in orbiculos habet, etiā quod ha-  
 bet flores purpureos magis seruādum, quā quod albos:  
 nam primum est foemina, alterum mas: putant autem au-  
 tores (monstrum profectò, & res mare indigna) foemi-  
 nam efficaciorē esse mare in hac specie, quum domi-  
 eris suspende pulegium, nam brumali die florescere uide-  
 bis. SEN. Hoc expertus sum, sed nunquā uerum com-  
 peri. BRA. Tamen à grauissimis autoribus refertur:  
 quicquid sit, hanc herbam in puluerem redigas, & prae-  
 ter usus medicos, pro condiendis obsonijs utaris. SEN. Id  
 agam, & frequēter egi, sed uno hoc molestor, quia apud  
 Laërtium me legisse suspicor, quendam philosophū, qui  
 ostendere uolens exemplo nō uerbis, castigandos esse dissi-  
 dentes ciues, pultem in medium attulit pulegio aspersam,  
 ut ostenderet, ita amarē eos tractandos, quemadmodum  
 ipse pultem tractauit, & dissidentiam pultis, & pulegij  
 annotaret: quo exemplo pulegium amarum esse depre-  
 henditur, nostrum uero amarum non est, ideo pulegium  
 esse dubitauī. BRA. Non ob amaritudinem pulegium  
 pulti miscuit (quamuis & sapor eius dulcis non sit) sed  
 ob dissidentiam naturarum. Quemadmodum saccharum  
 optima res est, quo omnes dapes aptantur, tamen ocimis  
 ineptissimum est, adeò ut eorum gustus saccharo uile-  
 scat. SEN. Thymum ergo & Epithymum colligamus. *Thymus.*  
 BRA. Hæc duo iure simul copulasti, quoniam uiribus, no-  
 mine, & locis, quibus nascuntur, ferē quadrant. SEN.  
 Non ne Epithymus est thymi flos? BRA. Quid sit audies,

**Thymi species** ut mox colligere possis. **Thymus** duplex est, candidus, & dux, nigricans, herba notissima est, ut etiā Dioscorides censet, quamvis ipse de albo Thymo solum loqui uideatur. En **Epithymus**, quanta copia in hoc petroso loco & sterili sit. **Epithymus** uero, quo uos utimini, nō uester apud Dioscoridem, nam ipse florem Thymi epithymū esse censet, lib. 1111. Quod autē in officinis habetis, nō est flos Thymi, sed id quod à Plinio describitur cap. v 111. lib. x x v 1. quod nascitur sine radice rubens tenui similitudine pallioli, uel tenuis, nasciturq; circa Thymum, unde epithymus appellatur. Laudarem, ut Thymum herbā, & flores seorsum colligeres, postea id quod circa Thymū nascitur, tanquā capillamenta quēdam, hoc est epithymus, quo nūc utimur, sunt rubri serē capilli, qui circa arbuscula & herbas nascuntur, ut circa linū uocata cuscuta nascitur, quæ et ipsa ex hoc genere uidetur circa myrtū aliquod simile fit, sed id uerē epithymus, qui Thymum ueluti palliolum ambit. Tamen in hac re sum ualde ambiguus, an scilicet Dioscoridis Epithymus altera res sit à nostro nunc uocato Epithymo, & quo Mesue utitur. s e. Libēter quid in hac re sentiendum sit addiscerē. b r a. Et ego te ipsum ueluti iudicem in hac cōtrouersia uoco. s e. Nullum autōrē, præter Mesuem, uidi de Epithymo loquentē, quomodo in hac re iudex ero? b r a. Ego tibi partes disponā ueluti instruat acies, ut facilius iudices. s e. Incipe, fortē & te iudicē, reum, actorē esse cogemus. b r a. Nō licet quenquā officio partis & iudicis fungi. s e. Nunc licebit, nulla parte reclamante. b r a. En igitur principio uidetur Dioscorides de nostro communi Epithymo loqui, quoniam semper

per consuevit congenera congeneribus copulare. Verum si epithymus Dioscoridis esset flos Thymi, & non Epithymus, quo utimur in morem capillorum, uideretur suū ordinem nō seruare Dioscorides: quippe qui tertio libro de Thymo, quarto autem de eius flore pertractaret. Vnde cēsendum est alteram rem esse Epithymum, quā Thymi flos, quia nunquam consuevit de herba in uno libro, & de flore eius in altero scribere. Præterea inquit Epithymum à Romanis inuolucrū appellari, sed noster epithymus, & non flos Thymi inuolucrū est: nā sunt uoluti capilli inuoluti. Adde, nō dicere Epithymū esse florē Thymi, sed florē ē Thymo ac si res quedā sit thymo ducta, qualis est noster Epithymus, qui ex caudice thymi in Apulia, & in orientalibus partibus educitur. Imò ex nomē ipsum hoc ostendit, nā idē est Epithymus, ac si in thymo dicamus: noster autē epithymus in thymo est, quoniā circa ipsum reperitur. Item uerba Dioscoridis de epithymo hæc sunt: Capitula tenuia, & leuia sunt, codiculas habentia, quasi crines: sed epithymus noster, quasi crines uidetur, & habet capitula quedā tenuia, qualia etiā in uocata cuscuta uidentur, licet in cuscuta ampliora sint. Potest & hoc indicio sumi Epithymū quarti libri Dioscoridis, potius esse nostrum epithymum, quā florem thymi, quia tertio libro meminit floris thymi, ubi de thymo pertractat, inquitens esse πορφυρίζοντα, id est, purpurascens: est autem color medius inter album & purpureum. Verum eo loco nec dicit epithymum uocari, nec ei uires maiores facit, quā & thymi uires sint: uerum Galenus, Paulus, & Aëtius maiores uires epithymo, quā thymo

Lib. 4. cap. 171

faciunt, ut consentaneum sit potius nostros ueluti capillos apud Dioscoridem epithymum esse, quam thymi florem.

SEN. Ex his certus sum, nostrum epithymum à Dioscoride quarto libro tractari. BRA. Mihi similis uideris iudici cuidam, qui actore audito, statim pro eo iudicabat, mox audito Reo, pro illo ius ferebat: nondum aliam partem audiuiſti, tamen ex abrupto iudicasti. SEN.


Quoniam nihil aliud dici posse arbitror. BRA. In hac re longe deciperis: nam si oppositæ parti aurem præstabis, te pro ea sententiam laturum puto. SEN. Incipe igitur, quandoquidem nimis repente iudicasse confiteor.

BRA. Hinc exordium sumam, quòd Dioscorides quarto libro inquit, epithymum esse thymi florem. Nec moueor quòd summus uir Hermolaus interpretatus sit, florem è thymo: quoniam Dioscorides sua lingua scriptum reliquit ἐπιθυμιον θύμῳ ὅτι τὸ ἄνθος: quæ si ad uerbum referantur, inquit: epithymum, thymi est flos, non autem è thymo: nec etiam obstat quòd à Romanis inuolucrum appelletur, quoniam ob pediculum, cui flos inhaeret, fortè id nomen sumptum est: imò si flores demantur ab herba, uidentur ferè crines, tamen parui: ideo appellat codiculas. Nec etiam moueor, quòd congenera congeneribus nò miscuerit, quia in alijs quibusdam idem fecit, fortè quum scriberet in mentem non uenerant: nec multifaciendum est ex nomine argumentum, quoniam etsi epithymus in thymo significat, tamen et flos in thymo est. Præterea Galenus, Paulus, et Aëtius Thymum et epithymum calidum et siccum in tertio ordine faciunt, tamen epithymum uehementiorem esse censent, quod flori thymi optimè quadrat

mè quadrat. Conuenit enim florem perfectiores uires habere sua herba, utpote in quo species per semina seruetur. Addeq; hos autores thymum exhibere cum sale & aceto, & per se cum melle: hoc idem faciunt in epithymo, quod indicium est florem thymi epithymum esse.

SEN. Et huic parti iam fauere incipio. Verum abs te hanc sententiam ferri percipio. BRA. Libenter tibi morem geram: prius florem thymi epithymum esse censebam, nunc Plinius me attentum fecit capite octauo lib.

xxvi. ubi inquit: Item epithymon, qui est flos è thymo, satureiæ simili. Differetia, quod hic herbaceus est, alterius thymi albus. Postea interpositis quibundâ ad quæ ualet, addit: Quidam aliter epithymum tradunt, sine radice nasci, tenui similitudine pallioli, rubens. Ex his uerbis, duo ab antiquis epithymum uocari colligo: sunt autem tres thymi species, albus, de quo Dioscorides tertio libro: niger, cuius Theophrastus & Plinius meminit: & tertius qui assimilatur satureiæ: hic potissimum nascitur in Pamphylia & Cappadocia. Thymus niger, ut docet Aëtius, non debet esse in usu medico: quoniam temperamentum corrumpit, & bilim generat. Relinquantur igitur duo thymi genera in usu medico: thymus albus, & thymus similis satureiæ. Hic thymus satureiæ similis, flores habet herbaceos, qui epithymus dicuntur: & hic est epithymus, de quo Dioscorides quarto libro agit, quæ dicit esse florem thymi durioris similis satureiæ: sunt autem capitula tenuia & leuia, codiculas habentia quasi crines. Hunc epithymum nō habemus, & rectè animaduertit Plinius esse flores è thymo simili satureiæ: & hoc

Thymus niger  
& medicis im-  
probat. 



dictum esse ad differētiā alterius thymi, qui habet flores albos, quum hic habeat herbaceos. Quum autem Plinius dixerit flos è thymo, propter hoc Hermolaus interpretans Dioscoridem, dixit flos è thymo, non flos thymi, ut autor ipse dicit: quia in pluribus conatur ex Plinio Dioscoridem exprimere. Hos flores epithymum esse Dioscoridis, Serapio etiam manifestè ostendit, inquiens, epithymum secundum Dioscoridem, esse florem cuiusdam herbæ, quæ est similis thymbræ. Verum quum in Creta etiam nascatur, curabo ut semina saltē afferātur, quum Ducis nostri navis illuc accedat. Altera species epithymi est palliolum illud circa thymum sine radice, de quo nullus antiquorum nobis notorum, præter Pliniū, loquutus est, ad nos ex Apulia affertur, et Creta, et orientalibus partibus. Hic est epithymus quo nos utimur, qui quum à Mesue describitur, dicit esse similem cuscute, de quo nec Dioscorides, aut Paulus, aut Aëtius, unquam tractarunt, quoniam ipsi tantum primum exprimunt, qui quum sit flos alterius speciei thymi, propter id tertio libro de thymo albo Dioscorides tractat: quarto autem libro de hoc flore, utpote de diversis speciebus: et meritò inuolucrum appellatur, quia pediculi florum ueluti caudæ inuoluti sunt, et crinibus assimulantur. SEN. Igitur noster epithymus apud antiquos non erit? BRA. Non quidem Græcos, sed bene Arabes, quamvis Auicenna et Mesue adeò confusi sint, ut quandoque de flore thymi, quandoque de simili cuscute loqui uideantur. Nam Arabes per hæc aut hyssopum, hæc thymum intelligunt: per epithymū Serapio idem accepit quod Dioscorides. Mesue autem et  
 Auicenna

Auicenna, licet confundere uideantur, præsertim Auicenna, tamen hæc capillamenta intelligunt ueluti palliolū, quæ circa thymum sine radice nascuntur: sed errore magno detinentur, quoniam de epithymo Dioscoridis non tractant: tamen easdem uires illi suo epithymo tribuunt, quas & Dioscorides, & ceteri Græci suo: imò Dioscorides sui epithymi ad summum quatuor drachmas tribuit, Mesue ad uiginti accedit. Miror autē de excellentissimo Manardo, qui quū nouerit, & docuerit alterū esse epithymum Mesue, alterum Dioscoridis, Mesuem ita reprehendat, quia uiginti drachmas dederit, Dioscorides autē quatuor, & Plinius ad summum sex. Verum nullus in rebus diuersis dignus reprehensione est, quum sit alterum epithymum Mesue ab illo Dioscoridis, cur per dosim Dioscoridis, quæ in altera re est, Mesuem reprehendat? Imò si Mesuem in capite de hæc, id est, thymo, consideremus, manifestè deprehendemus eius puluerem exhibere, à drachmis duabus ad quatuor, quæ ferè eadem dosis est cum illa epithymi Dioscoridis, qui est flos alterius thymi: sed non mirum, quia interdum Homerus hallucinatur, hoc iure obseruandum esset, quum pro atra bile epithymus ordinatur, flos thymi saturciæ similis simendus esset, si apud nos existeret: loco autem ipsius potius flores nostri thymi sumerem, quàm capillamenta illa ueluti palliculum: nam flores illi humori melancholico aduersantur: nec tamen ita capillamenta illa omitterem, ut officinam meam non ingrederentur, quibus ferè omnes utuntur, quum Plinius eandem ferè uim habere cum thymi flore præcitato loco tradiderit, & hæc saxosis lo-

Cuscuta, cis colligenda. **SEN.** Cuscuta offertur. **BRA.** Nec im-  
 merito, quia ab epithymo parum differat: nam Recentio-  
 rum epithymus circa thymum, Cuscuta circa linum nasci-  
 tur: unde à Recentioribus podagra lini, & strangulator  
 lini nuncupatur: alij uerò grongum dicunt: Germani ue-  
 rò, filz kraut: Galli & Hispani, ut nos ferè, tamen non so-  
 lum lino inhæret, sed & rubis, ac alijs pluribus arbuscu-  
 lis, & herbis: differentia est per colorem: magis albicat  
 quæ in lino, quàm quæ in rubo, uel moro est: in re uerò  
 medica est ferè eadem ratio. Reperitur & Cuscuta ter-  
 reæ serpens. **SEN.** Nos cuscutam terræ nascentem ap-  
 pellamus. **BRA.** Ratio est, me iudice, quia nihil pro-  
 pinquum habet, cui inhæreat. **SEN.** Ita est, nam quan-  
 doque expertus sum baculos circum ponere, qui cuius ca-  
 pillamentis tecti sunt. **BRA.** Id non possum non cre-  
 dere. **SEN.** Imò certus sis: hæc autem cuscuta quo no-  
 mine ab antiquis appellatur? **BRA.** Nonnulli epithy-  
 mum existimarunt, quod falsum esse quisque ex prædictis  
 sumere potest: nam nec Mesue aut Dioscoridis epithy-  
 mum esse potest, quoniam circa thymum sunt, uel in thy-  
 mo: cuscuta uerò in lino & alijs rebus. Quandoq; puta-  
 ui herbam, quæ à Dioscoride Androsace appellatur, Cu-  
 scutam esse. **SEN.** Eius picturam legamus. **BRA.** Ut  
 lubet. **SEN.** Herba est candida, tenues habet cirros.  
**BRA.** Hoc Græca lingua uno uerbo dicitur λεπτόκισ-  
 φος, id est, tenuibus cirris. **SEN.** Amara sequitur, &  
 sine folijs, quæ omnia nostræ cuscutæ quadrant: nam her-  
 ba est candida, id est, in album uergens: potest enim her-  
 ba appellari, amara, sine folijs, habetq; folliculū in sum-  
 mis cirris

mis cirris, in quo semen continetur. Certè nostra cuscuta est: gaudeo inuentam esse cuscutam apud antiquos.

B R A. Ne exultes ante certamen, nam & ego alias id sentiebam: nunc Androsacem, non esse cuscutam certus sum: imò tuo argumento aliud addam: uires, quæ nostræ cuscutæ ab omnibus exhibentur, à Dioscoride Androsacæ exhibentur, quoniam ducit urinam, aquam intercutem patientibus, & ut Galenus inquit, desiccet, aperitq; obstructions epatis, quæ omnia nostræ cuscutæ quadrat. S E N.

Moueris forsitan, quia dicit in maritimis Syriæ nasci: cuscuta autem apud nos etiam est. B R A. Hoc non mo-

ueor, quia à Dioscoride omnia loca non enumerantur, in quibus herbe nascuntur, sed tantum in quibus potissimè exuberant, aut efficaciores sunt, uel ipse uidit. S E N.

Quid ergo impedit hanc non esse cuscutā? B R A. Androsacem uidi frequètem elapsis annis in Istria circa mare, quū illuc appulissim cū illustrissimo ALPHONSO

Duce Ferrariæ, piscandi gratia. S E N. In Syriæ maritimis nasci Dioscorides tradit. B R A. Et Plinius

Istriam dicit esse Androsaces feracissimam. In primis differt à nostra cuscuta, quia Androsace radicem habet, cuscuta non. Secundo, androsace est ueluti manipulus cit-

Androsace in quibus differat a cuscuta.

rorum uel capillorum breuis, & supra unumquemque capillū adest folliculus, in quo semina sunt. At cuscuta longa est, ut quādoq; multas ambiat lini plantas, nec in apice folliculos habet, sed per medium. Tertio, Androsace similis est plantæ arnaglossæ, cui folia sint ablata, & nervi relictī: cuscuta uerò elongatur ad magnum spatium.

Quarto, Androsace est amarissima herba, ut illi nomen

dederit amaritudo: nam ab aliquibus picris appellatur, ut etiam sicca amaritudinem seruet, sed cuscuta sicca nihil amaritudinis habet, recens parum, uel nihil. Quinto, ueræ albedini cirri Androsaces albicant, adeo ut nomen leucæ meruerit: quod non facit cuscuta, licet quum recēs est in album uergat. Sexto, Androsace nulli inhaeret, sed per se in littore spargitur, imò, et si quid propinquum sit, non inhaeret, ut cuscuta facit, quæ inhaeret propinquis rebus, et in longum extenditur. Septimo, Androsace acris herba est, ut Galenus et Paulus testantur, cuscuta non acris, si quis uero gustu diiudicet. Octauo, Androsace semen habet notatu dignum, pro ratione herbae cui inhaeret, quod est in cuscuta fere insensibile. Nono, ab omnibus fere autoribus, à quibus Androsace describitur, ut à Dioscoride, et Plinio, libro uigesimoseptimo, capite quarto, maritima herba dicitur, cuscuta uerò capestris: imò peculiari nomine ab aliquibus Thalaßia dicitur, per excellentiam, ut Dioscorides docet, quasi maritima.

SEN. Nunc uerè cognosco Androsacem antiquorum nostram cuscutam non esse: quamuis etiam eisdem uiribus insigniri uideatur, tamen quo nomine ab antiquioribus insigniretur, scire optarem. BRA. Nunc mihi non constat, ideo præterita dissertatione cōtentus sis. SEN. Ergo ad fumum terræ me uertam. BRA. Herba apud nos adeo nota ut monitore non indigeat, in illam planiciem descendamus, in qua seges ordeacea uiret, pro hac herba colligenda: nihil tamen impedit Ferrarienses hortos expectare, in quibus summè scaturit: decipiuntur uerò qui cymbalaria, fumum terræ, id est, fumariā herbam (ita enim

Fumus terræ.

enim Latine dici debet) putarunt: Græci capnion appellant, propterea quod palpebras ueluti fumus morâcat: eodem nomine, ut nos, Galli & Hispani utuntur: Germani uero in dictione solū differūt: uocat enim Erdtrauch, quod Latine interpretatur terræ fumus. Huius simplicis herbe puluere à summa atræ bilis copia Magnificum Bartholomæum Prosperum Illustrissimi HERCVLIS ESTENSIS Carnutarum ducis, & principis Egrariae primogeniti à secretis, uirum omni doctrinarum genere præditum, & bonorum morum columen, liberū reddidi.

SEN. Sena, & eius folliculi in mediū ueniunt. B R A. Sena, nam apud antiquiores incognitam esse certū habeo, ideo à Auerroë optime inter medicinas nouas numeratur; & iure hoc dicit, quum nusquā apud Dioscoridem, Theophrastum, Plinium, Galenumq; inuenta sit. S E N. Res mira, herba adeo digna decantari, & tot nominibus insignita Græcis ignota fuit? B R A. Fuit quidem, ut uidetur. S E N. Non ne eorum tempore extabat, aut deinceps terra peperit? B R A. Et tunc extabat, sed fortassis, aut ab his non experta, uel non uisa. S E N. Quomodo non uisa à Dioscoride, qui ferè uniuersum orbem circuiuit? B R A. Dioscorides militauit quidem, sed uniuersum orbem perlustrasse non constat, illuc saltem nō iuit, ubi nascebatur, aut mox etiā ad propinquiores prouincias delata est, ut de pluribus alijs rebus factum constat, quas antiqui ignorarunt, aut data opera reliquerunt. Certum uero est centesimam partem herbarum in uniuerso orbe constantiū, non esse descriptam à Dioscoride, nec plantarum à Theophrasto, aut Plinio, sed in dies addiscimus, & crescit ars

medica. **S E N.** Mihi decreſcere uidetur, quoniam audiui quosdam Recentēs ſyrupos penitus demere, & tantum aqua ordeī, mulſo, & pauciſſimis quibuſcūq; utūtur. **B R A.** Hi ſuo modo agant, & ſi ad ægros curandos uocentur (quod rariuſ accideret) current. Ego mihi propoſui omnes bonos autores imitari: & ſi quandoq; aliqua noua inueniantur, quæ ratione & experimento optima eſſe conſtitit, ſemper aſſenſuri ſumus: eos enim imitari nolumus, qui decocto guaiaci uti deſpiciunt, quoniam ab antiquis ſileatur. At quomodo ab illis ſcribi poterat, quum adhuc quadraginta anni nō ſint, quod in ſula, in qua naſcitur repta eſt, priuſ penitus incognita. In dies creſcit ars medica, ſicut & aliæ artes, ut Plinius teſtatur, et ante ipſum Plato edocuerat. Imò & Galenus noſtram artē per incrementum fieri tradit. **S E.** Ea in ſula paucis ante annis orta ne eſt? **B R A.** Non orta, ſed nullus unquam illuc nauigare auſus eſt, præter noſtro hoc æuo Luſitanos. **S E N.** Quomodo hoc ſcitur? **B R A.** Quia à grauiſſimis uiris, Ptolemæo, Pöponio, Strabone, Plinio, qui uniuerſum deſcripſere, hæc nunquā uel à lōge monſtrata ſunt: ſed hæc aliis. Nunc de ſena loquamur, quā ita Hiſpani & Galli, ut nos appellāt: Germani uero potius foliorum memoriā faciunt, ſenet bletter dicentes, id eſt, ſenæ folia: plures conati ſunt eā apud Dioſcoridem inuenire, adeò ut aliquis Empetron, empetron eſſe putarit. **S E.** Huius ſententiæ excellentiſſimus Manardus quādoq; fuit ea cōiectura, quia à Dioſcoride ſcribatur: ſi in eſculento iure decoquatur, purgat bilem, pituitā, & aquas, nos autē ſenam in iure bulimus ut purget. **B R A.** Adeò tenuis cōiectura eſt, ut nec filo inhaereat:

reat: nam & ita bouem capum esse probarem, quia bul-  
 liuntur ut nutriant. Non enim habet folia lentis sena, ut  
 phacoides appellari possit, quemadmodum empetron, quia  
 & locis maritimis nascitur & saxosis. Nec salsa est se-  
 na, sed subamara, & quo magis mari propinqua, eo ama-  
 rior, ut ligustica sena ostendit, quauis ea inefficacior sit  
 quæ ex partibus Aegypti defertur. Hi adhuc peius sen-  
 tiunt, qui Delphinium putarunt: nam senæ folia non sunt Delphinium,  
 delphino similia, nec opus est ad folliculos fugere, quoniã  
 de folijs Dioscorides loquitur,  $\phi\upsilon\lambda\lambda\acute{\alpha}\varsigma\iota\alpha$  enim foliola si-  
 gnificat, non folliculos aut siliquas, nec floribus quadrat.  
 Decipiuntur etiã qui senam peplion esse arbitrãtur: non Peplion.  
 enim lac habet, nec semen simile. Minus est Alipon, quia  
 semine multum differt, quod nullam habet cū epithymo  
 similitudinem, nec radice, aut surculis cōuenit. s. e. Quo-  
 modo tot uiri decepti sunt? B. R. A. Ob duo. Primo, aliquã  
 similitudinem acceperunt, & multas dissimilitudines omi-  
 serunt. Secundo, quia uires cōsiderarunt potius quàm rem  
 ipsam: quū enim atram bilem ducere legerūt, senã esse pu-  
 tarunt, & præsertim quia circa maritima nascitur. s. e.  
 Quid est ergo apud antiquos sena? B. R. A. Alij quomodo  
 lubet censeant, nos senam ab antiquioribus nusquã descri-  
 ptam scimus: sed cū Auerroi nouã herbã esse putamus:  
 nouam, inquã, id est, antiquioribus illis incognitã. s. e. Nō  
 est igitur aliquo pacto colligēda? B. R. A. Imò maxime ser-  
 uanda, tot enim dotes & præcipuas habet, ut nunquã sit  
 prætercunda. s. e. N. Quomodo id nouisti? B. R. A. In pri-  
 mis Arabum autoritate, quæ non est adeò temere despi-  
 cienda, ut nonnulli recentes faciunt, præsertim ubi Græcis



non opponuntur, postea ipsa quotidiana experientia, quæ  
 est omnium rerum magistra. S E. Audiui hanc esse uiam  
 Galeni, quam regiam dicunt. B R A. Est. S E N. Quid col-  
 lecturus sum, folliculos (ut dicunt) aut folia? B R A. In  
 his saxosis locis hic prope mare herbam & folliculos le-  
 gerem. S E. Dic (ni pigeat) debet ne re aliqua roborari,  
 aut corrigi, ne uenterculum offendant? B R A. Debet  
 omnino, zinzibere, cinamomo, Garyophyllis, aut alia re  
 ex his quæ uenterculum roborant. S E N. Manardus, senā  
 uenterculum roborare censet absq; alio adminiculo, quia  
 subamara, & adstringēs, & experientia (ut inquit) hoc  
 demonstrat. B R A. Tam celeberrimi uiri pace dixerim,  
 & praeceptoris colendissimi, experientia oppositū osten-  
 dit: nam qui sene decoctum bibunt, aut uocatam infusio-  
 nem, uenterculo offendantur. Nullus est Ferrariæ, aut ali-  
 bi medicus, qui non sit sexcenties expertus, & ego quoti-  
 die experior: nec omne amarum roborat uenterculū, aut  
 adstrictionem habet. Quam ob rem semper corrigendā  
 cenfeo: ob eam, quam singulis diebus experientiam uide-  
 mus. S E N. Quam partem magis altera seruabo? B R A.  
 Folliculos, in quibus maior uis educendi est, quā in fo-  
 lijs. S E N. Manardus magis folia commendat, quæ expe-  
 rientia duce, efficaciora sunt. B R A. Laudet quantum lu-  
 bet: & mihi experientia oppositum ostēdit, & omnibus  
 alijs qui artem medicam exercēt, & ratio ipsa dicitat ma-  
 iorem uim folliculos, quā folia habere, ob perfectiorem  
 ætatem herbæ, ob densiorem substantiam, ob potentiam  
 contentorum seminum. Tu ipse hoc experimento ducas,  
 decoctiones duas faciens: alteram, ex puris folliculis: alte-  
 ram,

ram, ex folijs, quas si deinde æqua lance bibas, manifeste deprehendes maiorem efficaciam inesse folliculis, quàm folijs, ut ego aliàs expertus sum. Ex his igitur maiore partem folliculorum, minorem foliorum serua: tamen potius laudarem, ut Venetijs Senam emereres, quæ Alexandria, & orientalibus partibus defertur, magis quàm ex Apulia, aut Liguria: experientia enim ostēdit semiunciam Aegyptiacæ tantum ferè proficere, quantum uncia nostratis.

SEN. Hoc iam diu noui. Quæ est eius Dosis? BRA. In infusione quandoque usque ad sex uncias exhibui, nec ueritus sum ad octo pertingere, & contulit, ac ægri benetulerunt, sed tres, aut quatuor uncia tutissime exhibentur. SEN. De sena satis: Mentastrum sequitur. BRA.

Ipsam cum Menta collegisti. SEN. Ad serpyllum ergo *Serpyllum.* ueniamus. BRA. Notissima herba est, à serpendo dicta.

SEN. Quomodo hoc fieri potest, quia una species ad palmi altitudinem crescit? BRA. Hinc miram Dioscoridis præstantiam in scribendo accipies. Inquit à serpendo nomen inuenisse: uerum quia species una serpylli non serpit, sed in altum crescit, propterea addit: & quoniam quæcunq; pars eius, quacunq; terram contigerit, radicatur: ut hinc serpyllum etiam crescens à serpendo dicatur, non quia sponte serpat, sed quia omnes ramuli plantati quacunq; terra crescunt. Quod etiam Theophrastus vi. de plantarum historia sentit. Quum duæ species sint, syluestre, & satium, adeò modicè differūt, ut mira sit illorum similitudo: tu in his petris uirens colligito, quoniam syluestre satino efficacius est, ut Dioscorides testatur: hortense uero, & ornamentis relinquito. SEN. Coronis

*serpyllum addere infaustum uidetur.* B R A. Res est, quæ paucis ante annis in usum uenit, quum mortuos impubes res, aut uirgines serpyllo coronare cœperunt, quum tamen apud antiquos in opere coronamentario in summo honore esset: sed quod maxime mirum est, Dioscorides & Plinius in tam notissima herba sibi inuicem opponuntur, quippe Plinius satium serpyllum non serpere, syluestre serpere scribit: sed Dioscorides satium serpere, syluestre minime, docet: ut hæc quibusdam occasionem dederint errandi, ut pulegium à syluestri serpyllo distinguere nesciuerint. Hæc autem apud nos adeò nota sunt, ut nullo demonstrante indigeant: eius effectus dedit Gallus ansam ipsam quandoque appellandi serpolet: & Germanis

**Plantago.**

quendel. S E N. Plantago prosilit. B R A. Ferrariæ plantaginem quæres, in palustribus locis, secus aggeres, atque septa: hæc enim summè amat, & in humidis efficacior est. S E N. Eius uim in siccioribus locis efficaciorē credebam. B R A. Errabas, quoniam id expressis uerbis Dio

**Arnoglossum.**

scorides testatur. Arnoglosson etiā appellatur, cui apud Germanos nomen respondere uidetur Schaffzung, id est, lingua ouis. Duæ eius species ab autoribus enumerantur: maior, quæ & επτάπλευρον, id est, septineruia: & minor, quæ πενταπλευρον, id est, quinqueneruia, à fibris quibusdam tanquam neruis per totum folium extensis. Vtranque speciem Ferrariæ habebis: sunt apud nos herbe notissimæ, ab Hispanis eodem nomine dictæ: à Gallis plantam: à Germanis altero nomine dicitur vucgrich, postea addunt Breyter, & spützeter, id est, maior & minor. Appellant etiam Begtrit, ac si dixerint herbam quæ in uia

in uia calcatur. SEN. Malua, & Maluaniscus sese offe- Malua, siue mal  
 runt. BRA. Optime simul copulasti, nam Maluaniscus uaniscus,  
 species maluæ est, Latine hibiscus dicitur, à Græcis  
 Althæa: notissima herbæ sunt, in hoc plano radices ac fo- Althæa.  
 lia hibisci, Maluæ autē folia & semina colligito: satiuā  
 malua Ferrariæ non utimur, sed Mediolani, ut olera, se-  
 ritur ac colitur, ad cibos apta. Coquitur ut asparagi, &  
 in acetarijs manditur. SEN. Est ergo alia sylvestris  
 malua ab Althæa. BRA. Est equidem: nam hæc com-  
 munis Malua, duas species, hortensem, & sponte nascen-  
 tem habet: hortensis cauliculos maiores facit, & eden-  
 do aptos: in sylvestri, id est, sponte nascēti, duriores sunt,  
 & cibarijs inepti. Plinius Malopem appellat, quæ in sa-  
 tiuis ampliora folia habet: quæ uero non, Malache, ab  
 emolliendo uentre: unde satiuā malua, & sylvestris erūt,  
 ambæq; in alias species distribuuntur: tamen Diosco-  
 rides satiuam tantum, Sylvestrem, & Althæam facit.  
 Nos autem Venetijs in horto nobilissimorum Corna-  
 riorum, quæ Murani habent, arboream maluam, ui-  
 dimus, imò erant ibi multæ maluarum plantæ, quæ in iu-  
 stam arboris mensuram creuerant, & nunc adsunt, ut  
 facile ex ipsis ingentes baculos quisque sibi parare pos-  
 set: quod tamen non mirum est, quia à Theophra-  
 sto arborescere Malua dicitur. Quicquid sit, Althææ  
 radices, non alceæ (quippe nonnulli decepti sunt Al-  
 ceam cum Althæa confundentes) herbam, & flores  
 ipsos serua. Maluā Ferrariæ ubertim habebis, & cul-  
 tu satiuam facies, & in arborem crescere coges, præ-  
 sertim si semina illius Venetæ seras, quam Romanam

maluam dicunt, nescio id nomen unde sumperint. SEN. In Althæa solo radicibus utimur. BRA. Ne folia deferas, quoniam priuatim (ut Dioscorides inquit) ex exiguo oleo morsibus & ambustis emplastri modo imponuntur. Hispani, ut nos, Maluam dicunt: Galli, Mauues: Germani, Bappelen, aut pappln: coliculos uero Malue, pappi stil. Maluam uero syluestrem, uilt pappln dicunt. Althæam autem Galli, Grimaues: Germani, Ibs appellant: quamuis & nonnulli uilt pappln, id est, sylue-

Semperuiuum. streum maluam dicant. SEN. Deinde semperuiuum maius & minus occurrunt. BRA. Tres species semperuiui apud autores inueniuntur, quamuis plures herbe sint, quam tres, que semper uiuant, id est, quocunque tempore, ex quatuor anni, id est, quibus ingens calor, aut sæua hyems non nocet: Latine sedum, Græcè Aizoon dicitur.

Semperuiuum maius. Ferrarie in tegulis nascuntur, & potiores uires habent, quam in his montibus. Maius semperuiuum, à nobis herba orechiara appellatur, à similitudine, quam cum auribus habet: à Gallis, ioubarde. Hæc autem similitudo maior est, quam ea quam cum oculo habet, secundum quam dicitur Zoophthalmon. Semperuiuum minus, à nobis herba pegnola, & uermicularis dicitur, ob similitudinem quam habent folia cum nucleis pineis: à Gal-  
 Semperuiuum minus.

Portulaca  
syluestris,

lis dicitur, oreile de souris: supra Ferrarienses tegulas mire serpit. Tertia specie non utimur, que ἀνδρῶν ὀφθαλμοῦ, id est, portulaca syluestris dicitur, de qua bis Dioscorides tractat, secundo, & quarto libro: sed quod secundo libro scribitur, id totum in quartum referri debet: Hoc autē genus habet uires penitus oppositas prædictis  
 semper

semperuiui speciebus. Quum uerò nō sit opus de herbis, quibus non uteris, disputare, ad alias transire opportunū erit, si prius animaduertero ex harum succo Nobilissimum Comitem Herculem Contrarium, & alterum Herculem Comitem Trotum, duo nostræ urbis fulgentia lumina, ex diuturna Gonorrhœa in sanitatem restituerim.

SEN. Urtica pedem confert. BRA. Conferat hæc no- Urtica.

tissima herba, ut apud nos in prouerbium cesserit, etiam culo notam esse urticam, duas species habet: unam, folia latiora, & nigriora habentem: alteram, minus nigra.

Adest & cania urtica ceteris acrior, & herculeana, que odorem habet, in genere à Græcis ἀκαλῶφι dicitur: à nobis, ab urendo urtica: omnibus eadem uires sunt, nec aliquid uni peculiarius attribuitur, quàm alteri. Ideo laudarem ut hic in montibus eam colligeres, & seorsum semina, herbam, radices, ac eius succum diuersis locis seruaueres. De mortua autem urtica, quam Lamium uel Aonium uocant, quoniam non urat, aliàs pertractabimus, edocentes, an ea que apud nos mortua & iners urtica uulgo dicitur, antiquorum ballote sit. Ab Hispanis ortiges, à Gallis ortie, à Germanis Nesselen, & hoc tempore nuncupatur. SEN. Ut frigida herba calide iungatur, por-

Portulaca.

tulaca urticam sequitur. BRA. Notissima est herba, potius in Ferrariensi solo querenda, quàm alibi: satiuæ est, & agrestis: folia, & simul ramulos legito, ac seruat: ἀνδρᾶχυν Græcis appellatur, à Lusitanis beldroe-gas, à Gallis pourpie, à Germanis porcelkraut, ac si dixerint porcellorum herbam: in acetarijs editur, cucumeribus, cepis, oleo, sale, & aceto conditis. SEN. Graminea

Gramen.

mox sequitur. B R A. Gramen potius dicito, quàm Gra-  
 minea. S E N. Quid refert, modo res ipsa intelligatur?  
 B R A. Si absq; uocibus res intelligi possent, nō indigere-  
 mus nominibus: sed posteaquàm huc peruenimus, ut non  
 possint absque nominibus artes intelligi aut addisci, ideo  
 melius est uocabulis à bonis autoribus scriptis uti, quàm  
 barbaris & sine autore dictis: melius enim est rectè lo-  
 qui, quàm prauè & incomptè, et si ad rem nihil faceret.  
 De agresti, id est, gramine, cum Dioscoride dicā ab omni-  
 bus cognosci. Ipsum Ferrariæ potius quærerem, ubi mire-  
 uiret, & hoc montano efficacius est: radices scorsum, &  
 ramulos colliges: uel omnia simul seruato, & quum opus  
 erit sciungito. At quemadmodum apud Latinos omnis fe-  
 rè herba gramen appellatur, præsertim quæ sit iumento-  
 rum esca, ita apud Germanos nomen est, Gras, quo gra-  
 men significant, & cæteras herbas folia strictiora haben-  
 tes, ueluti fœnum. Nunc autem de sanguinea herba apud  
 nostrum uulgus dicta, aut cauriola, disputare omittemus,  
 quam Plinius libro x x v. alteram speciem graminis pu-  
 tat, & gramen aculeatum uocat, quia plures habet in-  
 acumine aculeos, quos cōuolutos naribus inserunt, extra-  
 huntq; ciendi sanguinis gratia: hoc nostri pueri cauriola  
 herba sepe faciunt, quæ an sit coronopos, alias disputare  
 tentabimus: nunc tantum id animaduertentes, dubitari  
 posse a scholasticis, quum dulcia uermibus puerorum con-  
 ueniant, id est, eos potius nutriant, quàm interficiant.  
 Dulce autē sit gramen, quur cōmunis omniū medicorum  
 usus est, contra puerorū lumbricos gramine uti? Verum  
 disputationes hæc, quæ nihil ad cognitionem simplicium  
 faciunt

faciunt, omittantur. SEN. De lauro igitur sermo fiat. *Laurus,*

BRA. Ab herbis, ad arbores transis? SEN. In scribendo, aut colligendo nullum ordinem seruo, sed ut præsentantur, ita leguntur. BRA. Plures sunt lauri species, eisdem ferè viribus insignitæ, & apud nos adeò notæ, ut demonstratore non indigeant. In his montibus folia, daphnides, id est, baccas, & corticum radices collige ac serua.

SEN. Nullus est corticum usus. BRA. Imò maximus: nam calculos frāgit, & iocinorosis prodest: Galli laurier uocant laurum, ut plures ex nostris mulieribus, oraro: Germani uerò nomen proprium non habent arbori, sed ita fingūt, lorberbaum, quasi dicant arborem baccarum lauri. SEN. Tamariscus sequitur. BRA. A Dioscori

*Tamariscus,*

de Myrice nuncupatur, ad illam propinquam paludem, ubi stagnum apparet, descendamus, nam ibi myrices copia scaturit: eius fructum, herbam, cortices, & lignum seruabis. Duo ex ligno parantur, uasa ad bibendum liensis, & eo combusto, cinis, ut foeminarū fluctiones sistantur, præparatur: est apud nos arbor notissima, quin & semen ac flores seruanda. A Germanis Tamarisch, à Gal-  
lis Tamarisifi appellatur: sunt tamen & Germani, qui heyde uocent, sed magno errore, quia erix est arbuscula in magicis rebus salutaris. SEN. Salix deinde scriptus est. *Salix,*

BRA. O res mira, salices in montibus quæris, sed quæ feracior terra Ferrariensi solo, omni salicum genere exuberante? ubi & uires efficaciores insunt, quam in montibus: humido enim solo gaudet, & in ipso ferè sponte nascitur. Ne herbarium tuum hac arbore oneres, quum Ferrariæ ubiq; sint: folia, semina, foliorum succum, à cor-



Chamædrys.

ticis succum, præsertim quum floret, seruato: non quidem  
 succum per expreßionem, sed eum, qui per incisionē cor-  
 ticis emanat, & ex præusto cortice cinerem seruabis, cor-  
 tices uerò quocunq; anni tēpore recentes habētur. Quū  
 uerò apud Theophrastum & Plinium plures sint salicis  
 species, omnes æquis uiribus insigniūtur, aut modicè disse-  
 runt: ideo non est opus nisi ex ea quæ ad manus uenerit,  
 hæc colligere. SEN. Chamædryos sequitur. BRA.  
 Barbari adeò nomina corrumpere, ut genitiuo recto sæpius  
 utantur: nam, quemadmodum stichados pro stœchas su-  
 præ dictū est, ita Chamædryos pro chamædrys dicūt. Re-  
 centiores medici ferè Græcam uocem exprimentes, quer-  
 culam minorem uocant: Latini, trixaginem: Ferrariense  
 uulgus, calamandrinam: Germanorum pars, loge, alij ga-  
 menderim, alij gamanderlim appellant: tamē nonnulli uo-  
 cabulum habent, quo postea in amatorijs utuntur, scilicet  
 ielenger iclieber, quod uocabulum chamædry signifi-  
 cat: si uero exponatur, significat, quāto diutius, tātō cla-  
 rius: unde in amatorijs cauillis hoc nomine utētes deride-  
 re uidētur. In hoc aspero & petroso loco uiret, ubi folia  
 & semina colligēda, & nunc potissimū, quia suo semine  
 prægnans est, quo tēpore Dioscorides seruandā esse mo-  
 net. SEN. Dioscorides quatuor digitorū altitudinē non  
 excedere scriptum reliquit. BRA. Id est in Hermolai  
 interpretatione, sed ipse sua lingua dicit: ἔστι δὲ θαμ-  
 νίσκη ὡς θάμνις. uoluit esse fruticem breuem, ut-  
 pote qui habeat longitudinem spithami, id est, quātum  
 extendi potest à pollice ad auricularem: & quamuis ali-  
 quæ etiam hanc mensuram excedant, tamen pauca sunt,  
 nec

nec multum exuperant: quum autem Dioscorides alicuius herbe mensuram tribuit, id facit, ut maiori parti individuorum illius speciei quadrat. Nec etiam adeo stratam mensuram tribuit, ut quadoque in aliqua portione excedere non possint. SEN. Laureolam ergo colligamus. Laureola.

BRA. Hic manifestissimus recentiorum error deprehenditur, laureolam Mezereum esse existimantium. SEN.

Qui sunt hi recentes, qui hoc putarunt? BRA. Dinus quidam Florentinus, qui Mesuem commentatus est: hic capite primo, laureolam mezereon esse testatur, sed quantum hallucinetur, primo intuitu apparet, quippe Arabes omnes Mezereum inter lactarias herbas connumerant: at laureola lac non emittit: δαφνοειδὲς à Dioscoride, à nobis quasi græcum uocabulum imitantibus, laureola nuncupatur, ita etiam à Gallis laureole dicitur. In his montibus fructum collige & folia. SEN.

Dioscorides ipsam Alypo similem dicit, & Nymphae flores habere, quod in hac laureola falsum esse deprehenditur. BRA. In antiquissimis Dioscoridis codicibus ea

uerba non sunt, ideo & Hermolaus Barbarus ea suspecta habuit: in reliquis adeo ipsa est, ut nec pictor eam egregius pingere nouisset. SEN. Habet ne feruentem

& erodentem gustum? BRA. Tu gusta, ego expertus sum magno meo incommodo, qui etiam multa aqua epota

extinguere non uoluerim, & coenanti omnia uidebantur etiam insipida, multo pipere aspersa, adeo lingua & palatum ardebant. SEN. Tibi potius credam, quam

experiri tentem, & ad Rubi cimas descendam. BRA.

Cima Latine quidem dicitur: uerum in his montibus rubi

Cima.

querendi non sunt, quum Ferrariæ efficaciores uires habeant: cacumina, rami, atque mora seruanda: eius autem species plures sunt, at una tantum Ferrariæ uiret, quam  
 Sentis. appellant Sentem, uel chamæbaton, id est, humilem & terrestrem rubum: in solo Ferrariensi omnia prædia circumscripiuntur rubo, ne iumenta & homines in alienos agros transeant, à nobis absoluto uocabulo spina & roueda, quasi rubus, & sua cacumina cimas spinarum uocamus, quas Galli le coupeau des roses dicunt: rubum uerò Germani bramen beher appellant. De rubo autem canino, cynosbato dicto, aliis tractaturi sumus. s e n.

Myrtus. Myrtus sequitur. e r a. Due potissimum Myrti species reperiuntur, nigra & alba: nigra folia habet, quæ in uiriditatem quandam intensam, & fere subobscuram tendunt, quæ nigredinem quandam præ se ferre uidetur: alba uerò uiriditatem habet magis apertam, quæ respectu intense uiriditatis albedo dici potest. In genere autem omnia ex myrto, quæ in usum medicorum ueniunt, feliciora & efficacia in nigra sunt, quàm in alba, & ita perhibetur ab autoribus. Ex nigra igitur omnia colliges tibi necessaria, & descende prope illas aquas, ubi egregiè uiret: est enim frutex ambiguae naturæ, qui modo in aquis, modo in terra uiuit. Multa ex Myrto seruanda sunt, semina, folia, succum ex folijs & seminibus, ex quibus etià exprimendū uinum. Vos semina, myrtillos appellatis, antiquiores, ut Hippocrates, Myrtidanum. Parua etiam myrtus, quæ myrto adnascitur Myrtidanum dicitur, & Myrtida à Paulo Aegineta: efficacior est tota planta, quam seruare expediet. Intelligo etiam per adnatum id quod circa corti

ea corticem nascitur, ut in Thymo, Mesue Epithymus, ita in Myrto Myrtidandum: uel (ut nouum nomen fingamus) Epimyrthus, quem circa myrtos frequentissime uidi: quamuis Galenus myrtida sobolem myrti solum intellexerit. Omnia ergo hæc ex nigra myrto sumenda. SEN.

Cauda equina sequitur. BRA. Nomen rei ipsi conueniens: nam cum equina cauda similitudinem habet, ideo

et græci ἱπποῦρις, et Latini equisetum et equinalem Equisetum, uocant: nescio autem cur à Ferrariensibus mulieribus sce-

uola appelletur. Tamen quicquid sit, non est in montibus petenda hæc herba, sed potius inter Ferrarienses fossas, et loca aquosa: folia, et radices seruanda, utpote rei medicæ utilia. Tamen unam animaduersione dignum est,

ab aliquibus ita appellari, quia equorum membris succur-

rat, præsertim ubi fluxerit sanguis, habet enim adstricto-

riam quandam uim: ideo à Germanis nomen accepit har-

strang, à strangulando: quoniam si quispiam masticauerit, ut pueri sæpe faciunt, adeò adstringit ut strangulare

uideatur: Galli uerò à similitudine, queue de cheual dicunt: herba apud nos notissima, cuius duæ sunt species: al-

tera breuior, altera longior, quæ à saliendo salicem equi-

nalem Dioscorides appellat, longiorem appellant nostræ mulieres sclaream: arbitror inde sumptum nomen, quia stan-

nea uasa, illa fricent, et clarificent: sed aliud uocabulum habent magis usitatum, scilicet Asprella, ab asperitate,

ideo mire fricat uasa, breuiorem sceuolam dicunt. Sceuola est secunda species equiseti apud Dioscoridem: Asprella uerò prima: Habet autem sua folia adeò mollia sceuola,

et fragilia, ut inepta sit ad abstergenda uasa: sed Asprel-

Salix equinalis,

Asprella,

Sceuola.



la, dura habet, & ad frangendum cōtūmax, asperacq; est, ideo in polliendis coquinaris uasis ea utuntur: sunt adeo nota hæ herbæ, ut nulla sit Ferrariensis muliercula, quæ non agnouerit. Alias autē in polygono fœmina deceptus sum, quam Romani sanguinalem fœminam appellant, putans ipsam esse equiseti speciem, quoniam ita à Dioscoride describitur: frutex est tener, arundini similis continuatis geniculis, & in seipso tubarum modo fœctis, circa quos piceæ similia foliola in orbem exeunt: radix illis inutilis est: nascitur aquosis locis, adstringendi, refrigerandiq; uires habet. Si quis equisetum huic descriptioni comparabit, eius picturam esse ferè deprehendet: tamen deinceps noui sanguinalem fœminam alteram esse, & à nostris mulieribus Coregiolā & ipsam appellari, quia polygonium mas etiam coregiolam uocant: per mulieres, uniuersum Ferrariense uulgus intelligo. Huius herbæ succo ac puluere Illustrem Dianam Estensem, Contrariam, mulierem dignam ut altiori tuba decantetur, à

**Solatrum.** fluxu sanguinis narium immunem feci. **S E N.** Solatrum

maius, & minus sequuntur. **B R A.** Non modo in solano (ita enim appellari debet) recentiores, sed etiam antiqui inter se dissentiunt. Nam Theophrastus, Plinius, & Dioscorides his nominibus strychnon, & halicacabum uario modo utuntur. Quippe Theophrastus solum duo genera ponit: somniferum, & maniacum: sed hæc lites in aliud tempus differantur. Maniacum solanum deferendum, nec quo utimur, in his montibus colligendum, sed Ferrariæ ubertim habetur: olim edendo erat, nunc non editur: olim etiam satiuum erat, & in hortis, cum alijs olcribus

Solatri duo genera.

nera.



oleribus seminabatur: nunc in hortis, & aquosis locis sponte prouenit, imò & cultoribus inuitis scatet. Tu folia, ac fructum, id est, acinos illos suos seruabis. A Ferrariensibus biasfolia, ab alijs uua canina appellatur: sunt etiam qui uuam morellam à colore, quum grana maturuerint, uocent: & quoniam eo succo talis color fiat, uulgus enim Ferrariense purpureum colorem, Morellum dicit, quo nomine in hac herba Galli & Lusitani utuntur: illi enim Morelle, solatrum uocant, isti moura: & ferè idè nomen Germani sequuntur Nachtschatn dicentes, quasi umbra noctis, ex colore, quem grana ipsa aut habet, aut inficiunt: non est opus notissimam herbam alijs uerbis pingere, nullus enim est Ferrariæ qui solatrum ignoret.

SEN. Iuam ergo doceas. BRA. Hæc à Græcis χαμῶδιον Iua. Chamæpitys, πῖτυς dicitur, quia humilis, & per terram serpat: nō tamen adeò serpit, quin ramūculos eleuatos habeat: in hac etiam ordinanda Recentiores genitiuo, pro recto utuntur, Chamæpityos dicentes. Iua autem uocatur, quasi Ibiga: ita enim à Plinio, & alijs pluribus dicitur, uel Abiga. Nostri recentes Iua, aut Iuam moschatam credo ob odorem uocent, qui tamen mihi ingratisissimus est, corruptumq; est uocabulum Iua, ab Ibiga, uel Abiga. In montibus efficacior existit, & prope maria. Nomen accepit ab odore quem habet piceæ, uel pinus: nam hoc uocabulum πῖτυς, modo pro picea, modo pro pinu interpretatum inuenies, tamen piceæ odorem potius imitari uidetur: unde Chamæpitys idem est quod parua picea, uel, si id mauis, parua pinus: fuere tamen recentes, qui cupressam, & qui paruam Cyparissum potius nuncu-

pare uoluerint: tamen à picea, uel pinu, non à Cyparisso nomen habet, ut Chamædrys, id est, parua quercus, à drys, quod quercus est, deducitur. Tres Ibigæ species reperiuntur, quæ in genere à parte Germanorum uergissmeinit appellantur: quod uocabulum in cauillis amatorijs sumunt, et circa ipsum iocantur: nam idem significat, quod non obliuiscaris mei. Tres species Ibigæ reperiuntur, sed tu hanc, quæ in usu est, solum collige flores luteos habentem: nam de his herbis tantum acturus sum, quæ nunc in pharmacopolarum officinis Ferrariæ uersantur. Alio autem loco de omnibus herbis ubertim et

**Fœniculus.** distincte differemus. **SEN.** Fœniculus sequitur. **B. R. A.** Notissima herba, à Græcis Marathron appellata, notissima inquam, utpote cibus gratissima, quam gratia bibendi nunc comedunt, prius sanitatis gratia sumebatur, propterea herba et tenello trunco toto anno uescebantur, in hoc monte, ubi uires præstantiores habet, herbam, semina, et radices collige, partim pro re medica, partim pro obsonijs seruanda: quanquam pro obsonijs, coquorum et nostratium mulierum cura sit. Ab Hispanis Imoio, à Gallis fenoueil, à Germanis fenchel appellatur. **SEN.**

**Caulis.** Caules sequuntur. **B. R. A.** Nec brassicæ suæ desunt uires, præter id quod edendo sit, à Dioscoride tres species enumerantur, satiuæ, agrestis, et marina. De satiuæ nihil amplius Dioscorides, sed Theophrastus, et post ipsum Plinius, qui Theophrasti interpres appellari potest: in tres etiam species, satiuam partiuntur, in crispam, caulodem, et eam, quæ proprie dicitur Crambe, quamuis Crambe nomen generis sit, tamen satiuarum omnium idem usus  
in re

in re medica uidetur, quamuis crambe, quæ tenuiora & simpliciora folia habet, egregius laudetur: tamen in montibus querenda non erat, quum in Ferrariensi solo mire scaturiat, etiam ex quacunque specie, & præsertim ex ea quæ tenuiora folia habet, folia, semina, & cimæ, seruanda, quæ sale etiam condire oportet pro uomitionibus ciendis, imò & succus, & flores, & crematorum caulium cinis legendus: tamen quum toto anno Ferrariæ uireat, tunc colligerem, quum ea indigerem. Est autem non modo in re medica, sed & in Ganea laudata Crambe, de qua biscocta plura prouerbia à Græcis facta sunt. Hispani Latinum serè imitantur, coles dicentes, quasi caules: sed & ad hoc nomen potius Germani attingunt, Coele exprimentes, & Galli choulz, quam ad Brassicam. Id autem brassicæ genus, quod nos à capite caputium appellamus, id fortè est, quod Plinius sessile & cum anum uocat: à Germanis etiam à capite nomen sumpsit, kappes, uel cappes kraut dicentibus.

SENE X. Alkakengi ad manum ueniunt. BRASA= Alkakengi.

VOLVS. Halicacabus Latine dicitur. Arabes, & Bari= Halicacabus.

bari Latinum peruertentes, Alchachengi, quasi halicacabum uocant: est secunda species solani Dioscoridis, quam Plinius uesticariam appellat, quoniam uesticis succurrit. Dioscoridi autem magis placet, quoniam folliculus ille in quo eius granum continetur, cum uestica similitudinem habeat, uesticariam dictam esse. Qui eam Apollinarem minorem apud Dioscoridem esse tradunt, decipiuntur, de qua in fine primi libri scriptum est, nam nec id caput eo loco esse de-



bet: & est tertia species Strychni, quam ὑπνωτικόν, id est, somnificum, uocant, quod prope mare inter saxa nascitur. Ne in his montibus halicacabum quæras, sed quam eris Ferrariæ, in uincis colliges, ubi efficacior est: herbam, & folliculos seminibus plenos seruabis: quin & succum exprime, in umbrâq; sicca ad ciendam urinam. Potuit hic succus tribus diebus contentam urinam, Reuerendi præsulis Iacobi Gallini, sanctæ Annæ Prioris dignissimi, expellere, & aliorum aquam intercutem euacuare. Nescio qua de causa Germani eam appellant Iudendocklen, id est, Iudæorum pilam: fortè ex folliculo nomen istud nata est. Hi uero Germani longe decipiuntur, qui schlaffbechr, uel Tholkraut, halicacabum putant: quoniam ea nomina potius furioso solano conueniunt: primum enim somnificum granum, alterum maniacam herbam significat: plures autem absq; his effectibus halicacabum apud nos comedunt: Adde alteram esse ma-

Beta. niacæ herbe figuram. S E N. Beta mox occurrit. B R A. Nomen habet secundæ literæ alphabeti Græcorum: nam quum ab olitoribus deprimatur, figuram, b, præ se fert. Est autem duplex: candida, & nigra radice cognoscuntur: non folijs, ut multi decepti sunt, adeò notæ sunt herbae, ut opus nō sit pingere: ne montanam quæras, sed Ferrariæ abundè uiret, & efficacior quàm alibi est: ex amabus speciebus folia, & radices serua: tamen alba in omnibus efficacior est, præterquam in astringendo, quo effectû à nigra superatur: succus etiam foliorû & radicû ad plures ægitudines ualet. De Blito nihil in præsentî, quum apud pharmacopolas eius usus nō sit. Galli porce betam,

betam, & Germani Mangolt appellāt: quo ferè nomine Itali multi utūtur, ut qui circa Vercellorum Coloniā, & prope montes habitant: dicunt enim simul cum Mediolanensibus, & ferè cæteris Insubribus, manegold. s e n. Ad Mercurialem uenire conueniet. B R A. Hanc Mercurius Mercurialis inuenit, ideo Mercurialis dicta est, quam Græci ab codē Mercurio sua lingua hermipoam uocāt, & alio nomine Linozostis. Galli & Hispani nomine ferè Latino utuntur: primi Mercuriale, alij Mercurial, nostrū uulgus magis corrumpit nomen, Mercorella dicēs: habet apud Germanos uaria nomina, ut etiā uariæ sunt nationes, sed hoc cōmunius est cæteris, bingelkraut, per b, aut per p, pingelkraut: alij uero ruxwurtz, alij scheisszkraut, alij scheisszmilt, alij mistrudt, alij speckmalten, alij hunds milt, alij scofzmelden appellant: sed pro diuersitate nationum hoc fit. Herba notissima est, & qua pro soluenda aluo nostri rustici utuntur, in pultarijs præsertim decocta: si quis enim lancem comederit, mira euacuatione soluitur. Duas species habet, marem & foeminam: foemina efficacior existimatur: mas nigriora folia habet, & semina rariora: foemina albiora folia habet, seminaq; frequentiora sunt: in dumetis & omnibus campis oritur, quāuis in montanis & siccioribus efficacior sit: æquē folia, ramuli, & semina legenda. s e n. Iam betonica in medium uenit. B R A. Notissima herba, quæ in montibus quæri non debet, à ueteribus Hispaniæ populis inuēta, quod intelligendum est, primum ab his populis eius uires ostensas: adeò autem nota est, ut apud uulgus Ferrariense in adagium uenerit, quum de re nota sermo fiat, dicere, no-

tiorem esse betonica. Gestron à Græcis appellata, à Latinis serratula, ut Plinius testatur, & meritiò, quia circuncirca in morem serræ diuisa est. Ferrariæ illam quæres, quoniam frigidiora loca amat. Duas species habet, æquis ferè uiribus insignitas: tamen quæ sponte nascitur, satiuua efficacior uidetur. Alias in hac herba distidium componemus inter Dioscoridem, & Plinium, quoniam Plinius betonicæ folia, rumicis similia facit, quod Dioscorides Britannicæ adscribit, uultq; betonicam habere folia quercus: in qua re Plinius à Leoniceño reprehenditur: sed an absolutè folio rumicis comparauerit Plinius, uel potius comparatio sit rumici in expansione foliorum solum, aut non absolutè rumici comparet, sed potius rumicis folijs serratis, alio commodiori loco differeamus. Tu interim ex Ferrariensi agro herbã ac radicem seruabis. Dioscorides autem folia in fictili uase trita cõseruat. Galli Betoniem, & Germani betonuenkraut uocant.

Chelidonium. *SEN. Chelidonia consequitur. BRASA.* Duesunt Chelidonij, id est, hirundinariæ species, maior, & minor: de minori nihil ad nos, quia in pharmacopolarum usu non est: maiorem tantum prosequuntur, quæ apud nos Ferrariæ in parietibus, & semitis, & lapidum cumulis nascitur. Nostrum uulgus Cerognam appellat, dicitq; dentibus aduersari, ut si quis eius succo, qui luteus est, dentem tetigerit, protinus corruere, quum tamen è contrario sit, nam tremulos dentes confirmat. Ita uero dicitur, quia quum hirundines ueniunt, ex terra prodijt, quum abeunt, marcescit: aut quia eorum pullorum oculis hirundines auxiliantur. Fabulosum est, & quod nostris

stris etiam temporibus fertur, ex Dioscoride fortassis, & antiquioribus sumptum: si quis hirundinum pullis oculos eruerit, modo non frangatur neruus, hirundines illis succurrere hac herba, quam multi fatentur se uidisse in nidis. Quum autem puer essem hoc experiri tentans, quinque hirundinum pullis oculos serui, adeo ut neruus adhuc oculo iungeretur, altera die sanos pullos inueni: at nullam herbam in nido reperi. Tria ex hac herba seruanda, folia cum caule, radices, & semina: Adde & succum, qui ex omnibus his partibus fit, in aneo uase cum melle decoctum. SEN. Si hic minus Chelidonium scaturit, ne pigeat ostendere. BRASA. Quum Ferrariæ erimus eam ostendere curabimus, nam in aquosis nascitur, folijs rotundioribus, quàm hedera: nec caulem habet, sed folia à radice prodeunt, præsertim in mense Maij uidetur, herba est quæ cito euanescit: ne cures tu nunc scire, quibus non uteris: alio enim loco herbas omnes edocebimus. Galli Chelidonium, eclere, Germani schelkraut uocant. SEN. De Berbena ergo differemus. BRA. Nobilissima herba uerbenaca, quæ apud Romanos in honore habebatur, utpote qua lustrabant domus & familiam, qua Fœciales coronabantur, qua mensam Iouis uerri dicebant, qua Magi & Fatidici uaticinabantur, & multa alia, ut Plinius uigesimo quinto lib. capite nono testatur, ab aliquibus peristereon dicitur, quasi columbaria, quoniam in ipsa libenter columbi uersantur: ideo à nonnullis nostræ gentis columbina uocatur. Nostræ mulieres, in festo natiuitatis Diui Ioannis Baptiste, & assumptionis uirginis Mariæ, hac herba se co-

Chelidonium  
minus.

Verbenaca.

ronant, & cingunt, putantes eo anno à capitis, & dorsi dolore liberat futuram, qui mos ab antiquitate acceptus est: sed ( ut refert Plinius ) in ortu canis colligebatur, nec solem aut lunam circumspecti uolebant. terra in primis fauis & melle lustrata: illam adeò in ueneratione habebant, ut hierabotane, id est, sacra herba appellatur, imò herbas omnes, quæ ad lustrationem ualebant, aut Magiam, aut quodcunque aliud simile facinus, per excellentiam, uerbenacas appellabant, & hierabotane, quantum hoc nomen huic peculiare sit: à Ferrariensibus corrupto uocabulo Borbonaga dicta, à Gallis uerue, à Germanis ysenkraut, uel eisenkraut, ac si ferri herbam dixerint, & ysenhart. Adeò Ferrariensibus nota est, ut nihil notius uerbena: aquosis enim locis nascitur, ideo ne illam à montibus petas. Duas species habet, in re medica seiunctas uires habentes, quas etiam Græci & Latini uario nomine partiuntur: quippe Plinius in marem & sceminam secat, Dioscorides per rectum & supinum diuidit. Recta uerbenaca apud Plinium, mas est: supina, scemina. Nosti ne ambas species? s e n. Quid ni? apud omnes adeò notæ sunt, & in toto agro Ferrariensi frequentes, ut canibus nostris notior sit, folia in similitudinem folij quercus habent. B R A. Ita est circuncirca incisa, ideo & ea species quæ supina dicitur, quercui à Dioscoride comparatur, quamuis & altera etiam species eidem comparari potuisset. Romani marem, Cristum gallinaceum: sceminam uero, circinalem uocant: non assurgit scemina, sed quasi serpit, & humilis est: ideo à Dioscoride  $\psi\eta\gamma$ , id est, supina

Hierabotane.

Verbenacæ species duæ.

*supina dicitur: quum eris Ferrarie, seorsum ambas species collige, unâ autem folia, caulis, flores, & radices sint.*

SEN. Non consueuimus has species seorsum habere.

BRA. Error erat: nam, ut Dioscorides tradit, mas ad nonnulla ualet, ad quæ fœmina inepta est, & è contra-

rio. SEN. Eupatorium sequitur. BRA. Nihil est ferè *Eupatorium,*

in re herbaria tam corruptum, quàm hoc quod eupato-

rium dicitur. SEN. Quam ob rem? BRA. Quoniam

nec Eupatorium, quo uos utimini, uerum eupatorium est,

nec id nomen, quod nunc uero eupatorio tributum est,

illi quadrat. SEN. Quomodo fieri potest, quòd eupato-

rium, eupatorium non sit? Acquè est ac si quis homi-

nem non esse hominem dicat, aut equum equum: hoc est

de quo miror, Iuniores quosdam nunc prodire, qui omnes

nostras herbas damnent. BRA. Mihi, optime pater,

nullo modo credendum est, sed antiquioribus autoribus

fidem præsta. En tuum hoc eupatoriū, quantum à Dio-

scoridis, Plinij, & antiquorum eupatorio euariet, consi-

dera: lege tu Dioscoridem, fruticosa herba est, singularis

exit ex ea uirga, gracilis, lignosa, recta, nigra, pilosa, cubi-

talis, & aliquando maior: folia habet per interualla par-

tibus diuisa quinque; ferè, aliquando tamen pluribus, quin-

que folij, cannabis uel folijs similia: nigricant, & hæc etiā,

ferræ modo in extremitatibus incisa. Semen fert singu-

lari illi uirgæ deinceps adnascens, in terram annuens,

adeò asperum & hirsutum, ut uestibus siccatum hæreat.

SEN. Nullam habet cum nostro uocato eupatorio, aut

modicam similitudinem: quam uero herbam eupatorium

putas? BRA. Illa est quæ uulgò Agrimonium appellat. *Agrimonium,*

tur. **SEN.** Si figuram herbæ, & Dioscoridis picturam contemplor, ea omnino est. Verum agrimonium nostrum Dioscoridis Argemonem existimabam. **BRA.** Id fieri non potest, si eius descriptionem in Dioscoride considerabis: quippe inquit, Agrestis papaveri similis argemone est, folia anemonis habet, incisuris diuisa, florem in caule puniceum, capitulum erratici papaveris, quod Roeda uocant, oblongius tamen, & in superiore sui parte latius: radicem rotundam, quæ diluti aqua croci colore liquorem ex se remittit, ui sua acrem. **SEN.** Hæc nihil habet cum nostro agrimonio commune, uel in folijs, floribus, aut radice: fortè est altera species argemone. **BRA.** Et illa eadem folia habet. **SEN.** Miror cur tam diu latuerit. **BRA.** Imò post celeberrimi Nicolai Leonici tempore præceptoris nunquam pœnitendi, multi pharmacopœ nostre uulgaris agrimonio pro eupatorio utuntur, eo ita demonstrante. Nec mirandum est, si in recentibus error diutius protractus sit: quoniam & antiqui eodem fere errore ducebantur, ut Dioscorides testatur: quippe argemonem, id est, ea quæ agrimonium appellatur, ab ipsis eupatorium dicebatur. At quam nos re uera agrimonium appellamus, uerum Dioscoridis eupatorium est, & argemone altera herba est. **SEN.** In præsentis de agrimonio nihil tractes, deinceps de illo uerba acturus. Id tamen scire optarim, quenam herba hæc sit, quam eupatorium uocamus. Est enim notatu digna herba, odorata, & uisu pulchra. **BRA.** Non est idem eupatorium ubique in Italia. **SEN.** De alijs non curo, de hoc nostro sermo fiat, quod in fouearum ripis nascitur, & humidis locis longiora folia habens

lia habens ferè cannabini similia, flores in summo multos coaceruatos purpurascens. B R A. Re uera herba est non satis laudata, quam egregijs uiribus insigniri arbitror: plerunq; eius gratia uniuersum Dioscoridem euoluimus, & eam inuenire non potui, nec Plinius, Galenus, Paulus, aut alter similem herbam pinxit. Non defuere tamen qui illam *Symphytum petraeum* arbitrarentur, sed falso: quoniam in saxis non nascitur, nec thymi ramulos habet, tenues à cacuminibus, nec thymi capitula, & quod potissimum est, non est dulcis hæc herba, sed subamara. Aliqui Enagræ esse arbitrati sunt, sed descriptione considerata adhuc peius sentiunt. Quam ob rem non inueni hanc herbam in aliquo ex antiquioribus autoribus, quam tamen uiribus præcipuis insigniri putamus, ut in *Ferrariensibus* herbis edocebimus, uolumine de ipsis tractando & iãdiu coepto. In uinetis nascitur *eupatorium Ferrariæ*. Id autem intelligo, quod *agrimonium* dicimus, pro uero eupatorio colligendo: cuius herbam, radices, & semina seruabis, quod in his montibus potius, quàm *Ferrariæ* habere studeas: à Gallis etiam *eupatoire*, & à Germanis *Leberkraut*, id est, iecoris herba, uocatur. S E N. Dic mihi (ni pigeat) Arabes sunt ne de hac herba loquuti? B R A. In eupatorio herbam describunt eisdem ferè uerbis ut Dioscorides facit, ut *Serapionem* legēti manifestum erit, & *Mesuem*: quamuis *Mesue Centaurij* minoris folijs cõparet, & alij cannabis, aut *quinquefolij*. Sed fortè corruptus est *Mesue* textus, qui omnia à *Serapione* accepit: in hoc tamen à *Serapione* dissentire uidetur, ideo corruptum esse eius codicem suspicor, quia etiam *Auicenna*, &



quo sumit, cannabinis folijs assimilatur, & non centaurij minoris. S E N. Hoc summè placet, quia alteram herbam esse apud Arabes eupatorium, quàm apud Græcos putaueram. B R A. Eadem est, sed ob peruersam ex Græco in Arabicum, & ex Arabico in Latinum, uel potius barbarū, interpretationem, plurima immutata sunt, ut alijs uestibus induta, alia etiā uideatur. Constat autem Serapionem Dioscoridem sequi, & nonnullos alios Arabes, Auicennam Serapionem, & Mesuem posteriorem utrosque. S E N. De hac herba satis: ad hyssopum descendamus. B R A. Et hyssopus duas species habet, quæ locis tantum differunt, hortensis, & montana: hortensis, montana efficacior est, ideo montanæ solum herbam, caulem, & flores serua. S E N. Id faciam: nam notissima herba est hyssopus. B R A. Apud te fortè nota, sed ego in ipsa ualde dubito. S E N. In herba etiam mulierculis nota dubitas? B R A. Imò maxime, quoniam Dioscorides eam suo loco non pingit, sed libro quarto, ubi de Chrysocome tractat, inquit habere comantes corymbos figura hyssopi: at nescio in hyssopo comantes corymbos uidere, id est, in nostro uocato hyssopo, & ita apud omnes intellecto. Adde, quum origanum heracleoticam pingit, dicit folia habere hyssopi:  $\sigma\kappa\iota\acute{\alpha}\delta\iota\omicron\upsilon\pi\ \delta\epsilon\ \alpha\upsilon\ \tau\epsilon\chi\chi\epsilon\iota\delta\epsilon\epsilon\varsigma$ , id est, umbellam autem non in modum rotæ, ac si hyssopus habeat in modum rotæ umbellam. Verum nec folia nostræ uocatæ hyssopi, nec umbella conuenit, quoniam hyssopi flores in modum spicæ sunt. Comparat quoque & alteram origani speciem hyssopo, quod & Plin. lib. 20. cap. 16. & 17. fecit. S E N. Hæc quoque me in dubium uertunt.

à te, quid dicendum sit, noscere optarem. **B R A.** Folium  
 hyssopi omnino cum origano similitudinem habet, licet  
 in hoc latius sit. De umbella modo, aliter dicendū, quàm  
 à Marcello interpretatum sit. Ipse enim interpretatur,  
 ac si origanus habeat umbellam, sicut hyssopus. In ori-  
 gano uerò sit multifida & diuisa, in hyssopo rotunda: ta-  
 men Græcus textus non confert umbellam origani ad  
 illam hyssopi, sed simpliciter ad umbellam: quia re uera  
 umbella in rotundū uergit, et simplex est, sed in origano  
 multiplex. Quam ob rem Hermolaus rectius Dioscori-  
 dem interpretatus est, non faciens comparationem ad  
 hyssopum, sed simpliciter dicens, ut uerba Græca innuunt,  
 σκιάριον δὲ οὐ ῥοχνοειδές, id est, non modo rotæ  
 umbellam habens. Ego quandoque Græca uerba non ad-  
 uertens, sed Marcelli tantum interpretationem, nostrum  
 uulgatum hyssopum, origanum heracleoticam esse arbi-  
 trabar, sed nunc errorem animaduerti. Eodem nomine à  
 Gallis, Hispanis, & Germanis dicitur: primi hisope, alij  
 Ixopo, tertij Isop appellant. **S E N.** Arabes de hoc hyssopo  
 loquuntur? **B R A.** Loquuntur omnino, & id est quod  
 hyssopum montanam Mesue uocat. Quod enim dicit  
 hyssopum hæc Thymus est. **S E N.** Marrubium occur-  
 rit. **B R A.** Deprehensus est ab excellentissimo præce-  
 ptore Nicolao Leonicensi in hac herba error Plinij, qui-  
 pe qui ex unius uocabuli falso intellectu, multas herbas  
 cum porro confuderit: nam Græcè Marrubium, πρᾶσιον  
 dicitur, porrū uerò πρᾶsum. Plinius aliquas herbas mar-  
 rubio comparans, quia ita ab antiquis acceperat, ipsas  
 porro comparat, ut crininon, ballote, stachij, porro aspi-

Marrubium.

mulari dicit, quum marrubio scribere debuisset: nam antiqui Græci has herbas prasio, id est, marrubio, non prasio, id est, porro comparant: ideo una literula Plinium sefellit. Sed hæc longius à Leoniceno in epistola ad Angelum Po-

Marrubii species duæ.

litianum. Duæ marrubij species constant: una, herbacea & multis incisuris diuisa: altera, folia rotundiora habet, et squallida. Prima specie, ut inquit Theophrastus sexto de plantarum historia, in uarijs medicamentis utebantur. Plinius eodem modo, sed per alia uerba secare uidetur: nam ipse in nigrum & candidum paritur. De albo Dioscorides in capite de Marrubio peculiariter tractat, & id marrubium est quo nos utimur, & in uestris officinis habetis, folia serè rotunda & albicantia habens, quod apud nos in ruderibus & circa areas domorum nascitur, ubi lapidum cumuli sunt: ex hoc quum eris Ferrariæ (quàmquàm hic efficacissimum sit) folia & caules simul, ac seorsum semina seruabis: uulgius etiam nostrum marrobio uocat, & ita Galli: Germani uerò, andorn: nomen est sumptum à morbo quodam pucrili, qui marrubio sanatur. Nigrum marrubium nostri temporis pharmacopole non colligunt: tamen Theophrastus loco citato, in re medica plurimum ualere scribit, & Plinius ei multas dotes tribuit.

Marrubium nigrum.

SEN. Hoc nigrum marrubium apud Dioscoridem quænam herba est? BRA. Nunc non est animus eas herbas tractare, quarum nullus est in uestris officinis usus, tamen ne tergiuersari uidear, eam esse suspicor, quæ à Dioscoride Ballote nuncupatur. SEN. Adhuc anceps sum, eque enim Ballote ignota est herba ut nigrum marrubium BRA. Ego Balloten illam suspicor, quæ à nostris ulti

stris urtica mortua, & iners urtica uocatur, quæ folia  
 urticæ habet, sed non pungentia aut adurentia, folijs pur-  
 purascētibus: cuius ingens copia in rudcribus Ferraria, et  
 incultis locis. Hæc per suspicionem dicta sint, aliàs per  
 certitudinem magis rem tractabimus, & sine suspicionem  
 de hac re loquemur. Vnum tamē admonere uolo, Pliniū,  
 præter duo genera marrubij, album & nigrum, Balloten  
 tanquam quoddam diuersum scripsisse. hæc autem aliàs.  
 Tu ceteras herbas prosequaris. SEN. Scordion. Scordion,  
 BRA. Dic optime pater, quæ herba illa est, quam scor-  
 dion appellatis? SEN. Syluestre allium. BRA. O  
 errorem execrabile: Is Tiresia cæcior est qui non uiderit.  
 SEN. Quir error? Ego & præceptores mei syluestre  
 allium semper accepere. BRA. Mentē adhibeas his quæ  
 dicturus sum. Duo uocabula sunt satis affinia, scordion,  
 & scorodon: scorodon à Græcis allium dicitur, & scoro Scorodon.  
 don agrion, allium syluestre. Arabes in his uocabulis de-  
 cepti sunt, & Arabum imitatores loco huius uocabuli  
 scordion, scorodon intelligentes, & allium syluestre in-  
 terpretantes, ut Auicenna in una descriptione Theriacæ  
 scordion ponat: in altera syluestre allium, pro scordio, in  
 hoc uocabulo scordion, putans scorodon esse, deceptus.  
 Hinc recētes omnes, & pharmacopole hætenus decepti  
 sunt, pro scordio cuiusdā syluestris, alij speciē sumentes:  
 non uident autem apud Dioscoridem, allium non esse,  
 sed herbam Trixagini similem, unde à Romanis palustris Trixago pa-  
 lustris.  
 trixago dicitur: tamē maiora folia habet, odoremq; alij,  
 propter hoc fortē multi decepti sunt, allium sumentes.  
 Amarum & adstringentem saporem, & quadrangulum

caulem habet, in quibus flos rubescens est, à Plinio felicissime 25. lib. capite sexto descripta. In hoc monte ubi aqua scaturit, ingentem huius herbæ copiam habes: etiā Ferrariæ in aliquibus planis & aquosis inuenitur. Plinius & Dioscorides differunt: quoniam Plinius in planis & aquosis locis, Dioscorides in montanis & humentibus nasci fatetur. Tu folia & caulem in his montibus colligito. **SEN.** Quo nomine allium hoc sylvestre, quo pro scordio utebamur, apud autores uocatur? **BRA.**

**Scorodoprason** Scorodoprason, ab allio, & porro nomen sumens: uel

**Ampeloprason** Ampeloprason, quasi uineale porrum. Verum etiam Galli, & Hispani, ac Germani pharmacopole pro scordio allium sylvestre intelligunt, & eo utuntur, quum tamen fuerit nobilissima herba Mithridati adscripta. Galli enim appellant scordion, aulx sauages, & Hispani aio

**Baccharis.** drauo, quū tamē hoc non sit. **SEN.** Bacchara in mediū uenit. **BRA.** Quid intelligis per Baccharā? **SEN.** Eam herbā quæ alio nomine asarū appellatur. **BRA.** Mirabar te à cōmuni errore liberū esse. Due herbæ sunt, baccharis, & asarū, si quis Dioscoridem & Pliniū rectē considerabit: & fortē hinc error manauit, cur à nostris uulgari

**Asarum.** bus asarū bacchara appellaretur, quia multæ baccharis notæ in asaro posite sunt, de nominibus præsertim, & uiribus: hæc autē nihil ad præsentē locū. Vide asari copiam in illo macro & sitiētī loco, radices, & herbā serua, ea folia minora habet, quā hedera. **SEN.** Ferrariæ in meo horto folia multo maiora habet, quā hederae folia: miror autem cur Dioscorides multo minora fecerit. **BRA.** Ne admiratione afficiaris, quoniam locus in quo nascitur in causa

causa est, cur folia ampliora euadant. In Ferrariensi solo, utpote humidiori, latiora folia nascuntur. At si in macro & arido sit, quem desiderat, folia minora fiunt. Dioscorides autem de asaro in proprio loco nascente uerba fecit, & de eius folio ut in pluribus reperitur: de hac autē herba à nostris uulgaribus appellata bacchara, quod uerum asarum sit nullo modo dubites, quam Germani Hatzelwurtz appellant, quasi dixerint leporis radicē: sed unde hoc, ignoro, nisi ex aliqua cum leporis similitudine factum sit: Galli uero Racabarant hanc proprio nomine uocarunt. SEN. Quid modo baccharis est edisseras. BRA. Baccharis diu autores digladiari fecit, adeo ut eā Plinius asarum existimarit. Fuere qui ipsam Garyophylum, id est, florem illum nostrum uulgarem odoratissimum, & pulcherrimum, quem Garophalum uulgo dicimus, putarint, adeo mirum uidebatur, florem tam pulchrum & odoratum apud antiquos ignotū: sed id reuera nullo modo dici potest, quum descriptiones oppositū ostendant, ut cuilibet in Dioscoride & Plinio uidere licet. Nicolaus Leoniceus eam baccharem esse putauit, quam nostrum uulgus sclaream dicit: non sclaream illā, Sclarea. quæ asprella uocatur, inter equiseti species à nobis supra reposita, sed herbam illam magnam, quæ purpurascētes in album flores facit, herbam sancti Iohannis etiam Ferrariē uocata, quam Simon Genuensis centrum galli, aut criſtam galli nominat. Duplex autem est, hortensis, & syluestris, ambas credo nouisti. SEN. Et nullus Ferrariē est, qui non nouerit. BRA. Decipitur autem Genuensis putans eam herbam, quam Plinius cap. v. lib. xxvii.

Alectorolophon uocat, prædictam sclareã esse. At quicquid sit in præsentī pro bacchare, Leoniceum imitari iubeo, ut hanc quam dicunt sclaream, serues, in his asperis montibus collectam, cuius radices, & folia seorsum habere studebis. **SEN.** Baccharis est ne re uera sclarea, aut sancti Iohannis herba? **BRA.** Hoc in præsentī non assero, sed laudo tantum ut interim sclarea pro bacchare utaris (ut Leoniceus edocuit) quousque meliora inueniamus: nam aliàs de hac herba diffusius loquuturus sum.

**Perforata.** **SEN.** Perforata sequitur. **BRA.** Mira herba, & mirum magis, Dioscoridem eius folium non pinxisse, in illis præsertim foraminibus, quæ in ipso apparent, si præ oculis ponatur: mirum præterea est Plinium solertissimum uirum hoc non animaduertisse, qui lib. xxv. cap. xiii. eam diffuse pingit. **SEN.** Nonne est illa

**Hypericon.** herba, quæ ab antiquis hypericon nuncupatur? **BRA.** Potest quidem, & eodem nomine appellari. quoniam nonnulli apud Dioscoridem eam ita uocant, sed proprie & uerè hypericon albos flores habet: unde hæc esse non potest, cui lutei insunt flores. Illa autem est apud Dio-

**Ruta syluestris.** scoridem, quam Rutam syluestrē nominat, de qua tertio libro agit: flores, folia, & radices serua. **SEN.** Radices seruare assueti non sumus. **BRA.** Tamen ad usum medicum proficiunt, imò ut semina etiam condias iubeo: solum gracile, & cultum amat, ideo Ferrariæ illam habere poteris. In seminibus autem maximus recentiorū error inualuit, ut quum rutæ syluestris seminibus, in nonnullis receptis (ut dicunt) uti debuissent, semen cicutæ accipiunt herbe perniciosissimæ. Sunt tamen qui potius hanc

hanc perforatam, ascyron apud Dioscoridem putarunt, Ascyron, quàm rutam syluestrem: uerum idem sunt specie ruta syluestris, & ascyron, tantum differunt quia Ascyron maius est: sunt ambæ idem, differunt sola magnitudine, & ambæ perforatæ, ambæ hypericon, ambæ androsæmon, & eisdem uiribus insigniuntur. Ita eas nosco, & discernere scio, ut tu ipse lactucam à brassica. Galli & nonnulli Germani ferè nomen Latinum imitantur: illi enim rue saulage, isti uild Rauten, id est, ruta syluestris dicunt. Nostrum uulgus & perforatam, & herbam sancti Ioannis appellat, quamuis & altera etiam sancti Ioannis supradicta sit: sed huic habent proprium nomen Galli dictum à foraminibus, nam ipsam appellant millepertuis, ueluti si dixeris mille foramina: & alij Germani Iannes kraut, id est, Ioannis herba: alij Runrath, alij Vnserfrauwen bedtstro, id est, nostræ dominæ stramen: alij harthau, id est, durum fœnum uocant: quæ nomina sunt magis propria, quàm quod primo loco dictum est. Quum uero de ruta sermo inciderit, etiam Ferrariæ nota Ruta hortensis, stram hortensem rutam habebis, cuius semina, radices, & folia seorsum colliges. s e n. Et capraria ruta in Ruta capraria medium uenit. b r a. Experientia monuit, hanc herbam pestilenti morbo summè proficere. Nostrum uulgus giargam uocat: apud antiquos penitus ignota uideatur. Nam descriptiones specierum Rutæ effugit: nō enim syluestris, aut satiuæ, gallaticæ, aut montanæ speciem subiit: ideo noua herba potius est, quàm ab antiquis descripta. Quandoq; uero suspicatus sum eam esse, quæ quarto libro à Dioscoride polemonium uocatur: quum Polemonium,



autem res sit plena ingenui pudoris, fateri per quos profecerimus, in hac re me attentum fecit excellentissimus Nicolaus Leonicens, & doctissimus Vincentius Caprilis confirmavit. Cuius sententiae & in praesenti sum, quousque meliora inuenerim: nam haec herba ramulos habet graciles, penatosque, folia paulo maiora quam rutae, oblongiora tamen, ad polygoni & nepetae longitudinem. In summo ramulorum ueluti corymbi sunt, in quibus nigrum semen est, radix cubitalis, alba, lanariae herbae radici similis. Ex hac Dioscoridis pictura uides rutam caprariam huic fere similem esse. **SEN.** Imò in nullo dissentire uideatur. **BRA.** In hac aspera montis parte, atque macra huius herbae folia, radices, semen, & expressum succum colliges: quum autem experientia aduersus pestilentem morbum ualere ostenderit, quod frequentissime obseruatum est, ut per eius succi potionem plures in sanitatem ex eo morbo restituti sunt. Dioscorides uero contra serpentes ualere dicit, & uenena, suum polemonium: quae autem ueneno, etiam pestilenti morbo aduersantur: ideo & ex indicio uirium, rutam caprariam cum polemonio idem esse iudicandum. Etenim Giarga, uel ut alij, Galga, serpentes, & mire puerorum uermes interficit: ex eius succo, aloë, myrrha, & croco pretiosissimum ad uermes puerorum unguentum paro. Alij herbam sarracenam, alij foenugraeam cum syluestre illam appellant. **SEN.** Soldanella occurrat. **BRA.** Hanc & soldanam uocant, in quo Pandecta rursus longe errauit. **SEN.** Quomodo potuit tantus uir errore duci? **BRA.** Hoc tibi adeò aperte ostendetur, ut nullam habeas excusandi ansam. **SEN.** Ostendas obsecro:

Giarga, sive  
Galga.

Soldanella.

secro: alioqui semper illi incorruptam fidem tribuam.

B R A. Autor hic Chachillem apud Serapionem, solda= Cachille.

nellam esse fatetur. S E N. Hoc certissimum est, & sem

per id tenui. B R A. Sed errorem audias: Serapio inquit

chachillem usne, aut nasturtij folia habere: uidetur ne ti

bi chachillem usne, aut nasturtij folijs ambiri? S E N.

Usne folia non habet: sed quid nasturtium sit ignoro.

B R A. Nasturtium ea herba est, quam Ferraricenses uul= Nasturtium,

gus ex acrimonia agreto uocat: uidetur ne tibi soldanel-

lam eius habere folia? S E N. Minime. B R A. Igitur

Pandectarius tuus errauit. S E N. Si meus errauit, etiam

tuus, quia eadem nota impressi sunt. B R A. Non dico

tuum, quem possideas, sed quem ames, quem tota mente

prosequaris. S E N. Tu ergo odio habes? B R A. Non

odio habui, sed illi non adeo fidem præsto, quin antiquio

ribus potius credam. Ipsam uero summè laudo, ut eum

qui suo tempore plurima uiderit, & alios iuuandi gra-

tia, in cumulum redegerit. S E N. Hæc dimittamus, ne

opus nostrum impedian, remorentur ue, nam tibi cre-

dere statui. Verum hæc herba ab antiquioribus quo no-

mine insignitur? B R A. Omnino dubia est: tamen ea ui-

detur, quam Dioscorides Brassicam marinam uocat: ha= Brassica ma-

bet enim folia aristolochie rotunde similia: in mariti- xlii.

mis nascitur, & Ferrariam importatur: aquam intercu-

tem habentes mire soluit, ut plures eius pulvere sanos

reddiderim: hic non inuenitur, sed commodius palæsti-

ne Venetorum, inter Motamauchi, nunc Malamochi

portum, & fossam Clodiam, quæ Chioza dicitur sitæ,

circa maris litora, magnam copiam inuenies: aut circa

Illustrissimi Ducis nostri maritima, ubi uulgo Campo de goro dicitur, colligere poteris. Vno tantum deterreor, Dioscoridem scriptum reliquisse brassicam marinam folia habere longissima, quod soldanellæ non conuenit. Id fortè in aliquo loco est, non omnibus. Miror autem quomodo Dioscorides dicat longissima folia, & aristolochiæ rotundæ similia, quum rotunda aristolochia longa non habeat: unde suspicatus sum, etsi Græcus textus dicat,  $\phi\upsilon\lambda\lambda\alpha\ \mu\alpha\epsilon\rho\alpha$ , ut longitudinem ad folia tribuat, id in foliorum ordine intelligendum potius: quoniam eiusmodi herba serpit, & ex uno pediculo hederaceorum modo prodeunt, prodeunt uero à ramulis longis per terram repentibus leniter rubentibus: nihil enim hanc marinam brassicam soldanellam esse impedit, quàm hæc foliorum longitudo. Hæc autem satis, interim alias

**Abrotanum.** herbis enumera. **SEN.** Abrotanum. **BRA.** Herba Ferrariensibus notissima, in modum arboris crescit, ut frutex dici possit, & pulcherrimam comam in rotundum facit. Eam edocere opus non est, eodem nomine uulgo appellatur Aurodano: sepe enim uulgius nostrum loco *b, u,* & loco *t, d,* ponit. Hanc herbam marem & foeminam habere Dioscorides testatur. Eam in his montibus indiscriminatim legito, & semina, ac ramulos seruato: à Gallis *Auopne*, corrupto à Latino, nomine, &

**Centonicum.** à Germanis nonnullis *stabweitz* uocatur. **SEN.** Centonicum sequitur. **BRA SA.** Turpe est uocabula immutare, & turpius corrumpere, Centunculum dicere

**Centunculus.** oportet. **SEN.** Esto centunculus sit, sed centonicum à pueritia usque didiceram. **BRA.** *Gnaphalion* à Græcis di

*cis dicitur. Plinius Clematidem à Græcis appellari cen-*  
*set, sed falsò, ut inquit Leoniceus, quamvis facile defen-*  
*di possit à calumnia Plinius, non esse clematidem ali-*  
*quam Dioscoridis, sed eodem nomine etiam appellari,*  
*præter id quod & gnaphalion dicatur: notissima her-*  
*ba est, qua antiquitus pro tomento utebantur: flores in*  
*ramulorum summitate luteos habet, non albicantes, ut*  
*Marcellus inquit: folia cum floribus legenda sunt in his*  
*montibus, licet etiam Ferrariæ in copia uireat. At quum*  
*uos pharmacopole diuersis herbis utamini, pro cen-*  
*tunculo, hæc tantum centunculus est, quæ folia mollia,*  
*tenuia, & alba habeat, & adeò mollis est, ut uideas*  
*nos ea pro tomento commodè uti posse. Nostrium uul-*  
*gus centonego: Germani Rhorkraut, id est, tominum*  
*herba, quoniam ipsa tomina sanent, appellaucrunt:*  
*quamvis & alij, eadem tamen significatione, ipsam ro-*  
*dekraut dicant. SEN. Sauina, & post eam Iunipe= Sabina.*  
*rus uenit. BRASA. Commodius numerasti, quàm tui*  
*Arabes fecerint, quippe qui sabinam à iunipero distin-*  
*xisti. Tuus autem Serapio simul cum iunipero sabinam*  
*confundit. SEN. Imò sabinam per se scripsit. BRA.*  
*Scripsit quidem, & seorsum, sed postea inter species*  
*iuniperi sabinam computat: quod nusquam à Diosco-*  
*ride, Plinio, Galeno, Paulo, aut Aëtio factum est, ta-*  
*men non adeò improbo, ut non uideam secundum ua-*  
*rias linguas ita dici posse: nam hablagar, quo Arabicè*  
*iuniperus significatur, sabinam etiam comprehendit.*  
*Quum uero duæ sabinæ species sint, altera folia cu-*  
*pressi, altera tamaricis habens, quamcunque collegeris,*

tue officinae satis erit, & praesertim in his montibus habere studeas, & potissimum folia. A Gallis *sauine*, à Ger-  
**Iuniperus**, *manis feuerbaum* dicitur. De Iunipero idem sentiendum, quum duae species sint, maior & minor, utram collegeris, satis erit. Id commodius fiet, si maritima loca adeas, in quibus folia & grana colligere oportebit: grana tamen iuniperi non debent esse fabarum granis minora. At loci siccitas in causa est, cur minora fiant: hoc addidi propter eos qui iuniperum nostrum, ob granorum paruitatem, iuniperum esse inficiantur, non enim grana habet ad Dioscoridis mensuram descriptam: hoc tamen ubique necessarium non est: nam constat in omnibus iuniperum esse, praeterquam in granorum magnitudine. Nos quandoque iuniperi grana Venetijs uidimus, ad mensuram fabae, imò ferè auellanam nucem aequabant: erant autem ex Graecia Venetias allata.

**Hepatica**. **SENE X.** Hepatica sequitur. **BRASAVO.** Nusquam apud antiquos autores ( quos sciuerim ) alteram hepaticam inueni, quàm eupatorium, id est, quae per excellentiam hepar iuuaret, unde ab hepate nomen accepit: quamuis Plinius ab Eupatore rege nuncupauerit, ut hinc deprehendi possit, si à rege denominationem habeat, absque aspiratione scribi: si ab hepate, cum aspiratione, & potius hepatorium quàm eupatorium dicendum: tamen in praesenti communi omnium sermone utemur. Illa uero herba, quae à recentioribus eupatoria dicitur, quae intra puteos, & humentes lapides nascitur, terrae inherēs, hinc inde foramina habens, ac si oculi sint parui, à Dioscoride, & antiquioribus lichen uocatur,  
 uel

uel *Βεϋον*, id est, muscus: nam supra muscum nascitur. Muscus,  
 inò Dioscorides muscum ipsum esse tradit, fistulosa her-  
 ba est: lichen uerò dicitur, quoniam peculiariter impeti- Lichen  
 gini succurrit. Cur uerò à recentioribus hepatoria dicta  
 sit, & à nostris mulieribus figatella, ob id factum esse ar-  
 bitror: quoniam Serapio ex sententia Dioscoridis inquit,  
 hanc herbam ictericis succurrere, qui morbus ab hepate  
 uenit: tamen per os exhibet Serapio, quod Dioscorides  
 illinendo dixerat. Idq; Pandectario ansam errandi præ-  
 buit, qui secundum Galenum & Dioscoridem, ad omnes  
 ægritudines hepatis ualere fatetur, quod tamen apud hos  
 autores nusquā dictum inuenitur. Errat etiam Pandecta-  
 rius, quia Lichenē facit apud Arabes ainet, postea hazez  
 mulsareth: postea quum de lichene tractat, limum terræ  
 uocat. Quicquid sit, ostēdit se nescire nomina, & minus  
 ipsam rem. Ob id fortē hepatica dicitur, quia humida est  
 & frigida: at plerunque hepar caliditate peccat: sed  
 quod hæc per excellentiam hepatica sit, nunquam fateri  
 opus erit. Ego quādoq; musci herbā esse arbitrabar, quia  
 supra muscū ortam sepe inueni: sed re uera altera herba  
 est, quamuis à Dioscoride muscus etiā appelletur, quam  
 etiam recentes vsuū dicunt: licet usue potius ea uideat- Vfus,  
 tur quam Dioscorides Telephion uocat: sed hæc aliās.  
 Nunc tantum id scito, à Germanis etiam ab hepate, le-  
 berkraut, id est, hepatis herbam uocari, quamuis & eo-  
 dem nomine eupatorium quoque comprehendatur. Hanc  
 herbam Ferrariæ commodius habebis, quā aliquo alte-  
 ro loco, intra puteos, & per humecta impluvia strata,  
 ubi solares radij parum uagantur. S E N. Centaurium

maius & minus accedunt. B R A. Statim à prandio de maiori Centaurio uerba fecimus, quid esset ostendentes, & quomodo à rhapontico differat. Minus autem centaurium ne hic queras, quoniã aquosa loca amat, & in Ferrariensi agro mirifice crescit. S E N. Differunt ne Centauria hæc? B R A. Et apprime differunt, non ne oculis, eorum differentiam percepisti? S E N. De uiribus loquor. B R A. Arabes tui de centaurio loquentes, in maius & minus partiuntur, postea earum uires exarantes adeò confundunt, ut indiscriminatim amborum uires misceant, quum tamen à Dioscoride, Plinio, Galeno, Paulo, Aëtio, longe distinctæ probentur. Ipsi uerò Arabes, ut Mesue, ac Serapio, de his, ac si easdem uires habeant, loquuntur, quum ualde distincta sint, & solo nomine quædrent. Ita uerò appellantur, quia à Chirone centauro inuenta, quum uulneratus Hercules sagitta curaretur. Latini ob summam amaritudinem, minus centaurium fel terræ appellarunt: in qua re Theodorus Gaza deceptus est, qui nono de plantarum historia libro, Theophrastum interpretans ubi de maiori centaurio tractat, fel terræ interpretatur, quod minus centaurium est. Et, quod magis graue est, Theophrastus de radice loquitur, quam per decem annos reseruari tradit. At Dioscorides & Plinius, radicem minoris centaurij superuacuum esse, & nullius usus affirmant: ipse uerò interpretatur fel terræ, quod est minus centaurium. Tamen excusari potest Theodorus, qui in publicis Dioscoridis textibus, inter alias maioris centaurij appellationes fel terræ inuenerit, sed falso: quoniam maioris centaurij radix subdulcis est, minoris autem amarissi

amariſſima, ideo, ut Plinius uir Latinus refert, ſel terra dicitur. SEN. Reperitur ne Centaurium maius in noſtris Ferrarienſibus campis? BRA. Pharmacopolas herbam quandam pro maiori centaurio in noſtris agris legere uidi, ſed uariè, nam quidam minus centaurium colligunt. At quia in humidiori loco natum (humida enim ſumme amat) ideo folia latiora habet, & altioreſt ſtipitem. Alij pro maiori centaurio herbam colligunt luteos flores habentem, quæ maius centaurium eſſe non poteſt, tum ob multa alia, tum quia radicem paruam habet: nec iuglandis folijs inſignitur, at nec minus centaurium eſt, licet folia ſimilia habeat, quoniam flores eius ſunt lutei, nõ in puniceo purpurafcentes. SEN. Quæ ergo herba eſt? BRA. Nondum mihi compertum eſt: ſed nunc ſatis habeas, nec maius, aut minus centaurium eſſe nouiſſe. Et Arabes ſimul hæc duo centauria conſuſiſſe. Ferrariæ, minoris centaurij floſcſcentes ramulos, & radices colliges. SEN. Et ſi Arabes harum herbarum uires conſundant, deſcribuntur ne optime ab ipsis? BRA. Dioſcoridem ipsis compara, & tu ipſe iudex eſto, nam & in herbis ac floribus diſſerre cõperies: nunc mihi animus non eſt aliorum errata corrigere, qui potius in colligendis herbis tibi adiumento eſſe inſtituimus: ne herbas in montibus quæras, quæ in plano efficaciores ſint, & quæ partes colligendæ ſint, edocere. Interim alias herbas para. HER. Ne aliarum nationum nomina deſeras. BRA. Galli, centaure dicunt: poſtea ſuis nominibus grande, & petite diſtinguunt. Sed mirabilius nomen à Germanis tribuitur: hi enim arbitrantes centaurium non à Chirone cõturo,



sed à centum aureis dictum, uocant ipsum nomine à mille aureis dicto, *Tausentguldenkraut*, id est, herba à mille aureis dicta. *SEN.* Pulchra quidem nomenclatura, & *Pimpinella*, ridicula. *Pimpinella* sequitur. *ERA.* Hanc herbam apud antiquos nunquā inueni. *Hermolaus* libro quarto sui *corrolarij* in capite de *saxifrago* cam mire describit, quæ incipientibus hydropicis multum ualet. *SEN.* Imò est ualde similis *saxifrago*: unde quum essem puer, carmen didici, cuius frequenter ab antiquo *Herbario* recordationem fieri audiebam:

*Pimpinella* pilos, *Saxifraga* non habet ullos.

*ERA.* O pulchrum & mirum carmen, fuit omnino memorie mandandum: unum est, *pimpinellam* apud antiquos non extare, quos sciuimus: tamen *Theodorus Gaza* in *Theophrasti* interpretatione, quum dicit *Thryallis*, ipse *bibinellam* interpretatur. Si autem per *bibinellam* hanc intelligit, quam *pimpinellam* *Ferrariæ* dicimus, in *acetarijs* gratam, ut etiam multi recentes illi attribuunt, longe errat: nam constat *thryallidem* herbam *pimpinellam* nō esse, si quis etiam pinguis *Mineræ* descriptiones legat. Nam *pimpinella* herba est habens surculos ab eadem radice plurimos ac densos, rubros cum radice, folio paruo orbiculato, & extremitatibus serrato, semina in modum mori rubri facit: hæc est *pimpinellæ* forma, quæ & *pampinulla*, & *bipenula*, & à rusticis *Patauinis* sanguisorba dicitur, à Gallis *pimpernelle*, & à Germanis *bi benell*. Huic modo *thryallem* conferamus, ut *Dioscorides* pingit in *phlomidæ*, nullam habere cum prædicta similitudinem, statim constabit. Verum si *Theodorus* hoc nomen bi

men bibinella Thryallidi tribuerit, ut linguam Latinam ampliaret, encomio dignus est. At ex altera parte arguendus, qui inepta nomina sequatur, quū apud nos id nomē Thryallis in usu sit, ut apud Pliniū constat uirū Latinū: ideo nō est opus in herbis ita temerē nomina immutare: huius herbæ folia cum ramulis, & seorsum semina serua- bis: tamen Ferrariæ in hortis habetur, & in magna copia, nam ea in acetarijs utimur, & incipientibus ascitis proficit. SEN. Mirum est tam pulchram herbam ab antiquis non fuisse descriptam, quæ etiam pluribus morbis prodest. BRA. Ne admiratione afficiaris, quoniam plura multo elegantiora omiserunt, ut zuccharum, mannam, castam, senā: ne igitur ex hac herba mouearis, quia multa post antiquos inuenta sunt, & plura inuenientur.

SEN. Nullam habes herbam, quæ huic in Dioscoridē quadret? BRA. Imò aliquam, sed an ea sit ambigo.

SEN. Saltem te ipsum in hac re explica. BRA. Dioscorides libro tertio de Teucro herba tractat, ita à Teu- cro Aiacis fratre nominata, quam dicit esse uirgatam, similem trixagini, tenui folio, ciceris figura. Si autem trixaginis picturam consideres, quam nos uulgo Calamandrinam, quasi chamædryn appellamus, habet folia diuisa sicuti quercus, ut manifestum uideatur Teucrium pim- pinellam esse, si folia & uirgas consideremus. SEN. Ego alioqui coniectari non possum, quā Teucrium esse pim- pinellam. BRA. At ego id non ita temere assero: ta- men suspicor, & figura illi satis affinis est, imò & uires,

quoniam lienosis, & uenenatis succurrit. SEN. Te hoc silentio non præterijisse gaudeo: ad Squinantum uenia-

Teucrium,

Squinantum.

*mus.* B R A. De herbarum folijs sermonem coeperas: at nunc ad flores transire uideris. S E N. Nihil hoc refert modo squinantum agnoscamus. B R A. In cassum in hoc monte queres, quoniam in Arabia & Libya nascitur: Alexandriam Aegypti affertur, postea Venetias: à Græcis  $\sigma\chi\omicron\nu\omicron\varsigma$  dicitur, quamuis omnem iunci speciem hoc nomine significet: at absolute positum, hunc per excellentiam significat. Latini iuncum odoratum, ad differentiam palustris, & Celsus iuncum rotundum, ad differentiam quadrati, uocat. Venetijs florem, radicem, & culmum emere poteris, quia omnium harum partium in re medica usus est: non dubito illam esse qui & nunc Venetijs uenditur, modo quis odorem nouerit, & à palustri distinguere sciat, quem cum odorato miscent. Nostri autem pharmacopole Venetias petentes decipiuntur, & festucas quasdam palustris iunci pro iunco odorato emunt. Nasceatur etiam in Campania Italiae provincia, quæ nunc terra de Lauoro appellatur. Galli, & Germani, ultima syllaba dempta, ut nos ferè, squinant, uocant. S E N.

Cymbalaria,

balaria sequitur. B R A. Quam herbam hoc nomine intelligis? S E N. Eam, quæ Ferrarie in parietibus frequenter nascitur, ab Hermolao libro quarto Corrolarij in Cotyledone descriptam, quæ folium quodammodo angulosum habet hederaceum, florem paruum, purpureum.

Herba uenti.  
Umbilicus Veneris.  
Dinarella.

B R A. Illam ergo intelligis quæ à nostris mulieribus herba uenti dicitur. S E N. Illam inquam, quam & umbilicum Veneris, & Dinarellam nostram uulgus nominat. B R A. Nusquam apud antiquos autores hanc herbam reperi: qui enim Dioscoridis cotyledon esse fatentur, quo

Cotyledon,

tur, quoniam cotyledon cymbalium etiam dicatur, longe aberrant: nam Cotyledon in maritimis nascitur, nec folium habet coxendicis figura: qui uero ob id, eam esse putarunt, quia & umbilicus Veneris cotyledon ab antiquis dicatur, adhuc errant, quoniam ea herba quam queris, Veneris umbilicum non representat. Fuere qui secundam fumarie speciem, hanc cymbalariam putarint, quam galinaceum pedem uocant. Quod esse non potest, quia hederæ folia non habet: unde non memini hanc herbam apud antiquos me legisse: nec mirum, quia omnia non pertractarunt. Nobis autem satis est à patribus & auis expertas uires habere, quamuis ab antiquioribus pertractata non sit. Eius ramulos cum folijs & seminibus Ferrarie colliges, in parietibus antiquioribus & lapidum cumulis. Non est etiam secunda Cotyledonis species, quæ in modum fedi, in montibus nascitur. **SEN.** Artemisia **Artemisia,** occurrit. **BRA.** Non dubito (ut nonnulli fecere) eam quæ apud nos corrupto uocabulo Arcemise dicitur, ac si artemisia dictum sit, quæ folia absinthio similia habet, ut Dioscorides inquit, & eius duo genera facit, monoclonon, & Polyclonon, id est, unum ramum, & plures ramos habentem. Ambus species Ferrariense uulgus nouit. si apte distinguere sciret, & ipsis indiscriminatim utitur. Quam nos Matricariam, uel Marellam uocamus, **Matricaria,** **Marella,** artemisie species est, illa scilicet quæ male olet. Nec obstat quòd Ferrarie due artemisie species sint, per unum & plures ramos distinctæ, quoniam & hæc in specie est quæ plures habet ramos. **SEN.** Si in genere artemisie matricaria collocari non posset, quam putares esse apud

antiquos? B R A. Hermolaus Barbarus Parthenium esse putat in helxine, & idem excellentissimus Ioannes Manardus putat, quem diu cum doctissimo Vincentio Caprilli differentem audiui. At potius Caprilli assentendum, matricariam, parthenium non esse: nam matricaria coriandri folia non habet, qualia parthenio insunt, nec matricaria soluit. Nunc autem de ea herba loquimur, quæ Ferrariæ matricaria & marella appellatur, est enim artemisiæ species: tamen quum artemisia parthenium etiã dicatur, matricaria ipsa parthenium dici poterit. Sed nunc loquor de herba, quæ peculiari nomine à Dioscoride parthenium uocatur: scimus enim parthenij nomine plures herbas uenire. S E N. Quæ herba est hæc peculiari nomine partheniũ dicta? B R A. Vt te breuibus expediã, Partheniũ ea herba est quæ uulgò Brusaculo dicitur, folia coriandri habens tenuia, & flores per ambitum candidos, in medio luteos, odore uiroso, gustu amaro, & quæ bilem & pituitam trahat. Matricariæ nostræ hæc indicia non insunt, ideo nõ erit parthenium. Scimus tamen quosdam nostrum uocatum brusaculum, qui à recētibz cotyla fœtida dicitur, matricariam appellare: unde apud hos parthenium erit matricaria, quos fortè Ioannes Manardus imitatur: & hanc sententiam sequitur Scrapio, qui matricariam ex sententia Dioscoridis pingens, parthenij figuram affert, id est, brusaculi. Qui uero nostrum uocatum brusaculum chamæmali speciem esse affirmant, decipiuntur: quia quum tres sint chamæmali species, à florũ coloribus distinctæ, albo, purpureo, & luteo: brusaculo autẽ albos flores in medio luteos habet, ut nostrũ uulgare chamæ

Parthenium,

*chamæmalon*: ideo cum eo idem esse oportet, quod longe absurdum est. SEN. Quomodo *matricaria* distinctioni *Dioscoridis*, in *artemisia* per unū ramum, & multos quadrabit? BRA. Non ita ex sua sententia *Dioscorides* partitur, sed ab alijs eo modo distingui monet. Quicquid tamen sit, in maritimis locis efficacior est: caulibus, coma, & radices priuatim seruanda, imò & ex folijs succum expressum collige. Apud *Galenum* nostra *matricaria* *amaracus* dici uidetur. Mirandum tamen, quum animaduertat illam non inuenisse Romæ, quum tamen in copia Romæ sit: unde in dubio sum, quid apud *Galenum* *amaracus* sit: sed rem suo loco explicabimus. Galli, *armoise*, *artemisiam* uocant: Hispani, ut nos: Germani, *bei fuffz*. *Matricaria* uero à Germanis *muterkraut*, id est *matricis herba*: ab alijs *metram*, ab alijs *metterem* dicitur. SEN. *Matersylua* præsentatur. BRA. Nonnulli *matrësyluam*, alteram *Clematidem* esse putarunt, sed errore ducti: quippe *clematis*, ut *olera*, *cibis oleo* & *sale conditis* paratur, quod *matrisyluæ* non conuenit, non enim edendo est: si autem aliqua sit apud antiquos de hac herba memoria, ea est quæ à *Dioscoride* quarto libro *periclymenon*, à Romanis *inuolucrum maius* dicitur, quæ simpliciter fruticat folia per ambitum pusilla continens, subcandida ad similitudinem *hederæ*, secusq; ramuli adgenerant semen cacuminibus *hederacæ* præferentes, albus ei flos similis *fabæ* subrotundus, ceu folio impositus, semen prædurum, & uelli difficile, radix crassa, orbiculata. Nisi *hederæ* folijs scriptum esset, & nonnulla alia modica, hanc esse *matrësyluam* nostram cre-

Matersylua,

Inuolucrum  
maius,

**Caprifolium.** didissem. Sunt tamen qui caprifolium à nobis uocatum, periclymenon putent, & qui idem cum matresylua ca-

**Asplenon.** prifolium. Errant præterea, qui matresyluam asplenon existimant, uel splenon, ut Pandeſtarius facit: quippe asplenon, uel splenon, neque caulem habet, neque florem, neque semen. At matresylua semine, flore, & caule insignitur: ideo uel ab antiquis nusquam huius herbe recollectio facta est, aut sub periclymeno ponenda. Multa nunc extant antiquis ignota. In locis maritimis efficaciores uires enanciscitur: flores, semina, folia, & radices seorsum collige. Gallorum pharmacopoea caprifolium esse arbitrantur, ideo Cheureseul appellant. Hispani uero, ut nos ferè, matresylua, Germani nonnulli speckliben, alij lie-

**Pentaphyllon.** nen bloumen uocare contendunt. **SEN.** Ad Pentaphyllon ueniamus. **B R A.** Plinius libro uigesimo quinto, capite nono, pentaphyllon, quod à Latinis quinquefolium dicitur, fragra ferre existimauit: at id potius trifolij proprium est, quàm pentaphylli. Ideo quandoque Plinii textum corruptum esse arbitratus sum, ut triphyllon pro pentaphyllo legendum esset. At mox excellentissimum Leoniceum animaduerti hanc sententiam reprehendentem, quia alijs nominibus ipsum appellat, quæ à Græcis pentaphyllo tribuuntur, & easdem proprietates suo pentaphyllo attribuit Plinius, quas & Græci suo, ut hinc deprehendatur, non posse aliquo pacto trifolium legi, quum autem huius herbe nomen à quinario foliorum numero initiumumat. Vulgarem herbam habemus prope parietes uirentem, & locis humidis, quam uulgus nostrum pedem paipi, & quinquefolium uocat:

uocat: quod autem nostra lingua paipus dicitur, Latine miluus est: hanc esse pentaphyllon antiquorum, descriptio manifeste ostendit, hoc dempto, quod radice rubra caret. Est autem & uulgaris herba Tormentilla dicta, quæ septem folia habet, sed duo parua sunt, ut ferè in foliorum numerum poni nõ debeant, & in multis pediculis quinque folia tantum habet: hanc facile crederemus pentaphyllon esse, si perpetuo quinque folijs munitur, imò ante nos Hermolaus idem sensit: tamen mentæ folia non habet tormentilla, ut illi Dioscorides pentaphyllo tribuit, aut uicis, ut Theophrastus. Quicquid tamen sit, nostrum uulgare pentaphyllon circa parietes & stagna nascens, ob radicem antiquorum pentaphyllo non quadrat, tormentilla uero, quam & recentes Bistortam dicunt, dissimile folium habet à descriptione antiquorum. SEN. Ego igitur quid colligendum sit, ambiguus ero? BRA. Quoad meliora inueniamus, pro pentaphyllo circa canales & aquosa loca, folia, radices, & seorsum foliorum, ac radicum tormētillæ succum colliges. Ad Plinium reuertentes, multos pentaphylli cespites obseruare cœpi, & tormentillam ipsam. Globum quendam ferunt, in quo semina sunt, hunc fragram Plinij esse arbitratum sum, quoniã et nihil aliud est fragra trifolij, quàm globus, in quo semina conduntur: non tamen nego fragrã proprie in illa specie trifolij esse, quæ fragraria & fragra nuncupatur: tamen & in Veronensibus mōtibz obseruauimus fragrariam herbam pētaφhyllam esse, quod arbitror omnibus eam urbem incolētibus in cōfesso esse. Ideo non mirum, si Plinius Veronensis dicat, nulli ignotū



esse quinquifolium, quum etiam fragra gignendo com-  
mendetur: radices autem considerans, rubrae non erant.  
At tormentillae radix, & rubra est quum effoditur, &  
paululum nigrescit, incipitq; & desinit cum uite. Puta-  
Sanicula, runt uero quidam Leonici gloriae inuidi, Saniculā uul-  
garem herbam, quam recentes in solidaginum genere po-  
nunt, pentaphyllon esse. Verum habet quidem sanicula  
in quinque partes distincta folia, sed radices nec rubras,  
nec effatu dignas habet, nec fragra fert, ut de suo penta-  
phylo dicit Plinius, licet capitula quaedam habeat su-  
pra coliculos colorem herbaceum habentes. Hanc her-  
bam Germani sanckel uocant, tormentillam uero tor-  
mentill: alij Rotwurtz, alij Blot wurtz dicunt. At  
pentaphyllum nostrum uulgare, funffingerkraut ab  
eisdem dicitur, ac si exprimere uoluerint, herbam quin-  
que digitorum. S E N. Tormentillam igitur pro penta-  
phylo seruabo? B R A. Seruabis, quoad meliora inue-  
nire liceat: nam & hoc anno pentaphylli quandam spe-  
ciem circa parietes etiam nascentem radice rubra insi-  
Citach, gnitam obseruari. S E N. Ad Citrach ergo manum dabi-  
mus. B R A. Nonne hodie dictum est, eam herbam, quā  
Citrach uel citarach appellatis, scolopèdrion, uel asple-  
non esse? S E N. Memoria exciderat, uerum ea quae nunc  
scolopendrium appellatur, quo loco a Dioscoride tracta-  
tur? B R A. Dictum est etiam a Dioscoride phyllitin uo-  
Mezereon. cari. S E N. In memoriā uenit: ad Mezereon transeamus.  
B R A. Nonnulli falsò, mezereon, & laurcolā confundūt,  
ac si unum sint, quū duo & longe diuersa esse oporteat,  
Daphnitis, quoniam laurcola, quae Daphnitis est, lacte careat, me-  
zereon

zereon eo abundet, ut illi Arabes imponunt. Vnde Serapio & Mesue de mezereon loquuntur, & non eodẽ modo unoq; capite diuersas antiquorum Græcorum herbas miscent. Nam Dioscorides & Plinius Chamæleam & Thymæleam duas herbas faciunt, ut uerè sunt, hi autem Arabes uno in capite adedò perturbant & confundunt, ut quandoq; chamælea, quandoq; thymælea uires, quandoq; descriptionem unius, quandoq; alterius misceant, ut re uera duas herbas uno capite coniunxerint. Tamen in medio ferè capitis mezereon duas species habere statuunt, ut hoc manifestè colligatur Arabum mezereon, esse chamæleam & thymæleam Dioscoridis ac Plinij. Ex his herbis in hoc monte uaria colliges, ubi loca petrosa uidentur: ex chamælea, folia: ex thymælea, folia & semina condas. **S E N.** Ozimum garyophyllatum occurrit. **B R A.** Hæc duò ne sunt, Ozimum unũ, Garyophyllatum aliud, uel una res, quæ toto hoc nomine claudatur? **S E N.** Vna sola res, & etiam notissima. **B R A.** Ne admiratione afficiaris, quoniam pharmacopolis noui herbam colligentes nomine garyophyllatam: nunquã enim apud antiquos ozimum garyophyllatum inueni. Dioscorides enim ozimum, & ὀζιμοειδές, id est, ozimastrum, & ozimum aquaticum sola tractat: dic tu quo ozimo (uel ocimo per c, aut z, scribatur ab ὀζέπ, quod est redolere, grammaticis curæ sit) in officinis utimini? **S E.** Quod passim mulieres supra fenestras in fictilibus plantant, nigrum semen habens, garyophylli odorem representans. **B R A.** Ferrarienses mulieres duas species habent supra fenestras, alterã strictiora folia, alteram latiora habentẽ.

Ozimũ garyo-  
phyllatum.

**S E N.** Id est, quod latiora folia habet, basilicum dictum, ab odore basilica dignum. **B R A.** Tamen Scrapio ozimum garyophyllatum ex sententia Isaac Ebenambram folia strictiora habere tradit. **S E N.** Ita apud nos usus est. **B R A.** Semen certe nigrum habet, & odoratum, sed non garyophylli odore ( nisi olfactus me decipiat.) Ne in montibus ipsum queras quum in omni fere domo Ferrariae sit. Solum fere inter herbas calidissimam aqua expetit, & in meridie, nobiscumq; ueluti animans moratur: edendo est, sed uisui nocet: folia & semina habere oportet. Mira uero & adeo ingens controuersia in Plinio & Dioscoride est, ut alterum ipsorum errare opus sit. Dioscorides enim inquit, si a scorpione uulneretur qui ozimum comedere, incolumes euadere: e contrario Plinius libro uigesimo, capite duodecimo: Si quis ea die qua ozimum comederit, a scorpione pungatur, non posse sanari. **S E N.** Est inexplicabilis contradictio, quae forte per uarias ozimi species tolli posset. **B R A.** Aliud est in his autoribus discrimen, quoniam Dioscorides lac prouocare tradit. Plinius uero eodem loco, si illi nitur mammis, extinguit quoque lactis prouectum. **S E N.** Dioscorides forte per os sumptum intelligit: ideo addit, & agre in stomacho mutatur: Plinius uero extrinsece apponit. Quicquid sit, miror maxime cur Dioscorides secundo libro de ozimo, quarto autem de ozimaestro tractauerit, quum eius consuetudo sit cognata congeneribus miscere: ut de menta ac mentaestro uno loco fecit. **B R A.** Id apud Dioscoridem perpetuo non reperitur, quippe qui de thymo in uno libro, de epithymo in altero scripserit:

quamuis

quamuis in libri præfatione eos reprehēdat qui ordinem  
 literarum sequuntur, & cognata à suis congeneribus di-  
 uellunt. Tamen uitio scriptorum potius factum arbitror,  
 ut in Dioscoride nonnulla suum locum euarient. Quum  
 uero Plinium & Dioscoridem cōciliasti, quòd alter per  
 os, alter extra applicuerit, non longe à Galeno dissentis,  
 qui in libro de simplicium medicamētorum facultatibus,  
 ozimum per os sumptum non digeri, imò digestionem offi-  
 cere tradit: si uero emplastri modo extra ponatur, dige-  
 stionem procurat. Nonnulli uero hoc animaduertentes,  
 quod uno in libro de ozimo, in alio de ozimaestro loqua-  
 tur, uoluere in quarto libro non loqui de ozimoidē Dio-  
 scoridem, sed corruptum esse uocabulum, & legi debere  
 Echinoidem, quia de Echio supra loquutus erat. Ab his  
 autem dissentire cogor, tum quia nulla herba est, quæ  
 Echinoides uocetur, tum quia ozimoidem Plinius ita pin-  
 git, & eius uires, ut Dioscorides ponit: tum quia Galenus  
 in libro de simplicium medicamentorum facultatibus ea-  
 dem ozimoidi elargitur, quæ Dioscorides suo quarto lib.  
 A Germanis Basilica kraut, ac si herbam basilicā dixe-  
 ris, uocatur. SEN. Bardana sequitur. BRA. Quo uoca Bardana.  
 bulo uteris? eā ne est, quam ex similitudine cum equorum  
 unguibus, ungulam caballinam appellatis? SEN. Ea qui-  
 dem est, sed potuit etiam asinorum ungues imitari.  
 BRA. Ideo & multi asininam ungulam uocant: imò Ger-  
 manum nomen quo hæc indicatur, asino alludit. SEN.  
 Quomodo asino? BRA. Quoniam ipsam uocant Esels-  
 huff, ac si dixerint asini ungulam. SEN. Honestius ta-  
 men est, ab equo magis, quam ab asino nomen sumere.

B R A. Istud ad rem nihil, uel ab asino, uel ab equo nomen ducatur. Quir illam in montibus quæris, quâ Ferrariæ abundet, circa aquarum scatebras, & aquosis locis, adeò ut recentiores multi nymphææ speciem arbitrati sint, quam suo corrupto uocabulo nenusar terrestre appellauerunt? S E N. Sunt etiam qui farsarum, nescio an Hebræo uocabulo, uel barbaro eam uocent. B R A. Imò Latinum est, nam ab autoribus folijs populi comparatur. Antiqui uero populum, farsarum dicebant, à Dioscoride Bechion,

Tussilago. à Romanis Tussilago, quoniam uehementissime tussi succurrit, appellatur: hoc autem est si per infundibulum fumus suscipiatur, & deuoretur: propterea apud Germanos aliquos brandt lauttich appellari solet, ac si dixerint, lappa que ad combustionem dàda est, uel lapa cõbustioni apta. Recentes medici ea pro antiqua tussi utuntur, quum ab antiquis solum fumus glutiretur: à Gallis glisterons dicitur: folia & radices seruare conueniet, sed hoc Ferrariæ ages. S E N. Capilli ueneris sequuntur.

Capillus Veneris.

B R A. Postea. S E N. Politricon, calitricon, adianton.

B R A. Siste: nam uos pharmacopole rem in duas species tantum distinctam, in quatuor diuisistis: nomina solum diuersa sunt, res minime. Ea enim herba, quæ à uobis capillus ueneris dicitur, à Dioscoride Adiantum appellatur, quoniam madescere non potest, etiam aqua aspersa. Quem tamen effectum experiri uolens, falsum esse comperi, ideo potius ex puteis, quos coronat, & propter id madida non est, uel quia nunquam attingit aquas, id nomen sumpsisse arbitror. A Romanis Cincinalis, & terræ capillus dicitur. Cincinalis quidem ob cincinos

secun

secundum aliquos, id est, incisuras: sed magis arridet ob capillorū cincinnos. Item cum polytrico, & calitrico est: sunt hæc diuersa nomina à uarijs effectibus imposita: nam polytricon, id est, multas tricas, hoc est capillos faciē: calitricon, id est, pulchrastricas faciēs. Vt autē rem ipsam aptius intelligas, una herba est adianton, in duas partes separata. Vna proprie adiantum dicitur, de qua priuatim uno capite Dioscorides agit, folia magis alba, & coriandro similia habens, & longiora. Altera pars à Dioscoride in sequenti capite scribitur, & Tricomanes appellatur, folia habens filici similia, tenuia, nigriora primo, & breuiora: hoc proprie calitricon dicitur, ex tricarum pulchritudine quam facit. Vos pharmacopole, hoc communi nomine in his duabus herbis utimini Capilli ueneris: unde apud antiquos autores solum adiantum & tricomanes, uel calitricon inueniuntur: ut patebit si Theophrastum, Dioscoridem, & Pliniū legeris: nō autem quatuor sunt herbæ, ut uos eas facitis, supradictis nominibus appellatæ: nam sola uoce, & nō re ipsa dissentiunt. Ideo multi pharmacopole falso quatuor herbas ostendunt, quum duæ tantum sint: tamen quamcunque speciem acceperis, easdem uires habet. Ideo Ferrariæ in puteis, fontibus, palustribus locis, umbrosis ac humentibus muris eam accipito, quæ ad manus uenerit, & in Bononiensi solo maxima copia uiret. Ferrariæ tamen Tricomanes, id est, ea species quæ filici similia folia habet, copiose inuenitur: ramos tantū huius herbæ seruabis. Aue-nea ab Hispanis dicitur, non omnibus tamen, ita à quibusdam Germanis frauenhar dicitur, ac si dixeris femi-

Adiantum.

Tricomanes.

ne crinis, quamuis alij Germani *Mauerrutem* (sed falsò) appellarint: quoniam hæc ruta muraria, à prædictis herbis diuersa est. Galli etiam *pharmacopole*, illis quatuor, ac si diuersa sint, utuntur, ita suis nominibus appellantes

**Agrimonium,** capil uenere, politri, calitri, adiantos. **S E N.** Agrimonium ad manus uenit. **B R A.** Corrupto uocabulo passim utuntur, Argemone legi oportet, supra docuimus, eam herbam, quam *pharmacopole* pro argemone accipiunt, uerum cupatorium esse. At uera argemone apud me incomperta est: tamen futurum spero, ut illam inter alias herbas ostendamus: nunc ipsam dimitterem, quoad ab aliquo oculata fide inuenta sit. **S E N.** Interim quid agendum est, si aliquis medicus argemonem ordinaret?

**B R A.** Admonerem ipsum hanc herbam non haberi. **S E N.** Clamaret ille, uis tu me docere, hæc est, *Sus Minervam* instruet? **B R A.** Placidis uerbis iterum admonerem, exorans ut ueritatem noscere tentet. **S E N.** Tunc altiori uoce instreperet, conuicia sine ordine miscens, & deinceps meam officinam desereret. **B R A.** O pessimum genus, ignorant & id noscunt: tamen sua ignorantia obstinati discere contemnunt, & potius meris nugis consenscunt, quam ab alijs discere curent, aut saltem se ipsi ueritatem noscere conentur: si *pharmacopola* essem & hæc mihi accideret, tales uiros derelinquerem, iube remq; aliam officinam querere, & ibi quæ luberent ordinare, quoniam pro re rem alteram uendere non licet.

**S E N.** Id agere decreui, & potius salutis animæ tribuere, quam paruo lucello, quod ignauus, & penè inscius medicus, semel, aut bis ad summum in anno condonabit: his autē

his autem omiſſis, ad ſpicam ueniamus. B R A. Iterum Spica,  
 ad flores tranſis. S E N. Nihil reſert, nos ſpica nardi,  
 & ſpica Celtica utimur. B R A. Nominum inſcitia, &  
 te, & recentes ita loqui coëgit: Nardus abſolutè appella Nardus,  
 tur, & nardi ſpica, quæ in monte Indiæ naſcitur: tamen  
 in Indicam & Syriacam ab autoribus diuiditur, quia  
 mons ille duas facies habet: in facie uerſus Indiam uer=  
 gente, Nardus Indica creſcit: in uergente uerſus Syriam,  
 Syriaca. Indica mox ſub ſe Gangeticam capit, quæ prope  
 flumen Gangem naſcitur. Nardus uerò Celtica in Gallia  
 & in Liguriæ alpibus, & in Iſtria uiret. Habetur & ter  
 tia nardus ex Cilicia proprie & Syria, quæ montana ap Nardus mon  
 pellatur, hæc eſt quam habemus: nam Venetorum nauili tana,  
 gationes Alexandriam, & Alexandria Venetias hanc  
 ferunt: ex Cilicia enim & Syria facile Alexandriã, & pe  
 deſtri, & nauali itinere feruntur. Etiam ex Cypro inſula  
 aſſertur. Ne igitur in his montibus nardum quæras, ſed  
 Venetijs ſpicam, caulem, & radicem emes: quamuis &  
 ipſi adulterent. lubeo autem radicem & caulem emere,  
 quoniam hæc apud antiquos autores, ut Dioſcoridem, &  
 Galenum, magis in uſu medico ſunt, quàm ſpica, quippe  
 folia abiicit Dioſcorides. Ad nos tamen nunquam defer=  
 tur radix, nec mercatores illam portare curant, etſi in re  
 medica efficacior ſit: quoniam maius lucrum ex ſpica,  
 quàm radice faciunt: non tamen ex his ſpicã omittere in=  
 telligo, utpote quæ in re medica, & odoramenti ualeat,  
 imò pretioſum unguētum ex ſpica antiquitus fiebat, quo  
 Magdalena Seruatoris noſtri I E S V pedes inunxit. Eſtq;  
 error in ſacris literis ubi legitur unguentum nardi piſti=



ci: quem errorem Valla corrigere uolens, Nardi spicati legit: quum potius spicae nardi, id est, ex spica nardi legendum esset. Radix tamen ea est, quam ceteris partibus praeferunt autores: imò quum radix excanatur, puluerem pro lauandis manibus seruari iubet Dioscorides, adeò radix odorata est. Hæc de nardo, uel ut uos dicitis, de spica. Nisi in mentem uenisset Ligures ueram Celticam nardum habere, tamen loco eius, herba dicta à nobis lauandula uti, qua & nardinum oleum parant, id est, id quod apud uos de spica appellatur: tamen lauandula à Nardo Polium, longissimè distat. SEN. Polium sequitur. BRA. In planis & montibus hæc herba reperitur: Dioscorides in usu montanam esse censet. SEN. Imò & nos semper montanum polium querimus, & montano utimur. BRA. Non habet hominis cani folia, ut nonnulli putarunt, sed in summo capitulum paruū habet cano hominis capillo egregiè simile. In Bononiensibus montibus crescit & pullulat. Sunt tamē pharmacopole Ferrarie, qui pro polio alteram herbam sumant, quum notissimum sit apud nos polium, & uulgare. Leonicens in epistola ad Hermaolaum Barbarum, Plinij errorem ostendit, tripolium cum polio confundentis. Totam herbam in his montibus sine radice, sed cum floribus, & seminibus serua: eius nomen sortitum est ex similitudine, quam cum homine cano habet: unde herba ea multorum stipitum, qua nostri pharmacopole utuntur, poliū nō est. SEN. Non omnes tamen illa utuntur: nam ex Bononiensibus montibus polium uerum habere consueui. Ad pastoris uirgam accedamus. BRA. Vnde hæc herba tale nomen sortita sit, ignoro

Pastoris uirga.

ignoro, nisi ex longis uirgis quibus cardui ad poliendos pannos insident, dicta sit, ut pastores forte unam ex his uirgis sumentes, & aculeis nudantes, ea parte qua possit manu capi reliqua aculeata parte gregem ducat. SEN. De eo nomine incertus sum: at Carduum esse non dubi- Carduus.  
to: quo autem nomine ab antiquis diceretur, ignoro.

BR A. Apud Dioscoridem, & antiquos Græcos, dipsa-  
cos est: Romani Labrum Veneris, aut lauacrum Vene- Labrū ueneris.  
ris appellant. Notissima herba, & Ferrariæ frequentissi-  
ma: radices seruare oportebit, seorsum, & folia: habet  
etiam echinum, in cuius medio uermiculus nascitur ad  
quartanas utilis, si Dioscoridi credere fas sit. Marcellus  
diu illum uermiculum obseruasse, at nunquam uidisse fa-  
tetur. Ego autem certus sum nunquam à Marcello obser-  
uatum esse: quum nullus errare possit, quum in autumnno  
inueniat quum exiccari incipit, si per medium echinus  
aperiatur: uermiculus albus est, qui per cavitatem echi-  
ni dimouetur, & in caudicem transit, hyeme etiam uide-  
re licebit antequam præ frigore moriatur. Quum uerò  
huius pastoris uirgæ duplex genus reperiatur, & easdē  
uires utrunque habeat, quodcunque seruabis, nihil impe-  
diet. In Ferrariensi agro id quod breuiorem echinum ha-  
bet, uberrime nascitur, quo pilea & pannos expolunt.  
A Gallis etiam ferè nostro nomine appellatur uerge a  
pastour. SEN. Lupulus occurrit. BR A. Non inueni Lupulus.  
apud Dioscoridem quo nomine Lupulus appellaretur: hi  
enim aberrāt qui corrudam dici uolunt: nam Corruda fo-  
lia capillamenti modo tenuia habet, quibus caret lupulus.  
Nec Brionia est, licet eadem foliorum forma decoretur.

Lupus salicet-  
rius,

Verum Plinius de eo tractare uidetur, & lupum salicet-  
rium appellat, quoniam supra salices, & reliquas plantas  
repat: & ideo nostra materna lingua luertice, quasi lu-  
pus uerticius, uel salicetarius lupus uocatur, utpote qui  
circa res, quibus inheret, uertitur: herba est Ferrariena  
sibus notissima, quam licet in Ferrariensi agro ubique  
praesertim circa sepes, & foueas inuenire, & qua nos co-  
cta & cruda in acetarijs oleo sale & aceto conditis ue-  
scimur. Flores, & herba seruanda, nec praetermittende  
radices, quae calidae & aperitiue sunt: flores in illis locis  
plurimum ualent, in quibus uinum decit: nam ex ipsis  
compositiones quasdam parant potui aptas, quas suis  
idiomatibus ceruistas, medones, byras, zitaue appellant,  
in quem etiam usum herba seruatur. SEN. Reperi-  
tur ne apud Arabes, quum Graeci de ipso loquuti non  
sint? BRA. Non ita simpliciter dixi, Graecos lupulum  
praeteriisse, quoniam recentes Graeci de eo uerba fecere:  
imò & nunc uulgò in Cypro Bryon uocatur, & Hermo-  
laus in tota Graecia ita appellari tradit. Nunc etiam  
Aquileienses rustici Brusculam quasi Bryon scandi-  
lem uocant, & ita Cremonae dicitur. Apud Arabes etiam  
sub nomine, uolubilis, inuenitur. Hispani, lupares, praeser-  
tim qui Lusitaniam habitant, Galli ombelon, Germani  
aopphen appellant. SEN. Carduus benedictus occur-  
rit. SEN. Simon Genuensis longè deceptus est, qui car-  
duum benedictum sedum minus esse arbitratur. Dece-  
ptus autem est, me iudice, quia à Dioscoride sedum mi-  
nus carduus, semperuius appellatur: ideo carduum bene-  
dictum esse hac coniectura existimauit: sed ita carduus  
benedi

Carduus bene-  
dictus,

*benedictus semperuiuum est, ut rosa est lactuca: &*  
*quamuis passim in Dioscoridis exemplaribus Græcis car-*  
*duus semperuiuus loco sedi nō sit, tamē Genuensis in suo*  
*textu ita legerat, quemadmodū & Hermolaus in suo ha-*  
*buit. Sunt uero plures textus, qui loco cardui semperuiui*  
*ἐγβα σέγπεγ βίβα, id est, herba semperuiua legunt.*  
*Vt in pluribus Græcis textibus uidere est. Verum uno*  
*errore non contentus Genuensis, sedum etiam senectio-*  
*nem facit, & erigeron & Trixaginis speciem, quæ quan-*  
*tum a uero discrepent, suo loco ostendemus. Nonnulli*  
*hunc carduum Chamæleontis speciem fecerūt. Ego non-*  
*dum habeo quid certi dicam. In Ferrariensibus herbis*  
*de ipso copiose scribemus: hic flores, herbā, radices, & se-*  
*mina colliges, quæ omnia uarijs agritudinibus conferūt.*  
*Galli nostro ferè nomine, Chardon beniēt uocant. s e n.*  
*Thymbra sequitur. B R A. Multæ herbæ sunt, quarum Thymbra*  
*cognitionem apud omnes autores difficile uideo, thym-*  
*bra scilicet, satireia, cunila: genus herbæ est cunila, satu-*  
*reia cunile species, quæ et thymbra: altera uerò hortēsis*  
*est, altera agrestis. Si Columellam considerare uolueri-*  
*mus, peculiari nomine syluestrem thymbram, hortensem*  
*satireiam appellat. Notissima herba est, à nostris sene-*  
*uezo, quasi uice sinapis dicta: ab alijs saulezo corrupto*  
*uocabulo, quasi satireia. Mirus est apud nos in acetarijs*  
*& intinctibus huius herbæ usus: sunt & qui solo pane*  
*mandant, nam nomen fortè traxit, quia saturos reddat.*  
*Ferrariæ in tenuibus & asperis terris crescit, ubique ta-*  
*men ab olitoribus seminatur: hortensis ad omnia medi-*  
*camēta efficacior est. Syluestris in cibis melior, quia intē*

siori illa acrimonia caret: huius herbe præsertim domesticæ ad medicum usum ramulos serua. Hæc sunt quæ de thymbra concise dicenda erant, spondentes omnes cunilæ species alias ad unam ostensuros: apud Germanos quosdam quenel, apud alios cunel dicitur, ut à serpyllo nomen ductum esse uideatur: cunel autem à cunila corruptum sit, & satureiam satureij dicunt. SEN. Bursa pastoris

Bursa pastoris.

occurrit. BRA. Hæc bursa adeò tenuis est, ut nihil habeat, quo pastores uictum ducere possint. Tali autem nomine appellatur, quia folliculum habet, in quo semina conduntur, burse figuram representans. Nonnulli eam

Thlaspi.

Thlaspi à Dioscoride descriptam, esse censent, quod à Romanis scandulaceum uel capsellam, quasi scarsellam, unde & nos uulgo scarselletam uocamus. Re autem uera Thlaspi pro parte huic burse quadrat, si Dioscoridis pieturam considerabimus, quia breuis & exigua herba est. folijs angustis, digitali longitudine in terrâ uersis, in summo incisuris diuisis, & modice pinguibus, caule tenui duorum dodrantum altitudine, paucis in eo adnatis, & circa caulē fructu in summo modicè lato, in quo exiguum semen est, nasturtio simile, disci uel lenticule uasis effigie, & ueluti infractū, unde nomen accepit flos illi albus, in semitis, fossis, sepibus, & circa domos nascitur, semen habet accerrimū. Omnes hæ conditiones burse pastoris quadrare uidentur. Sume tu herbam ipsam, quæ prope est, & prædictas conuisiones illi quadrare aduertas.

Vincitoxicum

SEN. Mirum in modum conuenit. Tamē prius audiueram Thlaspi eam herbā esse quæ à Ferrariensibus Vincitoxicū dicitur. BRA. Nonnunquam Thlaspi effigiem Vincito

Vincitoxico comparauī, statimq; diuersam esse percepi:  
nam Vincitoxico nō insunt folia digitali longitudine, nec  
in summo incisuris diuisa, nec in terram uersa, nec pin-  
guia, imò ariditatem quandam præ se ferre uidentur, nec  
semen est disci figura, & multa alia uincitoxico desunt,  
thlaspi tamen ab autoribus attributa. SEN. Thlaspi igi-  
tur Bursa pastoris erit. BRA. Inclinauit quandoq; ani-  
mus, sed magis inclinasset, si folia in summo incisuris di-  
uisa haberet: habet autem incisuras in medio, & si semē  
disci forma insigniretur, quod rotundum est & rubrum,  
& si cum nasturtio similitudinem quandam possideret,  
& semen acerrimum esset. Quū uero hæc omnia thlaspi  
insint, & desint burse pastoris, non possum induci, ut no-  
stram pastoris bursam thlaspi Dioscoridis arbitrer,  
etsi in bursa pastoris multe notæ inueniantur, quæ in  
thlaspi primo intuitu reperies. Constat autem herbam  
esse qualitate frigidiori insignitam: ne illam hic quæras,  
sed Ferrariæ semina & folia colligito: nunc quenam sit  
apud antiquos incertus sum. Aliæ feræ gentes nostrū uul-  
gare nomen imitātur: nam Galli, Bource a pastour, Ger-  
mani Deschelkraut, id est, marsupij herba appellāt. SE. Scabiosa,  
Ad scabiosam igitur accedamus. BRA. Et hæc una est  
ex illis herbis, quæ apud antiquos non reperitur. Nostri  
pharmacopolæ pro scabiosa herbam colligunt, qua pro  
uerrendis domibus Ferrariæ utimur: tamen ubiq; in Ita-  
lia non est harum scoparum usus. Ideo apud nos notissi-  
ma, quam ita Hermolaus in stœbe describit, habere fo-  
lium eruce, hirsutum, sed non horrens aculeis, floris cœ-  
rulei, qua scopæ fiunt. Non desuere tamen, qui nostram

*Stæbe*. scabiosam, *stæben* Dioscoridis esse censuerint. Verum quia Dioscorides *stæben* non pingit per ipsum, an nostra scabiosa *stæbe* sit, noscere non possumus, propterea ad alios autores confugiendum, Theophrastum scilicet, & Plinium. Plinius lib. x x i. cap. quintodecimo, *stæben* à quibusdam *phleon* appellari tradit, à Theophrasto primo de platarum historia sumens. Si igitur *phleon* à nostra scabiosa differre probabimus, & *stæben* scabiosum non esse probatum erit, Theophrastus primo de plantarum historia *stæben* inter fruticosas connumerat, & quæ carnosum folium habeant, quale scabiosa non habet. Constat etiam apud Plutarchum in secundo problemate *phleon* inter palustres plantas numerari: ex hac enim antiqui thoros conficiebant: unde nomen accepit, quia antiqui *stæbe* utebantur, πρὸς τὰς σιβάδας cōficiendas, id est, ad thoros parandos, adeò lentorem habebat: nostra autem scabiosa lentore caret, imò apprimè frangitur. Herodotus etiam testis est, ex ea antiquitus vestes parari, & Theophrastus sexto de plantarum historia inter aculeatas numerat *phleon*, inter illas præsertim quæ folia habent secundum spinas ut tribulos: hæc uero nostræ scabiosæ non quadrant, imò & Pausania ex ea fieri retia scriptum reliquit, quæ nostræ scabiosæ cōuenire non possunt. Adde *stæben* adstrictoriam uim habere, scabiosam uero minime: nam ita appellatur, quia contra scabiem ualeat: *stæbe* uero cōtra scabiem ualere à nullo auctore scriptum est. Quam ob rem antiquorū *stæben*, & nunc uocatam scabiosam diuersas esse oportebit, ut uulgaris herba potius dicenda sit, quàm ab antiquis pertrata,

stata, cutaneis agritudinibus ex salugineis humoribus apta. SEN. Habet ne alias vires, an tantum scabiei aduersatur? BRA. Recentes quædam inepta carmina tempore Urbani Pontificis facta adducunt, quæ adeo inscitia opplentur, ut pudeat me referre. SEN. Nisi ægre tuleris, eam et carmina recensebo, ut experiar an memoria exciderint: his enim carminibus plurimum oblector. BRA. Ut lubet proferas, sed citò expeditas. SEN.

Urbanus per se nescit pretium scabiosæ:

Nam purgat pectus, quod comprimit ægra senectus.

Purgat pulmonem, laterisq; simul regionem,

Rumpit apostemata, lenit uirtute probata,

Emplastrata foris rumpit anthracem tribus horis,

Intus potatur, & sic unus euacuatur.

BRA. Si stœbes vires considerentur, eadē quodammodo sunt, imò Pædectarius stœben esse cōtendit: sed miror admodū, cur in istis carminibus cōtra scabiē ualere scriptū nō sit. Id fortē in causa fuit, quia stœbē esse putātes solū vires stœbes descripserunt, quas Dioscor. & Galenus illi attribuūt. Tu autē in Ferrariēsi agro hāc herbā colliges, ubi ingēs copia uiret, cuius folia et semina seruāda iubeo. Eodem nomine & à Gallis appellatur scabiosæ. SE. Garyophyllata sequitur. BR. Ex radice odore hāc herba nomē sumpsit. SE. Quia garyophylli odorē habet (ut arbitror) sed cuius garyophylli? BR. Nō habet omnino nostri garyophylli, id est pulcherrimi illius floris, & summe odorati, quē in fictilibus frequentē habemus. SE. Nisi graue sit tibi (licet præter intētionē) quo noīe ab antiq; garyophyllus noster appelletur edoceas. BRA. Nunquā

Garyophyllata,



apud antiquos ipsum reperi, quod tamen admiratione dignum est, quā dignus sit ille flos, ut à digno autore pingetur. Longius enim decepti sunt, qui cyanū esse arbitrantur: nam cyanus statim post rosam sequitur, nos baptisofelam corrupto uocabulo quasi baptiseculam dicimus, quia secantibus & metentibus officiat, retusa in occursum eius falce, ut Hermolaus in leucoio docet: nam & seculam ueteres dixere falcem. Ad rem nostram proficiscentes, non habet etiam odorem garyophyllata, illius fructus, quo in aromatibus pro condicendis obsonijs utimur. At suauem odorem habet, ut ille suauis est, qui in garyophyllo flore sentitur: unde ob suaueolentiam, illi flori cōparatur, imò & in illum quodammodo inclinatur. Plurimis, & præsertim Pādectario, eam esse placet quæ apud Galenum Lapagum dicitur: hic bonus uir scribere debuit lagopum, quasi pedem leporis: nam Galenus de lagopo in simplicium medicamentorum facultatibus tractat, quam facultatis adeò exiccantis esse dicit, ut alui fluxus probè exiccet: quas uirtutes illi attribuit Pandectarius ex mente Galeni, ut constet quod Pandectarius corrupto uocabulo lapagum dixit, scribendum fuisse lagopum. Quem errorem Genuensis euitauit, quippe qui nouit lagopon, id est, pedem leporis, garyophyllatam nō esse, ut certum est si quis antiquorum autorum picturas consideret. Dioscorides tamen, Galenus, & Paulus eam non describunt, nec etiam Plinius, sed hic tantum in segetibus nasci dicit. Dioscorides autem, φύεται ἐν τοῖς περσικαῖς, id est, in hortorum areis nascitur. Cōstat autem garyophyllatam in montibus nasci: at hæc herba,

quæ

que pes leporis dicitur, à nullo descripta reperitur, præterquam à Genuense, qui in antiquo Dioscoride pictam uidisse fatetur, pusilla habentem, in triangularem figuram uergentia, per omnes ramulos utrinque ab ambobus lateribus continuata per totam humilem plantam, expansam per terram. Nos uero in altero Dioscoride speciem alteram leporini pedis circumcirca incisi uidimus. Ea in acetarijs uere utimur. Ad nostram autem garyophyllatam reuertentes, quam recentes sanamundam, & auantiam, Sanamunda, & oculum leporis uocant, & quam non esse lagopum certe scimus, nec apud Dioscoridem reperiri. Si aliqua tamen sit apud antiquos, eam esse suspicor, quam Plinius lib. x x v i. cap. v i i. Geum appellat, quamuis in aliquibus codicibus Gethis legatur: hanc radices nigras & bene olentes habere tradit: non autem dicit garyophylli odorem habere, quia apud ipsum hic flos ignotus erat, sed bene olere, quia re uera optimus odor est. Ad eadem etiam geum ualet ad quæ iam dicta garyophyllata, ad pectoris inquam, & lateris dolores, & cruditates iucundo sapore discutit, ad quæ radix garyophyllatæ ualet: quamuis & ad alia multa garyophyllatæ radice sit in re medica usum: in his montibus eam colligas ubi copia est, radicesque serua, & folia. Geum, siue Gethis. Lapadium syl  
uestre,  
 S E N. Nullus est apud medicos foliorum usus. B R A. Tu autem & folia serua, quæ ad multa ualent. S E N. Deinceps seruabo. B R A. Galli salmonde, ac si sanamundam dixerunt, eam appellat: Germani negeleskraut, tanquam garyophyllorum herba dictum sit. S E N. Lapadium syluestre sequitur. B R A. Pro syluestri lapatio quam herbam seruas? S E N. Eam

**Rumex.** *que vulgò rumice appellatur.* B R A. Rumex Latine dicitur, & lapathum potius, quam lapatiū dicere oportet, si quis Dioscoridis uerbis uti uoluerit: cuius multæ species sunt, quæ sub capite acetosæ ab Auicenna ponuntur, quamuis acetosa sit una tantum species. Verū deceptus est in ea uoce ῥῆγ, ut multi Latini fecere, quæ acutum significat: acuties autem in aceto est, & per similitudinē in alijs rebus, ut ensis acutus: unde una tantū lapathi species quo ad saporem acuta est, quam acetosam, & herbā bruscā uocamus: aliæ quo ad formā acuta folia habent. Quam ob rem quod à Dioscoride satiuo simile dicitur, proprie rumex est, & lapathum sylvestre, quod seruatis, quamuis nō multum differat, quācumq; speciem sumatis, quoniam easdem ferè uires habent. Ferrariæ uberius crescunt: semina, folia, & radices seruabis. Galii paille rouge, Lusitani labaras, Germani Cletten hanc herbam

**Euphrasia.** appellant. S E N. Euphrasia occurrit. B R A. Herba pulchro nomine insignita, quam tamen antiqui ignorarunt: nihil enim de ipsa apud Dioscoridem, Plinium, Galenū, Paulum, aut Aetiū reperi, herbula parua est pimpinellæ similis. Adhuc etiam uocata, sed folia minora habet, nec multos ramos habere putant recentes: tamen in summis montibus tum Bononiensibus, tum Mutinensibus fructuosissima inuenitur, sed in decliuioribus locis ferè in unū stipitem crescit, flores in album uergunt. Hermolaus lib. quarto Corrolarij, ubi de saxifrago tractat, luteolos esse dicit. Integram plantam serua ex his montibus collectā: pro hac Mutinenses, & Bononienses montes ascendunt multi pharmacopolæ. In plano etiā nascitur, sed est multo effi

to efficacior in montibus. Galli eodem modo euphraize, Germani aughentrost appellunt, tanquam si dictum sit oculorum solamen: propterea à multis ophthalmica, & ocularia nuncupatur. SEN. Millefoliū sequitur. BRA. Millefolium. Multæ herbæ apud antiquos in hoc nomen ueniunt, ut quarta species sideritis, & stratiotes terrestris: ea tamen uerè millefolium est, quæ à Dioscoride myriophyllon appellatur, & à Plinio lib. xxi. cap. xvi. sed nostri pharmacopole, quibusdam mulieribus credentes, alias herbas pro millefolio accipiunt, ut stratiotem terrestrē, quartam species sideritis, & alias quasdam. SEN. Tu quam sumere debeam, ostende. BRA. Omnibus ferè eadem uires insunt, quia uulneribus aptæ. In his montibus non nascitur, aut inefficax est. Ferrariæ habetur, quia palustria loca amat. Ea est, quæ unum singularem caulem habet, tenerum, & unam radicem, folijs foeniculi pluribus, subrubicundum, & densum, tanquam de industria sit ita factum, puniceum, & perpolitum, herba ipsa seruat. Eodem ferè nomine Hispani, ut nos, utuntur, miliafolio. Eodem & Galli, mille feulles. Germani Garb dicunt: quamuis & nonnulli sthaffs reibe, id est, ouinam costam, & alij relic dixerint: tamen incertus sum, an uero millefolio, uel alijs herbis ita appellatis hæc nomina tribui debeant. SEN. Pes columbinus sequitur. BRA. Apud antiquos Græcos hanc herbam multum quæsiui, quia eius nomen, Græcorum impositiones sapere uidetur: quippe qui herbas ut excellentiori nota cognoscerentur, ex notissima re, cui assimilarerentur, denominarunt, ut pes leporis, per coruinus, pes accipitrinus, pes

Pes colum-  
binus.

locustæ. At nomen hoc, nec apud Dioscoridem, Theophrastum, Plinium, Galenum, aut alterum ex antiquioribus mihi occurrit, qui de herbis pertractarunt. Recen-

**Amomum.** tes Amomum columbini pedis speciem esse contendunt, quum ita à Serapione existimatum sit: tamen apud antiquos hoc nusquam repertum est. Imo si amomi figuram consideremus fruticem esse pusillum, ceu ramum è ligno conuolutum & sibi ipsi implicitum, statim decernemus nullam esse notam, qua cum columbino pede conueniat. Hæc enim nomina à similitudinibus cum his animalium partibus imposita sunt. Quã ob rem nescio qua ratione, & Serapio amomum, pedem columbinũ esse putarit, quamuis nomina ad placitum sint, sed & ad placitum est Barbaris credere quum sine ratione loquuntur.

**Anagyris.** Pandectarius Anagyron, columbini pedis speciem esse fatetur, sed Dioscoride perlecto, nullam similitudinem habere percepi: quippe anagyris folia & uirgas uiticis, id est, agni casti habet, quæ folia nihil cum columbino pede conueniunt. Auerrois de columbino pede quinto Colliget tractat, frigidum in primo, siccum in secundo docens: tamen eius effigiem non describit, ut serè opus sit columbinum pedem uaticinari. Quidam uero Geranium esse putarunt, à quibus sponte discedo, quoniam Geranium diuisuras maiores habet, quàm anemones: at non ita magnas pes columbinus habet, nec etiam rotunda radix ipsi inest. Quicquid autem sit, nostri pharmacopolæ herbulam quandam seruant, quæ sex aut octo ramulos profert pusillos, subtiles, in quibus folia insident, rotunda circũcirca incisa, adeo ut columborum pedes

pedes, à nobis calciatorū appellatos, imitari uideatur: an modo illa sit, uel quæ apud antiquos hæc fuerit, incōpertū habeo. Tamē duas herbas in Ferrariēsi agro iādiu noui, maiorē unā, alterā minorē, quæ earū forma colūborū pedes imitantur. Ego potius maiorē colligerem, aut ambas omitterē, ueluti apud antiquos ignotas: eas autē in Ferrariēsi agro quærerē, ubi uirent egregiē. **SEN.** Hæc herba omitti nō potest: alioqui Trocisci diacoralli, qui theriacā ingrediūtur, fieri nō possent. **BRA.** O ingens recētiorū ignauia, nulli sunt Trocisci diacoralli, qui theriacā ingrediūtur: sed est Magma hedychroon, de quo Galenus & in libro de theriaca ad Pisonem, & in antidotis tractat: nescio quomodo uocabulū hedychroon, in diacoralli coraruperint. In hoc uerò magmate, nec coralli, nec pes columbinus insunt. Hæc autem aliās à nobis ubertim tractabuntur: folia, & radices huius herbæ Ferrariæ habere studebis. A Germanis hæc herba Taubensuos, id est, columbæ pes dicitur: nam apud ipsos Tauben, columba est, & suos pes. **SEN.** Persicaria sequitur. **BRA.** In Ferrariensi solo copiose crescit, iuxta aquas, & in humentibus locis præsertim. Recentes duas species faciunt, alteram quæ in medio folio nigredinem quandam ueluti oculus habeat, alteram uerò quæ non habeat, herbam esse, quæ ualde exiccet certum est, & quisque qui experiri uoluerit, probare poterit. Quid autem sit, apud antiquos incertum uidetur: putant nonnulli esse Dioscoridis hydropiper, & certus sum (quoad meliora inuenerim, quicquid sentiat Hermolaus) eam Persicariæ speciem, quæ lituris caret, hydropiper Dioscoridis esse, quoniam sapa-

Diacoralli trocisci,

Persicaria,

Hydropiper.

rem piperis habet, acrisq; est. Cum Hermolao autem sentio, eam speciem quæ lituras habet, hydropiper non esse. Mirum enim esse Dioscoridem notam ita celebrem omisisse. Adde quia folijs mentæ comparat, nos autem Persici, alij laurinis folijs: sed altera persicaria, cui macule desunt, in omnibus cum hydropipere conuenit: habet enim florem album, spicaceum, acrem gustum, minutum semē, caulem nodosum, rubrum, longum, & folia mentæ conferri possunt. Auicenna piper aque uocat, quæ & si piperis saporem non habeat, tamen ueluti piper acrem habet, & Auicenna inquit in gustu suo saporem piperis habere. Fortè igitur nostra persicaria hydropiper Dioscoridis est, & Auicennæ piper aque, Plinij piperitida, & siliquastrum. Hæc autem per suspicionem dicta sint. Tamen quæ de hydropipere alijs suspicatus sum, omittere decreui.

SEN. Ne quicquam prætermittas obsecro, tuis enim uerbis plurimū delector. BRA. Erectis igitur auribus audias. Nunc in fœtilibus supra fenestras Ferrariæ herba habetur, quæ sine odore est, tamē acrem sapore habet

Piper Hispanā.  
Piper ex Calechut.

ut piper, apud nos Hispanum piper uocatur, alij piper ex Calechut, hanc herbam hydropiper esse arbitratus sum: unde & a Plinio ob siliquam, quam facit, siliquastrum dicitur. Vnus tamen scrupus adest, quia Dioscorides hydropiper semen acinosum habere scribit, piper autē hoc uulgare, uasculum habet, in quo semen cōtinetur: dicitq; folia albiora esse folijs mentæ: at huius piperis folia, adeo uiridia sunt, ut in nigrum inclinēt. In reliquis tamen optimē quadrat, ut nec pictor aptius pingere potuisset. Legi tamen Dioscoridem, in quo legebatur: semen in uasculo.

Et Mar

Et Marcellus fatetur se uidisse antiquum Dioscoridem pictū, literis antiquis Longobardis scriptū, in quo erat effigies seminis in uasculo. SEN. Hoc ergo piper quod Religiosi Carthusienses in Testacijs loco ueri piperis uiuntur, Dioscoridis hydropiper esse censebas? BRA. Suspiciatus quidem sum, sed an sit, alij iudicent, prope aquas non nascitur, ut nostra persicaria, quæ à Gallis curage nuncupatur. SEN. Parietaria sequitur. BRA. Parietaria.  
Hæc & à muris muralis herba, sicut à parietibus parietaria uocatur. Nostrum uulgus ob lucidam quandam uiriditatem uitriolum appellat, nam ueluti uitrum splendescere uidetur, uel quia uitrea uasa hæc obsterunt. Vnde Auicenna herbam uitri appellat, quoniam ( ut inquit ) ea uitrum abluitur: à Cornelio Celso muralis, & muralium dicitur. SEN. Apud antiquos quæ herba est? BRA. A Dioscoride libro quarto helxine dicitur, Helxine.  
quæ in parietibus nascitur, & sepibus, caules habet leuiter rubentes, folia herbæ mercurialis, hirsuta, semine obducto circa caules, & tenaci, ut uestibus etiam in hæreat: si quis autem nostram parietariam consideret, hanc esse uidebit à Dioscoride supra depictam, de qua Plinius libro 22. capite 17. quam tamen ipse folia mixtæ similitudinis inter plantaginem, & marrubium habere dicit: in reliquis cum Dioscoride conuenit. At plures aliæ herbæ helxine appellantur, hæc & Parthenium dicitur: unde Leoniceus in epistola ad Angelum Politianum, Plinij errorem animaduertit, qui libro 21. capite trigesimo, parthenium à Celso perdicium, & muralium appellari censet: quum tamen muralium apud Celsum hæc parietaria



fit, Parthenium uerò, de quo hic tractat, chamæmalon est, si parthenij chamæmali proprietates considerentur. Hæc autem nihil ad nos. Appellatur & helxine parthenium, quia in hoc nomen multæ herbæ coincidunt. Satis autem habeas helxine parietariam esse, quam in Ferrariensibus parietibus frequētissimam habemus. Nec deest Myosotis. nobis altera helxine, quæ Myosotis dicitur, quasi muris auricula. Nostrum vulgus pauarinam dicit, quoniam pauaris, id est, iunioribus anseribus ( Ita enim Ferrariæ iuniores anseres uocantur ) sapit: quanquā ab aliquibus, alsine à Dioscoride, & non helxine dici existimetur: non tamē ea est, quā Germani meusole, id est, muris auricula ab ipsis dicitur, licet idem sit nomen, quia Germani lanuginosam alteram herbam ita uocant, quæ non est uera antiquorum muris auricula. Hæc autem aliās: potius autem esset helxines proprietates recensere, ob hoc præsertim quia error maximorum medicorum est, qui ea pro calida & sicca utuntur, quum tamen frigida sit, quippe ex parietaria pro frigida materia, et in doloribus ex uenositate sōmenta parant. Tamen Dioscorides frigida & adstringētis naturæ esse contendit. Idem Celsus, Plinius, & Paulus, denique Galenus, & Aëtius etiam humiditatem habere fatentur, quæ proprietates eos manifestè errare demonstrant, qui pro aperiente herba, & resoluente, ac urinam prouocante accipiunt. Si autem dolores sedari quandoque acciderit, id fit aut propter admixtum oleum, aut actuale caliditatem. Nonnulli autem recentes folia quidem frigida dixere, caulem autem calidum, quod quā uerum sit, cæci iudicent. Pandectarius quoque

quoq; tribus uersibus, sui ipsius obliuiscitur: primo enim parietariam calidam & siccam in tertio gradu fatetur, postea Dioscoridem & Galenum adducit, qui frigidam esse cōtendunt, & ad ægritudines calidas ualere inquit. Arbitrorq; Auicennam deceptum, qui ad phlegmatica apostemata ualere censet, postea eiusmodi apostemata numerans, erysipellam & calida apostemata scribit.

SEN. Hæc tamen consuetudo inoleuit, ut pro calida herba sumeretur: at quid in causa fuerit, libenter scire percipio. BRA. Quod sentio lubens edocebo: hæc herba, præter nomina dicta, Parthenium etiam appellatur.

Est autem Parthenium herba, quæ uulgo Brusaculo dicitur, calida, & quæ pro fomēto ad dolores ualeat, quum scriptum reperere parthenium, hanc parietariam, pro illa, quæ uerè parthenium est, accipere, & ita apud Recentēs, sine ratione inoleuit. Hermolaus Barbarus in helxine, partheniū matricariā esse testatur, quē Manardus sequutus est: nobis tamen re uera potius uocatū brusaculū arbitramur, quod apud Serapionē matricaria uideatur. Quicquid tamen sit, etiam si illā sumeres, calida est, & frigidis doloribus occurrit. Deniq; parietaria in alijs locis quàm Ferrariæ, herba urceolaris nuncupatur, quoniam urceos uitreatos illa abstergunt: nos uerò à uitro potius, quàm à uase nomen dedimus. De hac autē herba finem fecissemus, nisi in mentem uenisset, Aërium summum uirum capite 23. undecimi libri, ubi remedia ponit ad suppressam, & ægre prodeuntem urinam, ultimo loco remedium ponere, Perdicium herbam terito, & affuso oleo seruefacito, atque ita uesica imposito. Eandem

Parthenium,

Urceolaris  
herba.

etiam herbam cum oleo coquito, ipsaq; proiecta, lanam oleo imbuto ac imposito. Si quis autem considerabit, **Perdiciū.** quid Perdiciū sit apud Aëtium ipsum, Galenum & antiquos uidebit parietariam esse, qua tamen Aëtius utitur ut calida, quia ad prouocandum suppressam urinam nec opus est eò fugere, quod id ex accidenti faciat, calorem naturalem reuocando, quoniam plura alia magis apta sunt, quàm helxine: nec tanta frigiditate imbuta est, præsertim oleo iam dicto iuncta, ut naturalem calorem reuocare debeat. **SEN.** Errauit ergo Aëtius? **BRA.** Quid in hac re sentio, edocere statui. Aëtius capite uigesimoprimo de ischuria, id est, urine suppressione tractat, omnes modos quibus fieri potest, & curandi rationem ostendens: capite autem 22. non solum scabiem uesicæ, sed & composita medicamenta ad suppressionem urine scribit. At 23. capite simplicia remedia ad suppressam urinam edocet, & præsertim si aut multitudo materię, aut crassities in causa sit: supra autē capite 21. inter alias causas suppressionis urine, unam dicit, quoties aliquis ob negotiorum importunitatem, aut concionem, aut quia in loco sit ubi mingere nō possit, & uesica impleatur, tunc enim os eius magis constringitur: docetq; modum curandi, qui fit per compressionem manus supra imum uentrem, ut urina lente exprimatur. Capite uerō uigesimotertio, ubi simplicia remedia ponit, ad compressionem propter multitudinem, & crassitiem, remedium perdicij scribit, quod ualet ad compressionem propter multitudinem: nam perdiciam, id est, helxine, uel parietaria, est frigide & adstringentis nature. Adstringens autem

autem est tanquam manus quæ exprimat, & paulatim  
 urinam exire faciat. Itaque arbitror, Aëtij contradic-  
 tionem soluendam esse, & demonstrandum his quæ dicta  
 sunt non contradicere. Hispani ferè ut nos, parietariam,  
 remoto e: Galli paritoire dicunt. Quidam uerò Germa-  
 ni Sampeterskraut, id est, sancti Petri herba: alij uerò  
 tag und nacht, id est, die noctuq; appellant: utunturq; eo  
 nomine in sophis matibus & cauillis amatorijs. Is enim  
 qui amat, die noctuq; amat: tamen si apud ipsos tag und  
 nacht herba, flores habeat partim luteos, partim pur-  
 pureos, & propterea sit ita appellata, quia pupureus co-  
 lor noctem, & luteus diem significat, tunc certus sum no-  
 stram parietariam, non esse tag und nacht Germanorū.  
 Et ideo male eo nomine in helxine utuntur. Quum uerò  
 sint qui eam esse contendunt, quam nos uitriolum appel-  
 lamus, & est iam dicta helxine, digladiari in hac re no-  
 lumus, sed omnes suo modo proprijs nominibus uti sine-  
 mus. SEN. Ideo ad arboream hederam ueniamus. Hedera arbo-  
rea,  
 BRA. Hedera absolute dicendum erat: nam etsi in spe-  
 ciebus differentiae sint, quoniam aliqua alba, alia nigra,  
 & aliqui in marem & foeminam partiuntur, mas helix  
 dicitur, quoniam fructum non gignit: uulgus tamen arbo-  
 ream dixit, ad differentiam suæ terrestres, de qua aliàs  
 agemus, quum tamen absolute hederam dicentes, arbo-  
 ream solam antiquiores indicent. Notissima est apud nos  
 hedera, & in Ferrariensi agro abundans, circa arbores  
 & parietes repens, quos per tempus exedit. Si plura sci-  
 re cupis, Dioscoridem lege, & Pliniū libro decimosexto,  
 capite trigesimo quinto. Cuiuslibet generis folia, semina,

corymbos, succum & lachrymam, quam uulgus gummi hederæ appellat, serua. At succum nigræ ab alba, & corymbos segregat. s e n. Differt ne ea quæ circa parietes repit, ab ea quæ circa arbores. b r a. Non quidē specie: at hæc magis arida est quæ parietibus inhaeret. s e n. Fortè magis humida, si putco aliquo aut cisternæ inhaereat. b r a. In eo certius sum. A Gallis lierre, quasi hederæ: à Germanis uerò eppau nuncupatur. s e n. Branca ursina occurrit. b r a. Ex similitudine, quam eius folium cū anterioribus urforū pedibus habet, uulgus brancam ursinam appellauit: pulcherrima herba est, & quā architecti in columnarum basibus ornandis, aut epistylis posuere. Quenam sit hæc apud antiquos, frequenter suspicatus sum. Denique antiqua uasa, & columnæ in eius suspicionem me adduxere: nam antiqui molli acantho pateras pingebant, & in columnarum basibus acanthi folia sculpebant. Vnde suspicatus sum, quā acanthum Dioscorides, & Plinius, ac alij appellant, nostrum brancam ursinam esse: nec moueor, quòd acantha spinam significet, quoniam hæc herba spinosa quidem est, sed mollioribus spinis, ideo à Virgilio mollis acanthus dicitur: eius folium plerisque locis in columnarum capitulis uisitur, quæ corinthiæ dicuntur, ob ornatum, in morem Corinthiorum. Vnde non deterreor, quòd prædictas spinas non habeat: satis enim est, ubi flores exeunt ueluti spinas habere: in maximo honore apud antiquos fuit, & in hortis pro tegenda terra suis folijs utebantur. In omnibus autem, Dioscoridis acanthi descriptio brancæ ursinæ conuenit. Nam folia multo quàm lactucæ latiora, longioraq; habet

**Branca ursina.**

**Acanthus.**

habet, cruce modo incisuris diuisa, nigrescentia, & cum molli leuore pingua. Idem & in caule leuor, quē altitudine duorum cubitorum erigit: crassitudine digitali, per interualla sub ipsum usq; uerticem foliolis quibusdā oblongis ueluti nucamētis aculeatis uestitum, ex quibus candidus prodit flos: semen illi est oblongum, & luteum: capitulum thyrsi figura, radices lentore molles, mucosæ, longæ, rubentesq; Si brancam ursinam spectare uolueris, huic descriptioni adeò quadrare cernes, ut nullus uel cæcus eam esse ambigere possit. In hortis etiam & humen-  
tibus locis nascitur. Nec te moueat Dioscorides, qui eam herpacantham uocari doceat, quoniam serpit: hoc enim serpere in folijs tātum quæ prope radices sunt intelligo, nam hæ per terram extenduntur. Galli, ut nos, appellāt. Quidam uero Germani Engelburtz dicunt. s e n. In tuā sententiam descendo. Sifymbrium ad manus uenit. B R A. Sifymbrium, Ne diu uerbis immoremur, ea herba, quā nos mētā Florentinam appellamus, apud Dioscoridē, & antiquos, sifymbrium est: folia enim habet mentæ similia, & magis odoratum est, & nisi excolatur, in nepetā aspectu degenerat, sed in mentā odore: & id plerunq; expertus sum, Florentinam mētā terræ absq; cultura derelictā, in nepetæ aspectum transiuisse. s e n. Multi sunt qui pro sifymbrio serpyllum accipiunt. B R A. Hi summè aberrant, quia serpyllum altera species est: tamen sifymbriū ab antiquis serpyllū uocatur, & hoc fuit ansa pluribus errandi, qui sifymbrium apud autores inuenientes, serpyllū exponunt. In Apennino monte prope Florentiā egregie nascitur, propterea mentā Florentinā appellauimus, quāuis

alij ob odorem, gentilem mentem, id est nobilem, dicere maluerint. Hi denique falluntur qui centonicum, & qui Absinthium ponticum esse arbitrantur. Germani & hoc Ceruina lingua. Miuz nomine mentem comprehendunt. s e n. Ad hæc Ceruina lingua se offert. b r a. De hac supra mentionem fecimus, tamen nonnulla alia referre non grauabimur. Multas herbas nouimus hoc nomine lingua ceruina insignitas: abs te scire cupio, quam colligere statueris. s e. Quam scolopendrium appellamus. b r a. Apud antiquos phyllitis est, non scolopendrium: de quo unum animaduertas obsecro. Dioscorides inquit, modo sex, modo septem folia habere: at in una planta nonnunquam centum folia inuenies: uerum si extirpabis, uarias plantas esse percipies, & nunquam septenarium numerum excedere: quod Serapio in suo scolopendrio animaduertens, inquit, & eius compositio est tredecim pedum: quo loco pinguiuscule errauit interpretis: nam interpretari debuit, & eius compositionem, id est, quicumque plantam habere sex, aut septem folia. Interpretis uero sex & septem simul colligens tredecim interpretatus est. Quam ob rem antiquorum lingua ceruina phyllitis est: licet excellentiss. Leoniceus in epistola ad Hermolaum, linguam ceruinam apud antiquos hæmionitidem esse, non autem scolopendrium. A quo dissentire (licet præceptore optimo) sponte uolumus, quum res ipsa alioqui demonstret, etsi modica sit in forma differentia. Constat autem Theodorum Gazam in Theophrasto pro scolopendrio, linguam ceruinam interpretari. Ideo apud ipsum lingua ceruina, non est nunc uocatum scolopendrium, quod antiquorum phyllitis est, sed est uerum scolopendrium, à nobis passim

passim Arabes imitantibus Citrach appellatum. Quam ob rem alia res est lingua ceruina tua, quæ antiquorum phyllitis est, & uulgare scolopendrium, à lingua ceruina Theodori, quæ est uerum scolopendriū. SEN. Rem optime accepi. Dux sunt linguæ ceruinæ, phyllitis, & uerum scolopendrium. BRA. Ita est, sed phyllitis est pharmacopolarum lingua ceruina, & cum re similitudinem habet: scolopendrium uero est Theodori solum lingua ceruina. Quippe nullus autor, præter Theodorum, uerum scolopendrium linguam ceruinam interpretatus est. Id fortè fecit, ut latinam linguam ampliaret: inepte tamen, quoniam uerum scolopendrium à nobis Citrach uocatū, nullam cum cerui lingua similitudinem habet. Hanc herbam Germani sua lingua airszung, id est, cerui linguam, & ipsi uocant. SEN. Omnia ad libellam accepi, sed Primula Veris occurrit. BRA. Florentini hac herba in acetarijs utuntur, & apud nos inchoante Vere quum omnes herbæ tenellæ sunt, edendo est. Verum tanta herbarum copia Ferrariense solum exuberat, ut in despectu sit: herba est paruula, cuius folia supra terrā extendūtur, & florem paruum fert album camomillæ flori similem, florū uero extremitates phœniceum colorem & ualde floridū imitantur. De qua Plinius lib. 21. cap. 11. inquit florū prima uer nuntiantium, uiola alba: tepidioribus uero locis etiam hyeme emicat. Nos in Ferrariensi solo, quum mitiores hyemes sunt, per totum annum uidimus. Hæc est, quam uos pharmacopole pro Primula Veris accipitis, à nostris mulieribus petrella dicta, ab alijs herba sancti Petri. Recentes etiā herbam paralysis, & alij Margaritum

Ceruinae lin-  
guæ duæ.

Primula Ve-  
ris,



uocant, adeò nomina secundū placitum imponuntur. Sed hi qui illam passarellam dicunt in altera herba decepti summopere aberrāt. Quum autem breui purpurea uiola post albam sequatur, nonnulli purpureā primulam ueris esse falso contenderunt: nam, ut præcitato loco inquit Plinius, post albā ea sequitur quæ appellatur purpurea, proxime flammea, quæ phlox uocatur, & primula ueris alba est. Nos hoc obseruantes eodem ferè tempore & albam & purpureā florescere percepimus, fortè temporis breuitate decepti, qua una alterā sequitur. Quicquid tamen sit, calidam & siccam herbā esse constat: propterea iliacis doloribus, & uteri mire succurrit: à Gallis coucon, à Germanis schluffelplum uocatur, nescio unde hoc nomē sumpserit: sua enim lingua flores clauium significat, fortè ob similitudinē quam flos ille cū bulla clauī habet, nomen accepit. s e n. Foliū Indum sequitur. b r a. Nonnulli aequè nunc sicuti ante Dioscoridis tempora, hoc folium, nardi Indici folium esse arbitrantur, sed falso, quoniam foliū est de se, quod ab antiquis in summo honore habebatur, malabathrum dictum. Nonnulli etiam lenticulam paludum Indię putarunt, sed decepti: quoniā Dioscorides foliū esse tradit, quod paludibus innatat, sicut lenticula, id est, res ea, quam uulgò zen appellamus: tamen nō dicit esse lenticulam, sed folium sine radice ut lenticula innatans: diciturq; folium per excellētiam, quia nullum foliū odore & perfectione (dempto nardi folio, quod tamen paruum est) ipsum excedit. s e n. Nos Malabathri folia habemus, & Venetijs passim uenduntur. b r a. Dici ne illa oblonga, odorata, gustu acris, seruidaq; , ueluti garyophyllonē

SEN. Illa inquam. BRA. Garyophylli folia sunt, non ma <sup>Garyophyl</sup>  
 labathri, quæ cum nuce similitudinem habent. Venetijs <sup>li folia.</sup>  
 aliud folium habetur, eodem nomine appellatum, quod  
 Alexandria Aegypti aduehunt, folijs lauri, arbuti uel si-  
 mile. Arabes Tembul appellant, & Hermolaus ita etiã  
 à Mauritanis appellari censet. SEN. Optarẽ summope-  
 re, ut uerum malabathrum mihi pingeres. BRA. Nullus  
 autor est qui illum uerẽ pingat. Plinius tamen libro 12.  
 capite 27. de duplici malabathro uerba facit. Vnum est <sup>Malabathrum.</sup>  
 cuiusdam arboris folium in Syria, folium inquam conuo-  
 lutum, & aridum colorem habens, ex quo oleum ad un-  
 guenta exprimitur: est aliud folium, de quo Dioscori-  
 des & eodem loco Plinius, quod in Indiæ paludibus mo-  
 do lenticulæ innatat, sine radice: hæc duo malabathri ge-  
 nera Venetijs mihi ostensa fuere, sed an illa essent, ambi-  
 gebam: quoniã nullus autor est (quẽ noucrim) qui mala-  
 bathrum uerẽ pingat. Dioscorides dicit esse in albo nigri-  
 cans, & cõtumax frangi, solidum integrumq; odore, qui  
 nares feriat, & qui summoto quoq; eo persistat. Sapor  
 eius sub lingua nardo similis esse debet, scaberq; neq; ul-  
 lo salis gustu. Plinius uero in aliquibus à Dioscoride dif-  
 sentit: nam absolute nigricans, nõ autem in albo nigricãs,  
 ut Dioscorides dicit, quippe candidum minus probatur.  
 Oribasius autem dicit subalbidum in ipsa nigredine.  
 Quod etiam Dioscorides, nec ullo salis gustu inquit. Pli-  
 nius è contrario quodam salis gustu scribit. Itaq; in Dio-  
 scoride legendum censeo, quoniam hæc particula absque  
 ratione posita esset, quia nullus gustum salis habere du-  
 bitat, nisi ex eo ambigi posse dicas, quia in paludibus na-

scatur. Tamen Oribasius & ipse in gustu falfedine carente dicit: nos autem potius probamus aliquo salis gustu legendum. Additq; Plinius esse croco odoratus, & eius odorem sufferuſfacti in uino omnes antecellere. S E N. Eius effigiem potius uidere optabam. B R A. Id exprimere nō possum, quod nec legi, aut oculis uidi. S E N. De herbis ergo expeditum est. B R A. Verum infinitæ aliæ herbæ ab autoribus scriptæ sunt. S E N. Eas tantum exarauimus, quibus in officinis utimur. B R A. Tam paucis utimini? S E. His solum, nisi aliqua mēte exciderit. B R A. Res medica breuis est, si hæc tantum in usu sint, & nunquā medici alijs utuntur, à summis uiris Dioscoride, Plinio, Galeno, Paulo, Aëtioq; pictæ: imò nonnullæ priuatim magis, aliquibus ægritudinibus succurrunt, quàm prædictæ. Dic autē, aliā ne reliquisti, quæ collecturus sis? S E N. Plurima. B R A. Quæ? S E. Semina, fructus, radices. B R A. Nonne ista in herbis collegisti? S E N. Nō omnia, plura enim reliquimus. B R A. Quid sequitur in tua charta? S E N. Semina statim describuntur. B R A. Habent ne cum herbis eundem ordinem? S E N. Fortè inordinatiori ordine digeruntur, sed colligentibus nihil refert. B R A. Nihil quidem refert, tamen pulchrum est ordine quodam incedere. S E N. At inordinatio ipsa ordo quidam uidetur, quia inordinationem penitus seruat. B R A. Quicquid sit, tua semina, aut cū ordine, aut sine ordine digesta enumerare incipias. S E N. Ut lubet agam. Tamen opportunius erit cœnare: quoniam maiores cadunt altis de montibus umbræ, & iam rustici à labore cessarunt. Et nunc summa procul uillarum culmina fumant. Vbiq; enim cœnare pa-

ne parantur, post cœnam, quiescemus, hodiernum laborem remittentes, ut crastino mane tempestiuus huic negotio acrius operam dare possimus. HER. Et mihi iam renes adeò calent, ut uix interrulam pati liceat, omniaq; membra, præter dentes & palatum, quietem exposcunt.

BRA. Quis posset à tantis uiris dissentire? Omnia omitantur, & refocillandis uiribus uacemus: quisq; enim nostrum hac re summè indiget. Tugurium hoc uirentibus herbis circumseptum ingrediamur, en rusticus mappam strauit, apud ipsum cœnabimus. SEN. In hoc quidè loco cœnabimus, sed nostris dapibus, quæ adhuc in hippo-

pera supersunt. HER. Iam tempus est dare membra quieti, ego supra hunc cumulum foliorum castanearum hanc noctem transigere decreui. SEN. Commodius erit,

gratiusq; corpori lintea supra folia extēdere. BRA. Ut lubet: hoc unum scio, nobis opus nō esse cunabulo ad dormiendum. SEN. Non indigebimus equidem, & hæc au-

ra quæ spirat, culices abiget. BRA. In montibus nō sunt adeò frequentes, ut in conuallibus, & locis aquosis, hic tamen non desunt. HER. Solares radij tecti rimas iam

subeunt, nos autem dormimus? BRA. Miror, quum uenior sis, & magis defatigatus, primus omnium experietus sis. HER. A cunis usque assuetus sum tempestiuè

surgere, imò diu uos dulci sopore pressos inspectabā, & ne euigilarem, quiescebam. SEN. Eia surgentes operi nostro incumbamus: ubi est mea charta, in qua semina

scripta sunt? BRA. Linteis heri uesperis tectam uidi, quippe sinu deciderat, quum tuum hoc colobium recin-gebas. HER. En sub capite erat.

# EXAMEN DE SEMINIBVS

quæ apud Ferrarienses Pharmaco-  
polas in usu sunt.

SENE X.



ATVM hunc campū ingrediamur,  
in quo magnam herbarum copiam ui-  
rescere intueor, & fere omnes ad semi-  
na peruenisse. BRA. Nunc semina  
exarare incipias, ut diligentia tarditatē  
compensemus. SEN. Iusquiami semen primum locum  
Hyoscyami se- inter semina occupat. BRA. Tres hyoscyami species à  
men. Dioscoride numerantur. Vna, flore purpureo, semine ni-  
gro. Altera, flore luteo, semine flauo. Tertia, flore, & se-  
mine albis. Dux primæ species insaniam faciunt. Tertia,  
in usu medico habetur, & Ferrariæ inter ruinas & ru-  
dera crescit: eius tamen maiorem copiam habemus, quæ  
florem luteum habet. Verū & florē album habens ibi  
uiet. Harum duarum specierum semina condas, quia  
ubi illa deest, cui flos albus insidet, florem luteum habena-  
tem accipimus, magis, quā quæ purpureum. At cur se-  
mina tantum seruatis? SEN. Quia sola in usu sunt.  
BRA. Cur nō immutālus usus si ab autoribus aliæ para-  
tes seruantur? SEN. Mutemus. BRA. Tu igitur,  
præter semina, folia, & radices serua, & ex trimestris  
tritici farina, ac folijs p. a. tillos facito, recentiumq; semi-  
num succum, & foliorum parato, quamuis & ex suis se-  
minibus calida aqua infusa succus etiam exprimatur:  
folia

folia etiam polentæ admixta in pastillos conformantur.  
 S E N. Hæc omnia Ferrariæ ex habente flores albos pa-  
 rabo, quæ si defecerint, luteos habentem sumam. B R A.  
 Facile utranq; speciem habebis, quamvis copiosius in ma-  
 ritimis nascatur. Notissima est apud nos herba, quam no-  
 strū uulguſ Dentem caballinū uocat. Galli Latinum no-  
 men imitantur. Germani Bylsamkraut, uel Bylsensome,  
 quod semen hyoscyami significare uidetur. At si kraut,  
 id est, herbam, præponant, ita dicent, kraut bilsenso-  
 me, id est, herba seminis hyoscyami. S E N. Rutæ se-  
 men alterum locum habet. B R A. De ruta in herbis  
 tractauimus. S E N. Mente exciderat. Althææ semi-  
 na sequuntur, de quibus tamen supra dictum est, & ut  
 satis erat, collegimus. Semina maiora frigida sequuntur.  
 B R A. Quot & quæ sint numera. S E N. Quatuor,  
 melonis, cucurbitæ, cucumeris, citruli. B R A. Quum hæc  
 maiora nuncupentur, respectu minorum dici oportet.  
 S E N. Imò sunt quatuor semina minora frigida, ad diffe-  
 rentiam maiorū. B R A. Numera & hæc. S E N. Por-  
 tulacæ, scariolæ, lactucæ, endiuie. B R A. Cur hæc mi-  
 nora, illa maiora appellantur? S E N. Nescio alteram  
 causam, quam quòd illa sint magis frigida. B R A. Imò  
 portulacæ semen, endiuie, ac lactucæ, magis frigida sunt.  
 S E N. Cur ergo ita uocantur? B R A. Id non fit ex ui-  
 ribus quæ maiores in minoribus sunt, sed ex mole & se-  
 minum magnitudine, & fortè ex magnitudine rerum  
 unde semina sumuntur. Itaque à mole corporis recentes,  
 & non uirtutis hæc semina maiora, & minora nuncupa-  
 runt: imò si in recentiorum libris semina frigida absolutè

scriptum reperies, maiora intelligere oportet. A primis autem exordiamur, id est, melonū seminibus (ut tuo uerbo utar) Dioscorides, & Græci omnes nomen habent

**Cucumis.** σίκυς, quod nostri Latini uertentes cucumerem dicunt, sub quo nomine non tantum cum fructum, quem nos uulgò cucumerem appellamus, intelligunt, sed omnia melonum genera, cucumeres, citrulos, & angurias comprehendunt. **S E N.** Apud Græcos igitur maxima debet esse confusio. **B R A.** Quietè habeas & rem no-

**Cucumis pepo** ueris mire distinctam. Quum fructum illum, quem nos uulgò melonem dicimus, significare uolunt, non σίκυς, id est, cucumis, absolute dicunt, sed σίκυς πέπων, id est cucumis pepo, uel absolute πέπων dicunt. Nos etiam absolute pepon: melopepon uerò pepo est in formam mali cotonei sorte fortuna (ut Plinius inquit capite quinto 19. libri) factus. Absolute igitur quum cucumis dicitur,

**Anguria.** Anguriam intelligere oportet: quum pepo, meloneum nostrum. **S E N.** Noster cucumis quo nomine uocatur?

**Cucumis citrinus.** **B R A.** Et ipse cucumis dicitur cum hac adiectione citrinus: propterea multi citrulum quasi citrinum, à colore quem habet quum maturuerit, appellant. Is est, de quo Plinius libro 19. capite quinto, qui in uarias formas à Columella componitur, aquam amat, refugit oleum, & si in cannam flos ponatur, longissimi fiunt. **S E N.** Anguriam ergo cucumem dici sentis, & nostrum cucumerem,

**Cucurbita.** & melonem peponem. **B R A.** Ita est. Cucurbitam uero ab aliquibus anguriam comprehendere creditur, quia unum cucurbitæ genus rotundum est: sed Columella id falsum esse demonstrat, qui ex eiusdem cucurbitæ seminibus ro

*bis rotundas fieri manifeste docet, & oblongas: quippe ex collo semina oblongas, ex uentre rotundas faciunt. Ideo aliud est anguria, aliud cucurbita: sed anguria sub cucumeris genere intelligitur. Vnde à Virgilio in Georgicis dicitur, Cresceret in uentre cucumis: quod anguriæ propriū est. Horū omniū semina in Ferrariēsi agro ubertim inuenies, & multo efficaciora quā in montibus: at ex his cur tantū semina colligis? S E N. Ita usus est. B R A. Succus seruari non debet, nec folia, nec cortex: tamen pponum radicem in officina, præter semina, habere conueniet. Germani nomen habent pfeben, quo melones significant, sed eodem ferè nomine & citrulos, ac cucumeres intelligunt. Galli melones melons: & Hispani, ut nos dicunt. Cucumeres uerò à Gallis, Concombres: & ab Hispanorum parte pepines uocantur: & Galli etiam citrulos, citrulus appellant. At cucurbitæ à Gallis coucourges, ab Hispanis Calabacas generali uocabulo, à Lusitanis Aboberas, à Germanis kurbs appellantur. Non desunt tamen in Italia multæ, præsertim Neapolitani, qui anguriam melon de aqua nuncupant, sed hæc alias: quoniam opus non est omnium nomina recensere. Nunc ad minora semina frigida transcamus. Portulacā aliubi nō quæras quā Ferrariæ, & non modo semina, sed ut supra docuimus, folia etiā seruabis. Notissima herba est. De lactuca idē iudiciū sit. De endiuia prius dictū est. Scariolam tantū edocere oportet. Quum de intubo sermo habebatur, sub eo cichoreum, & endiuia comprehendī ostendimus, & quod uocabulum intubus endiuia applicatum est, cichoreum uerò illi herbæ quam uulgo Radechio appellamus, &*

Portulaca.

Scariola.



utrunque in satium & agreste diuidi monuimus. Herba quam recentiores Scariolam dicunt, intubi species est, sed syluestris. Græci, serin, nostri recentes corrupto uocabulo scariolam uocant: nam diminutiuum seris, Scariola est: ipsi uerò corrumpentes ut pleraque alia, scariolam pronunciant, Seriolam dicere uolentes aut debentes. Eodem modo à Gallis appellatur. Lactucam uerò, ut nos, uocant Hispani: Galli lectus, Germani lactuc. At endiui à Germanis & Hispanis Latine profertur, à Gallis endiuc. S E N. Albi & nigri papaueris semina occurrunt. B R A. Multa de papauere dicenda essent, & ostendendum, quod recentes Rosellam uel papauer rubrum

Papauer albū. uocant, aliud ab Anemone esse. Duo papaueris genera in segetibus nascuntur, id est, duæ herbe, quæ in uasculis papaueris modo, semina condunt. Vna est Anemone, de qua supra. Altera, erraticum papauer, uel papaueralis. Anemone plures colores habet: erraticum papauer duos tantum, ruffum, & candidum. His autem omissis ad tua semina accedamus, semina, quæ colligitis ex satiuo papauere sunt, at in re medica potiora sunt ex syluestribus semina, quippe & satium manditur, imò Florētina mulieres tempore æstatis in delitijs habent, quippe post prandium & post coenam, uasculum satiui papaueris deglubentes, paulatim semina comedunt. Ex syluestribus autē id magis aptum est medicamentis, quod tertio loco à Dioscoride ponitur, oblongum uasculum habens. Ideo nostri pharmacopole aberrant, qui ea uascula querunt quæ bene rotunda sint, quum longa efficacius medeantur. Habent eiusmodi papauera alba semina, & in Ferrariensi

agro copiosè crescunt, magis etiã quàm in montibus effi-  
 cacia. Nec nobis deest nigrum papauer, Thebanum ta- Papauer nigrũ  
 men apprime laudatur, è quo fit opium. Duo ex nigro  
 papauere fiunt: succus quum exprimitur crassus, qui Me-  
 conium dicitur, & lachryma, uel lac, quum inciditur cau-  
 lis, & emanat lac uel lachryma, quæ opium nuncupatur:  
 hæc autem præter semina ad rei medicæ commodum ser-  
 uanda. Verum & si apud nos nigrum papauer sit, non ta-  
 men in tanta copia, & tale, ut ex eo opium fieri possit.  
 Ideo & opium, & eius semina ex Thebano agro poscea-  
 rem, quãuis nos ex alijs pluribus Italiæ locis habeamus.  
 At albi papaueris semina ex Ferrariensi agro colligerẽ.  
 A Gallis, pauot dicitur: adduntq; blanc, noir. Ita à Ger-  
 manis Mon, prædictas differẽtias addentibus: ab Hispa-  
 nis autem Dermideras uocatur. S E N. Quibus indicijs  
 opium ab autoribus probatur? B R A. Oribasius grauis  
 autor, qui Galenum sequitur, secundo de uirtute simpli-  
 cium libro in hunc modũ scribit: Papaueris succus, id est,  
 opium, optimus est, spissus, & grauis odore, somnum fa-  
 ciens, amarus in gustu, facile soluitur in aqua, nitidus, al-  
 bus, non asper, neq; thromboidis, id est, neq; conglomerat-  
 us in resolutione, neq; indurefcit in sole positus, incen-  
 sus, & ad lucernam accensus terrestris flammam mittit.  
 Adulterant autem eum glaucium miscentes, aut gummi,  
 aut lactucæ agrestis succus. Si glaucium admixtũ habet,  
 croizat in resolutione: si autem lactucæ agrestis succus  
 miscetur, odorem non habet similem, & asper est. Quod  
 si gummi mixtum est, sine uirtute imbecillis est, & per-  
 lucidus. S E N. Nosco in nostro opio adulterium esse.

quia plures ex supradictis cōditionibus illi defunt. At ad Rosarum semen ueniamus. B R A. Nihil aliud de hoc semine dicemus, quam q od præcedēti die tractatum est.

**Amomum.** S E N. Ad amomum igitur transeamus. B R A. Vos semen quoddam paruum, & nigrum pro amomo uenditis, quum tamen non sit. S E N. Quid ergo erit amomum? B R A. Nunquam in Italia plantatum amomum uidit: habet enim racemos semine plenos, aurum colore imitantes, uulnerat nares odore, & origani habet acrimoniam. Est autem ex frutice paruo, flores paruos ut uiolæ albæ habente, & folia bryoniæ, id est, uitis syluestris sunt. In Armeniam mittere oportet, in Mediam, uel in Pontum, si uerū & probum amomum habere studeamus. Vnde constat amomum speciem uuæ habere, & non esse nigra illa semina, & modora, quæ à pharmacopolis publice uenduntur. Quum uero ex tribus prouincijs Dioscorides ferri dixerit, Armenia, Media, & Ponto, Pandectarius in tres species partitur, secundam speciem Medicam appellans. Tu uides quanto errore ducatur, qui pro loci nomine, aliud nomen posuit. Miror quum non habeatur, quum facillime ex Armenia Alexandriam Aegypti feratur, mox Venetias. Nec difficile est ex Media Alexandriam ferri, aut ex Ponto in Pannoniam, & ex Pannonia in Italiam. Deinceps ut habeatur diligenter curabo, quum illustrissimus & excellentissimus Ferrarie Dux Alphonsus, sponte se curaturum promiserit, omnia simplicia, quæ Theriaces compositionem ingrediuntur, haberi. Inter cetera autem amomum ingreditur. Non defuere tamen, qui Hierosolymitanam rosam, quam

Rosa Hierosolymitana,

quam ex Hierusalem huc portant peregrini, à nostris mulieribus Rosam sanctæ Mariæ uocatam, quamuis nullam habeat cum rosa similitudinem, amomum esse putarint; ob odorem, ob confertos ramos: & quia multi rami ab una radice, ut columbinos pedes imitari uideatur, propterea à Serapione pes columbinus dicitur. Putat nostrum uulgus, si eiusmodi rosam domi habuerit, non posse fulmine tãgi, aut aduerso infortunio perturbari, putatq; singulis annis in festo natiuitatis ea hora, qua CHRISTVS natus est, aperiri. Verum amomum hanc rosam non esse ex hoc dubito, quia non uulnerat nares odore, tamen recentem satis habui, nec habet origani acrimoniam, nec folia sunt bryoniæ similia: etiam amomum ueluti uia est, quod & Plinius etiam capite decimotertio duodecimi libri testatur: quamuis inter Plinium & Dioscoridẽ quadam uideatur esse differentia, tamen non spectanda. Vnum est, uos amomo carere, quia in sapore, odore, & colore altera res est uestrum amomum, & altera etiam sanctæ Mariæ rosa. Curabimus Illustrissimi principis nostri opera Ferrariam asferri. S E N. Sinapis semen Sinapis. occurrit. B R A. Notissimum est semen, & notissima herba, in uarijs Italiæ locis nascitur, sed feruentissimum in Apulia, quod, aliqui in Ferrariensi agro seminarunt, ineptiori feruore ortum est: herba in pultarijs condendis apta, semen ad uarios intinctus accommodatur, quæ sinapia, & sinapismi dicuntur, quorum in Italia maximus usus, & Ferrariense sinapium præ ceteris collaudari cœpit, quum prius Vercellense palmam ferret. Apud Gallos acerrimum fit, ut lachrymas in edendo moueat.

Decipiuntur qui putarunt inter semina minimum esse istud, propterea à Sospitatore nostro CHRISTO dictū esse, Si quis tantā fidem habuerit ut granū sinapis: ut ostendat modicam fidem mira facere. Sed CHRISTVS noster potius in cōparationē granū illud accepit ueluti omnibus notissimum. Constat enim plura semina multo minora esse granis sinapis. In hoc monte, arenti illa parate, colligas, ubi maiorem acrimoniam semina habebunt, & magis tentabit mentem, qua re cetera excellere Pythagoras testatur. A Gallis sancue, à Germanis senff, ab Hispanis mostazza nuncupatur: adeò notum est, ut alia declaratione non indigeat. **Nasturtium.** SEN. Nasturtij semina sequuntur. BRA. Cardamon, ut Græcis, non Cartamum, ut multi recentes decepti sunt, appellatur. Altera enim herba est cartamum, a naribus quas torquere, & ringere facit quum manditur. Apud Latinos nomen accepit nasturtium, qua torquens nares. Notissima herba, nos uulgò agretto, ab acritudine saporis (ut arbitror) uocamus. Quum uero comedentes ferè euigilet, propterea ad inertes dicitur, Ede nasturtium. Satiuum & syluestre reperitur: & satium duplex, album, & nigrum: eadē uis omnibus, Dioscoride teste, Syluestre tamen & montanum in calefaciendo efficacius: at Dioscorides non multum curat quo loco colligatur: mihi autem magis placet ex montibus petendum. In usu medico semina tantum sunt, folia minime, quæ etsi ad aliquid etiam ualeant, tamen (ut Galenus libro de simplicium medicamentorum facultatibus inquit) uires habent quum uiridia sunt: exiccata enim illas amittunt, licet non penitus. Hispani marayes aliqua Hispanie

Hispaniæ parte: Lusitani agrones. Germani uero Broon  
 cres, nasturtium, ex proprietate quam habet, uocant. s e .  
 Vrticæ semina post nasturtiū habentur. B R A. Ab ur̄ = Vrtica,  
 do nomen accepit urtica. Reperitur magis syluestris &  
 minus: mas, & foemina: sed eadem uires omnibus insunt.  
 In arenis locis & montanis efficacior est: sed præter  
 semina, folia etiam seruabis, ad plures medicos usus cōmo  
 da. Adcō nota herba, ut à culo etiam (uulgato Ferrariæ  
 prouerbio) cognoscatur. Eius species distinguit Plinius  
 cap. x v. x x i. libri, eas proprijs nominibus uocans, ut  
 cania, herculeana. Ortigas ab Hispanis, à Gallis ortie, à  
 Germanis nessel, & nesselien uocatur. s e n. Lini semi- Linum,  
 na præ manibus sunt. B R A. Omnibus notissimum est li  
 num: ita etiam à Græcis appellatum, quamuis nonnulli li  
 num agreste nuncupent, non quia contra satium distin  
 guatur, sed quia in agris, ad ipsius differentiam, quando  
 filari aptum est: semina in Ferrariensi agro, medicæ rei  
 aptissima sunt, & in summa copia habentur, ideo nō est  
 opus in montibus querere. A Gallis linū lin, & ab Hi  
 spanis, ut nos, lino: à Germanis leim, uel lin semen, aut  
 flach appellatur. Non est autem opus hic lini genera  
 edocere, nec quid linum sit à Plinio asbestinum appella  
 tum, lib. x i x. quod si in ignem proijciatur, non uritur,  
 & mappæ ex eo factæ igne non aqua lauantur: arbitror  
 ego ex lapide quodam esse, qui amiantus dicitur. Hic (ut  
 Dioscorides quinto libro inquit) in Cypro nascitur, simi  
 lis alumini schiso, id est, de pluma à nobis uocato: ex eo  
 Theatris uela texuntur: hæc autem in ignem coniecta,  
 flammantur quidem omnino, sed splendescunt magis

exempta, & nihil igni deperdunt. Nos hunc lapidem habuimus, habemusq; nunc, & filari posse certum est. Multi ex alumine schiso (sed incaßum) conati sunt lintea in hunc finem parare. Non defuere tamen, qui ex Salamandrae cortice similes mappas, quæ comburi non possunt, factas putarent, sed falsò, quoniam salamandram comburi magno meo periculo uidi: fere enim eius sanies in os profiliit, quanquam non putamus adeò uenenosum animal esse, ut uulgius, & recentes multi arbitrantur. Quum autem lini mentio incidere, de linosa herba aliquid loqui conuenit, uel linaria, ita enim appellari solet, sed frequentissimum est nomen linaria, minus frequens linosa: notissima est apud nos herba, folia lini folijs similia, adeò ut à multis syluestre linum putetur: nunc prætermitto quòd à recetibus esula comparatur, hoc depto, quòd esula lac habet. Vnde carmen quoddà sibi finxere:

Esula latefcit, sine lacte linaria crescit.

An uero ea sit esula cui linariam comparant, alio loco disputare decreuimus. S E N. Reperitur ne apud antiquos linaria? B R A. Suspicio an illa sit, quam Dioscorides, & Plinius osyrim uocant: nam furculus niger ramulos ternos lentosq; fert, & ijs folia terna, & quaterna. modo quina, interim & sena ceu lini, nigra initio, dein colore mutato subrubra. Vnde & Plinius ramulos nigros, & folia nigra habere dicit, semen quoq; primo nigrum, post rubescens. Nonnulla tamen me deteruere, ut potius suspicer, quàm putem linariam osyrim esse: a quibusdam Germanis linaria wildflachs dicitur, ab alijs krotensflachs.

Foenugræcum, S E N. Fœnugræcum ergo queramus. B R A. Nec longe aberit

aberit nostris in partibus fœnugræcum, à Plinio Silicia, à Varrone Silicula, à Theophrasto buceras appellatum, notissima herba, & notissima semina in usu medico quotidie frequentia, à Gallis senegre, ab Hispanis alfolfes fœnugræcum dicitur. B R A. Caulium semina colligamus.

B R A. Heri satis superq; collegisti. S E N. Basiliconis garyophylati semina habeamus. B R A. Et hæc etiam acer uauit Herbarius, quod ozimum appellari monuimus.

S E N. Frumentum, ordeum, miliumq; seruemus. B R A.

Notissima semina queris, quæ in quotidiano usu habentur: frumentum, & far uocabula communia sunt omni-

Frumentum,

bus ferè spicam habentibus: tamen uocabulum far, uni speciei attribuitur, quam eodem nomine uocamus, eodem modo frumentum tritico. Hæc sunt in nostra inclinata urbe Ferraria, adeò exuberantia, ut quandoque ita uili pretio uendantur, ut nihil ferè ualcant, tantum Ferrariensis ager triticea messe abundat. Milium pariter in centuplo augetur, ut semel ex uno grano in Bondonij conuallibus sexaginta ramulos procreatos uiderim.

Sed in ordeo ambiguitas est, quippe nonnulli antiquorum ordeum alteram rem esse à nostro nunc uocato ordeo, quod in quotidiano usu est, putarunt: quos hallucinatos esse arbitror, quoniam & in folijs, & in figura seminis, & in uiribus nostrum, & antiquorum ordeum cōueniunt. Id tamen præmonere uolo, me quandoque Venetijs ordeum ex Græcia allatum quesiuisse, iuueniq; grana cum nostro eadem, sed maiora, & magis alba, non tamen adeò excellentia, ut diuersum esse uideretur.

Ordeum.

Quam ob rem nostrum ordẽ seruare, quod ab antiquo



nullo modo differt: hoc enim esse maius, & magis album non tollit, quin ordeum sit. At maiora grana, quæ haberi possunt, & candidiora seruari: nam à Dioscoride, candore, & munditia probatur. In Ferrariensi agro, & candidum, & ualde mundum habetur: triticum uero probatur, quod in luteum colorem uergat. Galli, ut nos, triticum formant, Hispani trigo, Germani weyßzen appellant. At ordeum à Germanis gerst, ab Hispanis eluanda, à Gallis orge, dicitur. Milium uero Hispani millo, Galli mil, Germani hirs uocant. s e n. Coriandri semina occurrunt. b r a. Coriandrum adco nota, & triuialis herba est, ut longa dissertatione non indigeat, quod coriandum etiam nuncupatur: non modo eius semina, sed etiam folia in officinis habere conuenit, & quum frigiditate ualeat, ideo frigidioribus locis collectum, efficaciores uires habebit: hanc igitur partem Boræ subiectam petamus, in qua rustici seminarunt, quanquam & Ferraria proueniat: uerū cultu indiget, quia syluestre coriandrum nunquam inuenitur. s e n. Semen mirabile est, quod capiti, & uentriculo magnopere succurrit. b r a. Miror ego cur recentiores medici eo frequenter utantur, quum (ut inquit Dioscorides) mentē tentet, præsertim si copiosius sumatur, & in frequenti usu sit. Imò sexto libro, inter uenenata connumerat, quam ob rem eius usus adeo frequens esse non debet. s e n. Nos illud præparamus. b r a. Abs te peto, nunquid ea præparatio faciat ipsum nō esse coriandrum, aut adhuc coriandrum sit: si adhuc coriandrum, proprietates coriandri habere opus est: si coriandrum non sit, coriandrum (ut putant) suis agris non exhibebunt.

bunt. **S E N.** Malitia, quam habet, corrigitur, & adhuc coriandrum est. **B R A.** Ideo & adhuc illam qualitatem participat, quam à propria natura habet, & si minus intensa dici possit, propter hæc coriandri usus infrequens sit, præsertim quum Dioscorides ut plurimum per exteriora eo utatur, & eius usum cauceri iubeat. Idem Galenus, & Paulus Aëgineta censent. Mirum uero cur à nostris medicis pro capite ut plurimum exhibeatur, tamen capiti insensissimum est: quum autem uires habeat quodammodo stipticas, propterea uentriculo prodest. Ferrariense etiam solum coriandrum copiose fert, quamuis nullus sit, uel modicus seminandi usus. Germani Latini nomen imitantur, coriander proferentes, nam apud ipsos non extat. Galli coreandres, Hispani culatro uocant.

**S E N.** Lupinum sequitur. **B R A.** Notissimum semen, ne **Lupinum,** scio an inter legumina numerem. Tristes lupinos Virgilius cecinit, id est, amaros, ut Seruius interpretatur. Nostræ mulieres aqua maceratum, mitius reddunt, ut mædi possit, nec immerito, quia uentriculum corroborat. At inepta hora sumunt, quia statim à cibo: satium, & syluestre inuenitur, sed æqualibus uiribus. Solum Ferrariense lupinum aptè producit: in montibus tamen, atque siccioribus locis efficacior, curam non expetit. Hippolytum Turcum optimæ indolis infantem, Magnifici Alberti filium, ab ingenti uermium copia solo lupinorum puluere liberaui, A Gallis lupinis, ab Hispanis, tramuzes, à Germanis feigbon appellatur. Vnde uero Germani suum nomen sumpserint ignoro, quippe idem significat quod *fabæ ficuum*.

**S E N.** Cannabis semina offeruntur. **B R A.** Cannabis.


Species duas habet, Sylvestrem, & satiuam: ex ambabus semina habere studeas, ex sylvestri autem speciatim radices. In Bononiensi agro mira cānabis fertilitas, & præsertim in Illustrissimi Ducis nostri castro quod Centum appellatur, à centonibus fortè dictum, qui etiam ex uarijs cannabinis partibus fiunt. Venetorum Senatus huius castri uiris immunitates plurimas condonauit, si Venetijs cannabim adueherent, quippe nullum aptius ad conficiendos rudentes inuenitur. De cannabi finem fecissem, quoniam opus non est res tam notas diu pingere, nisi in mentem uenisset, gallinas hoc semine pastas per totam hyemem oua parere: quod & urtica semen facere certū est. Ab Hispanis, qui Lusitaniam inhabitant, lino alcanabe, à Germanis hanf, à Gallis chaneuix appellatur.

Cicuta. S E N. Cicuta semina consequuntur. E R A. Frequentissima habetur Ferrariae cicuta, & efficacissima, ut quæ sues plerunq; & anseres interficiat. Non tantum semina, sed & succum è cacuminibus, antequam semina obarescant, seruabis. Vinum meracius sanat, si quis cicutam comederit. Ne aliubi quàm Ferrariae, cicutam quæras, licet Dioscorides Cretensem magnopere laudet, post Maganicam, & Atticam: fistule ex ipsa fiunt, quæ cicures redduntur, si uino meraco macerentur. Noui ego unigenitum uidue filium, qui ex esu cicutæ obiit, eam in acetario, cerefolij loco (ut dixit) comedens. Mixta uino, insanabile uenenum est. Excellentiss. Leoniceus pharmacopolarum errorem detegit, qui loco rutæ sylvestris seminis, cicutæ semen colligunt & seruant: tamen resipiscere nolunt, sed in dies homicidia potius augere. Nostrum uul-

gus cegua, & Galli etiam Ceguce nominant. Hispani cannaueas. At Germani, quoniā interficit, vvietericht appellant, ac si tyrannum dixerint: ita enim id uocabulum apud ipsos interpretatur. S E N. Eruca semina occurrunt. B R A S A. Inter alias herbas, quibus in <sup>Eruca,</sup> acetarijs utimur, hæc una est, quæ Venerem reuocat morantem, ut poëta inquit: nec lactuca apud nos edi consuevit sine eruca, ut calidæ ac frigidæ rei temperamentum fiat: notissima herba est, à nostris etiam mulieribus ruchela, corrupto uocabulo, quasi eruca nuncupatur: non modo semina, sed & herba ipsa seruanda. Quin & ex hac herba, & lacte uel aceto pastilli fiunt, ut diu seruentur, in culinæ non medicinæ usus. Quæ apud nos reperitur, satiuæ est. Aliud genus sylvestre in Hispania potissimum nascitur (quanquam & in Italia etiam) quo Hispani loco sinapis utuntur, imò idem est in Italia usus, & plures uidimus, qui eius semine uice cardamomi uescerentur. In Ferrariensi agro copiosè prouenit, sed in montibus efficacior. S E N E X. Ad mespilorum semina ueniamus. B R A S A V O. Si tempus exigeret, mespilorum species ad unam enumerarem, quæ à Theophrasto libro de plantarum historia tertio, & à Plinio describuntur: ostenderemq; Dioscoridis mespilum, non esse nunc uocatam mespilum: quia Dioscorides arborem aculeatam dicit, buxæ spinæ folijs, & quod fructum fert, in quo solum tria grana uel semina inueniuntur: unde tricoccus appellatur. Talis fructus in Neapolitano agro copiosè abundat: ipsi azarolum, nos lazarolum uocamus. Cœpit iam

Mespilum,

Ferrariæ plantari, & Hieronymus Brasauolus affinis meus Miles strenuissimus suo in horto habet. De hoc autem pomo alias: nam mespilla nostratiz nō habent pauciora grana quinque. Verum ut aliquid certi habeas, secundum genus mespili à Dioscoride positum, quod epimelis appellari dicit, in Italia nascens, est uera mespilus nostra, si descriptiones cōsideremus: nam est arbor malo similis, folijs tantum minoribus, rotundum pomum fert esui commodum, latiori umbilico, leniter adstringens, & serò maturescit. Suspicioq; idem esse quod apud Galenum ex mente Hippocratis amameles nuncupatur, genus mespili in Italia nascentis. Quicquid tamen sit, non est opus aliunde querere mespila, quam Ferrariæ, ubi & copia habetur, & efficacia sunt semina. Hoc tantum addere decreui, etsi eius fructus adstringat, seminum tamen puluis, lapillos uehementer ex renibus eijcit, urinam cit, & uesicæ lapidem minuit: cuius rei nuperrius me experimentum sumpsi in domino Petro de Argenta, qui plures quam sexaginta è renibus lapides minxit, solo huius pulueris auxilio. In domino autem Andrea Rodo, uiro solertissimo, adeò lapides renum comminuerat, ut in puluerem redacti sine dolore exirent. Germani mespilum mespil, Lusitani nespelas, ut nos etiam, m, in

**Lens.** n, mutantes, Galli nesples appellant. **SEN.** Lens sequitur. **BRA.**  à Græcis dicitur, lentem nos & lenticulam appellamus, semen notissimum ita etiam uulgo dictum lentis: in Ferrariensi agro præcipuum, ut quandoq; grana pollicis unguem latitudine æquent. Ibi pro usu colliges. Lenti ultimam manum imposuissē, nisi

Diosco

Dioscoridis textus occurriſſet quo aluum cohibere cum corticibus ſcribit. At Hermolaus emollire interpretatus eſt: nosq; publicum adagium uulgo habemus, Si quis lentis pateram comederit, ſitulam cacare. Errant ( ut puto ) recentes, qui excorticatas adſtringere, cum corticibus emollire uolunt. Nam cōſtat apud Galenum & Paulum lentes communiter adſtringere. Quam ob rem apud Dioſcoridem ita etiam intelligendum cenſeo, quippe ſecundo ordine exiccant, ut Aëtius teſtatur, qui etiam prædictæ dubitationis ſolutionem quodammodo adumbravit: nam experientia id manifeſte eſtendit, lentem comedentes ſolui. Verum Aëtius lentem quidem areſcere corpus, & ſiſtere aluum, ius uero irritare. Vnde his aluus irritatur, qui ius non lentem comedunt, accidit uero multos ius ſecum comedere, ideo non mirum ſi ſoluantur. Ipſi autem lenti id tribuunt, quod iuri potius cōdonandum erat. Nec mirum, quoniam & biſcociæ braſſica adſtringit, at uentrem laxat prima coctura ſumpta, ut Ariſtoteles primo Problematum libro edocuit. Galli lentiles, Hiſpani lentellas, Germani linſen appellant. S E N. Ammeos ſequitur. B R A. Plures decepti, ammi, cuminum eſſe arbitrantur. Nō enim legi debet ammeos, quia genitiuus eſt, ſed ammi. Verum Dioſcorides cuminiū non eſſe, manifeſte oſtendit, ſed origani ſaporem habet. Noſtri pharmacopœ in hoc ſemine inconstantē ſunt, quippe nonnulli ſemina parua oblonga & tenuia habent. Alij ſimile ſoeniculo, ſed minus: alij maius quā cuminum, & nigrum habent. Re autem uera nullus eſt apud quem uerum ammi uiderim. Illa enim parua ſemina origani ſaporem nō ha-

Ammi.

bent, nec possunt esse calida & sicca in tertio gradu, ut sapor ostendit. Quod uero maius est cumino, et nigrum, ex hoc ammi esse non potest, quoniam ammi album est, & minus cumino. In Acthiopia ubertim nascitur, & prope Alexandriam Aegypti. Graeci in panibus suis semen hoc ponunt, ut de forniculis apud nos usus est, quo gustu gratior sit: hoc semen facile haberi poterit, quoniam Veneti singulis annis Alexandriam Aegypti nauigant. Id tamen non est quod passim à pharmacopolis uenditur, imò ut recens ualde portetur curabimus, ut terræ mandari possit. **SEN.** Quæ sunt illa semina quæ in officinis habentur? **BRA.** Alterius herbe semina. **SEN.** Cuius herbe? **BRA.** Nunc mihi ignore, quamuis plures uiderim, qui cerefolij seminibus uterentur. Alias autem de hac re commodius tractabimus: si autem uerum ammi cupis, Alexandriam mitito, hoc nomine ibi appellatur, imò hoc nomen semini, & herbe per totam Græciam condonatur. Galenus amarum gustum habere fateatur, præter id quod acre sit, & in tertio ordine intenso Orobis, calefaciat, & exiccet. **SEN.** Orobus sequitur. **BRA.** Eruum à Romanis dicitur. Recetiores adeo decepti sunt, ut nonnulli ex ipsis Alexandria semina quædam ferant subrussa, sub cuius cortice seminis caro subflauescit, uerum orobum esse asserentes: quum tamē Dioscorides orobum album diiudicet, & alba grana colligenda iudicat, ad farinam pro usu medico parandam, alij recentes, ut Pandectarius, cicer solueræ esse arbitratur, quum tamen Dioscorides de cicere prius per plura capita egerit, & in cicer arietinum & non arietinum distinxerit, tunc autem

autem de syluestri cicere tractare debuisset . Adde seri  
 eruum, ideo syluestre esse non potest . Auicenna herbum,  
 & herbam iudaicam duobus capitibus confundit: recen-  
 tiores idem esse iudicant . Quicquid sit, eruum non est,  
 quod pharmacopole uendunt: sub cuius cortice flauescit,  
 quia Dioscorides candidissima grana sumi iubet . Nec te  
 moueat quod ab alijs autoribus ruffum ponatur, quia  
 intus album esse debet, non rubrum . Quam ob rem id  
 esse eruum suspicor, quod nos uulgo ruuione appellamus: Eruum,  
 habet enim albißima grana, & capiti graue est, & one-  
 rosum uescientibus, constatq; boues saginare . Quam ob  
 rem si quis orobum ordinaret, nostrum uocatum ruuio-  
 ne acciperem, quoad meliora inuenirem . Decipiuntur  
 qui uiciam sumi contendunt . Decipiuntur, & qui uulgo  
 uocatam rubigliam . Decipiuntur, & qui cicer, quoniam  
 in ciceris capite, ciceris decoctum cum eruo miscet, ad te  
 stiũ collectiones, formicas, psoras, lichenes, ulcera capitis  
 erumpentia, cæcos, cacoëthas, cum melle, & ordeo, quod  
 non fecisset, si eruum & cicer idem esse putasset . S E N .  
 Deinceps igitur semen dictum ruuione pro orobo su-  
 mam, nec erit opus Alexandriam, & in alium locum mit-  
 tere, quum in nostra urbe facillime haberi possit . B R A .  
 Ita facere expediet, ne continuo cum alijs erres . Galli  
 eruum uesse, Lusitani Cezirano uocant . S E N . Carda- Cardamomũ,  
 momi semina sequuntur . B R A . Quantum in hoc semi-  
 ne etiam pharmacopole decipiantur, statim uidere lice-  
 bit . S E N . Quomodo in hoc semine decipiuntur, quod  
 ualde acre, & odoratum habent ? B R A . Si aures præ-  
 stabis id certe intelliges, & quod exponam uerum esse



Cardamomi  
tria semina.

probabis. **S E N.** Dic ergo bonis auibus. **B R A.** Aurea præsta. Tria semina apud pharmacopolas inuenio, quæ cardamomi loco ponuntur. Vnum est, melegetta ita uulgò dictæ, ab Arabibus cobeth bagne appellatæ, ut ex Aui- cēna liquet. Aliud quod cardamomū uocant, semen trian- gulare, quo nostræ mulieres pro condiendis rapis supra, quas compostas appellant, utuntur. Tertium est, Nigella citrina: Recentes in maius, & minus cardamomum distin- guunt, ab Arabibus accipientes: ita enim Serapio sacolla distinguit, quæ apud ipsum cardamomum est. At re uera nullum prædictorum trium seminū apud antiquos Græ- cos cardamomum est: imò aliud maius addo, Serapionem de cardamomo loquentem, quod sacolla appellat, Dio- scoridis cardamomum non tractare. Vnde recētes omnia confundunt. Nos autem, ut tibi distincte rem enucleemus, in hunc modum exordiamur. Quod a Serapione, & Ara- bibus cardumeni uel cordumeni dicitur, a Dioscoride car- damomum appellatur: hoc clarum est, Dioscoridi Sera- pionem comparanti. Inquit enim Serapio: Melius ex eo est quod difficile frangitur, plenum, coniunctum, durum, & graue, & extensæ superficiei, cuius sapor est acutus parum: quod autem ex eo non est tale, est malum. Diosco- rides eodē fere modo scribit: Eligito quod frangenti con- tumax repugnet, quod plenū, præclusumq; sit: quod enim tale non erit, uetustate exoleuit, & bonitatem amisit. Hinc aperte uides Serapionem, & Dioscoridem conueni- re, imò & in uiribus præcise etiam quadrant, ut idem sit apud Serapionem cordumeni quod apud Dioscoridē car- damomum. At Serapionis interpres qui Carui agreste  
inter-

interpretatur, aberrat, & ab hoc errore ducti recentiores omnes hallucinantur. Ad melegettas igitur redeunt, ipsas non esse cardamomum ex hoc probatur, quia non multum gustum tentant, ut cardamomum facere debet, nec sunt subamaræ. Idem iudicium sit in alijs prædictis seminibus, quæ nullam amaritudinem habent. Ideo phar-macopole Dioscoridis cardamomo, & Serapionis cordumemi carent. S E N. Tamen Serapio particulam de cardamomo sub hoc uocabulo cardamomum tractat. B R A. Nusquam Serapio de cardamomo tractauit, nisi in sacolla. At sacolla non est cardamomum Dioscoridis. Ideo Serapionis interpretem errasse puto, & non debuisset interpretari Cardamomum, sed aliquid aliud, quod ab eo nomine sacolla significatur. Arbitrorq; sacolla semen quoddam esse in Arabia nobis ignotum, & etiã Græcis. Propter id eo capite Serapio Græcos non adducit, ut mos eius est, sed solos Arabes. Vnde sacolla Cardamomū interpretari non debet, quia cordumeni, uel cardumeni, cardamomum est. S E N. Nunc uerum cardamomum doceas. B R A. Scito in primis ex illis non esse, quæ in officinis habentur, quia amara non sunt, nec frangenti contumacia semina: facile ex Armenia, Bosphoro, India, uel Arabia haberi potest. Illuc mittendum, præsertim in Bosphorum, quia Veneti illuc singulis annis nauigant, & illuc Crisimi Ducis nostri nauis Bosphori littora appellit. S E N. Edoceas saltem, quid sit sacolla Serapionis, quam ille interpretes cardamomum uertit, & omnibus recentibus ansam errandi præbuit. B R A. Quod mihi incertum est, tibi aperire non possum: res Barbaræ sunt.

que ad nos nusquam peruenire. Constat autem maiorem  
 sacollam melegettam non esse, quia non sunt grana ma-  
 gna, in quibus parua granula insint: nec etiam minus car-  
 damomum est, scilicet uulgare hoc nostrum, quia cum  
 maiori similitudinem non habet, & cortice tegitur: mi-  
 nor uero sacolla cortice caret. S E N. Non asseram igitur  
 domum cardamomum? B R A. Non equidem, nisi  
 ad prædictas partes miseris. S E N. Non potero non  
 mittere, cum propter hoc, tum propter alia multa,  
 B R A. Esto bono animo, quoniam speramus nos hæc  
 Caruus. omnia quandoque distincte ostensuros. S E N. Carui  
 semina ad collectionem ueniunt. B R A. Arabica nomi-  
 na Græcis & Latinis notiora sunt. Caruus Arabicum no-  
 men est, in quo Pandectarius adeo errauit, ut monitore  
 indigeat: quippe in Serapione ita confundit nomina, ut  
 caruum cum nigella miscuerit: quod ex nominum errore  
 factū est: quod enim Serapio Xamm dicit, id est, nigella,  
 ipse accepit, ac si carui dixerit. Tamen aliud caput Sera-  
 pio de carui scribit, quod uerum carui est, ut mirandum  
 sit cur Pandectarius nigellam potius quam carui accipe-  
 ret. Nos igitur de carui uel caruo, aut caruia (nihil enim  
 refert quomodocunque barbarum nomen proferatur)  
 tractaturi, id primo admonebimus, caruum non esse nigel-  
 lam, ut Pandectarius, & plures recentiores existimarūt,  
 sed caruum apud Serapionem id esse, quod à Dioscoride  
 Caros uocatur. Hoc manifeste deprehendes Serapionem  
 Dioscoridi comparando. Inquit enim Serapio: carui se-  
 men huius prouocat urinam, habet bonum odorem, &  
 calefacit, & est bonum stomacho, & facit digeri cibum,  
 & ingre

& ingreditur in confectionibus medicinarum, quæ com=  
 ponuntur ad faciendum descendere cibum à stomacho,  
 & uirtus eius similis est uirtuti anisi, & radix eius come=  
 ditur cocta, sicut pastinaca. Hactenus Serapio. Nunc  
 Dioscoridi mentem præsta ita de Caro dicenti: Cale=  
 facit, urinam cit, stomacho accommodatum, & in cibo  
 gratum est, concoctionem adiuuat: utiliter antidotis &  
 oxyporis miscetur, an so proportionem respondet, ra=  
 dix elixa pastinacæ modo edenda est. Ex his certe depre=  
 henditur, carui Serapionis, & caros Dioscoridis idè esse:  
 quoniam eadem penitus à Serapione (quamuis barbarè)  
 in suo carui dicuntur, quæ à Dioscoride in careo: fortè si  
 fidum interpretem habuisset Serapio, in tot errores non  
 incidisset. Semen autem, quod pro carui à pharmacopo=  
 lis sumitur, carui aut caros esse nō potest, quia, ut inquit  
 Serapio, ex sententia etiam Abem Mesuai, est semen  
 crassius quàm cuminum: quod autem pharmacopole  
 uendunt, multo minus est cymino. Putaui quandoq; Dau=Daucus,  
 cum esse, id est, quod uulgò apud nos pro dauco sumitur,  
 quod est pastinacæ genus, sed magis odoratum esse ca=  
 ruum: postea semina nō correspondere aduerti, quamuis  
 noster uulgaris daucus pastinacæ genus sit, & caros in=  
 ter pastinacas numerari possit. Vnde Paulus Aegineta  
 primo libro, ubi radices numerat, quæ edendo sunt, tres  
 istos coniunxit, pastinacam, pastinacam syluestrem, &  
 radices cari, ac si & caros inter pastinacas numerandus  
 sit. Quod si potius Dioscoridi, quàm Serapioni creda=  
 mus, ut dignum est, qui exiguum semen habere dicit, for=  
 te una ex nostratibus dauci speciebus crit: eius herba à

## E X A M E N

**Dioscoride** nō pingitur. Plinius monet ubique serendum  
**carum**. Caros uero dictus est, quia in Caria laudatissi-  
 mus inuenitur. Si quis certus fieri cuperet, in Cariam mit-  
 tere oporteret, quod graue non erit illustrissimo **AL-**  
**PHONSO** principi nostro: quum eius semina habebi-  
 mus, terræ mandabimus, ut quicquid nascretur, uidere  
 possimus. Ab Hispanis alcarouea nuncupatur, à Gallis  
 nostro uulgarī nomine. **SEN.** Nigellæ nigrae semina  
 post caruum locum habent. **BRA.** Cur nigrae addidi-  
 sti? **SEN.** Ad differentiam subcitrinae. **BRA.** O in-  
 gens recentiorum error. Idem est dicere nigella subcitra-  
 na, ac si dicatur nigrum subcitrinum. Vna tantum nigella

**Nigella nigra.**

**Xamin.** Le species apud probatos auctores reperitur, quæ Xamin  
 à Serapione dicitur, non Carui, ut Pandectarius putauit.  
 Idem uero est Xamin Serapionis, & Melanthion Dio-  
 scoridis, uel nigella. Serapio enim inquit plantam esse  
 paruum circa duos palmos, & habet folia parua minuta,  
 & mollia, similia folijs plantæ ranahaon, nisi quia sunt  
 minora satis, & habet capitella subcilia, similia capitibus  
 papaueris, oblonga, & in medio eius sunt parietes separā-  
 tes semina, quod quidem semen est nigrum, acutum, boni  
 odoris. Si Dioscoridem met legeris in capite περι με-  
 λανθίου, id est de melanthio, eadem serē ad uerbū scri-  
 bit, ut de Xamin Serapio edocuit, nam inquit esse bre-  
 uem fruticem, pedali, & aliquando maiori altitudine,  
 comparatq; folia melanthij senecioni, & Serapio Ra-  
 nohaon, quod senecion est: ambo tamen folia minora cen-  
 sent. Postea sequitur, Et habet in summo cacumine exi-  
 guum uasculum papaueris figura oblongum, interiore  
 sui par

# SEMINVM.



sui parte discurrentibus ueluti cancellis disseptum, quos nigrum semen, acre, odoratumq; clauditur. Vnde melanthion Dioscoridis, nigrum significat, & Romanorum Nigella, cum Xamin Serapionis idem esse. Id magis ostendunt proprietates, quæ eadem penitus sunt, ut quod in pane ponitur, & fronti illitum capitis dolores discutit: ut autem nigellam cognoscas, in segetibus nascitur, ut plurimum, & ea est quæ à nostris mulieribus ac rusticis Githone appellatur, Githone, qua in coronis utuntur, æstiuo tempore, Gith alio nomine dicitur: unde uocabulū deductum est, Githone. Quæ propter melanthion, nigella, Gith, xamin, idem esse constat. Constat etiam semen id, quod pro nigella uendunt pharmacopœe subflauum, nigellam non esse. Recentes autem qui duplicem nigellam ostendunt, sine ratione loquuntur, quoniam apud antiquos una solum nigellæ species reperitur, quæ nigra est, imò & uocabulum & nigella nigrum significat, imò & Romani nigellam papauer nigrum appellant. At hoc nomen in usum non cessit propter aliud papauer nigrum & uerū, ex quo opium, & meconium fiunt. Galli tuum nomen ferè imitantur, nelle noyre dicentes: Germani uero Ratten: quamuis nonnulli apud ipsos disputent esse potius Behruurtz, quæ est dauci species: nobis tamen potius Germanorum ratten, & nostrum Githone esse censemus, ut uos seminum præsertim pulcherrime descriptum, præter alia, ostendit. **SEM.** Atriplicis semen occurrit. **B. R. A.** Plures decepti sunt, qui atriplicem id olus esse putarunt, quod uulgò spinachia dicitur: quod autem aberrèt, hinc

Atriplex.

manifestum est, quoniam atriplex antiquum & notum est; noua sunt spinachia: habet etiam atriplex aureum florem, unde ab aliquibus Chrysolachanon dictum est. Nos uulgo trepese appellamus. Hispani recentes praedictos sequuntur, nam ipsi spinazes uocant. Galli aroses: Germani Gruinkraut, uel Grunkraut, ac si dixerint uiridem herbam: ipsi etiam ueluti diuersam herbam à spinachijs, quæ spenet uocant agnoscunt. Notissima herba Ferrariae, & notissimum semen, quod uim refrigerandi habet, ferè in tertio ordine. Pythagoras atriplicem damnabat utpote qui hydropicos faceret, atquatos, ac pallorem, & in hortis nihil apud ipsum nascitur inculpatum. Difficulter coquitur, unde si Pythagoræ credere liceret, nostræ ætatis Medici qui in ægritudinibus concedunt longe aberrarent. At Dioscorides de Arquato morbo oppositum scribit, quàm Pythagoras sentiret, quia inquit eius semen cum aqua mulsabitum regium morbum sanare, aluumq; molli. Duplex genus apud Dioscoridē inuenies, & nobis in promptu sunt, satiuum, & Syluestre. Syluestris nullus est apud nos usus, semina domestici tantum habere studeas, & hæc in Ferrariensi agro, ubi exquisitiora sunt. **SEN.** Quo nomine antiqui nostra spinachia uocant? **B. R. A.** Nisi in genere bletæ, aut atriplicis sint, nihil habeo certi. **Cepa.** ti, quod tibi ostendere possum. **SEN.** Igitur ad Cephæ semen ueniamus. **B. R. A.** Non est opus hic immorari, quia notissimæ sunt cepæ, cromyon à Græcis dicitur. Syluestres cepæ nusquam sunt, rubræ acriores albis, & oblonge rotundis iudicantur. Non modo semina, sed & radice

rem ipsam, quæ propriè cepa est, ad medicum usum, &  
 culinarium seruabis. Plinium lege de eius speciebus, &  
 alios autores. Hispani cebellam, Germani *zwibel* ce=  
 pam uocant. *SEN.* Anisi semen occurrit. *BRA.* No=  
 tißimum est Anisum, nec opus est in ipso ambigere, licet *Anisum.*  
 ex Syria comportari Dioscorides tradiderit: non enim in  
 Italia propter id nasci inficiatur, sed ex Syria originem  
 habuit, aut ibi saltem excellentius prouenit. In Italia fre=  
 quens habemus. Tu montanum atque nigrum seruabis,  
 nam uiribus efficacioribus pollet. A Gallis anis, à Ger=  
 manis aines, ab Hispanis yerua buona nuncupatur. *SE.*  
 Cymini semen sequitur. *BRA.* Et eiusmodi semina no=  
 tißima sunt: reperitur uero domesticum cyminum, & du *Cyminum,*  
 plex syluestre: domesticum in quotidiano usu habetur,  
 de quo nihil aliud dicam, quàm nostros rusticos in peri=  
 sterionibus ipsum ponere, ut columbos remorentur, &  
 alienos alliciant, quod & antiquitus factum testatur Pli=  
 nius. Adde etiam non esse petendum, ex Galatia Asia, ut  
 uolunt autores, & Cilicia, quum in Italiae Apulia opti=  
 mum habeatur, & alijs pluribus in locis, efficacius in  
 calidis prouenit: omnes ferè nationes Latino nomine  
 utuntur, uel saltem parum detorquent: nam Germani  
 kumell, Galli commin, Hispani comines appellant. *SEN.*  
 Petroselini semen queramus. *BRA.* Adhuc in medi=  
 corum animis insidet nostrum uocatum petroselinum, *Petroselinum,*  
 antiquorum petroselinum esse, & quum in re medica  
 petroselino indigemus, nostræ herbæ ita uocatæ, semina,  
 & radices, & necessarias alias partes colligunt. Sunt ta=  
 men, & uerum petroselinum, & nostrum uocatum



petroselinum apij genera, sed petroselinum in Italia non nascitur (quod sciuerim) in Macedonia tantum, præruptis locis. Semen habet ammi simile, odoratum, acre, & aromati simile: imò si addamus quæ Galenus in Theriacis dicit, amarum est, quæ nostro petroselino non conueniunt. Tamen difficile non erit per Venetas navigationes in Macedoniam mittere, ut inde semen habeatur, quod mox nostris regionibus locis præruptis seminetur. Nostris Latini, ut Palladius, non dicit in Macedonia nasci petroselinon, sed locis asperis: unde nihil impediret apud nos etiam gigni, præsertim si locis asperis semineatur. s e. Ergo petroselini semen non habebimus? B R A. Nō, nisi credamus id esse, de quo recentes, & quod vulgò petroselinum, id est, saxatile apium appellamus. Tamen breui spero hæc semina accepturū Illustriss. A L P H O N S I Ducis Ferratiæ cura. s e n. Nostrum igitur uocatum petroselinum quid erit? B R A. Animus inclinat, satiuū apium, siue hortense esse, de quo Dioscorides inquit omnibus accommodatum esse, quibus & coriandrum: σέλιον ὑπὸ πικρῶν, id est, apium satium, a Dioscoride simpliciter nuncupatur. Pliniusq; libro uigesimo, in iure mēdi hoc apium censet, & esse peculiare in condimentis: quod manifestum est, nostro petroselino cōuenire. Apud omnes ferè nobis notas gētes a petra nomen habet, quippe Galli persin, Hispani perrexil, Germani peter silgen

Oleris atrum. uocant. s e n. Oleris atris semina accedunt. B R A. Oleris atrum à Romanis dicitur, quod Dioscorides uocat hipposelinon, non quidem ab equis quibus conferat, ut nonnulli uoluerunt, sed à magnitudine sua, quia equus in compositio

positione earum rerum, quibus nihil peculiare habet, magnitudinem solam significat: ut hippomarathon, quia in suo genere multum excedit: hippolappaton, à Theodoro Gaza in Theophrasto equapium interpretatum. Ad nostrum olus atrum redeunt, radicem extra nigram, intus albam habet: propter id olus atrum à Romanis uocatur. Maius apij genus, quod in hortis & riguis nascitur adeò crescens ut arborefcere uideatur, notissimum est. Apud nos ob suam magnitudinem hipposelinum nomen acquisiuit, id est (ut Theodorum imitemur) equapij. Nos uulgò Ferrariæ apium Macedonicum nuncupamus. Omnes conditiones habet, quas illi Dioscorides attribuit: ne aliubi queras olus atrum, quàm Ferrariæ, radixq; aliquibus in cibis grata. Decipiuntur uero, qui Archangelicam, uel angelicam à nobis uocatam, olus atrum esse fatentur: quoniam radicem albam habet, nec in tam altam magnitudinem crescit, ut apium Macedonicum uocatum. S E N. Apij semina occurrunt. B R A. Apium. Quum absolutè apium dicitur, hortense intelligi oportet, quod σέλινον κηπάριον à Dioscoride nuncupatur, à nostris uulgaribus petroselinum dicitur. Quam ob res seminibus apij absolute, nō sunt breuioris illius apij quod in hortis nascitur, semina sumenda: dico breuioris quàm Macedonicum, sed maioris, quàm nostrum uulgare petroselinum. At potius semina hortensis apij, id est, nostri uulgaris petroselini seruare: unde per semina apij absolute, hortensis apij semina intelligenda sunt, quod est nostrum uocatum petroselinum. Semina uero, quæ à pharmacopolis passim colliguntur, eleoselini sunt, id est,

palustris apij. Decipiuntur enim qui apium palustre, eā  
herbam putant, quam uulgo apium raninum dicimus,  
quippe apium palustre satiuo maius est, apium uero ran-  
inum multo minus est: & quamuis Dioscorides in  
aquosis locis nasci, non tamen in aquis dicit. Solum au-  
tem Ferrariense inter aquosa loca numerandum, præ-  
sertim ubi apium nascitur, nam umbrosa loca, & aquosa  
amat: de nostris autem apij generibus loquor, quia pe-  
troselinum utrum in saxosis, & asperis nascitur. Ta-  
men quum & apium satiuum, id est, nostrum petroseli-  
nam, & eleoselinon, easdem vires habeant, ut Dioscori-  
des fatetur, ideo non multum refert, utrum eorum suman-  
tur: pro his autem colligendis ne patriam solum deser-  
ras: ra licet etiam, & folia seruas. Germani eppich: His-  
spani, ut nos, apio: Galli, ache, apiam uocant. **S E N.** Les-  
uistici semina post apium sequuntur. **B R A.** Ligustici  
potius dicere oportet: plures decipiuntur qui apij spe-  
ciem esse crediderunt, quum de ipso in altera parte ege-  
rit Dioscorides, quam in apij generibus, pharmacopole,  
& Ferrarie, & Venetijs. Bononiæ etiam ac Patavij al-  
tero semine utuntur, quod Libistici semen arbitrantur,  
tamen inconstantes sunt, quoniam nonnulli apij semina  
pro eo utuntur, alij dauci. Tamen facile est in Li-  
guriam mittere, imò in dies illuc mercatores accele-  
rant: semen petendum est, & terræ mandandum. In Li-  
gurie montibus nascitur, umbrosis, asperis, & altissi-  
mis. Mirantur Genuenses pharmacopole nobis hoc se-  
men deesse: tamen in montibus efficacius est, quam si  
in plano seminetur: pro pipere eo usa est antiquitas, imò  
& nunc

Ligusticum.

& nunc rustici Ligures pro pipere in condimentis utun-  
 tur, & ego conditum ferculum libistico satis gratum co-  
 medi Genue in edibus Illustrissimi Sinibaldi Flisci, quā  
 Illustrissimus HERCVLES Ducis Ferrariæ primoge-  
 nitus Galliam peteret, nec etiam Magnificis Comitibus  
 Bonifacio Biuilaqua, & Ugucione Rangone Viris in-  
 tegerrimis displicuit. Sed illud animadvertere oportet,  
 Ligures fœniculum miscentes, libisticum adulterant.  
 Quin & Dioscoridis tempore seselis seminibus adulte-  
 rabant, & altero quodam semine, sed subamaro, quo sa-  
 pore deprehendebatur. Vnum est, uos libistici semini-  
 bus carere, cuius etiam radices in officina deinceps ha-  
 bere curabis. Galli, ut nos ferè, & Hispani: Germani ue-  
 ro liebstockel appellant. SEN. Fœniculi semen occur Fœniculus,  
 rit. B. R. A. Notissima herba est, cuius semine in placen-  
 tis, cibarijs diuersis aceto uiridi, & arido per totum an-  
 num uescimur. Ferrariæ maxima copia habetur, à Græ-  
 cis μαζαβροπ dicitur: sed non solum semina, uerum fo-  
 lia & radices seruare commodum erit. Sed quum & in  
 aruis erraticum fœniculum, aut syluestre inueniatur,  
 quod rei medicæ proficit, ideo huius semen in Ferrarien-  
 si agro collectum seruabis. Adeo nota sunt hæc, ut nihil  
 aliud dicendum uideatur, quàm Hispanos ymozo, Germa-  
 nos fenichel, Gallos fenoucil, fœniculum uocare. SEN.  
 Sparagi semina sequuntur. B. R. A. Asparagi dicendum Asparagus,  
 est, adeo nota herba, ut nihil aliud dicendum uideatur,  
 quàm in Ferrariensi agro colligenda, ubi infiniti ferè  
 sunt producentes asparagos campi. Radices quoque ser-  
 uandæ. Illudq; animaduersione dignū, apud antiquos hoc

nomen asparagus siue aspharagus, non solum notissima hanc herbam significare, quam sparsi appellamus, sed cuiuscunque herbae cacumen quum primum erumpit ut edendo sit. Paulus Aëgineta hoc manifeste ostendit, qui caput de Asparagis inscribit, in ipso tamen de bleta, lactuca, atriplice, malua, & alijs similibus pertrahat. Nos decoctos in iure asparagos aceto, sale, & oleo conspersos, magno gulae delectamento comedimus, & in principum delitijs sunt, adeo ut etiam sine conditura comedantur. Hispani, ut nos ferè, sparagos appellant. **Acetosa.** **SEN.** Acetose semen queramus. **BR.** Species lapathi est acetosa, ea quæ acidum saporem habet, quam oxalida appellant, notissima apud nos herba. Arabes, præsertim Auicenna de lapathio tractans, loco huius uocabuli lapathum, hoc nomine acetosa utitur, quia in ea particula oxydeceptus est, quæ in omni lapathi specie non significat acumen saporis, sed in aliqua acumen foliorum, ut in nostro uocato rumicæ foliorum acumen in herba, quam uulgo herbam bruscam uocamus, acumen saporis: huius herbae semina, in Ferrariensi agro colliges: uerum nec folia, aut radices, utpote rei medicæ utiles, prætermitto. Reperiuntur & trifolium acidum, quod alleluia uulgus nostrum appellat. Sed quum rescentes acetosam dicunt, lapathon intelligunt, non trifolium illud, quamuis eundem ferè saporem habeat, ut illi merito particula *ῥῆν* tribui, & simul componi possit. **AGALLIS** ozeille dicitur, qua libenter intinctus parant: **Lusitani** azedeiras uocant. **Germani** uero, *savver* ampher, id est, acetosa ampher: quippe *savver*, acetosum significat, ampher

ampher autē est propriū nomē Germanicum, quod nihil aliud, quā ampher significat. **SEN.** Genistæ semina Genista. legenda. **BRA.** De Genistā in floribus tractare cœpi-  
mus, quæ à Græcis *ωαγτίον*, à nostris *sparton*, uel geni-  
sta: notissima est, & in alijs locis præterquam Ferrariæ  
in usu rustico pro ligandis uitibus frequens: quæ suprà  
dicta sunt, satis esse putamus. **SEN.** Anthera sequitur.  
**BRA.** De hac in floribus scriptum est, ubi ostendimus  
antheram non esse rosæ florem, ut quidam recentes pu-  
tant, sed compositionem quandam apud Celsum, in qua  
tamen rosæ insunt. **SEN.** Ad Sileris montani semina Siler montanæ,  
ueniamus. **BRA.** Si recentiorum montani sileris descri-  
ptiones, & seseleos conferamus, idem penitus esse depre-  
hendetur. A Dioscoride tamen tria genera describuntur  
figura longe differentia, *seseli Massiliense*, *Aethiopicum*,  
& *Peloponnesiacum*. Siler montanum recentiorum, est  
apud Dioscoridem *seseli Massiliense*, si descriptiones con-  
ferantur: uolunt enim *feniculi* folia habere, & reliqua,  
quæ de *seseli Massiliensi* à Dioscoride dicuntur. At si se-  
mina quæ a pharmacopolis uenduntur consideremus, *se-*  
*seli Aethiopici* semina uidentur, quia semen est amarum:  
*Massiliense* uero amarum non est, sed acre: facile autem  
erit ex *Massilia* habere, nam quotidie nonnulli ex illu-  
strissimæ **RENATAE** Ducis nostræ probissimæ, ac  
sanctissimæ mulieris familiaribus Gallias petunt. Curabi-  
mus ut semina afferant, quibus terræ missis, herbam ocu-  
lus intueri licebit. **SEN.** Hoc ne prætereas obsecro.  
**BRA.** Non modo hoc, sed plura etiam alia habere, atque  
plantare tentabimus. Corrupte uocabulum recentes, ut

siler pro seseli dicāt: uerū quia siler aquosa loca amat, in quibus etiā nascitur, propter huius differentiā montanum addidere, ut à silere aquatico, de quo rustici baculos parant, distingueretur. Semina & radices habere conueniet: à Germanis quibusdam sele hummel, id est, campestre cuminum, appellatur: in gustu enim aliqua ex parte

*Milium folis.* cuminum imitatur. *SEM.* Milij solis semina accedunt. *B. R. A.* Si Serapionem considerare tentemus, ubi de culb pertractat, quod eius inuēprcs milium solis exponit, statim deprehendetur, idem esse apud Dioscoridem lithospermon, id est lapidosum semen, quod apud Serapionem culb, id est, milium solis. Inquit enim Serapio culb habere folia similia folijs oliue, nisi quia sunt maiora, & altiora, & latiora: & que sunt ex eis inferiora, declinant uersus terram, & habet uirgas elcuiatas subtiles, sicut lingua squinanti, & reliqua, in quibus cum Dioscoride conuenit: quem si audire lubeat, in hunc modum scribit, habere folia oleæ longiora tantum, latiora q; ad summam radicem eius iacentia, ramulos uero rectos, graciles, crassitudine acuti iunci, & reliqua, in quibus ambo conueniunt. Idem igitur sunt Dioscoridis lithospermon, culb Serapionis, & recentiorum milium solis. Nos herbam habemus huic simillimam, cuius semine mulieres nostræ profigendis coronis utuntur, appellant autem coronas, indices quosdam, quibus Deo preces numerant, ac si pensa quotidie reddant. In duobus tamen differre uidetur lithospermon, & nostræ herbæ semen lapidosum, à mulieribus lachryma uocatum. Primo, nostræ Lachryma folium arundinaceum habere uidetur, uel saltem milium nigrum imitatur.

tatur. Deinde lithospermon serpere dicitur, quod non facit nostra lachryma, quæ ueluti frutex est. Ego recte Dioscoridem considerans, non uidi ipsum folia serpere dicentem, ut à multis creditur, sed eleuata sunt: folia tamē quæ inferna sunt, prope radicem per terram expanduntur. Inquit enim ipse: καὶ τὰ περὶ τὸν πύθμενον ἐπὶ γῆς κείμενα. quæ uerba à Marcello interpretantur, ad summam radicem eius iacentia: ut sensum faciat, oleæ folia habere ad summā radicem iacentia: id uero in omni folio falsum est, quoniam ea tantum iacent, quæ inferiora sunt prope radicem. Ideo Hermolaus rectius interpretatur, iuxta radicem humi iacentia, id est, folia quæ iuxta radicem sunt, humi iacēt. Vnde si hoc modo interpretemur, exquisitior interpretatio uidebitur, & ea quæ iuxta radicem sunt in terram inclinata. Quæ uerba considerans Serapio dicebat ( licet barbarè ) Et folia inferiore declinant uersus terram, facientia uelut stratum super terrā. Et Plinius libro 27. capite undecimo, autores reprehendit qui serpere tradiderunt, quoniam ipse ( ut inquit ) non uidit hærentem. In summa igitur, nostra lachryma lithospermon, id est, semen lapidosum est, quamuis in folio differe uideatur, ab eo Dioscoridis: quia hoc Dioscoridis oleam, nostrum milium nigrum, aut arundinem imitatur: tamen in genere lapidosi seminis est, & renum lapides expellit, uesciæ autem minuit, ut experiētia in quotidiani usu demonstrat. Nostra igitur uocata lachryma species lithospermi Dioscoridis erit, & culb, uel milij solis Serapionis ac recentiorum. Nec mouearis quòd magnitudinem erui habere dicitur, quoniam secundum loca maiora



maiora & minora sunt: minora sunt, quibus uos ~~dicunt~~,  
 & folium habet, quale Dioscorides describit: nostra au-  
 tem lachryma in lithospermum à Plinio ferè pingi uide-  
 tur, præsertim quo ad semina. S E N. Quum uaria sint  
 lachrymæ à nobis dictæ, & lapidosa semina, quod pro li-  
 thospermate accipiendum est? B R A. Quod magis du-  
 rum & lapidosius: nos autem eadem ferè uim habere in  
 multis experti sumus. Eodem nomine à Gallis quo recen-  
 tes appellant, dicitur, scilicet milium solis: à Germanis  
 quibusdam stemsame, ab alijs mehrhirsse, nuncupatur,  
 quamuis à diuersa proprietate hæc nomina imposita ui-  
 deantur. Denique præ cæteris milij solis generibus, id  
 prætermittère, quo uos utimini, utpote cæteris ineptius,  
 & id seruare quod magis album nigris quibusdam ma-  
 culis inspersum. S E N. Mirasolis semina sequuntur.  
 B R A. Hoc uocabulo Mirasole, quod Latine heliotro-  
 pium dicitur, omnes herbe ueniunt, quæ ad solē uertun-  
 tur, & ferè núbilo die sunt Rusticorum horologia. Die  
 cuius semina collecturus es? quoniam cichoreum, sca-  
 biofa iam dicta, inter mirasolis species ab autoribus  
 computantur. S E N. Illam intelligo, quæ ita uulgari no-  
 mine & simplici apud nos mirasole, apud Tuscos girasole,  
 apud recentes sponsa solis, apud Arabes kerua appella-  
 tur: unde oleum de kerua fit, quæ folium platani ha-  
 bet. B R A. Iam accepi quam intelligis, à Dioscoride &  
 Græcis Cici, & Croton, à Romanis Ricinus appellatur  
 ob similitudinem, quam eius semen cum ricino animali ha-  
 bet. S E N. Quid est hoc animal quod ricinum uocas?  
 B R A. Id quod boues & equos apprime uexat, nos uulgò  
 cecam

cecam nuncupamus. S E N. Aliquam certè similitudinem habet, non tamen omnimodam. B R A. Non est opus ita ad amussim conuenire, modo in aliquibus quadret, hanc herbam, uel arborem (nam arborefcit, si scapus arbori responderet) nonnulli maiorem cataputiam putant, sed longè decepti, ut in tithymali speciebus edocēbimus. Germani *Wundelbaum* uocant: huius plantę semina Ferrarię habentur frequentia: putat nostrum uulgus infustum esse, hanc herbam domi habere, ut non possit esse sine luctu: folia etiam pręter semina habere studeas, & pręsertim in his montibus. S E N. Berberis *Berberis* semina occurrunt. B R A. Berberis etiam colligitis, & non tantum semina. Vocabulum berberis, & amaberberis, barbara sunt: si autem Serapionem de his loquentem considerabimus, idem esse cum oxyacantho Dioscoridis deprehendemus. Inquit enim Serapio: Est arbor similis arboribus pīorum agrestium, quę dicitur habaras, nisi quia est minor, & habet multas spinas, & habet fructū simile grano myrti, nisi quia est maior, & rubidus facilis separationis, & habet interius grana, & habet radicem habentem multas radículas infixas terrę. Hactenus Serapio. Nunc Dioscoridem eadem ferè dicentem in Oxyacantha audias: Agresti pīro similis arbor Oxyacantha *Oxyacantha* est, minor tantum, magisq; spinosa, fructum myrti baccis æqualem, confertum, rubentem, fragilem, nucleos intus habentem, multifidam radicem, & altius descendantem. Quę si cum Serapione conferantur, manifeste deprehenditur, utrosque hos uiros eandem picturam lineasse, nisi quia Serapionis colores ineptiores sunt, Dioscoridis

autem floridi, hoc est dicendi phrasis. In proprietatibus etiam quo ad usum medicum quadrant, ut non sit opus dubitare eadem ab his autoribus tractari. Fuere autem qui Oxyacantham Dioscoridis eum fruticem esse putarunt, quem nos uulgò uuam crispinam appellamus: hi autem longe decipiuntur, quoniam crispina uua sylvestris piri folia non habet, sed potius in uitem aut in apij folia inclinatur, ualde enim incisa sunt. Coniectura uero, qua mouentur, ut berberis sit crispina uua, adeò tenuis est, ut de se ruat, quippe ex nomine tantum sumitur: nam inquit crispinam dici quasi acrem spinam, et oxyacantha quasi acuta spina: tu ipse uides qua coniectura moueantur. Adde in granis multum differre, quia in oxyacantha grano plures acini, in uua crispina unum solum inest. Vidi ego oxyacantham acinos quatuor habentem, sed pro maiori parte duos habet. Vnde granum illud quo passim utimini Serapionis et Auicennæ ac cæterorum Arabum uerum berberis, et Dioscoridis, Galeni ac cæterorum antiquorum ueram oxyacantham esse certus sis. Longe etiam decepti sunt, qui berberim pro aspalato accipere, ut suo loco intelligere licebit. Galli Arabo nomine utuntur: Germani nonnulli Surich, erbsel appellant.

SEN. Quo loco hos berberes colligere oportet?

BRA. In his montibus, quamuis in Bononiensibus etiâ, Mutinensibus, et per totum Apenninum copiosè uirèat. In nostris etiam foueis quandoq; reperitur: in omni solo nascitur, sicco, humentis, aprico, sole patenti. Si in frigidioribus locis inuenies, ibi efficaciores fructus parit.

SEN. Rape sylvestris femina occurrunt. BRA. De

rapa dicemus, si prius te admonuero, non solum oxyacan-  
 the granum, sed & radices seruandas, mirorq; te hunc  
 fructum inter semina numerasse. **SEN.** Id factum est  
 quia ob semina expetitur. **BRA.** Esto, Rapas aggre- Rapa  
 diamur, nam & ipse in usum medicum ueniunt. Vos syl-  
 uestris semina habere curatis, cur etiam non satiuæ? nam  
 & satiuæ semina rei medicæ proficiūt, & caro radice,  
 & folia, & coliculi quū primū exeūt, imò & ipsa radix  
 muria conditur, aut sapa, ut nostræ mulieres pro quadra-  
 gesimali obsonio parāt. Notissimæ sunt rapæ, & satiuæ,  
 & syluestres, in Ferrariensi solo crassissimæ, præcipuæ,  
 & dulcissimæ. Columella in Italia cæteris Nucinas præ-  
 fert. Quod non fecisset si eius tempore Ferrarienses ex-  
 titissent. Tempore enim Columellæ, Ferrariense solum  
 ualles erat: patres autem nostri culturæ assiduitate, nunc  
 in fertilissimos campos deduxere, natura usque ad hæc  
 tempora repugnante: sed ars naturam uincit, modo im-  
 pense uelit. Alij hyeme rapas in pultarijs comedunt: ego  
 etiam per æstatem, ne aut lignescant, colonum cuius-  
 dam rusculi mei prope Ferrariam iubeo, ut folia ad radi-  
 cem usque, omnibus rapis demat, ne ad semen perueniāt:  
 hoc enim præsidio non lignescunt, sed tenellæ & coctibi-  
 les per uniuersam æstatem habentur, nec cibus est æstiuo  
 calori noxius. A Lusitanis, saramages uocantur: à Germa-  
 nis, vvilt rul, id est, syluestris rapa dicitur. **SEN.** Dauci Daucus.  
 semina præsentantur. **BRA.** Multos in Dauco aberrare  
 uidimus, & omnes nostri pharmacopole herbam in  
 Ferrariensi agro frequentissimam pro dauco accipiunt,  
 quia ita à rusticis appellatur, quum tamen alia res Dau-

cus sit. **S E N.** Quæ igitur herba est hæc, quam nos daucum appellamus? Et ubi uerum daucum habere poteris?

**B R A.** Ea herba, quam uos passim in Ferrariensi agro in tritici stipulis crescens colligitis, et daucum appellatis, à Dioscoride σαυδάρον ἄργιον, id est, pastinaca syluestris dicitur, ut apparet si quis eius descriptionem consideret, præsertim ubi dicit flores in medio exiguum quid purpure habere, quod tamē in croci colorem uariat, hoc etiam in omni umbella non est, sed secundum loca innascitur: fuere tamen qui pastinacam illam syluestrem, et daucum idem esse putarēt, et imò uos pro dauco ea utimini. Eos autem aberrare hoc indicium est, quia Dioscorides de pastinaca erratica seorsum à dauco pertractat, et tertiam dauci speciem syluestri pastinace comparat, tanquam duo sint, quemadmodū duo esse constat: primam, et secundam dauci speciem, non esse pastinacam erraticā, ex folijs certum est: quam ob rem quem uos daucum putatis, daucus non est, sed pastinaca erratica, ut sapor, odor, et reliqua ostendunt. Qui etiam daucum pastinaca speciem asserunt, decipiuntur, quoniam à Dioscoride, antiquioribus uel nusquam describuntur, imò seorsum à pastinaca de dauco pertractat. Non tamē inficias eo daucum, et pastinacam aliqua similitudine iungi.

**S E N.** Quomodo uerum daucum habere poterimus?

**B R A.** Si in Cretam mittamus, et sumptis seminibus terræ mandemus, quod illustrissimus princeps **ALEXANDER HONSVS**, fieri recepit. Non solum autem huius Cretici dauci semina, sed et radices in usum medicū ueniunt: aliarum uero specierum semina tantum. Illud que admo-

nere nos

nerc uoluerim, quum dauci, & sylueſtris paſtinacæ eadē  
ferē uires ſint, ea pro dauco ui licebit: ſatiua autem pa=  
ſtinaca, ad uſum medicum minus ualet. Serapio etiam ca=  
put dauci à capite bauciæ, id eſt, paſtinacæ, eodem modo  
quo Dioſcorides ſeparauit. Sed Pandeſtarius ac recentes  
adeò conjundunt, ut daucum paſtinacā faciant, & apud  
Serapionem idem eſſe daucum & bauciam, id eſt, paſti=  
nacam, ſiteantur, quum tamen de dauco, & paſtinaca di=  
uerſa capita faciat. Nō deſuere tamen qui ſemina Meum  
nuncupata, Creticum daucum affirmēt: quibus nō diſſen=  
tiem, ſi quodammodo pilofa eſſent. Nonnulli ex Germa=  
nia beerwurtz appellant, quibus alij aduerſantur, hoc  
nomen potius nigellæ attribui, ut herba apud ipſos be=  
erwurtz dicta, uera nigella ſit. Nos ipſis hoc diſidiū re=  
linquamus. S E N. Ergo ad pſyllij ſemen deſcendamus.

B R A. Pſyllium notiſſima herba eſt, in maritimis locis il Pſyllium.  
luſtriſſimi Ducis noſtri adeò frequens, ut ingens copia  
Venetias afferatur: hoc diu latuit. Opera Nicolai Nico=  
lutij inuentū eſt, qui ſingulis annis inde Venetias magnā  
ſummam aſportabat, & hoc per multos annos fecit, an=  
tequam eius loci homines rem cognoſcerēt, & ex ſemine  
lucrum quærerent. A Latinis herba pulicaris dicitur, uel  
quia pulices fugat, & hoc nomen etiam pſyllion pulicem  
ſignificat, uel quia ſemina pulicibus ſimilia habet: non ta=  
men adeò in maritimis naſci dico, quin etiā in alijs incul=  
tis, & aruis naſci affirmem. Eſt altera cumila pulicaris:  
ſed hæc ſimpliciter pulicaris uocatur. Verū ne in re tam  
nota tempus cōteratur, ab Hiſpanis zaragatonam appel=  
lari monebimus: eam etiam difficultatē prætermittentes,

**Agnus castus.** an intus calidum extra frigidum sit. s e n. Agni casti semina occurrunt. B R A. Ἄγρος ἡ Græcis & λυγρός dicitur, à nostris uitex, & amirina salix nūcupari uidetur: in maritimis nascitur. Non dubito uerum agnum castum nos habere, quanquam duo ob stare uideantur. Primum, eius grana piperis acumine carere. Aliud, quia Ferrarie in clauſtro Religioſorum ſancti Dominici uitex adest, tam lentos ramos non habet. Scire autē oportet, nō dici à Dioscoride acredinem piperis habere, sed ſaporē piperi ſimilem: quod maſiſtiſſimum fiet, ſi quis eius ſemē maſticauerit, habet enim neſcio quid piperis. At ſemina ex locis quibus naſcitur acriora ſunt, & minus acria. Quod uero in ramorum ac uirgarū flexibilitate dubitabamus, facile diluitur. Quoniam iunioribus, & his qui prope mare ſunt lentior inest, ſed antiquiores uitices ob ſenium flexibilitatem amiſere. Semina, & folia circa maritima quaerantur, & circa ſluenta ac torrētes in incultis locis. Aberrant qui ex ſapore piperis, quē habet, hoc ſemē, cuſubebe eſſe putarunt. Serapio de eo in capite de ſamācheſt pertractat, & arborem Abrahæ appellat: piperella etiā à ſapore nūcupatur. Antiquæ matronæ & huius arboris folijs ſupra toros ſtratis utebātur, & ſeminibus, in pulſarijs comedentes. Sed ne in re tam nota diu uerſemur, reli-

**Pzonia.** qua ſecundum ordinē proſequaris. s e n. Pæonia ſemina conſequuntur. B R A. Antiquiſſima herba eſt, à Pæone dicta: marem & ſæminam habet: à Romanis caſta herba, à Græcis glycyſis, & pæonia dicitur. Serapio ex ſentētia Dioscoridis, arborem eſſe ſcriptum reliquit: nos autem eius interpretē fuiſſe putamus, qui ita uerterit: non enim

arbi

arbitror quod Dioscorides dicit caulem duorum dodrā-  
 tum altitudine, arborem à Serapione dictā esse, sed id po-  
 tius interpretis uitio uenit. Manifeste autem deprehendi-  
 tur grana esse, multa, rubētia, parua, punicorū acimis simi-  
 lia, quæ sunt eius semina. Hæc in his montibus altissimis,  
 & præsertim promontorijs: præter semina autē, radices  
 seruabis, quæ in masculo albæ sunt, quamuis & in aliqui-  
 bus nigra uideantur, albæ & nigra seruandæ, quæ ad di-  
 uersa peculiariter conferunt: nos nigra abundamus, &  
 ea pro necandis puerorum uermibus in aqua, decoctio-  
 ne, & pulucre utimur: imò & radix puerulis adalligata  
 ab atra bile, et epilepsia liberat, ut in Bellissario ingenuo  
 Comitis Camilli Tassoni filio uehementi experimento  
 deprehendi. Quum duo sint Pæoniæ genera, mas & foe-  
 mina, alterum Germani min vven vurtz, alterum be-  
 ninien uocant: quamuis & alij benedictam rosam, appel-  
 lant, Galli uero pinoine. s e. Staphisagriae s mina occur-  
 runt. B R A. Nostræ mulieres strafusarium dicunt, uoca-  
 bulum corrūpentes, in nullo alio usu apud ipsas est, quàm  
 ad necandos pediculos. Vnde à Romanis herba pedicula-  
 ris nuncupatur: ab uua, nomen straphij habet. Cornelius  
 Celsus uuam taminiam appellare uidetur: sed Plinius ca-  
 pite 2. 29. libri ipsum reprehendit. Verum 26. lib. cap. 14.  
 uuæ taminia uires describens, staphisagria uires præcisè  
 demonstrat, ut postea uisus sit uuam taminiam idem cū  
 staphisagria facere: de hac autē re aliàs. Serapio albeas  
 uocat. Fuere qui ueram uuam montanam esse putarint,  
 quia apud Serapionem ita scriptum reperitur. Aberrant  
 uero, quia ita ob similitudinē appellatur. In opacis locis

Staphisagria,

Vuataminia,



ipsam queras, quamuis & in Ferrariensi agro nascatur.  
 Cataputia. Galli, Itafiragre illam uocant. S E N. Cataputiae maioris  
 semina percurrenda sunt. E R A. Quā multae sint tithymali  
 species, quae a Scrapione xeast appellantur, praeci-  
 pua & maior species haec est, quae cataputia uulgò nūc  
 patur: hoc forte nomen sortita est, quia rustici eius semi-  
 nibus in hydropse pro pilulis utuntur. Vocant uero anti-  
 quiores pilulas catapotia. Vnde passim cataputia pro ca-  
 topotia proferunt. Decipiuntur uero qui cataputiam mia-  
 rasole a nobis uocatum putant: quam ob rem Scrapionis  
 interpret aberrauit, kerua, id est, cataputia interpretas,  
 nisi & ipse eo uocabulo ad significandum cicum uti uelit.  
 Deridendi sunt, & cum maximo risu, qui uolunt catapu-  
 tiam dici, quia catat puzam, id est, scetorem inuenit, nam  
 mire soluit: sed eo uehementius ridendum, quia nō solum  
 uerbis, sed scriptis etiam mandant. Ea species tithymali  
 est, quae a Dioscoride characius uocatur: Ferrariae uret,  
 sed in montibus efficacior. Non tantū semina, sed radicē  
 & ramulos seruabis: pastillos etiā, hac trui farina & la-  
 cte facias, imò & ficus serua in quibus lac stillauerit.  
 Notissima herba est, & notissima semina. Rustici Ferra-  
 rienses herbam dalle carpanede uocant. Nostrae mulieres  
 pro comperto habent, si quis semina deorsum trahēs euul-  
 serit, & ea comederit, per inferna purgari. Si uero sur-  
 sum, per superna: ut plurimū uero accidit haec grana co-  
 medentes per superna, & inferna purgari, causam asse-  
 runt, quia grana sursum, alia deorsum ducta sint. Deci-  
 piuntur etiā plures Germani, qui apud ipsos cataputiam,  
 vundelbañ dici cōtendunt, qui potius eo uocabulo cicum  
 signifi

significant: sed hi eodem errore ducuntur, quo Serapionis  
 interpret. Verè autē nostra cataputia quæ apud Diosco-  
 ridē characias est, à Germanis springkorn dicitur, ac  
 si dixerint granū saltare faciens: quippe spring saltare fa-  
 ciens est, korn granū: fortè quia soluens dolores facit.  
 Huius herbæ seminibus, ab ascite Magnificū Iulium Bo-  
 iardum Scandiani comitem, optimæ indolis Iuuenem libe-  
 ravi. **S E N.** Ad linguae auis semina ueniendum. **B R A.**  
 Nusquam (quod sciuerim) apud Græcos autores auis lin-  
 guam reperi quā alio nomine recentiores linguā passa-  
 rinam appellant. At linguā hirci, linguā bouis, linguā ca-  
 nis inueni. Arabes tamen de ipsa pertractant, ut Serapio  
 in capite de lisen hasafit, id est, de lingua auis: dissidentq;  
 in hoc semine recentes, ut nonnulli semen quoddam her-  
 bæ mihi ignotæ accipiant, quod semen paruum est: com-  
 munis tamen pharmacopolarum usus est fraxini semen  
 habere. Multi uero recentes decepti sunt, Auicennam ma-  
 le intelligentes, quippe Auicenna libro 3. sēn. 20. cap. 18.  
 linguam auis inter medullas numerat: ipsi uero ex hoc  
 putant linguam auis medullā esse, quū ipse ibi per medul-  
 las semina intelligat, quæ carnē & pulpā (ut ita dicam)  
 habent. Vnde & inter medullas, grana pinæ, & auella-  
 nas numerat. Adde in 2. lib. manifeste animaduertisse, lin-  
 guam auis folia habere, & Serapio linguā auis arborem  
 esse fatetur. Sed an Arabum lingua auis fraxini semē sit,  
 ut multi accipiant, dubito: quippe Serapio nullū ex Græ-  
 cis adducit in lingua auis enucleanda, sed solū Arabū te-  
 stimonio utitur, tamē de fraxino Dioscorides pertracta-  
 uit. Præterea semen fraxini non est extra rubrum, intus

Auis lingua.

album, per semen medullam & nō corticem intelligēdo. Tamen si alia considerentur, idem precise sunt, quoniam est albor similis arbori dirdar, id est ulmo, nisi quia foliū eius est oblongum simile folio amygdale, ita autē habet fraxinus. Sequitur: & fructus, qui dicitur lingua auis, sunt palmites qui diuiduntur in cherarnub, similes folijs oliarum, nisi quia sunt minores satis, & intra quamlibet cherarnub est medulla similis lingue auis, exterius rubra, & interius alba, declinās paululum ad citrinitatē, & sapor eius est acutus, mordicans cum pauca amaritudine, & nō apparet mordicatio eius postquam bene masticatur. Hactenus Serapio. Omnes has cōditiones in fraxini semine reperi: nec moueor quod extra nō sit rubrū, quia saltem in citrinum (ut Serapio dicit) inclinat: non moueor etiam quod Græcos non adduxerit, de fraxino tamen loquentes, quia de fraxini semine nusquā tractarūt: ideo lingua auis Serapionis, nostra fraxini semina esse fieri cogor. s e n. Suprà dirdar pro ulmo interpretatus es, tamen recentes fraxinum intelligunt. b k a. Hi decipiuntur, qui dirdar pro fraxino intelligunt, ut Pandectarius inter alios fecit: nam dirdar apud Serapionē ulmus est, ut eum legenti patet, & Dioscoridi comparanti. Inquit enim Serapio ex Dioscoridis sententia, folium huius arboris, & summitates eius, & cortex ipsius sunt siptica: quando fit emplastrum cum folio eius trito & mixto cum aceto, confert scabiei ulcerose, & conglutinat uulnera, & cortex arboris conglutinat uulnera plus quam folia, quando ligatur super uulnera, sicut ligantur corrigiæ: & cetera que sequuntur. Audias modo Dioscoridem de

dem de πελέας, id est, ulmo, eadem dicentem: Adstrin-  
gunt ulmi folia, cortex, & rami. Medentur lepris ulmi fo-  
lia concisa & ex aceto illita. Vulnere eadē conglutināt,  
multoq; magis cortex, pro uinculo & fasciola uulneri  
circumuolutus. In reliquis etiam Dioscorides & Serapio  
conueniunt, & in fine eius folia pro obsonijs comedenda  
animaduertunt: cum quibus etiam Auicenna secundo ca-  
none est, ut errorem hinc Pandectarij supinū uideas, dīr-  
dar pro fraxino, quū ulmus sit interpretantis, dicentisq;  
fraxinum dīrizar à Græcis dici, quū ipsi μελίον fraxi-  
num uocēt. Ex ulmo etiā uermiculi fiunt, quū folia ueluti  
uesicae intumescunt, ideo arbor cimum ab Arabibus di-  
citur. In summa igitur semen fraxini, lingua alius Serapio-  
nis putandum est, quam apud Græcos esse descriptā in-  
uenire nō licuit. S E. Eam igitur omittā, quā apud Græ-  
cos incomperta. B R A. Imò eam colliges: alioqui nec mā-  
na, Rhabarbaro, casia, sena, zucharō ue uti oportebit,  
quæ nusquam ab antiquioribus descripta sunt. S E N. Se- Sementina,  
mentinam legere curemus. B R A. Hanc & semen Alexā-  
drinum uocant, quoniā Alexandria Venetias ferri dicūt.  
Cuius autē herbe semen sit, adhuc apud me incompertū  
est, & sub iudice lis est: ob suæ paruitatis excellentiā, se-  
mentinæ nomen acquisiuit. Recētes apud Arabes semēti-  
nam inueniri fatentur, & esse ipsorum kanabel, quod ab  
ipsis semētina interpretatur. At re uera semen id a nobis  
sementina uocatū, kanabel Serapionis esse nō potest, aut  
Auicennæ. Inquit enim Serapio, kanabel uel sementinam  
(quia hoc nomē ab interprete illi attribuitur) esse arenæ  
similē, & uehementē interficere uermes. Additq; ex Al-

manforis sententia, unam ex his rebus esse, quæ de cælo ueniunt: imò ex hac arena ollas consolidari tradunt, & potissimum colligi, quādo pluit. Serapio glaucedinem illi attribuit, Auicenna ruborē, qualem lapis in felle bouis re pertus habet. Vnde Arabū sementina terra est: qua autē nos utimur ita uocata, semen esse constat: apud antiquos Græcos nondū reperi hoc semen. Fuere qui absinthij san tonici semen esse putarent, tamen scriphij absinthij semi na contra lumbricos Venetias afferunt, sed hæc non sunt, quia maiori mole claudūtur. Alij cumini semen esse puta runt: non possunt autē satiui esse, ideo syluestre inueniūt, cuius tamen semina maiore molem habere cōstat. Minus sunt dauci, ut nōnulli arbitrantur. Nos re uera incerti su mus cuius herbe semen sit hoc minimum quod semētina uocatur: constat enim Arabū kanabel non esse, & apud Græcos nō inueni, ideo huius rei pertractatio, in aliud tē pus differatur, quoniā in locum, in quo nascitur, determi nate mitti curabimus. Galli, barbontinā uocāt. s e. Anethum. thi semen occurrit. B R A. Ad eò notum est apud Ferra rienses anethum, & in cibarijs frequentissimum, ut de co nihil aliud dicendū uideretur, nisi Marcellus occasionem dedisset, ut de ipso miremur. Dioscorides enim inquit, anethi radices coqui, ut pastinacæ radices: hoc totū ex pungit, non alia de causa, quon quod ipsi uidetur anethi radices, pastinacarū modo coqui nō posse. Tu ipse huius rei i. dex esto. Paulus Aëgineta ipsum uocat anemion, Galli anet, Lusitani endres, Germani dull. s e n. Citri, & Dactylorum semina cōsequuntur. B R A. De his in pre senti nihil, quoniā paulopost in fructibus tractabuntur.

SEN. Ergo Cicutæ semina colligamus. BRA. Et cicutam Lappa, in herbis edocuimus. SEN. Iam recorder. Ad Lappam ueniamus. BRA. Nos uulgò, quoniam uestibus inharèt, grapellas uocamus. A Dioscoride aparine dicitur, te philanthropos, quia hominum uestibus inhereat, ac si hominem amet: notissimæ sunt apud nos lappæ, in Ferrariensi agro colligantur. Maior, & minor reperitur, & præter id in uarijs herbis lappæ sunt. Sed uera lappa ea rotunda est qua in officinis utimini, aparine à Dioscoride uocata: de qua Plin. lib. 21. cap. 17. inquit, in ipsa nasci occultis florem, qui semen parit, ut animalia, quæ intra se pariunt. A nonnullis Germanis kliten dicitur, ab alijs klebkraut, ac si dixerint tenaciter inharrens herba. Alia tu prosequaris. SEN. Iam seminibus ultimam manum imposui. BRA. Tam pauca semina in officinis habetis? SEN. Hæc tantum, nisi aliqua incuria omiserim. BRA. Post semina, quæ sequuntur? SEN. Fructus, sed prandij hora instat, & iam so. prope meridiem inclinat, ideo laudarem, ut in umbram illius mespili secedentes pranderemus. Mox quæ uespera scet nostro labori uehemētius intendemus: interim collectis herbis ordinem dabimus. BRA. Si Herbario placet, nunquam à tua sententia dissentire potero. HER. Quid mihi gratius contingere potuisset, ut interulam hanc sudore madidam exuere concedatur, & adeò bibere ut hanc sitim extinguam? SEN. En quomodo natura certam umbrā parauit, qua post prandium meridiari licebit. HER. Hic riuulus summe placet, in quo membra lauare disposui. BRA. Ne laues priusquam sudor cessauerit.

# EXAMEN DE FRUCTIBVS,

quorum in Ferrariensibus Pharma-  
copolarum officinis opus est.

SENEX.



AT IS meridiati sumus, & sol in oc-  
casum præceps uergit. Non erit ab re  
fructus omnes necessarios hodie collig-  
gere, ut saltem hac hebdomada in pa-  
triam reuerti liceat. BRA. Enume-  
rare incipias. SEN. Bacca lauri primum locum inter  
fructus possident. BRA. Quum lauri folia colligebas,  
baccas etiam in loculum posuisti, & tam breui tempore

Pinea. oblitus es? SEN. Nunc recorder, pineæ secundo ordi-  
ne incedunt. BRA. Melius est circa mare descendere,  
nam loca salsa amat. Nudos nucleos nusquam seruarem,  
sed pineam ipsam, quoniam suæ domi melius seruantur,  
quam quum exerti aëre circundantur, quippe ita nudi  
ex debili causa rancidi euadunt. SEN. Curribus indi-  
geremus. BRA. Nucleos saltem duriori cortice indu-  
tos habere studeas. SEN. Hoc fiet. BRA. Nunc qua-  
tuor pineæ genera distinguere omitto, hoc nostrū præ-  
dictum colligere suadens: à Gallis pignons, ab Hispanis

Auellana.

pinhones uocantur. SEN. Auellana sequitur. BRA.  
Nucem auellanam è corylo nasci constat: notissimus  
apud nos fructus atque frequentissimus: à Latinis præ-  
nestine, à Græcis pontice dicebantur: aliquæ rotun-  
dum nucleum habent, quæ citius maturescunt, & adeò  
præcoces

præcoces sunt, ut horarios fructus antecedant: alie oblongum, quæ tardius ad maturitatem ueniunt, & diu seruantur, ad eadem ualent. In Neapolitano regno sunt, qui ex auellanis prouentum maximum habent, quorum unus erat Nobilis Belingerius Caldorus, qui adeo ingētē prouentū singulis annis ex auellanis habebat, ut me pudeat referre, ne à uero dissentire uidear: ex auellanis exteriores cortices uirides, & capsam illam ueluti ligneam sub putamine positā, & pellem fructū tegentem seruato: hæc etsi in montibus nascantur, tamen ne aliubi quàm Ferrariæ quæras, ubi ingens copia uirescere cœpit. Hispani Latium imitantur, auellanas dicentes, & Galli auellencs: Germani autem haselnus, id est, nuces leporum uocant, quoniam his animalibus sapiant. Nos Ferrariæ nifolæ, alij nifellas dicunt. **SEN.** Amygdalæ occurrunt. **BRA.** Notissima sunt amygdalæ, siue dulces, siue amaræ sint: ex Apulia copia ingens affertur, non minori prouentu quàm auellana. Inter dulces meliores sunt, quas Ambrosinas, à loco uulgi nostrū appellat, adeo facillime degenerant, ut apud nos copia educari non possit. Radices amaræ colligito, & gummi arboris præter nucleos: dulcis uero solum nucleos, & cum putamine seruato. Ab Hispanis almandas, à Gallis almendes, à Germanis mandel appellantur. **SEN.** Carpobalsamum sequitur. **BRA.** Balsamum arbusculam esse in Iudæa tantum & Aegypto nascentem constat, quamuis Pausania in Arabia gigni scribat. Autores in eius figura dissentiunt. Dioscorides folia rutæ habere censet. Plinius libro duodecimo capite 25. uiti similiorem esse dicit, quàm myrio,

Amygdala,

Carpobalsamū



quamuis textus mēdosus uidetur, ut ruta legi oporteat. Pausanias quandoq; myrto, quandoq; sampsucho cōparat: etiā mēdosus est Plinius, quū tuberi eius foliū, asini-  
 miliari inuenies, tunc ruta etiam legas. De hoc quicquid sit, odoratissimū prae omnibus arbusculū est, Hierichunte Iudae oppido, quod uulgò Ierico dicitur (olim urbs ingens, nunc octo magalijs referta) potissimū ortum. Ne hic balsamum queras, sed quum naus quae singulis annis Hierusalem petit, Venetijs soluet, aliquem Iudaeam mittes, ut ex balsamo tria portet, fructum, id est, semen, carpobalsamum appellatum. SEN. Carpobalsamum habeo. BRA. Est ne id quod et alij pharmacopole pro carpobalsamo uendunt? SEN. Id inquam. BRA. Ita carpobalsamum est, ut tu es musca, quippe balsami semen ruffum est. SEN. Et nostrum eodem colore insignitur. BRA. Plenum est carpobalsamum. SEN. Nostrum autem uacuum existit. BRA. Propter hoc Dioscorides semine hyperico simili adulterari tradit, quod petra Palestine oppido affertur, & inane est. Adde carpobalsamum ponderosum esse, & seruide in gustu mordacitatis. SEN. Hec a nostro absunt. BRA. Imò gustum uini habere uidetur, & redolentiam succi balsami. SEN. Nec ista nostro carpobalsamo insunt. BRA. Non est ergo Carpobalsamum. SEN. Non, ut uidetur. BRA. Verum solo semine contentus esse non debes, sed liquorem uel succum, quod opobalsamum uocant, habere studeas. SEN. Iam habeo, & ualde antiquū. BRA. Est ne liquidum? SEX. Liquidissimum. BRA. Ob hoc balsami succus non est, quia uetustate crassescit.

SEN.

Opobalsamū.

SEN. Abs te boni opobalsami notas scire percipio.

BRA. Id libenter edocebo, & singulatim omnes notas

exponam. Primo recens liquor probatur, habens firmum

& syncerum odorem, non habeat saporem acidum, citissi

me penetret, habeat leuorē, linguā leniter adstringat, &

erodat. Verum quia pluribus modis adulteratur, opus est

indicia prauidere, quibus deprehendi possit. Nam uarijs

unguentis & oleis suo semini mixtis eius odorem præsē

tant, ut balsami succus esse uideatur. Quibus autem de

prehendatur uerus balsami liquor, edocebimus. Primo,

si laneæ uesti instilletur uerum opobalsamum, maculam,

aut maculæ uestigium nō relinquit: adulteratum inhae

ret, & maculam facit. Syncerus succus si lacti instilletur,

coagulat: quod non facit adulteratus. Aquæ, aut lacti in

fusus syncerus, quamprimū disijcitur, & lactis modo al

bescit: adulteratus fluitat sicut oleum, densaturq; & stel

la modo radiat. Syncerus uetustate crassescit, & bonita

tem suam amittit, ideo quod habet, à uero balsamo di

stat. Hi decipiuntur qui putant uerum balsami liquorem

esse, si proiectus in aquam descendit, mox sparsus emer

git: hic autem adulteratus est. SEN. Nondum huius

succi colorem edocuiſti. BRA. Id statim fiet, si in pri

mis animaduertes, sub cane huius loci incolas plenum cor

ticem incidere: plenum autem uoco eam partem, qua tur

gere uidetur. Id antiquitus ferreo cultro fiebat: uel, ut au

tores prodidere, unguibus ferreis: instrumenta enim erāt

unguibus similia. Sed quia uisum est ferro plantam lade

re, propterea ad uitrum, lapides, offcos uel cultros conuer

si sunt. Non est autem opus corticem trāsire, aut pusillū

Opobalsami  
boni notæ.

Opobalsami  
boni liquor in  
quibus depre  
hendatur.

disquamare: succus tota ætate manat, quem lana aut gossampio colligunt, et reponunt in cornu, postea in fistile. Nunc colores ex ordine au lias.

**Opobalsami  
veri colores.**

Primo, quando mustum est colorem candidum habet, et oleo crassiori similis est, deinde rubescit, postea durefcit, et translucidus fit: optimus lachrymæ color est modice ruffus: Secundus in bonitate candidus, peior uiridis, pessimus niger. Omnes hos colores, secundum principia et fines, quibus exire incipit, habet: et etiã magis ac minus molle existit. Tertium, quod in officina habere debet, Xylobalsamum est. SEN. Hoc habeo. BRA. Redolet ne balsami odorem? SEN. Minime. BRA. Propter id Xylobalsamum non est. Tamen ut exquisitius noscere possis

**Xylobalsamũ  
quibus notis  
deprehendatur.**

subsequentibus notis deprehenditur. Primo, balsami lignum recēs sit, habeat sarmentum gracile, rubens, odoratum, quod exiguum liquorem balsami spiret. SEN. Deinceps non decipiar. BRA. Nec quartã rem ex balsamo despicias. SEN. Quid hoc est? BRA. Cortex.

**Balsami cortex**

SEN. Non ne ligno eadem uires insunt? BRA. Non quidem, præsertim si is cortex sumitur qui è regione incisuræ est, ubi manat liquor, et lachryma emergit, quippe excoriari contingit. Vnde ut liquor ceteris partibus efficacior est, ita cortex surculis, et semina corticibus. At quia cortex difficilior habetur, quoniã plantæ excoricate intereunt, propter id ab autoribus tria tantum haberi curantur, xylobalsamum, carpobalsamum, et opobalsamum: id est, balsami lignum, fructus uel semen balsami, succus, liquor, uel lachryma balsami. Hæc de balsamo dicenda erant. Facile haberetur, si qui illuc mittuntur, do

tur, doctrina pollerēt, nec essent penitus ignari: hi enim statim credūt, quū à mercatoribus dicitur id esse opobalsamum, quod uendunt: ipsi uero ita cognoscunt, ut qui nunquam uidere. Vnde opus esset uiros doctos, atque experientia pradios pro his rebus emendis, qui in indicijs res cognoscerent, & mercatorū etiā iurijurando nō crederent. At optimi uiri nusquam inuenirentur, nisi magno pretio. Ideo eis ad amussim satisfacere uoluerim: deinde res suo pretio uendere, id est, quicquid insumpserint elicere, & præter id aliquid superlucrari. Ego si ægrotarem, huius sententiæ sum, res ueras decuplo pretio emere uoluerim, quàm nō ueris donari. Etenim nō modo nō proficiunt, sed plerumque maxime obsunt, ut possint ægro mortem accelerare. **S E N.** Garyophyllus sequitur. **B R A.** Garyophyllus, A nobis pertractanda non erant, quæ oculis nunquam uidimus, sed tantum legimus, & ab alijs (tamen fidedignis) audiuius. In India particulari quodam loco, arbusculum nasci tradunt, flores ferentem, qui in hoc granum terminantur, nigrum, odoratum, subamarum, in longum tendens, antiquitus pro odore utebatur: nunc & in ganeam transiuit, ut sine Garyophyllis despiciantur dapes: uulgò etiam garyophyllus nuncupatur, à Gallis girofle, ab Hispanis clauo, à Germanis negelin. Paulus Aegineta garyophyllum uocat, quasi habēs folia nucis, quæ odorata sunt, & optimi gustus, adeò ut nostri pharmacopola, & etiā Veneti his folijs, pro malabathri folijs utantur. Lusitana nauigatio garyophyllorum syluas inuenit adeò ingentes, & ubertim refertas, ut apud nos salicem. Apud Dioscoridem nō reperitur. Galenus & Paulus de eo pertra-

Etant: à Serapione garunfel uocatur. Recētes uocabulum corrumpunt, harnafel dicentes. Id esse constat, quod Aui-  
cenna secunda Canone, safar appellat. Venetijs arbuscu-  
lum in fictili plantatum uidi: folia ad foliorum nucum si-  
militudinem lata erant, non tamen adeo longa: propter-  
ea garyophyllus, id est, nucis folia habens ab aliquibus  
uocatur. At non sunt præcise similia: ob id Galenus ani-  
maduertit, non dici garyophyllum, quia sit folium nucis:  
sed quicquid Galenus cēseat, folia in nucis similitudinem  
uergere oculis deprehendi. Venetijs emendum hoc gra-  
num, nec lignum eius omittere oporteret, atque gluten,  
quod eius arbore emanat, id est, quoddam glutini simile,  
si haberi possent: folia etiam seruanda utpote fructu de-  
bilia, & in debilioribus ægritudinibus magis quam fru-  
ctus efficacia. Probantur garyophylli quorum color ali-  
quo modo in ruffum inclinat. lubent Arabes & sua arbo-  
re singulos manibus sumi. Referunt Lusitani horum nido  
Piper, rem per longum spatium in mari sentiri. SEN. Piper  
sequitur. BRA. In pipere etiam, quod Serapio fulfel  
appellat, id dicā, quod de garyophyllo aperta fronte fas-  
sus sum de his rebus nobis incognitis, antiquioribus cre-  
dendum esse: quæ ab Arabibus dicuntur, omnia à Diosco-  
ride deprompta sunt. Nos (ut ad sensum ueniamus) qua-  
tuor piperis genera habemus, longum, album, nigrum, syl-  
uestre. Tria prima genera ex una arbore nasci Diosco-  
rides testatur, & ita ratio dicat: facit enim piper ueluti  
siliquam, quæ si colligatur, priusquam parua granula,  
quæ in ipsa apparent, crescant, & arescant, longū piper  
appellatur: quum uero creuerint, si aliqua grana absque  
mat

maturitate legantur, album piper dicitur: si enim longum piper fregeris, statim alba granula parua uidebis, quia immaturum est: quum uero maturitatem acquisuerint, nigrescunt, præsertim quum ui solis exiccantur. Id autem fabulosum est, nigrum esse piper, quia igne aduratur, nã ob serpentum copiam colligi non potest, nisi prius igne fugentur, qui piperis grana nigra & rugosa efficit: sed hæc anilia fabulamenta sunt potius, quàm uera. Constat ui solis denigrari, & rugosa euadere, quæ prius uiridia erant. Venetijs piperis arbusculam uidi albæ uiti similem, quæ in sepibus nascitur. Lusitani, qui Indie partes lustrarunt, fatentur se multa arbuscula, non autem arbores uidisse, piper ferentia: nunquam tamen uel longum, aut album uidere contigit, sed omnia grana uiridia erant. In longo autem quod ad nos affertur, grana in similitudinem granorum milij esse constat, & ut Dioscorides inquit, albicantia: sed hanc controuersiam in aliud tempus differamus, quippe nunc Ferrariæ piperis arbusculum in fictili apud Magnificum Comitem Ioannem Romeum uiret: nec in horto Magnifici Antonij Mariæ Nigrifoli, multis herbarum generibus referto deest, quicquid ferat hæc arbuscula: hoc autem altero anno uidere licebit. Adest quartum genus piperis, sed syluestre, quod piper longum esse arbitror, at ex soli & cœli uarietate degenerauit: huic ruffa grana insunt, non alba. An decipiantur qui hydropiper esse contendunt, nunc demonstrare nõ pergam. Tu tria piperis genera Venetijs emes, & radicem (si habere poteris) quæ Costo similis est, hæc enim rei medicæ proficiunt. A Germanis pfeffer communi nomine

omne genus piperis appellatur. De quo finitum. esset: nisi in mentem uenisset, Magnificum Catharinum Zenum Patritium Venetum superioribus annis quū essem Venetijs cum Illustrissimo Alphonso Ferrariæ Duce, piperis grana saccharo condita, quando recentia erant, eidem principi ostendisse: quorum unum ego comedens suauissimum condimentum esse deprehendi, & uentricu-

Pruna. lo commodum. S E N. Pruna sequuntur. B R A. Dioscorides adeò concise prunorum genera tractat, ut unum aut alterum uix describat. Plinius & Theophrastus longius: recentes nonnulli exactissime rem pertractant. Dioscorides solum Damascena prosequitur, quæ etiam nostri pharmacopole exiccant & seruant: apud nos degenerant: quandoque in pectoris decoctiones pruna ingrediuntur, tunc damascena intelligenda non esse arbitror, utpote acria, & adstringentia. Quam ob rem pharmacopolis suaderem uaria prunorum genera eligere, & seruare, tam domestica, quàm syluestria, & præsertim ea quæ ex Tarraconensi provincia in Italiam delata sunt: nos ea uulgò Catalonia nuncupamus, à parte Hispaniæ Tarraconensis ita appellata, è qua ad nos uenere. Nec despicienda quæ myrobalanos uocamus: hæc alio nomine ex pingui succo à nonnullis Lardaria, à Lardo appellantur. Infinita propemodum alia genera habentur, nigra, alba, uersicoloria, ordeacea, cercola, purpurea. Sed tuæ officinæ satis erit quatuor tantum genera habere, damascena, myrobalana, catalonica, & syluestria, quæ uulgò brugnoli, quasi pruncola dicuntur. Galenus in damascenis prunis, miratur Dioscoridem adstringere, scriptum reli

reliquisse, quum experimento uideatur ipsa soluere. Nos autem de Galeno miramur, qui non animaduertit Dioscoridem de damascenis prunis loqui, & siccis, quæ præter id quod sicca sunt, gustum etiã acrem habent, & adstringentem: propter hoc iubeo, ut in officina sicca habeas, quæ adstringenti gustu carcant, ut Catalonica sunt, quæ ex Hispania uenerunt, & ut Aëtius inquit, dulcioris succi gustatur: quãuis ipse hiberica, id est, Hispana, absoluto uocabulo nuncupet, eadẽ tamen sunt cũ his quæ catalonica dicimus, quæ eodem autore, uentrem potentius ducunt. Verum & pruni arboris folia seruãda, & gũmi uel lachryma quæ circa truncum scaturit, quam nos uulgo grungum appellamus. Pruna à Germanis pflaumẽ, à Gallicis prunes, ab Hispanis Endrinas uocantur. **S E N.** Sumachi sequuntur. **B R A.** Latinam formam saltem imiteris, sumachia dicens, non sumachi: sed fortè melius est barbarum nomen barbaro more enuntiare. In Bononiensibus montibus magna sumachiorum copia habetur, & in istis etiam non mediocris. In Ferrariensi etiam solo transportatũ nascitur, sed ineptius & inefficacius. Ideo hoc in loco colligere opportunum erit. **S E N.** Non colligam priusquã mihi dixeris quo nomine ab antiquis appellatur. **B R A.** Racemi, aut ueluti racemi, qui ex hęc arbuscula nascuntur, ab antiquis, & nostro etiam tempore pro aptandis pellibus sumebantur, sed & folijs hoc etiam conficiebant. In hoc genere fœmina & mas reperiuntur: mas fructificat, fœmina non, quod in alijs arboribus è contrario reperitur. Vua, id est, eius fructu ad obsonia utebantur, ut sapidiora fierent: nos sole, re

Sumachia.



pretiosiore, utimur: utebantur & ad leuigandas ac densandas pelles, ad idem nunc utimur. Apud antiquos nomen acquisiuit Rhus obsoniorum, ut Dioscorides testatur. Apud nos nihil de obsonijs, sed rhus sutorium vocamus. Vnde Rhus duo genera habet,  $\rho\alpha\gamma\epsilon\gamma\iota\kappa\omicron\varsigma$ , quo ad obsonia utebantur: &  $\beta\upsilon\zeta\omicron\omicron\delta\epsilon\iota\mu\omicron\varsigma$ , id est, eo quo ad densandas pelles utebantur. Vnde apud uulgus sumachios nomen acquisiuit, quia pelles nonnullae sunt, quae à gentibus quibusdam sumachiae uocantur. At quia hoc Rhu aptantur, propterea Rhus ipsum, nomen hoc sumachium uel sumach acquisiuit, quamuis sint qui pelles sumath appellant, & ex consequenti Rhus sumathi nomine oportebit.

**Myrtillus.** s e n. Myrtilli occurrunt. b r a. De myrti semine, id est, myrto, genere neutro, uel foemino (ut Catoni placet) quum herbam ipsam colligeres, pertractauimus. Hoc tantum addam, antiquos hoc semine pro pipere usos esse, & in summo honore habuisse. Nunc etiam baccharo conditur. Quod nullus ante nos (quem sciuerimus) fecit, optimum uarijs egritudinibus condimentum, & agris magnopere placens. Ab Hispanis mir

**Iuniperus.** tinhes, à Gallis mirtilles appellatur. s e n. Iunipera sequuntur. b r a. De iuniperi granis eodem loco docuimus, quo etiam ostendimus Serapionem iuniperum & sabinam confudisse. In maritimis potissimum querenda sunt: à Gallis genesiure, à Germanis vvkherderber, aut kramazber, id est, turdorum baccae appellantur: his enim turdi pinguescent, & carnem bene olentem faciunt, ut nullo tempore ganciae aptiores sint, quam quum iu-

**Carica.** niperus maturum fructum habet. s e n. Carica postea acce

accedunt. B R A. Hic locus expeteret, ut de omni ficu sermo haberetur, nisi omnia breuibz transigere instituissemus, quæ apud Ferrarienses pharmacopolas in usu sunt, quanquam & hoc Venetis, Patauinis, Bononiensibus, Mediolanensibus, & cæteris totius Italiæ, ac reliqui orbis inserviet: tamen instituimus apud nostros potius latere, quàm ab alijs derideri. Ad rem nostram accedentes, tot ficuum species sunt, locis, colore, figura, & tempore quo maturantur, distinctæ, ut nullus sit modus. Aliàs rem probè aperiemus: ficus aridæ cuiuscunque generis sint, carica appellantur, ischades à Græcis: quamvis & Paulus Aegineta uocabulo carica utatur, & etiam nomine ischadum recentes intelligunt. In Picenum mittere oportet, quam Italiæ partem Marcham Anconæ uocant, ubi probatissimæ nascuntur, & ingens copia Ferrariam adducitur, quæ pediculis oblongis cannis infiguntur, & parte extrema. Liuianæ dicuntur à Liuiâ Pompeia. Ex ficubus, caricas in officina habeas pingues, & agrestes ficus, qui caprifici nuncupantur, & caprificorum summos caules, atque ipsorum lac serua. Optimas caricas ex Piceno Ferrariæ habebis. In parietibus etiam pluribus caprifici innascuntur. A Gallis figues, ab Hispanis figes, à Germanis feigen nuncupantur. S E N. Passule accedunt. B R A. Vux passæ dicuntur quæcunq; uux exiccate, à patiando, ut Plinius 13. libro, capite primo docet. Columella rationem præparandi ut passæ fiant scriptis tradidit: quamvis Græci alio modo utantur, quia eas faciunt exiccari in uite, postea loculis stringunt: hæc autè nihil ad rem. Vsu uenit apud nos, ut tatum passam uuam

uel passulus appellamus, quæ ex Græcia afferuntur grana parua, quæ tamen & nunc Ferrariæ nascuntur. Magna autem grana, uel ex nomine uue, ut illirica, Zibiba. Vel simpliciter siccam uuam appellamus, & hoc non immerito, quia uua habens granula parua, acinis caret, ideo aptius ea utimur, cum in uiuarijs, tum in re medica. Cœpit autem haberi & Ferrariæ, sed non adeo effi-

**Lingua passa.** cax, nec tali gultu, quali orientalis insignitur. Nostra autem lingua passa dicitur, quia quam reponitur, nec penitus sicca est, nec recens, sed flaccida, ex qua fit unum passum, quod & si multiplex genus sit, & à maiori uua fiat, tamen pro ipso uocatam maluasiam, quasi monembasiam à loco accipimus. Creticum uinum etiam per excellentiam nuncupatum. In tua officina albas & nigras passulas habeas: quippe ad diuersa ualent, Dioscoride teste. Nec passum uinum prætermittas, de quo in nostro de uinis libro egimus. Venetijs hanc uuam emes, quæ illic ex Græcia importatur: unde à Galis uua Corinthiaca appellatur. Inquiunt enim suo idiomate resins da Corinth. Ab Hispanis passas, à Germanis rosen dicuntur.

**Iuiuba.**

**S E N;** Iuiubæ occurrunt. **B R A.** Zizipha à Latinis appellatur, quæ potius bacce uidentur, quam poma: licet autores inter poma numerent. Peregrina arbor, de qua nusquam Dioscorides: Galenus tamen, Aëtius, Paulus, Plinius eam cognouere. Duo genera reperiuntur, candidum, & uocatum sericum à colore, ruffum enim est: ruffum tantum habemus, candidum nunquam uidi. Ab antiquioribus tuberes, prima syllaba correpta dici uidentur, è Syria in Italiam Augusti temporibus delatum.

Aëtius

Aëtius & Paulus, ædesina cæteris præferunt. Sunt autem <sup>Zizipha ædesina.</sup> ædesina maiora, à recentioribus medicis pro tussi exhibentur, in decoctis pro pectore: hoc à Galeno uitio uertitur, utpote quæ potius incrassent, quàm attenuent. Eo igitur ziziphis utemur, quum crassa materia reddenda erit, sed medici passim pro attenuanda materia ziziphis utuntur, & hoc ab ignavis receptum est, ut nulla sit pro Thorace decoctio quin zizipha sumat. Optimus seruandi modus est si acu perforentur, & lineæ insuantur, ut mulierum indices imitari uideantur, quibus numeratas preculas singulis diebus Deo pendunt. Ferrarie hi fructus copiose nascuntur, sed serotini sunt. Eius semen lapides frangere dicitur, & è renibus quàm citò expellit. Pellem maxime inherentem habent, ut si quis zizipha comederit, à palato auellere non possit. Ab Hispanis macans, à Lusitanis danafega, à Gallis iuiubes appellantur. SEN. Oliuæ sequuntur. BRA. Oliua, Longiori historia oliuæ percurrere essent, quàm nostra hæc pertractatio exigere uideatur, nisi esset notissimus fructus. Interim tu in Mutinensibus ac Regiensibus montibus, ex soluestri olea, id est, oleastro, folia, & foliorum succum parabis. Fit autem hoc modo succus, ut Dioscorides tradit: Tonduntur folia, & uino aut cœlesti aqua asperguntur, postea exprimuntur, & siccatus in sole siccus in pastillos conformatur. Quod uero in oliuarum ligno ex incenso exudat liquor, & ipse seruandus, seruande & uirides oliuæ, & nigrae, & per se, id est, sine condimento exiccatae, & cum muria, quæ à Græcis colymbades appellantur, quasi muria

innatantes, uel habmades à sale. Seruande sunt & sanse, id est, nuclei medij, quoniam rei medicæ proficiunt. **S E N.** Id agam, de oleo autem nihil dictum est. **B R A.** Nunc quæ olea seruanda sint edocbimus. Ex immaturis oliuis oleum seruare oportet, & hoc ex domesticis, & syluestribus seorsum, si haberi poterit, & ex maturis. Primum, omphacium dicunt. Nec primæ expressionis oleum deferas, ad odorata olea preparanda, quæ herbarum ac florum odorem seruet. Ex olea Aethiopica lachryma emanat, quam Dioscorides summè commendat. Iudicatum est esse gummi helemi, de hac re incertus sum. A Gallis oliues, ab Hispanis azetunas oliue nuncupantur.

**Dactylus.** In Germania non sunt. **S E N.** Dactyli sequuntur. **B R A.** Palmule appellantur, & cariotæ palmule. Babylone uina fiunt ex palmulis, quæ in toto oriente præcipua existimantur. Cibus etiam sunt palmule, & ex ipsis acetum ac mel fiunt, & farina. Nucleis pro carbonibus utuntur, & aqua macerati equis pabulum præstant. Nuculorum tegumenta ad unguenta præparant. Nos dactylos uocamus, quum una sit sola species dactylus appellata. Apud antiquos tres species reperiuntur, de quibus alias ex instituto differemus, fructus è palma est. Venetijs ex Aegypto habetur: ibi cmes, quanquam & in Italia palma, regno Neapolitano nascatur. Vidimus nos Sawonæ palmam post Episcopij testudinem. Fabulosum arbitror palmæ lignum contra pondera inniti ac recuruari, experientia etiam debile lignum esse demonstrante. Nuculorum cinerem combustorum etiam seruabis. Nec cortex prætermittendus, qui elates dicitur: est autem  
palma

palmularū operimentum, quamuis in hoc dissideant interpretes, quippe Dioscorides corticem putat. Plinius autem libro 23. capite sexto, elatem uel spathen priuatim genus palmæ censet, cuius fructus inuolucrum sit. Vnde uel deceptus est Plinius si de elate Dioscoridis loquatur, ut eadem uires, quas illi imponunt, insinuare uidentur, aut rem diuersam tractat Plinius. Re uera palmulas cortici inuoluto implicatas uidimus, & extra corticem, & diuersarum specierum esse ex figura uidebatur. Quandoque fructum illum quem musam uocamus, Plinij elatem esse opinabar. Sed Venetijs musæ Illustrissimo principi ALPHONSO Duci Ferrariæ in similitudinē prunorum crassorum præsentatæ sunt. Arbitror Venetos, & qui ex illis partibus ad nos accedunt, uocabulum corrumpere, & non musas appellandos hos fructus, sed muzas: nam eorum lingua, muza, mite significat: sunt autem dulcissimi fructus, ut mihi tunc gustare licuit. imò Muza est Mauritanum nomen, quamuis & qui ex Arabia sunt eo utantur. Dactyli à Galis dantes, ab Hispanis tamaras, à Germanis datel appellantur. s e n. Ad poma ueniendum. B R A. Antiquitas hoc nomine pomum uel mālum omnes fructus, præsertim tenellum corticem habentes, significabat. Paulatim cessit, ut in rotundis tantū, & specie quadam determinata uteremur. Dic tu quibus pomis in officinis utimini? s e n. Dulcibus, acribus, & muzis, id est ( ut Auicennæ placet ) saporem nec dulcem nec acerbū habentibus. B R A. Quibus nominibus à Ferrariensibus appellantur poma, quæ in syrupis de pomis accipiunt? s e n. Rosa, & piola dulcia sunt, fortuna, mu

sona acerba: media uero pupina nuncupantur. B R A.  
 Quæ rosa dicuntur, apud antiquos fortè erāt melimela, à  
 meleo sapore, à Varrone mustea uocata. Piola uero, quæ  
 appia ab Appio nuncupabantur. Pupina, afromela for  
 te erant: Fortana, austera dicebantur, & musona à nobis  
 dicuntur: quamuis crediderim potius orthomasticas mu-  
 sonas nostras ab antiquioribus dici, ob similitudinē quam  
 cum mammis habent prædicta melius considerans. In po  
 mis rosis sententiam mutavi, ea enim esse arbitror, quæ  
 ab antiquis Claudiana uocabantur: & piola sceptiana,  
 quæ sunt rotunditate insignia. Verùm hæc discrimina ad  
 artem medicam modice ualent. Quam in descriptionibus  
 quæ receptæ nuncupantur, poma scripta sunt, saporem  
 aduertas, et gustu similia quæras: nam in receptis dicitur  
 poma dulcia odorata, austera odorata, ( quamuis raro  
 austera sint & odorata simul ) medijs saporis: tunc gustu  
 discernere, in hoc sapore insigniatur quæ emeris, & ad cō-  
 positionem utaris. Ex malis folia etiam in officina habe-  
 to, flores, & coliculos. In pomorum historia, omnia anti-  
 qua nomina recentibus accommodare ( ut fieri poterit )  
 tentabimus. Germani absoluto uocabulo apfel poma uo-  
 cant. S E N. Nec Cotonea deserenda. B R A. Cotonea  
 in duplici genere sunt. Magna quædam & pulchra, ab  
 antiquis struthæa uocata, interq; albicāt aliqua, alia colo-  
 re aureo micant, & Chrysomela dicuntur. De quibus for-  
 tè Virgilius, Aurea mala decem misi, cras altera mittam.  
 Quam struthæa degenerant, in parua sylvestria, odora-  
 ta tamen transcunt: hoc Theophrastus secundo de plan-  
 tarum historia animaduertit, & nos experientia uidimus  
 in ruscu

in rusculo nostro. Inquit autem Theophrastus, ex struthæo, id est, maiore cotoneo, paruum fieri. struthæa serotina, mustea præcocia. Rustici Ferrarienses in duo genera partiuntur, in rotundum, & oblongum: rotundum mala cotonea, oblongum pira cotonea nuncupantes. Tu quum Ferrariæ eris, priuatim mala cotonea, & pira seruabis, & harum arborum folia. Struthæa minus rei medicæ proficiunt, sed magis in ganea. Vera cotonea quæ parua sunt, rotunda, odoratissima, efficacius ad ægrotudines ualere existimantur. Vinum etiam ex cotoneis parabis, quod recipit succi cotoneorum sextaria sexdecim, mellis unum. Nec melinum unguentum prætermittes. Denique compositiones illas, antiquis tamē ignotas, quas citonites, & gelatines appellamus, summo studio parare curabis. Cotonea à nonnullis ita dici existimantur, quoniā lana quadam tegi uidentur, quæ coton dicitur. Reuerendissimus una & doctissimus Cælius Calcagninus, præceptor in literis humanis nunquā pœnitendus, cydonia ab urbe Crete uocat. Semē quoque ne despexeris, & mucilaginem, quæ inter grana reperitur: hoc enim pro gummi mulieres utuntur, his demptis ad quæ in re medica ualent, imò & lucem quandam, ac splendorem sibi parant eadem impudicæ mulieres. A Germanis cotonea quiten, à Gallis Coing, ab Hispanis Membrilles appellantur. **SEN. Pira** sequuntur. **BERA.** Infinitæ sunt propemodū pirorum Pira species, de quibus ita alius agemus, ut nomina antiqua recentibus accommodare deprehendatis, in his ubi accommodari possibile erit. Constat enim per uariam insitionem plura pirorum genera apud nos extare, quam



ab antiquis tradantur: longius enim rerum usus, & uaria diuersarum specierum miscella, uariis species inuenit, & adeò creuit ars, ut audeat etiam diuersorū generum insitionem tentare, quo gustus alter fructui condonetur. Nunc ad rem tuam redeunt, pira crustumina seruato, quæ à nobis giaciola uocantur, & etiam syluestria illa obdura, quæ non nisi hyeme maturescunt. Serua etiam folia, & ex ligno puluerē, nec alias urbes quæras, aut aliud solum, in quo poma, pira, atque cotonea colligas, quàm nostrum Ferrariense, in quo hæc copiosè nascuntur. A Gallis poyres, ab Hispanis peas, à Germanis pirn pira nuncupantur. Nunc etiam multa ex piris condita fiunt antiquioribus ignota, & præsertim ex superbis piris, quæ nos muscardina ab odore muscati, quem habent uoca-

Sorba. mus. SEN. Sorba accedunt. BRA. Notissima hæc sunt, à Theophrasto & Plinio diffuse perlustrata, quæ à Græcis dicta. Aliqua oui figuram, alia rotundam habent: aliqua etiam domestica est, alia sylvestris: tu domesticam seorsum, ac satiuam colliges, & ex utrisq; acerba, & matura seruabis: præterea acerba mole, & in farinā redigas. Receptum est absolute sorba adstringere, quod in maturis falsum est: nam matura uentrem laxant, acerba adstringunt, uel non perfecte matura. Hispani sorus, Galli cormes appellant. An uero apud Germanos holczapfel dicantur, disputare non ausim, præsertim in aliena lingua: tamen si fructum uidemus, quod eo nomine uocant, potius sylvestre pomum uidetur, quàm sorbum: at

Mala granata. speciesque sorbum uocare certum est. SEN. Granata mala sequuntur. BRA. A granis ita dicta: Punica à regione

gione qua nascuntur. Græci φοῖα uocant, de quibus in Balaustio egimus. Nam dulcia & acria, et malicorium, & cytinum, & cicum, & grana, & folia seruare oportet: habet enim in re medica uires, in tot partibus efficacissimas. **S E N.** Nuces cupressi in limen ueniunt. **B R A.** Nux cupressi Notissima sunt: tu in his monibus pilulas, id est, nuces, & semina (quæ difficulter colliguntur) & folia seruato, quanquam opus non sit, quum in multis locis Ferraria perpetua fronde uireant. Ab Hispanis praesertim ex Lusitania nox de cipresso, à Gallis fouchet dicuntur. Germani quoq; cyparissum cipressi uocant. **S E N.** Nux methel, thel & nux uomica sequuntur. **B R A.** Hos duos fructus, uel duo semina sint, nunquam apud antiquos aut recentes Græcos reperi: ideo Arabibus gratiæ agenda, qui hæc scriptis mandarunt, & nobis indicarunt. Illos autem uehementer reprehendo, qui inclamare solent Arabibus derogantes, pulchram rem ostendunt, nam uenenum manifestat. Sed ô fatui, et ineptissimi uiri, non ne & Dioscorides napellum, mel insanum, strichnon maniacum descripsit, & infinita alia his magis uenenosa? Sed hæc Arabum nuces pro conciliando somno, pro uomitu irritando, pro capiendis piscibus & auibus, pro interficiendis canibus, summe ualēt. Vidi ego Magnificum Alexandrum Farusinum, qui carnes, nucis uomicæ puluere aspersas cani deuorandas tradidit, hic spatio unius horæ, & minori saliens obiit. Corui etiam eiusmodi carnem comedentes, per breue spatium uolantes decidunt, pisces etiam adeo sopiuntur ut fluitent supra aquas, manuq; capiantur. Nos etiam miras portiones somnificas ex his nucibus parauimus. Decipitur

Pandectarius, uomicam nucem esse apud Dioscoridem secundam speciem tithymali tradens, quam Carifeti (ut inquit ipse) uocat: debuit autem scribere Carietem. Hanc uero non esse id testimoniū esse potest, quia in tithymalo rami semipedales à radice exeunt, sed nux uomica frutex est: nam Serapionis interpret, quum debuit interpretari frutex, fructus interpretatus est: inquit enim Serapio, fruticem nucis methel esse similem frutici nucis uomicæ: de fructu autem non loquitur, quia hi distincti sunt. SEN. Nondum quid sint aperuisti. BRA. Ingenue fateor, usque ad hoc tēpus à me hos frutices ignorari, breui autē plantas uidere spero, quas nec Arabes pingūt, tantū à Serapione in uomica nuce hæc dicuntur. Colorem eius esse inter glaucedinem, & albedinem, & paulò maiorem auellani esse (loquitur autem de auellanis suæ patriæ) & sunt in ea nodi. Ex his notis nucem uomicam exquisitè cognoscimus, nam ea uerè est, quam habemus, & Venetias Alexandria Aegypti affertur. At figuram arbuscule eam generantis non docet, nec folia. Vnde si hanc arbusculam, absque seminibus uiderem, an ea esset quæ nuces uomicas parit, ignorarem. De nuce methel nihil aliud dicit, quàm fruticem esse nuci uomicæ similem, & semen esse semini citri simile: quo in loco errorè esse arbitror, ut semē citri legi nō debeat. Alter autor nucem methel mandragoræ comparat, & corticē asperū habet, & sapor eius est delectabilis, unctuosus: hæc signa sunt quibus Arabes hæc indicāt, quæ omnino nihil ostēdūt. Quā ob rem hanc nucē uisū potius & experiētia cognosco, quàm uera aliqua descriptione. Certe autē constat hæc semina  
à Lati

à Latinis aut Græcis nunquā fuisse descripta. **SEN.** Mirabulani sequuntur. **B. R. A.** Myrobalani dicito, à balano, & Myrobalanu myron, id est, glāde odorata uel unguentaria. Antiquioribus ad unguē perlectis, constat de uocatis ab Arabibus myrobalanis, nunquā loquutos esse, tamē hoc nomine myrobalanus utuntur. Dioscorides in primis ubi de palma tractat, myrobalanorū, et phœnicomyrobalanorū meminit, qui palmæ fructus sunt. Phœnicobalanus immaturus adstringit magis, minus uero maturus. Plin. quoq; lib. 12. cap. 22. myrobalani & phœnicobalani recordatur, esse fructū cuiusdā palmæ in Aegypto, quæ ad ipsos uocatur quasi sine siti: hāc Dioscorides poma, id est, poculū uocauit, nepe humore plurimo abundat. Hæc sunt quæ apud antiquos de myrobalanis reperiuntur, quāuis & Plin. eodē loco fecē unguēti myrobalanū appellari fateatur. Quod autē antiquorū myrobalani nostri nūc uocati esse nō possint, ex hoc apparet, quoniā antiquorū myrobalanus offe carebat, ut Plin. testatur, sed nostrū hoc uulgare habet. Altera quoque res apud antiquos est glans Aegyptiaca, myrobalanū, aut myrepsicembalanū appellatum, ex qua balaninum unguentum fit: fructum esse Dioscorides inquit libro quarto ex arbore myricæ simili nuci auellane, quam ponticam dicunt æqualem. Theophrastus quarto de plantarum historia, myrto comparat, Plinius heliotropio. Corticē huius glandis unguentarij premunt, odoris gratia. Quicquid tamen sit, constat Arabum myrobalanos hos non esse, nec ab antiquioribus usquam describi. Pandectarius miro errore ducitur, qui arbitratur Pliniū grana been myrobalanos putasse: quum nusquam de

Been loquutus sit Plinius, nec Græcum aut Latinum nomē sit been. Ipse autē ad cō id Plinio attribuit, ac si de eo sub hoc nomine been loquatur. Non erat autem opus myrobalanos eos fructus quos habemus appellare, sed Arabum interpretes fuit, qui ubi halilig habent, ipse myrobalanus interpretatus est, ut inde multi decepti sint antiquorum myrobalanos halilig esse putantes. Nos autem hos Arabum myrobalanos in prunorum aut pomorum genere ponēdos arbitramur. In uarijs ægritudinibus efficacissimi sunt, pro his Arabibus debemus, qui nobis hos optimos fructus tradiderunt, et eorum uires edocuerunt. Quinque eius species nouisti citrinos, belitricos, chebulos, emblicos, indos. Venetijs emes, quoniam Alexandria Aegypti Venetias feruntur. SEN. Ego uno carmine omnes comprehendo. BRA. Tuum hoc carmen edisseras. SEN. En,

Myrobalanorum species sunt quinque bonorum:

Citrinus, Chebulus, Belitricus, Emblicus, Indus.

BRA. Pulchrum certe est, sed tu memoria serua, mihi satis est absque carmine recordari: in summa apud antiquos non sunt hi myrobalani. Vnum tamen est in quo admiratus sum Excellentissimum Manardum in myrobalanis, quia non habeat, in quo Mesuem reprehenderet, nam ab antiquis non tractantur, ut saltem uellicaret, inquit: Bene sunt examināda quæ de uiribus myrobalanorum à Mesue dicuntur, quoniam nullum habuit quem sequeretur bonū autorē. Ac si Serapio in rebus Arabicis ineptus sit autor, et ceteri Arabes quos imitatur, et Auicenna, et ipsemet Mesue, quos summos medicos fuisse nemo dubitat,

dubitat. Adde quòd hæc domi habebant. A Gallis mira-  
 bolans, ab Hispanis mirabelanes dicuntur. S E N. Nux Nux moschata  
 moschata sequitur. B R A. A miro odore quæ habet, nux  
 moschata uocatur. Apud antiquos, ut Dioscoridem &  
 Theophrastum, nihil de ea reperitur. Posteriores autem  
 caryon myristicon, id est, nux myristica appellant, & ita  
 in Latinum celsit, ut hoc nomine diceretur. Ex hac fieri  
 macim certum est: pretiosissimus fructus est cū odore,  
 tum proprietatibus, quibus in re medica ualet. Lusitani,  
 qui Indiæ partes lustrarunt myristicarum nucum sylvas  
 inuenire. Hiq; decepti sunt, qui glandem unguentariam  
 esse putarunt, de qua in 4. libro Dioscorides, & nos su-  
 præ nonnihil, & infra magis. Venetijs emes, quoniam ex  
 India Alexandriam, Alexandria Venetias feruntur. Nūc  
 ex re medica transiuit in ganeam, ut paucissima sint pul-  
 taria, quæ nux myristica non ingrediatur. A Germanis  
 moscht simpliciter, & cū additione nus, moscht nus pro-  
 fertur. A Gallis nois muscades, ab Hispanis noiem mosca-  
 da. S E. Tamar Indi sequuntur. B R A. Quis etiā nō ama Tamar Indus,  
 bit Arabes in tamar Indis? id est, in dactylis Indiæ, quorū  
 nulla est apud Græcos mentio, ut etiā Auerrois testatur,  
 soli Arabes hos fructus nobis tradidere, & eius uires. Er-  
 rant qui Dioscoridis & Plinij myrobalanum esse suspi-  
 cantur, & qui prima facie non uidit myrobalanum anti-  
 quorum osse, id est, nucleo & semine carere, tamar Indū  
 uero nucleum habere. Hoc loco uideo excellentiſſ. Ma-  
 nardum sine ratione Mesuem reprehendere. Inquit enim:  
 Tamar Indus sit phœnicobalanū Dioscoridis, Mesue di-  
 cit soluere, quod Dioscorides adstringere fatebatur. At

diuersa sunt, ut liquidò patet, nec opus erat cauillari in Mesue, ut Manardus facit: nam Mesue in 2. frigidū & siccam, Auerrois in 3. indicat: quoniam aliqui Mesue codices in 3. legunt, & id ex eo credi potest Mesuem sensisse, quia Serapionem & Auicennam imitatur, qui in 3. gradu ponunt. Erat igitur potius excusandus Mesue, quam absq; certa oratione damnandus. Tu Venetijs Tamar Indos emes. Rectius Hermolaus in Corollario sensit ubi de cariota, quippe inquit recentiores id uoluisse, scilicet palmulas illas Tamar Indos esse: ipse uero inficiatur. Ab Hispanis eodem nomine, à Gallis Tamarins uocantur.

*Cassia fistula.*

*SEN.* Cassia fistula sequitur. *BR A.* Vel duplici ss. cassia scripseris, ut Græci faciunt, uel uno tantum, nihil refert, modo rem ipsam assequi contingat. Quum apud antiquos cassiam syringa, id est, fistulam inuenies, semper opus est nostrum cinnamomum intelligere, quia uerum antiquorum cinnamomum non habemus, ut suo loco uidere licbit. Quod autem nunc cinnamomū uocamus, uel

*Cassia syrix.*

canellarescunt antiquorum cassia syrix, tum Græcorū, tum

*Cassia lignea.*

Latimorum, & ab Arabibus felicha uel felch (ut apud Serapionem uidere est) appellatur. Eius interpretes Cassiam ligneam exponit. Ideo quum apud recentes cassia lignea dicitur, canella intelligitur: quum uero apud eosdē cassia fistula scriptum est, cassia illa, quæ uulgò habetur, & cassia nuncupatur, ac educit, ut hinc uideas à recentibus nomina confundi, primo canellam, cinnamomum, & cassiam ligneam appellant, licet pro cassia lignea, insipide & inodora canelle nunc frustra ostendant. Deinde cassiam quæ educit, cassiam fistulam uocant. Pri-

mus qui hunc errorem fecit, fuit Serapionis et aliorum Arabum interpres, qui ubi dicunt *hiarsamber*, *castia* fistula interpretatus est: quum debuisset interpretari *cheratte* longa. Vbi autem *Serapio* *felicha*, uel *felche* dicit, *castia* lignea interpretatur: quum absolute *castia* interpretari debuisset, aut cum hac additione *syringa*, id est, fistula: nam proprie apud antiquos *castia* fistula ea est, quam nos *canellam* uocamus, quia uti *canna* inanis sit. Hinc recentiorum ingens error detegitur, qui in suis receptulis ad prouocanda menstrua, in quibus scriptum est *castia*, ipsi corticem *castie* nostrae usualis sumunt quae *cheratte* longa est, uel (si Latine magis loqui uelimus) oblonga siliqua. Quum tamen antiquiores a quibus receptulas sumunt, per *castiam*, nostrum uocatum *cinnamomum*, id est, *canellam* intelligant: non autem uerum *cinnamomum*, eo enim caremus. Ad rem igitur accedentes nostra haec *castia* apud antiquos ignota erat: nullus enim reperitur ex antiquioribus qui eam uel a longe describat aut nutibus ostendat. Ideo plurimum in hoc pretioso fructu Arabibus debemus. Optime in *Dioscoridis* *castia* ab *Hermolao*, haec Arabum describitur. Quum adhuc recens est, simul cum cortice conditur, et soluit, non tamen plenius, quam quod florem *castie* appellamus, nec grana melius soluit, ut falso putat *Manardus*, imò quandoque nihil penitus soluere uidimus: tamen is qui sumpserat decem drachmas eorum pulueris melle mixtas comederat, id enim data opera experti sumus, quod ter aut quater in diuersis fecimus: unus solui uisus est, sed id potius ex flore admixto factum arbitramur. *Castie* arborem *Murani* ui-



dimus, nihil autem pariebat, folia iuglandis habebat. Veti-  
 netijs emere poteris. In India & Aegypto nascitur, arbo-  
 res proceræ sunt: prope Damascum ingens copia reperit-  
 tur, species filiquarum apparet, & Arabum nomen, fili-  
 quam indicare uidetur. Ideo quemadmodum à nobis uo-  
 catam charattam, filiquā appellamus, placeret ut cassia,  
 oblonga filiqua Latine, uulgò autem charratta longa di-  
 ceretur. Hispani cannam fistulam, Galli casse fistule ap-  
 pellant. **Cubebe.** **S E N.** Cubebe cassiam sequitur. **B R A.** Plures de-  
 cepti sunt cubebe, grana uiticis arbitantes: causa autè er-  
 roris fuit, quia una cubebe species, sapore piperis habet,  
 uiticis autem semina eodem sapore insigniri Dioscorides  
 testatur. Re autem considerata, uitex arbor est ueluti sa-  
 lix, imò à Theophrasto salix amerina appellari uidetur:  
 Cubebe autem frutex est myrti folia habens, latiora tan-  
 tum, & in summo acuta ueluti lanceæ. Pādectarius à Ga-  
 leno Caucalim appellari censet. Ideo considerans (ut in-  
 quit ipse) Galenum & Dioscoridem, aliter dicere nō po-  
 tuit, quàm cubebe Galeni, Dioscoridis oxymyrsinē esse.  
 huius autem ratio est, quia Dioscorides nihil de cubebe,  
 Galenus uero nihil de oxymyr sine tractat. Sed lōgius hic  
 uir aberrat, quoniā de caucali, quā uult esse cubebe apud  
 Galenum, Dioscorides secūdo libro tractat. Nec quicquā  
 refert, etsi Galenus oxymyr sinem omiserit, quandoquidē  
 à pluribus alijs etiam abstinerit. Est autem caucalis ge-  
 nus syluestris dauci: sed Pādectarium errare fecit Sera-  
 pio, qui caput cubebarum Galeni, cum capite myrti agre-  
 stis Dioscoridis comparauit. At eo deceptus est Pādecta-  
 rius, quia apud Galenum caucalim esse uoluit: Serapio  
 autem

autem apud Galenum carpesium esse fatetur. Galenus enim de Carpesio, & nō de myrto syluestri: de myrto autem syluestri Dioscorides, & non de Carpesio tractat. Quod uero Serapio per cubebas apud Galenum, Galeni Carpesium intellexerit, ex eo certū est, quia sub hoc nomine cubebe, eadem scribit, quæ sub hoc uocabulo carpesium, à Galeno scripta sunt, uidelicet habere uirtutē phu, non solum gustu, sed & uiribus, & quod urinam prouocat, & totius corporis obstructions aperit. Quā ob rem Serapio myrtum syluestre Dioscoridis cubebas esse, magno egrorum discrimine arbitratur, quippe qui rem pro re tribuat. Constat autem cubebe & myrtum syluestrem diuersa esse, quoniam cubebe odorata sunt, myrti syluestris granum inodorum: cubebe in medio granum nō habent, at myrtus syluestris habet & dulcissimum. Quam ob rem myrtus syluestris non erit cubebe, id est, id quo uos pro cubebe utimini. Vnde ad exquisitam harum rerum cognitionem, scito, nostrum uulgare cubebe nō esse cubebe Serapionis, quoniam Serapionis cubebe est myrtus syluestris Dioscoridis. Adde carpesium Galeni non esse myrtum syluestrem Dioscoridis, quoniam diuersis uiribus insigniuntur, quamuis Serapio idem faciat carpesiū apud Galenum, & oxymyrsinem apud Dioscoridem, sed re uera deceptus. Verum quid sit Galeni carpesium, adhuc incompertum habeo, nam ipse non describit, quam in libro de Antidotis festucas quasdam esse fateatur. Fortē dices esse nostrum cubebe, quod fieri non potest, si festucæ sint. Serapio igitur cubebe, myrtum syluestrem, & carpesium idem esse arbitratur. Constat autem

myrtum sylueſtrem noſtrum cubebe non eſſe, tum propter dicta, tum propter granum, quod in myrto agreſti triangulatum eſſe dicit, in cubebe uero nullum. At carpeſium Galeni in dubio eſt an ſit noſtrum cubebe: non eſſe autem illud monſtrat, quia apud Galenum feſtucæ ſunt pluſi ſimiles, ut in Ruſco infra admonebimus. Deniq; ut huic rei metam condonemus, cubebe, quo utimur, apud Dioſcoridem, aut Galenum inuenire neſcimus. Ab omnibus ſerè gētibus ſimili nomine appellatur, at in re ipſa diſſentiunt: quippe Galli cubebes, Hiſpani cubreas, Gerſebestem, mani cubeb uocant. SEN. Sebeſtem occurrit. BRA. Nuſquam apud Dioſcoridem Sebeſtem reperire contingit, niſi in genere prunorum contineri uideatur, eſt enim pruni ſimile. Tamen apud poſteriores Græcos ſub hoc uocabulo myxa, & non ſub uocabulo ſebeſtem, reperitur. Græci enim myxam appellant mucilaginem. Vnde & Galenus ſaliuam illam conchiliū, quæ emanat dum aſtupunguntur, myxam uocari tradit: eſt autem mucor quidam, uel lentus mucor: eodem pacto in ſebeſtem, quæ myxa uocatur, mucosus lentior inuenitur, ex quo in Syria uiſcum parant: Myxas enim, id eſt, ſebeſtem exprimentes, internus mucor exprimitur, qui in uiſcum ducitur. Apud Athenienſis autem μυξα κόρυζα, id eſt, deſtillatio eſt, ut Iulius Pollux libro primo ſui Onomaſtici tradit. Dicitur autē ſebeſtem, Hermolao in Corollario teſte, ubi de uiſco loquitur, ob honorem Auguſti, unde ſebaſtos uocatur: quod an uerum ſit, tu ipſe iudica, nobis apud aliquē autorem hoc legere non licuit, unde apud antiquos ſebeſtem incomperta uidentur. Propterea Arabibus gratias agere

agere debemus, qui adeò probos fructus ad extinguendā  
 ficim, & bilem reprimendam nobis indicarunt. Venetijs  
 emes, quoniam è Syria & tota Iudæa Alexandriam, Ale  
 xandria Venetias afferuntur. A Gallis etiam sebeste uo=  
 cantur. S E N. Coloquintida sequitur. B R A. Colocyn- Coloquintida,  
 this ab antiquis, à Romanis Cucurbita sylvestris appella  
 tur: quamvis & hoc nomine colocynthidis, cucurbita escu=  
 lentam antiquiores intelligāt. Apud nos etiam nascitur,  
 sed inefficacior, quanquam & nostra soluat, hoc autem  
 ægre fit. Melius est Venetijs emere, quum ea efficacior  
 sit, quæ ex orientalibus partibus, utpote calidioribus in=  
 uehitur. Notissima est apud omnes colocynthidis, & pecu=  
 liare antiquorum pharmacum. Colocynthidis male indi=  
 cia à Mesue scribuntur. Si in solo forti nascatur, in pulue  
 rulento, & ubi sunt reptilia, uel in locis thermarum, ma=  
 la est: & addit alia, quibus ab excellentiis. Manardo re=  
 prehēditur, ita argutāte: Si hæc uera sunt, nūquā erit tu=  
 tus colocynthidis usus, nō enim scire possumus quo solo  
 genita, nec an una in una plāta, uel in una regione unica  
 planta. Sed frigide arguit, etenim in omne aliud, deter=  
 minato loco nascens argumentum reflectere possumus,  
 ignorari à nobis an eo loco ortum duxerit, præsertim  
 si à nostra patria distet, ideo non esse tutum eius usum.  
 Tamen quantum in me sit, consulerem, ne quispiam colo  
 cynthide uteretur, quamvis antiquissimi Græci ea usi  
 sint: est enim res adeò uioleta ut magis turbet quàm pro  
 fit. Nō desunt alia ad eius usum multo mitiora. Hoc mihi  
 usu uenit, dictu mirū, colocynthidē tractabā, & manibus  
 solum aperiebam, sorore & matre presentibus: ego ex

solo tactu, ille ex odore adeò soluti sumus, ut nullus nostrum fuerit, cui uenter decies magna perturbatione non eduxerit: ex hoc uehementissimum pharmacum esse constat. **S E N.** Nos id quotidie experimur, quum pinsitur. **R R A.** Mesue præterea colocynthidem descēsi aque ad oculum ualere tradit: quem **Manardus** reprehendit. **Paulus** dicit ualere diuturnis oculorum fluctionibus, ac si Mesue in re tam uera uerum non dixerit. Sed hæc omitamus, ne in rebus adeò puerilibus tempus conteratur. **A** Gallis etiam coloquintes, & à Germanis Latino nomine **Pistacea.** appellatur. **S E N.** Pistacea accedunt. **R R A.** **Plinius** qui hanc nucem (etenim in nucis genere poni debet) in Italiam portauit, **Lucius Vitellius** censor fuit. Nos Venetijs in ædibus magnificorum Patritiorum **Petri ac Francisci de Morefinis**, quas **Murani** habent, uidimus. Illuc me duxit Reuerendissimus Præsul **Hieronimus Morefinus**, uir ingenti probitate insignis. In Syria propriæ nascuntur, & ex Syria recentes surculos prædicti nobiles afferri curarunt. **Alexandriam** feruntur, deinde **Venetias**: quâuis & recto cursu, è Syria **Venetias** quandoque nauigant. **Venetijs**, & pistacia emas, & supremum illud uiride corium, quo integuntur, habere curabis: non intelligo lignosam nuclei operimentum, sed tenellum putamen supremum, quod lignosam integit: hoc enim in re medica plurimum ualet, ut **Paulus** testatur. Quin & apud **Alexandriam Aegypti** nascuntur. Notissima sunt pistacia, quorum apud nos maximus est in re uenerca usus. Antiquitus plures decepti sunt, terebinthi fructum esse arbitantes, ut **Athenæus** inquit. In mare  
rem &

rem & foeminam distinguunt : marem id appellant quod sub tenello corio , tanquam offeos testiculos habet: nam illa pars infima, utrumque tuberosa, duos testiculos representat . Venetijs etiam parit & maturat.

SEN. Anacardus sequitur. BRA. Anacardum apud Dioscoridem aut alterum Græcum nunquam inueni- Anacardus.  
tamen Græco nomine insignitur, & à corde nomen sum-  
psit, cuius figuram imitatur. Arabibus etiam pro hoc se-  
mine debemus . In montibus Sicilia nascitur , & copio-  
se in Apulia. Balaclor ab Arabibus nominatur: hunc fa-  
cillime habebis quum in Apuliam pro oleo mittes.

SEN. Nux indica offertur. BRA. Et hoc est Ara- Nux indica.  
bum munus , qui hanc nucem Græcis incognitam nobis  
aperuere: nisi ea sit , quam Galenus nucem regiam uo-  
cat. Serapio fructum ex quodam genere palme arbitra-  
tur . Venetijs habetur ex orientalibus partibus allata.  
Eius oleum butyro etiam bonitate præferri dicunt.  
Nos ut plurimum in re uenerea utimur , quoniam ab  
Auicenna semen augere dictum sit. Genuæ magis recen-  
tes habentur, quæ in Hispaniam ex Lusitana nauigatio-  
ne feruntur, & ex Hispania Genuam. Ab Hispanis coco  
dicitur: hinc fortè nostri pueri quum nucibus ludunt, tri-  
bus subpositis & superaaddita quarta appellant coco  
maiolem nucem , quam ad alias projiciendas utuntur. A  
Gallis noix de inde uocatur. Hæc de ista nuce apud Græ-  
cos incognita satis sint. SEN. Citrum sequitur. BRA. Citrum.  
Citrum aliud est, aliud cedrus, ut in epistola ad Illustris-  
simum HIPPOLYTVM ESTENSEM docuimus,  
quam pro hac re legere ne pigeat. Cedrus arbor proce- Cedrus.

ra est, paruos fructus paries, quod frequenter cōditos edimus. Citrū, id est, quod uulgo cedro appellamus, & arantium in eodem fere genere ponitur, quod & mālum Medicum, & ab aliquibus pomum aureum nuncupatur. Notissima sunt hæc, in Liguria copiosissime pariunt, ut Genue ac Sauone Hesperidum hortos uidere licuerit, in quibus hæc arbores topiario opere formis uarijs uisebantur. Iam & Ferrarie plantari cœpere: ex his folia, fructum, & semina seorsum habeto, quæ plurimum agris conferunt, quin & eius succum seruare opportunum erit. Semina puerorum uermes interficere constat. Ab Hispanis citra limones dicuntur, & nos citri genus limonem appellamus, quod succo potissimum abundat, & ualde acerbo. Arantium uero oranges à Gallis, & naranzus ab Hispanis uocatur. SEN. In cake fructuum sumus. Id uero à te impetrari uelim, ut contradictionem à principe remoueas. BRA. A quo principe, illustrissimo ALPHONSO Duce nostro? SEN. Non, sed à medicorum principe. BRA. Quem appellas tu principem medicorum? Ego Hippocratem. SEN. Ego autem Auicennam. BRA. Ne Auicennam principem medicorum, sed medicum & principem dicas. SEN. Ergo medicorum principem. BRA. Ut arbitror, dialectica cares, quippe à diuisis ad coniuncta consequentia non ualet: ut, est bonus, & citharædus, ergo bonus citharædus: æquè non ualet, est princeps & medicus, ergo medicorum princeps. Sed his sophistarum & puerorum deliramentis omisiss tuam illam contradictionem edisseras. SEN. En, in secundo libro

cano

canonum citri semen calidum esse fatetur, in libro autem de uiribus cordis, frigidum usque ad tertium ordinem facit. Fucere qui contradictionem falsò remouerent, ut secundo libro de citro, in libro de uiribus cordis, de arantio loqueretur. Constat autem eiusdem ferè naturæ, & gustus arantij semina, cum citri seminibus esse.

B R A. Optarim hac in re alterum Oedipum inuenisses, qui me hoc fasce leuaret: quum autem tu à me petieris cui plurima debeo, non possum pro uiribus tibi non satisfacere. Fuere qui ita soluerent, ut secundo libro de cortice circa semen, in libro de uiribus cordis, de carne à cortice contenta loqueretur. Quam sententiam Excellentissimus etiam Manardus sequitur. Mihi autem semper mos fuit quoties cōtradictiones adeò manifestas in autoribus uideo, multos libros consulere, & præsertim antiquissimos: non enim credere possum uirum aliquem probum, in re tam nota adeò stupide hallucinari. Quam ob rem omnes impressos Auicennæ codices uarijs in locis legi ita dicentes, & sibiipsis opposcentes, imò idem in plurimis manuscriptis etiam legebatur. Deniq; contigit, me forte fortuna domi Pinamontis Bonacoßi compatris charissimi, in antiquum Auicennam incidere, in quo caput illud de uiribus cordis aliter legebatur, quam in uulgatis codicibus, eademq; penitus hic legebantur, quæ in secundo libro scripta erant. Ideo non est opus in rebus tam fatuis et crassis, summos uiros errasse, aut sibi ipsis cōtradicere putare. En quod mihi elapsis annis euenit. Quidā scholasticus meus, nostras interpretationes in Porphyrij quinque uoces imprimi curauit: accidit



autem cum impressoris, tum prauī exemplaris uitio,  
 plura uideri errata, quā uerba, ut deinceps cogar pue=  
 rilia deliramenta corrigere, & id facere, quod nunquam  
 cogitaueramus, nugis nostras impressoribus dare, ut er=  
 rores illius impressionis pinguißimi deprehendantur,  
 ut pessimis ac conspurcatis linguis ansam maledicendi  
 auferamus, quanquam institutum sit nobis à cu=  
 nis usque, maledicos despicere, & si qui  
 nos leserint, uindictam deo commit=  
 tere. Nunc ad alia uertamur.

SEN. Iam sol inclina=  
 re coëpit. HER.

Imò incli=

nauit, & nox coe=

lo præcipitat, cœnare

opportunum erit, ut mox dormien=

tes mēbra labore soluamus. BR A. Agite, fiat, ut lubet.

## DE RADICIBVS,

quarum apud Ferrarienses Pharmaco-  
polas usus est.

SENEC.



AM DV DVM illucescit. Surgamus, ne somno inerti cœptum opus impediatur. BRA. Et cur non surreximus prius? Nunc sola interula uestiar, ut suauem hanc matutinā auram aptius capeßsam. Quum de seminibus, fructibus, ac floribus expeditum sit, cui hodie incumbemus? SEN. Rei incumbemus, quæ non placebit Herbario: nam radices ab imis terræ partibus euellere opus erit. HER. Promptas uires habeo ad hunc laborem, & floridam iuuentā. BRA. Cur ligna & cortices non præcessere? SEN. Nihil impediēbat eo ordine incedere, uerū ita scribere cœpi. BRA. A prima igitur incipias, quam tua charta scripsisti. SEN. Pæoniæ radix primum limen occupat. BRA. Quum pæoniæ semina collegisti, radices etiam in peram condere iussimus. SEN. Recordor nunc. BRA. Quatuor, aut sex numera. SEN. Radices asparagi, petroselini, fœniculi, apij, althææ. BRA. De his omnibus in seminibus satis, superq; dictum est. SEN. Ebuli, chelidoniæ. BRA. De ebulo in floribus, de chelidonia expresimus in herbis. SEN. Garyophyllatæ. BRA. In herbis etiam garyophyllatam ostendimus. SEN. Nenufaris. BRA. In floribus nymphæam colle-

gisti, & te Ferrariā remisimus, ubi huius herbe radices  
præstant. **SEN.** Rhabarbari & rhapontici radices se-  
quuntur. **BRA.** Hæc radices statim a primo prandio  
edocimus, & quomodo diuersæ essent, & quibus parti-  
bus petendæ, & quomodo rhaponticum, centaureum, &  
à nobis nunc uocatum rhaponticum differant. **SEN.**

**Rhabarbari** Quod in his scire opto, est rhabarbari dosi. **BRA.**  
**dos.** Mesue a duabus drachmis & semis infusione tribuit.  
**SEN.** Manardus eum reprehendit, addens cuidam Pan-  
noni nobili ob hoc malum obtigisse. **BRA.** Id non fuit  
ratione rhabarbari: imò & quandoque scrupulus obesse  
uidetur. Nō uerer in homine robusto, anni parte com-  
moda, decem drachmas in infusione tribuere: imò fre-  
quenter tres drachmas in substantia præter ullam no-  
xam dedimus, & deinceps dabimus quum opus erit, ma-  
gno ægorum commodo, qui ex hoc in naturam sanita-  
tem restituantur: imò hi maiorem dosim propinare pos-  
sunt, qui ubi nascitur rhabarbarum, ortum duxere, aut  
ei assueti sunt. Vidi ego Mauritanum qui Scamoniæ se-  
miunciam præter noxam comedit, quoniam ita à primis  
unguiculis assuetus erat. Huius rei testis est Iacobus Co-  
lumma pharmacopola publicus, qui adhuc uitali aura  
fruitur, ne uideat sine teste in re tam magna loqui. Adde  
& aliud, Scatizæm quendam illustrissimi principis Alphon-  
si ducis Ferrariæ equisonem, eo præsentem, & reuerendo  
præsule Thoma Musto, & magnifico Augustino eius  
fratre, & magnificis Hieronymo Guarnerio, et Giberto  
Cortilli, ac pluribus alijs, integrâ aloës notæ libram, præ-  
ter noxam comedisse. Omnes hi testes superuivunt. Me-  
debat

debar & ego cuidam Rustico, qui sancti Georgij fratribus inferuiebat, Gallica scabie correpto: iussi quatuor drachmas pilularum Alexandri Tralliani preparari, quas in capite de morbo comitiali describit, inquiens nulas esse fortiores istis: iusseram autem ut singulis diebus unam, unius scrupuli pondere deglutiret. Hic autem omnes una uice uorauit, quæ equum interficere debuissent, tamē nec semel soluere. Arburor naturam tam magnam quantitatem aggredi non ausam esse. Alijs tamen diebus ab una sola unius scrupuli mire soluebatur. Religiosi omnes illius sacratissimi loci testes sunt, & simul excellentissimi ac doctissimi iuuenes, Franciscus Brusantinus, Maurelius Sanctus, Ioannes Leo, & Ioannes Franciscus Rossus compater charissimus, qui tunc pro actu practico exercendo mecum uersabantur. Sed quid opus est exempla exemplis exaggerare: quum certe constet mirum non esse, si decem Rhabarbari drachmæ in infusione propinari possint, præsertim in robustissimo uiro, Rhabarbaro etiam assueto. Alias tamen Mesuem falso intelligebam, à drachmis duabus & semis ad decem, Rhabarbari infusionem exhiberi, & non rhabarbarum infusum: sed tunc errabam, quia triginta etiam & quadraginta infusionis rhabarbari drachmæ propinantur, non tamen rhabarbari infusi. In alio autem de Manardo excellentiss. miror, quia Mesue rhabarbarum purgare scriptum reliquit: at ille reprehendit, quoniam antiqui à suo rhabarbaro uim purgatiuam demunt. Verum antiqui de nostro uocato Rhabarbaro nusquam tractarunt, de quo Mesue loquitur. Imò & hoc ipsum Manardus fatetur, aliud esse nostrum rhabarbarum

*strum rhabarbarum, & antiquorum: solucere autem rhabarbarum adeo certum est, ut nullus qui sumat ambigere possit. Id tamen comprimendo facit, propterea stipticas aluos reddit. Sed hæc commodius & per rationes suo loco differentur. Nunc institutum nostrum prosequamur.*

*Zinziber. S E N. Zinziberis radices sequuntur. B R A. In Arabia, & apud Troglodytas plurimum nascitur zinziber. Alexandria Aegypti affertur, & Alexandria Venetias. Putarunt multi radicem esse piperis, quos Dioscorides reprehendit. Est autem repentis herbarum radix, in morem graminis, folium arundinaceum habet. Quum emere uolueris, ut melius teredines uidere possis, ne zinziber boloarmeno, aut rubra quadam terra delibutum emas: nam eo foramina tegunt, & ponderi addunt. Arabes, recens zinziber saccharo cōdiunt, ad stomachi frigiditates precipuum. Alexandriam portant, & Venetias recto cursu. Tamen pharmacopole (ut pleraque alia) adulterant: nam ueteres radices per multos dies aqua macerant, alij aqua calcis, ut tenellæ euadant, postea condiunt, sed facile deprehendunt, quoniam ex recenti zinzibere conditum minus acre est, & gustu delectabilis: ex ueteri autem moradicat, nec ita gustum satiat. A Lusitanis gengeure, à Gallicis gimzembre, à Germanis ingwer appellatur. S E N.*

*Costus. Costi radix sequitur. B R A. A nostris pharmacopolis radix quedam pro costo uenditur, imò & ab omnibus per totam Italiam, quæ ita costus est, ut musca elephantus. Nam costus radix est candida, leuis, plurimo & eximio odore. Quam uero ostendunt ipsi, nec candida, nec leuis, nec odorata est. In Arabia nascitur: parum difficile est Ale*

est Alexandriam uehi, si illuc mittatur qui nouerint, sed qui mittuntur ignari sunt alienis dictis credentes. Miror non haberi saltem Indicum per Hispanorum nauigationes: est autem nigrum, speciosum, leue ut ferula: sed quod magis mirum est, quum singulis annis Veneti in Syriam nauigent, Syriacum non haberi, hoc est ponderosum, colore buxi, odore sensum tentans. Spero Illustrissimi Alphonsi Ducis Ferrariæ opera breui uerum costum assequiturum. Sola radix in re medica probatur, ceteræ partes à nullo autore expetuntur. **S E N.** Valerianæ radix Valeriana, offertur. **B R A.** Si phu Dioscoridis cum uocata à nobis ualeriana conferamus, loquor autē de ea Valeriana, quæ in Italia nascitur, eadem indicia habere certum erit, unò solum dempto, quia nostra Valeriana multo minor est, quàm à Dioscoride suum phu describatur: dicit etiā caulem habere cubitalem, & aliquando maiorem, tenerum, cui leuor sit, & color in purpura albicans, eundemq; geniculatum, & in medio concauum, flores figura ad narcissum accedentes, maiores tantum, tenerioresq; colore in albedo per medium purpureo. Radix illi est in superiore sui parte minimi digiti crassitudine, habetq; adnascens illi exiguas radices, alias quæ transuersæ feruntur, odorati rotundi iunci, aut nigri ueratri modo, sibi ipsis implicitas, colore subruffo, & nardi odore, cū uirosa grauitate aliqua odoratas. Omnia hæc indicia in nostra Valeriana sunt magnitudine dempta, quoniam scimus apud alias nationes eandem Valerianam non sumi. Quippe Germanorum ualeriana, phu Dioscoridis esse non potest, sed apud ipsos herba est Theriackskraut dicta, quasi The-

riacaria, quæ nostræ ualerianæ simillima est. Hanc pro Dioscoridis phu sumere oportet, non cam, quæ ab ipsi Baldecan appellatur: quippe utrum phu folia oleri atro, aut cerui ocello simillima habet, ut nostra ualeriana, & theriackskraut Germanorum, quanquam & nonnulli apud nos alia herba pro ualcriana utantur, quam communis nostra sit. Eam in his montibus collige, quamuis à Dioscoride in Ponto nasci dicatur. Verum pro Theriaces compositione Illustrissimus Alphonsus Ferrarie Dux in pontum mittere spondit, ut phu Ponti affratur. Galli eodem modo ut nos uocant ualeriane. Sola radice contentus sis. SENECA. Meum radices accedunt. BRASSAVO. Itali pharmacopolæ radicem quandam albicantem pro Meo ostendunt, quam si masticaueris, quodammodo pastinace gustum habet. Ex hoc autem Meum non esse deprehenditur: quippe Meum radices graciles habet, odoratas, longas, & gustum feruidum habentes. Quum Hispania, & Macedonia nascatur, miror admodum non haberi: ut habeatur, Illustrissimi Ducis nostri opera curabimus, qui ad iuuandas bonas artes, adeò animum applicuit, ut nihil pro earum commodo, & amplitudine intentatum relinquat. Vnum est, Italiam iamdiu uerum Meum non uidisse, breui autem uidebit. SENEC. Quæ radix est ea, quam pro Meo sumebamus? BRASSA. Pastinace odorem habet. Veneti ex Creta aduchunt, ut facile coniectari possim daucum Creticum esse, præsertim quum Venetijs integram plantam uiderim, quæ omnes dauci Cretensis notas habebat. SENEC. Interim pro Meo quare utar?

re utar? B R A . Nulla: nam Illustrissimus princeps in Hispaniam scribi iussit, ut habeatur: rei particeps eris. S E N . Igitur Brusci radices colligamus. B R A . Per Bruscum quid intelligis? S E N . Frutex est, grana quedam parua, rubraq; faciens, magnus usus est his qui mingere nequeunt, & calculis infestantur. E R A . Quid sit accipere: rursus dicere oportebat. Barbari uocabulum corrumpere, & bruscum pro rusco dicunt, uel non à rusco per corruptionem dicatur, sed à sapore quem habet: nos enim acrem saporem uulgo bruscum appellamus quo rusci grana insigniuntur, uel potius sapor ille à frutice nomen accepit. Agrestis etiam myrtus à Dioscoride nuncupatur. Aberrant qui cubebas à nobis uocatas (de quibus supra) agrestis myrti fructus esse putarunt. Qui præterea berberim ruscum esse arbitrantur, adhuc magis errant: quia inter colligenda semina Serapionis Berberim apud Dioscoridem oxyacantham esse docuimus: Ruscus uero, uel myrsine agria aliud est, herba aut frutex notus, quo Venetijs & pluribus alijs Italiae locis, scopas ad uerrendas domus parant: eodem nomine uulgo appellatur Brusco. Leoniceus Plinium taxat, qui de oxymyrsine loquens, eam à rusco distinctam fecit libro uigesimotertio: tamen idem sunt, imò & easdem uires brusco attribuit, quas oxymyrsine attribuerat. At Plinius eo loco Castorem adducit autorem quendam, qui idem esse apud Latinos Ruscus, quod apud Græcos Oxymyrsine, putauit. Noster igitur Bruscus, est antiquorum Ruscus, & oxymyrsine, cuius non solum radices, sed & fructum & folia



seruato & aquam per resolutionem ui ignis excerptam habere studeas. S E N. Reperitur ne apud Arabes Ru-  
 scus? B R A. Serapio magno errore, arborem ferentem  
 cubebas esse apud Dioscoridem oxymyr sine arbitratur.  
 Et recentes, ut Pandectarius, & alij cum Serapione car-  
 pesium oxymyr sinem esse putant, ut supra edocuimus,  
 quoniam de oxymyr sine nunquam Galenus, & Diosco-  
 rides nunquam de cubebis tractauit. Idem igitur hæc duo  
 esse fatentur, sed errorem supra in cubebis ostendimus.  
 Cubebe enim oxymyr sine esse non potest, si ambarū ar-  
 buscularum formam, & fructum consideres. Carpesium  
 uero (si Galeno credamus, ut dignum est, in primo de  
 antidotis libro) est tenues festuæ ramusculi cinnamomi  
 similes, quæ sunt similes secundum genus uocato phu, &  
 eius gustum habet, ut hinc Auicennæ interpretis error  
 deprehendi possit, qui quum interpretari debuisset uires  
 phu habere, rubeæ interpretatus est: quippe hic error  
 Auicennæ attribuendus non est, sed pessimo interpreti:  
 nam id uocabulum, quod ibi Auicenna scribit, phu sua  
 lingua, & non rubeam significat. Ad carpesium autem  
 reuertentes, Quintus antiquus medicus, quem Galenus  
 magnificat pro cinnamomo carpesium sumebat, utpote  
 quod ab optima cassia uiribus non distideat. Inuenit au-  
 tem Galenus magnam carpesij copiam in Sida Pamphy-  
 liæ, ideo eo loco carpesij uilitas est, propterea laudant  
 exinde colligi & seruari: cuius duas species facit à lo-  
 cis denominatas, alteram lærcinum, alteram amarum,  
 hæcque melior putatur, odorem & gustum aromatis ha-  
 bet. Aliter carpesium ab antiquis inexplicatum est: tu  
 cætera

cætera prosequaris. SEN. Cyclaminis radix occurrit. Cyclaminus.  
 BRA. De hac in herbis expeditum est. Verum tempe-  
 rare non possum, quin Auicennæ errorem ostendam, nam  
 ubi de Arthanita loquitur, quæ cyclaminus est, & ipsi  
 Arabes buthormariem uocant. Quum primam speciem  
 cyclamini Dioscoridis perperam etiam descripsisset, in-  
 quiens sibi, & suo tempore ignotam, mox notam specie  
 suo tempore docet, inquiens esse spinam spissam, breuē,  
 quæ radicem habet, quæ lana lauatur. Si uero Dioscori-  
 dem in capite Struthij consideremus, quod ante caput cy-  
 clamini scriptum est, inquit eius radice lanæ lauari, ut  
 hinc arbitrari oporteat, Auicennam secundam quidem  
 speciem cyclamini non posuisse, sed de struthio tractare:  
 cuius rei causam arbitramur Auicennæ Dioscoridem fuisse,  
 qui à pessimo librario scriptus struthium cum cyclami-  
 no confuderit. Serapio autem qui iustum codicem ha-  
 buit, nullo errore ducitur, in his speciebus assignandis.  
 Tamen de Plinio mirandum magis est, uiro Græca lin-  
 gua & Latina disertissimo, qui (si Leonicensio creda-  
 mus) cyclaminum cum aristolochia cōfuderit, ut rerum  
 similitudine deceptus uideatur, nam utrunque à rotundi-  
 tate nominatur. Cyclaminus rapum terræ, Aristolo-  
 chia uero rotunda etiam dicitur: unde in hac rotundita-  
 te deceptus est, quia 25. libro inquit Aristolochiæ radice  
 simul cum calce piscatores in Campania uti, ad quam  
 aduolent pisces, qui statim exanimati fluitant. At Leo-  
 nicensius Campaniæ piscatores audiuit, ad hoc negotium  
 peragendum radice cyclamini uti, propterea, aut duas  
 radices necandis piscibus aptas assignare oportet, quod

nusquam apud autores aliquos reperitur, aut cyclamini speciem aristolochiæ dicendum, quod ei ex hoc repugnat, quoniam aristolochia ita appellatur, quia prægnantibus succurrat, cyclaminus uero non solum prægnantibus aduersatur, sed fertur, si prægnans hanc radicem transcenderit, abortum pati. Ego (ut ingenuè fatear) Plinio potius, quam Leoniceño consentirem, duas esse radices, quibus pisces capiuntur, & aristolochiæ, & cyclamini, quod ab aliquo autore nobis incognito accepit Plinius: non enim opus est, quæq; falsa arbitrari quæ à summis uiris dicantur, etiam si ab alijs scripta non sint. Sciimus etiam & ipsum tertiam quãdam cyclamini speciem cognomine chamæcisson, uno tantum folio, radice ramosa posuisse, qua pisces necantur. Hæc Hermolaus ichthyoteram proprie uocari censuit, quamuis hoc nomen primæ speciei cyclamini à Dioscoride tribuatur: sed hæc aliàs. Miror etiam de quodam excellentissimo uiro, qui Mesuem reprehendere conetur dicentem, & eleuantur super radices frondes. & parum infra, sine cleuatione stipitis. Hic Mesuem reprehendit ille, quia caulem fert quatuor digitorum, sed nudum, Dioscoride, & ipsa experientia testibus. Sed potius errat ipse, quia per caule, scapum intelligit, à quo folia emanare debent, uerum omnes à radice fluunt tenui filo: unde scapum uerè non habet, cui folia inhereant, sed unumquodq; ab radice suo proprio caule prouenit, tanquam pediculo, cui folium inhereat. Addit etiam Mesue calidæ, & siccæ complexionis in tertio ordine esse. Ab eodem reprehenditur, Galenum, & Auicennam huic gradum nõ assignasse, ac si longe errauerit Mesue

Mesue, qui in hoc uoluit iuuare mortales, in quo Galenus  
 & Auicenna non iuuere. Ad alia autem pertransire op-  
 portunum erit, ne his futilibus occupati bonas horas in  
 colligendis herbis omittamus. Germani Erdt xvviel uo-  
 cant, ac si cepam terræ exprimere uoluerint. s e n. Ari-  
 stolochiæ longæ & rotundæ radices sequuntur. B R A. Aristolochia,  
 Tria aristolochiæ genera apud Dioscoridem inueniun-  
 tur, rotunda, longa, & clematis, quæ sarmentosa dicitur  
 ob radices in modum sarmenti complicatas. Plinius uero  
 quatuor species adinuenit: longa mas existimatur, rotun-  
 da femina. Ita appellatam uolunt, quoniâ puerperis opi-  
 tulatur, quamvis Plinius grauidis dicat. Duo genera no-  
 tissima sunt, quibus in officinis utimini. s e n. Et hæc duo  
 seruare statui. B R A. Longam Ferrariæ habebis, rotun-  
 dam minime, nisi aliquo statuto loco uireat. Id tamen lau-  
 do, ut ambas species in his montibus colligas, quoniam ro-  
 tunda, in uulneribus efficacior existet, magis enim exicca-  
 bit. Fructus autem & radices seruabis, quæ in rotunda ad  
 rotundum, in longa ad longum uergunt. Si tertiam spe-  
 ciem habere placeat, quæ ramulos tenues habet, folijs  
 modice rotundis, minori sedo similibus, plenos, habet  
 hæc rutæ flores, radices longissimas, tenues, crasso &  
 odorato cortice uestitas, tibi locum indicabo, quo mi-  
 rum in modum crescit. s e n. Satis mihi est has colligi-  
 gere, quibus in nostra urbe medici utuntur. Clematidem  
 unguentarij ad sua unguenta spissanda seruent. B R A.  
 Germani quidam rotundam aristolochiam holvvurtz  
 appellant, alijs reclamantibus, quoniam holvvurtz  
 herba sit in Germania, quæ potius rutæ folia habeat.

Glycyrrhiza.

quàm hederæ, qualia aristolochia rotunda habere debet: Alij Biber vurtz, alij hinfchkraut uocant: longam uero aristolochiam cum additione die lang, ut holwurtz die lang proferunt. s e n. Quid per holwurtz intelligunt? B R A. Idem ac si radicem concuam dixerint. s e n. Hoc, meo iudicio, aristolochiæ non quadrat, propterea ad liquiritiam ueniamus. B R A. Notissima radix glycyrrhiza, quæ pluribus locis Ferrariæ scæt. In Cappadocia tamen, & Ponto laudatissima: sed in Italia copiose uiret. Radix tantum in usu medico est, à Grecis glycyrrhiza, à Latinis dulcis radix appellatur. Theophrasti tempore, nondum erat in usu: forte hoc nomen glycyrrhiza, propterea Scythicam radicem appellauit nono de plantarum historia, quoniam in Scythia plurimum proueniat. Duo ex ipsa seruanda, radix, & succus ex ipsa radice expressus. Colorem buxum habet, melior tamen est, qui in nigrum uergit. Deterior radix quæ fragilis, quàm quæ lenta. De hac tam nota herba, ac radice, nihil amplius. s e n. Si Ferrariæ glycyrrhizam habere potero, sumi ne eius gratia ad alias partes profecturus? B R A. Nō equidem. Imò si tanta copia, qui satis sit, nostra patria colligatur, quum humidior locus sit, hanc pro optima serua: nubili enim crassiores radices, aut dulciores inueni, quàm quæ Ferrariensi solo nascuntur. Tamen equinum fimum, aut bubulum mire odit. Nos autem hoc fimo solum nostrum stercoramus, ideo Ferrariæ diu perdurare non potest. Ab Hispanis alcanix, à Gallis reclisse, à Germanis sues holcz, ac si dixerint dulce lignum, uocatur. s e n. Gentianæ radix sequitur.

Gentiana.

B R A.

BRA. Hac radice nostri Chirurgici in strictis & cauis ulceribus utuntur, ut latiora euadant, nec cacas cauernas parturiant, premunt radicem ad ulceris quantitatem, & imponunt. Notissima herba, in montibus, & montium crepidinibus altis nascitur. Illuc ergo accedamus, ut iugum præaltum ascendamus, ubi uides folia ferè plantagini similia. SEN. Mibi potius nuci iuglandi assimilari uidetur. BRA. Et illis quoque conferri possunt, imò Dioscorides ita confert. Radices legito, & ex radicibus hoc modo succum parato. Radice tusa, & diebus quinque madefacta in aqua, postea decocta, quousque radices super sint, deinde aqua refrigeratur, & linteo percolata iterum coquitur ad crassamentum mellis: demum in fistile conditur, ad implenda ulcera. Radix lenta est, sine odore, aquosa, quæ in sese pressa constringitur, ideo apta ad stricta ulcera amplianda: huius herbe inuentor fuit Gentius Illyriorum rex, qui in bello primus eius uires demonstrauit. A Germanis Entiam appellatur. SEN. Radix Irios occurrit. BRA. Quum de Iride (ita enim Iris, dici debet iris non irios) sermo fit, cæteris semper illyrica præfertur, & ea quæ mediterranea parte nascitur, & maxime quæ Septentrionalibus exposita est. Decipiuntur pharmacopole plures, qui Ferrarie gladiolum pro Iride accipiunt, quem corrupto uocabulo, giaciolo, quasi gladiolum nominant. Vnde Iris Illyrica non est una species Iridis ab alijs distincta, sed ob perfectionem regionis, in qua nascitur, integrioribus uiribus: propterea hoc nomen Iris Illyrica sortita est, & præsertim quia ibi copiosissime uiret, & passim reperitur. Ostendunt uero Fer-

Iris Illyrica,

*variae* florem quendam pulchrum & odoratum ferè odore præmaturi pruni, aut persici, quod nucem uulgò dicimus, uarijs coloribus pictum, quem Irim Illyricam uocant. Sed Irim non esse ex hoc liquet, quoniam Dioscorides Irim dicit gladioli folia habere, maiora dūtaxat, latioraq; atque pinguiora: uerū, quam ipsi Irim Illyricam appellant, minora folia, strictiora, & minus pingua gladiolo habet. Nolo ut in his montibus occuperis. Singulis diebus Veneti in Illyrium nauigant, & ego fortassis hoc anno cum illustrissimo ALPHONSO illuc appellam. Illinc Iris asportabitur, quæ uerè Illyrica erit: ex loco enim, in quo perfectissima, & copiosissima nascitur, nomen sortita est: Iris uero à multis coloribus nuncupatur, qui uel in tota specie, uel in uno flore sunt. Quum uero annis elapsis cum illustrissimo ALPHONSO Duce nostro in Illyrio essem, Irim plures colores habentē quæsum & inueni, erant quidem in diuersis indiuiduis uarij. In aliquibus candidi, in alijs pallidi, in alijs lutei, in diuersis purpurei, ut plurimū uero cœrulei uiscbātur: erat autem unus & idem flos uarijs coloribus insignitus, ut inde arbitratus sim, irim dici nō ob diuersitatē colorū in specie, sed in indiuiduo, tamen species non ex floribus, sed ex radice distinguūtur: alia enim colorem ruffum, alia candicantē habet: Lybica est hæc, prima Illyrica. At colorum diuersitas non est in summitate floris, sed in infima parte, ut in his uidetur quæ nunc Ferraria uirent: sunt enim alij flores qui species distinctas per colores habent, ut eam et ratione Irides nuncupari oporteret. In Illyrio duæ species nascuntur: Raphanitis dicta ob similitudinē quam

cum

cū raphanite habet, & melior est: & rhizotomos quæ Rhizotomos  
 subrussa uisitur, & minus bona: facillimum est ex Illyrio  
 huc afferri, & sine ulla ferè expensa. S E N. Egomet  
 illuc accedam: Mesue etiam Irim appellari dicit, non ex  
 uarietate colorum in uarijs indiuiduis, sed in uno tantum  
 purpureo, in quo magis & minus in eodem folio uisi-  
 tur. B R A. In Iride finem fecissem, nisi cuiusdam excel-  
 lentissimi uiri locus occurrisset, in quo Mesuem repres-  
 bendit, qui inquit melius tempus collectionis Iridis esse  
 Ver. Ille reprehendit, quoniam Dioscorides docet legen-  
 das radices quum incipit foliorum defluuium herbis, hoc  
 non est in Iride, sed est generale præceptum Dioscori-  
 dis in præfatione sui libri de radicibus omnibus. Tamen  
 Mesue defendi potest, ut de floribus loquatur, quos iubet  
 colligi antequam defluant. Adde in radicibus euellendis  
 Dioscoridis regulam intelligendam esse, quoties illarum  
 herbarum, quarum radices sunt, folia autumnò defluunt.  
 Verum Iridis folia continuè uirent, & nunquam deci-  
 dunt. S E N. Vtriusque Consolide radix sequitur. B R A. Consolida  
 Duo symphyti genera apud autores inueniuntur, pe-  
 træum, & quod Romani solidaginem dicunt. Idem enim  
 est symphyton dicere, & consolidam, ac si dicatur simul  
 nasci faciens. Secunda species Alo etiam dicitur, Ferrariæ  
 notissima, quo loco abundat etiam plurima. Nostrum uul-  
 gus luganego appellat, quia ex Lucania fortassis aspor-  
 tatum, uel ob similitudinem, quam radices habent cum  
 lucanica frustis. Nos enim lucanicam appellamus farci-  
 men quoddam ex suilla carne minutim p̄m̄sa, sale ac pipe-  
 re in tenuius suis intestinum infarcta. Romani solidagi-



nem à consolidandis carnibus appellant. Primam uero symphyti speciem non lum agnoui, nam hi decipiuntur, qui eam herbam esse putarunt, quam pharmacopola pro eupatorio accipiunt, sed longe aberrant, quoniam falsum eupatorium, origani ramulos non habet, nec capitula thymi, nec gustu dulce est, quemadmodum symphytum petraeum, nec idul eupatorium in saxis nascitur, ut petraeum dici mereatur, sed in foueis potius, & inter uineta. Symphytum hoc petraeum recentiores consolidam minorem appellant. Quid uero sit, ignorant, & ego adhuc non recordor me uidisse, quanquam radicem quandam pro eo ostendant, & minus symphytum dicant. Habent autem & praeter has duas radices, alias quasdam, quibus pro consolidandis utuntur hi agyriae. Vnam regalem, consolidam uocant, quae à Germanis rittefforem dicitur. Alteram mediam consolidam: sed illas ipsis omittamus, quoniam uiri sunt absque ratione experimenta tentantes. Symphytū aliud apud nos uulgo luzanuco dictum maiorem consolidam uocant, quanquam & in alijs Italiane locis Ala, quasi Alo appelletur. In Ferrariensi agro copiosissime emergit. Ibi colligere nihil impedit, imò statute quaedam uetule harum radicū fasciculos gratia uendendi in forum portant, & mirus est apud nostras mulierculas in contusionibus praesertim intrinsecis, harum radicum in melle coctarum usus, & extrinsecus emplastrum modo apponunt. Tu autem radicem illam proijce, quam domi eris, quam pro minori consolida uendus, quae ita consolida est, ut tu es elephas: nam est radix lignosa, superuacua, quae nullum odorem habet, nec dulcis est, aut saliuam

saluam cit: quæ conditiones in minori consolida, id est, symphyto petraeo inuenire opus est. Nomen commune habent Germani, quo consolidam uocant, scilicet Vvalzvvrtz, nomen à cruribus deductum, quamuis hi qui in inferiori Germania habitant, & apud Saxones à loco, in quo nascitur, & ab eius qualitatibus schmentvvurtz appelletur, quod idē est ac si dixerint nigra radix, unctuosā, & in aggeribus nascens. Ab alijs beynvuel, ab alijs autē schvvartzvvurtz nūcupatur: Galli uero cōsonde uocarunt. Vnum hic animaduersione dignum est, & si Dioscorides luteum florem maiori symphyto faciat, tamen, & album uidimus, & intensiori colore quā luteū, habere quandoque animaduertimus, nec perpetuo caulem habet angulosum, uel leuē, sed modo hoc, modo illud habere cernes. SEN. Reperitur ne apud Auicennam? BRA. Equidem reperitur, & id esse arbitror, quod ipse secundo libro succutum uocat, comparatis succuti proprietatibus ad illas symphyti: tamen adeo confusus est, ut quid dicat, aperte deprehendi non possit præsertim quum eius interpres ubi symphytū interpretari debeat, semper uiua interpretatus sit. SEN. Serpentariæ radices occurrunt. BRA. Cuius serpentariæ? SEN. Maioris: quum enim absolute serpentaria dicitur, maior intelligitur, cuius radices consueuimus singulis annis pro officina colligere. BRA. Hoc anno minoris etiā radices seruato, quæ ad plura ualent, & Mesue maioris ac minoris uires simul cōfundit, quippe earū uires describit nulla præfatione facta, quod minoris, aut maioris sint, & adeo simul ambas miscet, ut qui non nouerit maioris uires, mi-

Serpentaria.

nori & minoris, maiori applicare necesse sit. Apud auto-  
 res plures huius herbe species inueniuntur, quàm Diosco-  
 rides sub hoc nomine Dracunculus, tractet, in maiorem  
 atque minorem distinguens. Post duo dracunculi capita,  
 aliam herbam pingit Aron uocatam, quamuis & nomen  
 Aron maiori dracuntio conueniat: tamen quicquid sit,  
 quum Aro eadem uires sint quæ Dracunculo: satis erit  
 duas dracunculi species seruare, quas Ferrariæ & notissi-  
 mas habemus. Dracunculus ab Arabibus luph, à nostris  
 mulicribus, qui maior est, absoluto uocabulo, serpentaria  
 nuncupatur: minor, herba bissara, quoniã anguibz, quos  
 uulgò bissas uocamus, placet: aut in locis nascatur ubi an-  
 gues uersantur, uel quia dracunculos bissas dicimus. Ma-  
 ior in foueis frequentissima est, & minor etiam, tamen  
 peculiariter sepes, & senticeta, ac loca umbrosa amat.  
 Ex ambabus speciebus priuatim herbam, & radices ser-  
 ua, quas perforare opus est, inde fune ligatas in umbra  
 suspendere ut exiccentur. Semina etiam habere studeas,  
 & ex maiori succum ex herba & radice, ex minori uero  
 ex seminibus exprimito, quæ in modũ uuæ collectæ sunt,  
 ut inquit Dioscorides. Ferrariæ copiosæ & efficaciores  
 hæ herbe profluunt. Fuere tamen qui à nobis uocatam  
 Aron, serpentariam, Aron proprio nomine appellarent, quo-  
 niam & Dioscorides à Syris lupha nominari censcat,  
 ob id Arabes, qui Syris propinqui sunt, uocabulum pa-  
 ram contrahentes luph dicunt. Alij etiam Bistortam esse  
 uolunt, quàm serpentariam dicimus, sed longe decipiun-  
 tur: quoniam radicem bistortam non habet serpentaria,  
 sed ut Dioscorides pingit, in maiori Dracunculo, ita re-  
 peritur

peritur in nostra serpētaria, candida, rotunda, cortice tenui. Videtur tamen in Aro Plinius à Dioscoride uarius, quippe ipse libro 24. capite 16. ari radicem nigram pingit: at Dioscorides candidam, dracuntio similem. SEN. Soluit ne serpentariæ radix? BRA. Soluit. SEN. Mesue à celeberrimo uiro reprehēditur, nam Mesue soluere censet. Ille reprehendit, quoniam ab antiquis inter purgantia nō numeratur, quæ ipsi cathartica uocāt. BRA. Galenus, & Paulus soluere omnino innuunt, & Plinius, eius folia sale & aceto soluere innuit. Et Dioscorides inquit, minoris semina tosta exceptaq; fico sicca, aut si edatur, aluum emolliet. Arabes autem uel Arabum interpretes, quum soluere dicunt uocabula confundunt. Imò & Aëtius ita inquit primo libro, Dracunculi radix omnia uiscera expurgat. Denique experientia ipsa hanc radicē soluere ostendit (non dico autem catharticæ) & ideo in re tam uera non est culpandus Mesue. Minus culpa dignus esset, si nonnihil noui edoceret, ab antiquis indictū. Germani uaria nomina habent, sed bistortæ applicata potius, quæ tamē ex dracōtio fiunt, ut drachenvvurtz, alij nottervvurtz: Aron tamen magis peculiari nomine, & pßffen pint nomināt. SE. Enule radices sequuntur. BR. Inula, Inula potius dicito, heleniū à Græcis & Dioscoride appellatur, quoniā ex Helenæ lachrymis in Helena insula genita sit, ut Homerus testatur, cuius radicē si quis comederit, omniū dolorū obliuiscitur. SEN. Hanc radicē sexcēties comedi, at hoc percipere nunquā datū est. BRA. Poëtica illa sunt, à nostris mulieribus expetitur, & in quotidiano serē usu hyeme habetur, pro conficiendis pa-

stillis, quos aiolos quasi inulos ab inula uocant: radix est, & herba apud Ferrarienses notissima, & frequentissima: in his montibus queras, locis opacis & siticulosi ubi efficacior existit. Radices in assulas diuidere, & siccare debes, imò & ipsa herba seruanda. Passo conditur, aut defruto, ut Dioscorides inquit, qui etiā bene odoratā esse censet, quum eius odor omnibus non placeat: quippe multi sunt qui pastillos edere non possunt ex helenio factos, ut hinc conijcere liceat, quum antiqui rem odoratā, & εὐωδία, id est, bene odorata dicunt, non esse intelligendos in exquisito odore, ut multi sentiunt, quia inule odore, quid bonum odorem esse censebant ostendunt. In odoribus enim usu uenit, ut aliquibus nonnulla bene oleāt, quæ fortent alijs. A Gallis lione, a Germanis alant uocatur.

**Rubia tinctoria.** *tur.* *s. e. n.* Rubear tinctorum radices sequuntur. *B. R. A.*

*rum.* Notissima est Rubia, adeo ut etiam infantes Ferrarie in promptu eam habeant, qua singulis annis nostræ mulieres in festo paschæ resurrectionis oua tingant. Duas habet species, syluestrem & satiuam: satiuam utilis est, syluestris nullius momenti. Abundat Ferrariæ syluestris, satiuam ob rusticorū ignauiam rara: nam magno quæstu per totam Aemiliam seminatur. Rauennæ ingens copia habetur: erythrodanum a Dioscoride, & ab antiquioribus

**Rubia satiuam,** appellata est, a nobis Rubia satiuam: quanquam in Dioscoridis textu passiuam legatur, sed cum Marcello satiuam corrigendum puto. Decepti sunt, qui herbam, quam uulgò pedochide louo appellamus, syluestrem rubiam esse existimarunt, nam syluestris rubia, ea potius est, quæ uulgò stellaria dicitur. Hos autem decepit, quia & ipsa inberet,

inheret, imò & Dioscorides aparime assimilat, quia inheret, & rubia etiam inheret. Tota Italia hanc optime cognoscit, & pro tingendis lanis ea utitur, & aptandis pellibus. Tria seruare oportet, semina, radices, & folia, quæ priuatim aliquibus ægitudinibus conferunt, imò si foliorum simul, & radicum succus seruetur, ab re non erit. In sepibus nascitur & umbrosis locis: quemadmodum apud nos à colore radice rubia, ita apud Græcos erythrodanum à rubore appellatur, nam erythron ruborem dicunt. Curabo deinceps ut Ferrariæ rusculo meo seminetur: tamen laudo ut altioribus locis atq; umbrosis pro re medica colligas. A Germanis roet nuncupatur: Galli nostrum nomen imitantur. S E N. Peucedani radices sequuntur. B R A. Si peucedanum, quem Ferrarienses, & Veneti pharmacopola ostendunt, consideremus, idem cum antiquorum peucedano esse deprehendetur, nam radix est crassa, liquore plena, qui niger est: & quauis nostra graui odore carcat, nec multum nigra sit, id ob senium accidisse arbitror, eo enim graueolentiam amisit, & succum. Verum facile est Genuam mittere Liguriæ metropolim: inde singulis ferè diebus naues in Sardiniam soluant, ut curetur recēs peucedanum haberi. In opacis montibus nascitur. Tria ex peucedano habere oportet, liquorem, succum, & radices. Liquor fit, sectis cultro radicibus tenellis, quod ex his fluit liquor appellatur, postea expressis radicibus succus colligitur, qui liquore ineptior est. Ex caulibus etiam succus fit adhuc ineptior, & citò efflatis uiribus ignauus redditur. Adde etiam inter peucedani radices, uel etiam caules, inhaerentem lachry-

Peucedanum.

mam, in morem thuris inueniri: hanc quoq; habere cōue-  
 niet. Sed omnia ex Sardinia petenda, aut Samothracia, nā  
 peculiaria sunt hæc, & propinquiora, & ad quæ sit faci-  
 lis aditus: quamuis Theophrastus, & Plinius laudatissi-  
 mum pucedanū in Arcadia nasci uoluerint. **SEN.** Acori  
 radix occurrit. **BR.** A. Quum frequenter pharmacopo-  
 larum radices perscrutatus sum, illud censere fuit opus,  
 Galanga. radicem eam, quam Galangam appellatis, acorum esse:  
 quod sæpe ab excellentiss. Leonico no dictum memini, ha-  
 bet enim folia iridis, angustiora tantum, nec radices absi-  
 miles, implicatas tamen, neq; in rectum, altum ue actas,  
 gustu acres, odore nō ingratas. Si eam radicē consideres,  
 quæ à nobis galanga dicitur, omnes has conditiones ha-  
 bere deprehendes. **SEN.** Ea autem radix, quam pro aco-  
 ro uendimus, quid erit? **BR.** A. Dicis ne illam, quæ rubra  
 est, ut coctus camarus quā recēs est uideatur, cuius sum-  
 ma copia Ferrariæ habetur, in agro Sammartina dictos  
**SEN.** Illam inquam. **BR.** A. Quid esset, diu consideram,  
 & quandoq; animus inclinabat, iridis speciem esse, postea  
 Xiris quo nomine appellaretur inquirens, in Xiridem inclina-  
 bam, quam aliqui irim syluestrem dicunt, habet enim iri-  
 dis folia, uerum latiora, & in coccumine cuspidata. Caule  
 intra folia cubitali admodum crasso, triquetras ualuulas  
 ferente, in quibus flores purpurei emicant medio ruben-  
 tes. Semen in folliculis, f. barum modo conditur, rotun-  
 dum, rubrum, acre. Radix prædensa geniculis, rubicūda,  
 longa: nostram uocatam acori radicem alijs arbitrabar,  
 nunc anceps sum: alij iudicent, quippe acorus noster flo-  
 rem luteū habet, sed Xiris purpureum. Tamen quicquid  
 sit, gla

fit, gladioli speciem nostrum acorum arbitror. Quam  
uero galangam uos putatis, uerus Dioscoridis acorus est.

SEN. Ostende igitur mihi Serapionis galangam. BRA.

Quid sit, incertum est, nec à Dioscoride, aut altero anti-  
quo Græco pertractatur. Soli Arabes suam galangā pin-  
gunt, pro acoro Venetias mittes, ubi uocatam galangam  
loco eius emere studeas, quæ uerus acorus est, qui calore  
et siccitate uiget: noster autem uocatus acorus frigidi-  
tate et siccitate insignitur, et insipidum quendam saporē  
habet. SEN. Pro galanga quid emam? BRA. Nihil, quia

galangam ad hoc usq; tempus ignoro: et illi aberrāt, qui  
radicem calamum aromaticum apud uos dictam, uerum  
acorum iudicant. Nam hic communis odoratus calamus,

Calamus odo-  
ratus,

ruffus est, et frequens geniculis, et qui cōfractus in assu-  
las multas disiliat, fistulis plenis araneo, subalbidus, in  
commanducando glutinosus, adstringens linguam gustu  
subacri. Hæc omnia in nostro Aromatico calamo ad un-  
guem inueniuntur, et præsertim de araneolo illo, qui  
in uocata nobis galanga esse non potest. Hi præterea  
decipiuntur, qui galangam à nobis dictam, calamum aro-  
maticum arbitrantur, ex eo quòd præcipua bonitas ca-  
lami, est esse ruffum, geniculis frequentibus, ac si cala-  
mus aromaticus, quem habemus, ruffus non sit, et ge-  
niculis careat. SEN. Quid ergo putas calamum aro-  
maticum quem habemus? BRASA. Verum calamum  
odoratum arbitror, ex India per rubrum mare, id est, si-  
num Arabicum, postea terrestri itinere per Camelo-  
rum garauanas ( ut eorum more loquar ) Alexandriam  
Aegypti magnum emporium, denique Venetias conue-



hunt : acorus uero in Colchide nascitur . Ideo Veneti quandoq; ex nauigatione in Propontidē, Helleſpontum, Euxinum mare, galangam aduehunt, quod acorum eſſe, iter teſtimonium eſſe poteſt. Tamen facilius ex Galatia habetur, in qua etiam exuberat. **S E N.** Venetijs ergo calamum aromaticum, & galangam, id eſt, uerum acorum, quaram, ueram autē galangam minime. **B R A.** Ita fiet. Ego enim ueram galangam ab Arabibus tantū deſcriptam inueni. Scribit enim Serapio, eſſe uenā in groſſitudine caſſiæ lignæ, & cortex eius eſt rubeus, & interius eius eſt puluerulentum. Pandeſtarius apud Dioſcoridem inueniſſe putauit, quum tamen abſit. Germani acorum ſchvverten, galangam uero galgent appellant. At Galli galangam, galingal potius nuncupare uoluerunt.

**Polypodium.** **S E N.** Polypodium ſequitur. **B R A.** Ex ſimilitudine, quam cum cirris polypi piſcis habet, polypodium, quaſi paruus polypus appellatur: hanc herbam Latini ex ſimilitudine foliorum cum filice, filiculam nuncuparunt: non ut in Theophraſto Theodorus, qui fidiculam interpreta-  
tatus eſt. Recentes quoties ordinant, dicere ſolent: Recipe polypodij quercini, ex hoc ne putes in alijs arboribus non naſci, ſed in quercu efficacius: quippe arboribus inheret, & in muſcoſis locis naſcitur. Circa montanas quercus polypodium quercas. **S E N.** Quid de his ſentis, quibus Manardus Meſuem reprehendit? **B R A.** Eſt id Auerroim Meſue comparare, quoniam Meſue polypodium in tertio ordine calidum facit: Auerrois autem in caliditate ſerē temperatum eſſe dicit, quod eius guſtus oſtendit. In guſtu mihi uidetur caliditatem præ ſe  
ferre,

ferre, & satis intensam: de his uero gradibus bilance careo, qua ponderare nunc possum. A Gallis polipode nuncupatur, ab Hispanis ut nos polypodo. SEN. Thapsiæ Thapsia, radix sequitur. BRA. Radix, quam uos pro thapsia uēditis, thapsia esse ab effectu demonstratur, nam in puluerem redacta soluit, & præsertim corticis puluis (ut Dioscorides inquit.) Vnum tamen obstare uidetur, quia à Dioscoride, & omnibus alijs intus candida, extra nigra dicitur: quibus notis thapsia nostra caret, nam extra nigra nō est, tamen in nigrū uergit, uel subnigrum, intus uero alba est, ut putandū sit, quum autoribus herba aut radix nigra dicitur, non esse intelligendam perfectam nigredinem, modo in nigrum inclinet: uerūm Dioscorides solet parum nigrum subnigrum appellare, ideo arbitror, qua pro thapsia utuntur pharmacopole Ferrariæ, ueram thapsiam non esse, quia ruffa est, nec gustum eius habet. Nos ueram thapsiam in Apennini alpibus uidimus, ubi uulgò dicitur Craffegnana, quæ pars ab Illustriss. Alphonso duce Ferrariæ, & nostro inclyto patrono possidetur, est enim similis ferulæ in specie, folia fœniculo similia habet, umbellæ in singulis germinibus in summo habens anetho similes, in quibus luteus flos est, semen modice latum habebat, ferulæ semini simile, ueruntamen minus. Radix grandis, intus candida, foris nigra, crassiore cortice uestita, & acris. Tamen & eam uidimus in officina Vincentij Celati compatris charissimi, Laurentij Augusti pharmacopole solertissimi opera. Thapsia dicitur, quoniam in Thapso insula una ex Sporadicis potissimum prouenit. Illam per Hispanorum nauigatio-

nem ad Sporadus insulas habere poteris. Interim in his montibus collige, & tria ex ipsa serua, liquorem, qui per abscisionem corticis emanat, succum ex expressa radice, quæ in picato fictili crasso in sole siccato, & ipsam radicem. Errant qui ex folijs succum seruant, quoniam, ut

Cyperus. inquit Dioscorides, nullius momenti est. SEN. Cyperus sequitur. BRA. Quo loco herbæ nascantur, plurimum refert, imò & quo bruta, lapides, æra, & homines: quippe qui montibus nascuntur, rudes sunt, absque moribus, non facile patientes à qualibet leui causa: è contrario qui in amplis urbibus ortum ducunt, morigerati, uasfri, & facile patientes sunt: ita qui humido cælo, albi & molles, nigri qui sicco, & præduri. In cypero idem eueneri sentimus, qui si in orientioribus partibus nascatur, odoratiores euadit, & efficacior. In hæc prorupi, quoniam Ferrarie cyperi ingens copia habetur, in conuallibus præsertim, tamen intenso odore caret: ob hoc uero cyperum esse non dubitamus, quia omnes cyperi notas habet, quas illi attribuunt auctores, quippe illi porri folia insunt, longiora tantum, gracilioraq; caulis cubitalis, & aliquando maior, angulosus, in cuius summo cacumine minuta folia se proferunt, inter quæ semen est. Radices oblongas oliui similes habet, & rotundas aliquando, nigraiq; & cum amaritudine aliqua odoratas: nascitur cultis, & aquosis locis. Si eam radicem, quã nostri phar macopole pro cypero sumunt, considerabis, omnes prædictas condiciones illi ad unguem quadrare percipies, & quamuis amaritudo illa non persentiat, est ob nimiam locorum humiditatem, tamen in subamarum quodammodo in

do inclinat. Cornelius Celsus libro 3. capite 21. iuncum quadratum, Plinius uero libro 21. capite 18. iuncum triangulare appellat: sed in processu simpliciter angularem iuncum nuncupauit. Re uera in nostro solo, ut plurimum, triangularis est, quadrangularis raro, quamuis nonnunquam quadrangularem uiderim, & Thomas Lucensis pharmacopola egregius in officina habuerit. Dioscorides propterea cautius, nec triangularem, nec quadrangularem, sed angulosum appellauit. Consueuimus autem res angulosas, in quocunque numero sint anguli, quadrangulares uocare. Triangularium iuncorum, & odoratorum ingens copia in Ferrariensi agro habetur, locis aquosis, tam cultis, quam non cultis. Verum tria haec nomina apud autores plerunque inueniuntur, cyperus, cypirus, & cyperis. Cyperus est iuncus, de quo nunc sermo factus est. Cyperus pro gladiolo in Theophrasto interpretatur Theodorus, quamuis cyperus, & non cypirus legatur, quod librariorum gratia factum arbitror, qui in e, transmutarunt. Cyperis autem genitiuo cyperidis, & faeminini generis, praedicti angulosi iunci radix est. In Ferrariensi agro colligere nihil impedit, tamen in Cilicia & Syria efficacior prouenit. At ab Alexandria Aegypti, Cilicia & Syria non multum distant, ideo curandum, ut ex illis locis afferatur, imò recto cursu Veneti singulis annis in Syriam nauigant. Radices solum ab autoribus probantur, quamuis nec caulem praetermitterem. Interim Ferrariensi cyperide utaris. S E N. In postrema parte capituli de cypero apud Dioscoridem habetur, in India alteram radicem nasci angulosi iuncti, uel cyperi,

que zinziberis similitudinem habet, nam commanducata amarefcit, & luteum croci colorem reddit. Libenter hæc radicem noscerem. B R A. Suspiciatus sum, & adhuc à Curcuma. suspicione non dimoueor, radicem illam, quam uos Curcumam appellatis, hanc esse, de qua Dioscorides in cypetro, nam similis zinziberi est: imò ipsam inter zinziberis radices Veneti pharmacopole inueniunt, quæ si mandatur, amaritudinem quandam, licet paruam, præ se fert, & croci colorem reddit. Vnum tantum deest, quòd hæc radix statim applicata non depilat, sed in multis depilatorijs recentes ea utuntur. Tamen uideto inter recentes oppugnantiam: nam Serapio curcumam chelidonium esse putauit, imò ita esse certus sum, scilicet quòd hoc uocabulum curcuma, apud Serapionem idem sit, quod apud Dioscoridem chelidonium: uel potius fuit interpretes Serapionis, qui ubi Serapio sua lingua kaurach dicit, interpretes curcuma exponit. At kaurach descriptione considerata, id est, curcuma, secundum interpretem, idem est cū chelidonio Dioscoridis, ut tibi uidere licebit. Errat autē Pandectarius qui curcumam chelidoniū esse putauit, & duplici errore peccat. Primo, quia non magis chelidonium minus, quam maius, apud Serapionem curcuma est: præterea eam radicem, quam uos pro curcuma uenditis, curcumam esse arbitratur, quæ in zinzibere inuenitur, constat non esse chelidonium minus: unde nō assero Serapionem errare, qui chelidonium curcumam appellat. Sed fateor, eam radicem, quam Venetijs & Ferrarie curcumam dicunt, Serapionis curcumam non esse: nam ipsa potius est Indicus cyperus, si quid sit. Errat & Pande

Pandectarius qui aperta fronte dicit Plinium his uerbis  
 uij: Minor chelidonia est Memith. At multiplici errore Memith,  
 deprehenditur. Primo, quia memith succus est, nō herba:  
 præterea Plinius loco à Pandectario citato, 25. libro, ca=  
 pite octauo, in medio ferè, nihil huius memith meminit,  
 imò nec usquam alio in loco. Verum tamen est, Serapio=  
 nem chelidonium minus secūdum aliquos memithem ap=  
 pellare, ita eius interprete exponente. Nam caput de  
 memithe distinctum facit à chelidonio minori, & apud  
 ipsum idem ferè uidetur apud istos memithi, quod apud  
 Dioscoridem is succus, quem othonnam uocat: quamuis Othonna.  
 Serapionis memithe apud Dioscoridem Glaucium sit,  
 & non othonna: de quo suo loco differetur. Vnum est,  
 Serapionem & ipsum de Indo cypero loqui, eodem modo  
 quo Dioscorides, alioqui alteram curcumam non inuenio  
 apud Serapionē. Decepti uero sunt in chelidoniū radice,  
 quoniā & ipsa crocea existit: unde nisi cyperus Indus ea  
 radix sit, quam curcumā nuncupatis, nusquam apud Sera=  
 pionem, aut Dioscoridē quid sit, inueni: quia Serapionis  
 curcuma chelidoniū minus est. Ob id etiam chelidonium  
 minus curcumam esse multi putarunt, quia depilat, sed de=  
 cepti. Certus enim sis, quam nos curcumam dicimus che=  
 lidonium non esse, ut eius figura & proprietates osten=  
 dunt: quamuis hoc uocabulum curcuma, apud Serapio=  
 nis interpretem chelidonium significet. Galli cyperum  
 Sonchet uocant, Hispani raiz de iunca, Lusitani auelada.  
 SEN. Esulæ radix succedit. BRA. In hac herba tot Esula.  
 ambiguitates sunt, ut Arabes inter se dissidentes uidean=  
 tur, & bis de eadem re absque ratione loqui. Hæc ab

Excellentissimo Leonicensi in epistola ad Menochium diffuse pertractata sunt: nos concisè expedicimus, ne ea repetere uideamur, quæ à tanto uiro dicuntur. SEN. Audui esula radicem turbit effecimò apud Dioscoridem in capite pityuse legi, quia Dioscoridis pityusa, apud Arabes, præsertim Serapionem, esula est, quæ radicem habet, quam appellant Turbet, albam, crassam, et madidam succo. B & A. Plura sunt quæ hoc loco ambiguitatem faciunt: Esula in primis apud Arabes, et Latinos diuersa, et deinde Turbit. Si esula Serapionis, et pityuse Dioscoridis picture considerentur, idem penitus esse deprehenderetur. Sed quam Mesue alsebram uocat, et à recentibus esula interpretatur, non est Serapionis, aut Dioscoridis esula, quoniam ambo radicem candidam habere patentur, sed Mesue suam alsebram rubram radicem habere, ut casia scribit. Auicenna in capite Sebram, idem cum Mesue sentit, ad rubedinem tendere. Leonicensi autem uidetur, Auicennam bis de eadem re loqui: semel in capite de sebram, et deinde in Mezcheregi. Sed re uera duo diuersa iunt: quoniam Mesue duplex sebram, magnum et paruum describit. Ita Auicenna de paruo, in cap. de Sebrâ, de magno in Mezcheregi: arbitrorq; sebram paruum apud Mesuem, et sebram absolute apud Auicennam, idem esse cum tithymalo paralos apud Dioscoridem, qui radices in summo rubentes habet, quales sebram insumunt. Maior autem Mesue sebram, idem est cum Auicennæ mezcheregi, et utrunque idem est cum tithymalo platyphyllos Dioscoridis, qui rufus in aqua pisces necat. Et ego quandoque suspicatus sum hunc tithymalum id  
semen

semen parere, quod nucem uomicam nuncupamus. At Auicenna non dicit pisces necare, sed potius inebriare. Quod uero suspicatur Leonicens istud Mezeheregi Dioscoridis pityusam esse, ego non suspicor, quamuis multos modos soluere oportuisset quos alijs relinquere statuimus ne in re hac tam incerta tempus contratur. Certus tamen sum Serapionem bis de pityusa Dioscoridis tractasse. Primus locus est post septē tithymali Dioscoridis species: nam ipse alteram addit, quam pthiam appellat, nomen corruptū est, legi debet pityusam: quippe eodem loco scribitur, quo à Dioscoride, scilicet post tithymali species, & eadem effigie atque eisdem proprietatibus. Secundus locus est, quum de esula tractat, quam sebram uocauit, tunc pityuse Dioscoridis meminit: quippe eadem cum ipso dicit, fortè ob lac statim post lacticiuia pertractauit: deinde uoluit iterum per se loqui. Verum non arbitror hanc esse causam, quia sub alio nomine de ea tractat. Quam ob rem Serapionem deceptum esse certus sum, nisi & ipse maiorem sebram & minorem prosequatur. S E N. Hæc nihil ad rem, de Serapione aut alijs Arabibus in hac re parum curo: id tantum noscere cupio quid sit hec radix, quam nunc esulam uocamus, id est, an apud antiquos reperiatur, quicquid Arabes de ipsa loquantur. B R A. Radicem illam quam uos Pharmacopole esule loco utimini, ostendit mihi (sed tunc mentem non adhibebam) Genue quidā pharmacopola, hic eruit, & radices ostendit, quæ eandem omnino similitudinem habebant cum nostra uocata esula: quippe in superficie subrubræ erant, & folia stricta, oblongaq; habebat, circa



maritima ortum ducebat. Quam ob rem uestram esulam apud Mesuem, minorem sebram esse arbitror: apud Aui-  
cennam absolute sebram: apud Dioscoridem, illam tithy-  
mali speciem, quæ paralios quasi maritima nuncupatur,  
eo quod in locis maritimis ut plurimum nascatur. Apud  
Serapionem nostra esula est tertia tithymali species, quã  
ipse corrupto uocabulo peralios pro paralios, sua autem  
lingua minghat uocat: quam uero ipse sebram nuncupa-  
uit, & eius interpretres esula interpretatur, non est uestra  
esula, nec etiam tithymalus paralios, sed est Dioscoridis  
pityusa, quam tamẽ post species tithymali iterũ tractat.  
Res ita cõfusa est apud hos Arabes, ut difficile sit omnia  
ad unguẽ persequari. Nempe Arabicam linguam calle-  
re opus esset, si quis uellet omnia hæc probe distinguere.  
Scio autem plures species herbarum lac ferentium me ui-  
disse, quam à Dioscoride pertractentur. Quũ uerò de ra-  
dice pityusæ dubitabas, quæ à Dioscoride turbit dicitur,  
nunquid uerum turbit sit, Respondeo Excellentissimum  
Leoniceum eam particulam in Dioscoride ἡ καλὸς  
τὸ περ, id est, quam appellant turpet, non esse à Diosco-  
ride positam arbitrari, quia nomen barbarum est, sed po-  
tius tanquam glossema fuisse additum ab aliquo ita pu-  
tante: nam plures Græci id credidere, & inter alios  
Aetuarus, qui quum Arabum medicinas numerat, inquit  
turbis à Barbaris uocatum esse radicem plantæ, quæ à  
Græcis pityusa uocatur: fortè Aetuarus per Barbaros,  
alios quam Serapionem intelligit: nam constat Serapio-  
nis turbit, non esse pityusam Dioscoridis, ut mox osten-  
demus. Marcellus etiam cum Leoniceo illam particu-  
lam adiunt

lam adiunctam esse suspicatur: Hermolaus nihil memi-  
 nit, nec id caput cōmentatur. Ego autem in omnibus Græ-  
 cis exemplaribus ( quæ ad manus meas peruenire ) eam  
 particulam inueni. Sed fortè ab uno exemplari ducta &  
 transcripta, in quo ita legebatur. Idq; uanum est dictu, à  
 Dioscoride scriptum non esse, quia nomen Barbarum,  
 ac si Dioscorides Barbara nomina fileat. Constat tamen  
 posteriores Græcos pityusæ radicem, Barbarorum tur-  
 bit esse putasse. Quod si in Serapione intellexerint, ab-  
 errant: si in aliquo altero, quem non uiderim, fortè uerum  
 est, tamen hic non est rei nodus: sed quid sit ea radix,  
 quam uulgò turbit appellamus, discernere oportet: post- Turbit.  
 ea nunquid turbit ab Arabibus descriptum, aliquo in lo-  
 co à Dioscoride pertractetur. s e n. Hoc est quod pe-  
 to, nam de hac re Excellentissimum Leonicenum differen-  
 tem legi, sed ambigüe, & timide proponentem. Tu mihi  
 in hoc places, qui simpliciter, quid sentis aperis. B R A.  
 Nunc duæ radices Ferrariam comportantur, altera sub-  
 rubra, uel subnigra, aut cineritia, altera alba, quæ ex mon-  
 te Gargano Apuliæ feruntur, & maritimis potissimum  
 locis. Radix illa subrubra quandoque, aliàs cineritia, qua  
 utimur, gummosa, est Mesue turbit: ideo potissimum in  
 officinis turbit Mesue habetis, quod intus album, extra  
 subrubrum, aut subnigrum, aut cineritium existit. Vidi  
 ego plantam, quæ folia ferulæ non habebat, ut illi Mesue  
 attribuit, sed myrti, maiora tamen. Ideo Mesue codicem  
 corruptum esse arbitror, & myrti, non ferulæ legi debe-  
 re. Est autem apud Dioscoridem myrsinite, id est, secun- Myrsinite.  
 da species tithymali, qui fœmina est, quoniam & ipse fo-

lia myrti, maiora tamen habet: quamuis in nostro antiquo Mesue in margine loco ferule scriptū sit, alias fœniculi. Quicquid tamen sit, pro constanti habeo Mesue turbit secundam speciem tithymali apud Dioscoridem & Serapionem esse. Serapio autē de turbit alio modo pertractat: quippe inquit caricamon( legi debet caliumaris, quia ita à Romanis appellatur ) est planta, quæ nascitur in littoribus maris, in locis scilicet quos mare cooperit quando crescit, quando uero est quietum, non tangit ea. Non enim nascitur intra aquam maris, nec est multum longe ab ea, & nisi quando mare turbatur, & crescit, nō tangit ea, & habet folia similia plātæ quæ dicitur arafatis( codex corruptus est: legi debet isatidis, ut Dioscorides inquit ) nisi quia sunt grossiora, & dicunt quidam quòd flos eius mutat colorem ter in die, quia mane est albus, & in meridie declinat ad colorem purpureum, in uesperis uero fit rubeus: radix uero eius est odorifera, alba, quæ quando masticatur, calefacit linguam, & reliqua. Tu modo Dioscoridem in capite tripolij legas eadem cum Serapione dicentem. Nempe inquit: Tripolium nascitur in maritimis ubi allidit unda, iterumq; retro comeat, neque in mari, neque in sicco planē: folia isatis habet arentia, longioraq;. Caulem palmo altum, in mucronēq; diuidentem se, huius in flore colorem tradunt mutari ter die, candidum mane, purpureum meridie, sanguineum sole occidente aspici, radice alba, odorata, calidi gustus. Ex his uides, quod Serapio turbit appellat, Dioscoridem tripolium nuncupasse. Videtur tamen Mesue in uiribus cum Serapione, & tripolio Dioscoridis conuenire: quod ta

quod tamen uniuersim non est, sed in aliquibus propter ea contingere potest ut radix illa Mesue, eandem uires habeat, quas Serapio suo turbit attribuit: imò si secundā speciem tithymali Dioscoridis legamus, quæ est Mesue turbit, statim plures uires habere deprehendetur, quæ in idem ferè uergunt, ideo non mirum si Mesue turbit plures uires habeat, quæ Serapionis turbit insunt. Hoc tamē Serapionis turbit, quod est Dioscoridis tripolium, nec in usu est, nec à nostris pharmacopolis cognoscitur. Ea uero radix alba, crassa, quæ ex monte Gargano ad nos affertur, est turbit Dioscoridis, id est pityuse radix, est enim alba, crassa, & succo madida, & ex herba habente folia minuta exacuta similia piceæ sumitur. Multi uero putarunt esse turbit Serapionis propter candorem, decepti tamen, quia turbit Serapionis odoratum est, sed hæc radix est inodolata, præter id quod herba folia Dioscoridis pityusam esse ostendunt. S E N. In summa collige quicquid de turbit præcitatum constat. B R A. Lubentissime agam: Mesue turbit, est secunda species tithymali apud Dioscoridem & Serapionem: Auicennæ & Serapionis turbit, Dioscoridis tripolium est. Dioscoridis turbit (nisi textus mendosus, aut superfluous sit in capite pityusæ) pityusa est, de qua bis Serapio, & in ultima specie tithymali post septem Dioscoridis, & in capite de febram: unde uides quantum res oculatè noscatur, & quomodo quæq; herba hoc modo facile cognosci possit. Nam uocabulum Turbit ad hæc tria æquiuocum est, ad Mesue scilicet, Dioscoridis, Serapionis, & Auicennæ simul turbit. Denique quod Pandectarius duo capita fecit,

rit, unum tripolij, aliud turbit, etiam secundum Serapionem: & Simon Genuensis, an tripolium trifolium esset dubitauit, & de errore Plinij in tripolio & polio, & quomodo Plinij causa Theodorus errauerit, qui in Theophrasto ubi dicit polium, tripolium uerterit, plura dicta sunt ab excellentissimo præceptore Nicolao Leoniceno, ideo opus non est absque aliqua utilitate hæc iterum repetere, quæ tu in illius uiri epistolis facile intueri poteris. Quam ob rem ad alia potius transire opportunum erit, si in primis te animaduertero à Germanis plurimis esulam vvolsmilch appellari, quod uocabulum lac lupi significat: fortè quia ineptum lac, aut exedit, ut animalium lupus uoracissimum est. SEN. Pyrethron sequitur. BRA. Herba apud nos in hortis frequentissima est, quam rustici drago appellant: Dracontea Latine dici potest. Hanc graußimi uiri pyrethrum esse arbitrati sunt, sed ita decepti ut rari sint grauiore errores: quippe & folio, & sapore, & usu differunt. A Romanis pyrethrum herba saluaris appellatur, quoniam saluam excitet: & quum multa sint naturæ calidæ & attrahentis, magis etiam quam pyrethron, nihil tamen æquè bonum reperitur ad saluam excitandam, ut pyrethron. Quam peculiarem proprietatem Latini considerantes, saluarem herbam nuncuparunt: ob caliditatis feruorem à Grecis pyrethron dicitur. Hæc herba in Apennini alpibus frequens habetur: folia pastinacæ syluestris, uel sceniculi habet, ut auctores referunt, sed mihi etiã apio cõparari posse uidentur, feruet quidem quod ex his montibus affertur, & magis si aridum, quam uiride: tamen quod ex Grecia

magis

Pyrethron.

Herba saluaris

magis feruet, & crassiores sunt Græcæ radices nostris. A Gallis pie dalifandre, à Germanis pertron nuncupatur. S E N. Zedoaria occurrit. B R A. Et nomen, & res ipsa, Zedoaria, barbara esse ostendunt: nusquam enim apud Græcos zedoariam inueni, nec quid esset illa radix, quam zedoariā dicimus, quæ Alexandria Aegypti Venetias portatur: sci-  
mus autem recentes, & Arabes in ipsa cōfusiſsimos esse: nam Serapio de zurumbet tractans, zedoariā intelligit. Zurumbet. Auicenna autem primo de zedoaria eodem modo quo Serapio de zurumbet scribit, postea aliud caput de zurumbet facit, tanquam de re à zedoaria distincta: & Simon Genuensis se uidisse fātetur, & zurumbet radicem habet similem cypero, sed radix zedoariæ est similis aristolochiæ rotundæ. Tertio Auicēna caput de zeduar, à prædictis duobus distinctum facit. Simon uero per zeduar, zeduariam exponit: tamen Auicenna ueluti distincta scribit, & Dioscoridem in zeduar adducit. Nos locum inuenire nequiuimus, imò Auicenna rem offuscatur: propterea Auicennam, Dioscoridē nunquā uidisse arbitramur, præsertim in hoc loco, sed potius Paulum Aeginetam, quem adeo imitatur, ut nōnunquam integrū caput & integra remedia sumat. Nonnulli uero etiā sunt, qui Auicēnæ zarnabum & zeduariā idem esse putarint, à quibus dissentimus: nam zarnabū (si recte coniecto) id est, quod apud Paulum 7. lib. & Aëtium Arnabo nuncupatur, quod in Arnabo, odoramentorum censu est, cuius rei gratia unguētis subinde inferitur. Ab unguentarijs tertij calefacientium & arescentium ordinis, cassiæ, carpesioq; simile: quā ob rem in eius penuria Posidonius cinnamomū in ipsius locum

substituendum esse censuit. Auicenna & ipse suum *zannarbum*, quasi *arnabum*, inter odorata numerat, & pro *cinnamomo* poni fateatur: quamuis Paulus *cinnamomum* pro ipso poni fateatur. Ad rem nostrā redeuntes, Serapio etiam aliud caput facit de *zurumbet*, sed unū est, quod in his rebus errare facit, Arabicorum nominum inscitia, & præsertim orthographiæ, quoniā una dictio aspiratè scribitur, altera nō: quum autē ea lingua careamus, recte iudicare nō possumus. Vnde Arabes meritō agrefere possent Latinos eorum idioma omisisse, quū tamen summi in ipso scripserint uiri, qui si ita cōmodē, & fideliter interpretati essent, ut Græci autores, multa præcipua nobis ostenderent, & in pluribus eos laudaremus, in quibus cōtemnimus. Putare enim oportet *zurumbet*, de quo isti diuersis locis tractant, uario modo scribi, quum res alia sit. Nam *zurumbet* primo loco scriptū à Serapione, scilicet capite 172. ab eo diuersum est, quod cap. 270. scriptum reperitur. Primum enim radix est uocata *zedoaria*, ut eius interpretes exponit, & etiā Auicēnæ interpretes. Aliud uero res altera est, & nos suspicamur esse *arnabo* Græcorum: nam Serapio eo cap. 271. de *zurumbet* tractans Galenum adducit, in translatione Arabica secundū Tarich: uerū nihil est apud Galenū, quod huic *zurūbet* correspondeat. Puto illū Tarich deceptū esse, & uoluisse adducere Paulum, nō Galenum: nam Paulus in *arnabo* eadē præcise dicit, quæ à Serapione adducitur secundū Galenū in translatione Tarich: imō & ipse Serapio dicit Paulum eadē cum Galeno scripsisse, adeo ut nec una litera differat: propterea arbitror illū Tarich pro Paulo Galenum adduxisse.

xiffe, uel in Galeno suo addidisse hoc, quod à Paulo, nō à Galeno scriptum reperitur. Quod autē idem sit præcise cum arnabo Pauli, zurumbet ducentesimo septuagesimo primi capitis Serapionis, manifestum est, autorē autori comparando. Inquit enim Serapio: Zurūbet est ex speciebus odoriferis, & propter hoc admiscetur cōfectionibus aromaticis, & est calidum & siccū prope tertium gradum, & est in uirtute sua simile cassiæ lignæ et cubebis. Si modo Paulum in arnabo legeris, eadē ferē dicentē inuenies. Arnabo in odoramentorū censu est, cuius rei gratia unguentis subinde inseritur ab unguentarijs: tertij calefacientium & arescentiū ordinis, cassiæ, carpesioq; simile. Hinc uides zurumbet istud Serapionis idem esse cū arnabo Pauli, & Serapionis zurumbet idem cū zarnabum Auicennæ, si Auicennā legas, & cōpares ipsum Serapionem, in autoritate Isaach Eben Abraham, & in autoritate Meseah, & Mesarugie: quod etiā à Serapione dicitur: & dixit Consodonius, si nō habes cinnamomū, pone pro eo zurumbet. A Paulo per oppositū refertur, arbitror Serapionis interpretē in causa fuisse erroris. Ita enim Paulus inquit: Quam ob rem in eius penuria Posidonius (nō Consodonius, ut in Serapione legitur) cinnamomum in ipsius locum constituendum esse censuit. Non autem dicit quod arnabo pro cinnamomo ponatur, sed è contrario. Vnumq; animaduersione dignum est: Paulus arnabo carpesio comparat, & cassiæ: Serapio cassiæ lignæ, & cubebis. Hinc elicere oportet, cassiam ligneam Serapionis esse Græcorum cassiam: & Serapionis cubebas, esse antiquorum carpesium. Tamen proprium caput facit Se-



rapio de cubebis, quæ idem facit cū myrto sylvestri Dioscoridis: unde errores arbitror ex interpretibus accidere, qui Latina nomina Arabicis accommodare nesciuerint. Nam si per cubebas hic intelligat myrtum sylvestrem, errat, quia carpesium est. Si uero carpesiū intellexit, cur deinde sylvestrem myrtum cubebas nuncupauit? Nō possum non addiscere Arabicam linguam, ut tot disidia in nostra arte concilem. Quod uero zedoaria & zurumbet diuersa sint, aliud testimonium esse potest: quia Mesue in descriptione electuarij de gemmis, zeduarium primo sub uno pondere, postea zurumbet sub altero ponit, ut inde ad libellam deprehendatur, zedoariam quæ zurumbet dicunt, & zurumbet diuersa esse. Nonnulli recentiores, radicem eam, quæ a nostris pharmacopolis Ben album appellatur, antiquorum zedoariam esse existimauerunt, qui summe errant. Nam zedoaria, ut Arabes referunt, radicem rotundam habet, ben album longuā. Quid autem sit radix hæc apud antiquos, quam uos zedoariam nuncupatis, nondum mihi constat, sed breui inuenturos speramus, & iam coniecturas habemus. Galli zedoariā cretonart, Germani zvvitten appellant. SEN. Eryngij radix sequitur. B & A. Nullus ferè est apud nos huius radicis in re medica usus: pharmacopole eas zuchato cōdiunt, & ad uirile membrum erigendum, & hyeme, ut uentriculus caleseat, utuntur. Notissima herba est, quæ in maritimis illustrissimis Ducis nostri locis ubertim nascitur: quamuis Dioscorides in asperis & cāpestribus prodire censcat, nec Dioscorides alterius speciei meminit, quam radicem extra nigram, intus candidā habentis. Extat tamen &

men & eryngium radicem extra albam habens, quā omnes Italiae pharmacopole zucharo uel melle cōdiunt. Vulgò rinzo dicitur, quasi eryngium: & conditum ex ipsis, rinzata, quasi eryngiata, id est, ex eryngio factū nuncupatur. Dioscorides unam tantum speciem nouisse uidetur. Plinius lib. 22. cap. 7. & 8. & albam radicem extra habentem nouit, quam centum capita uocat: quod uocabulum Hispanum est, ut inquit Dioscorides, sed ipse absolute suo eryngio applicat, Plinius uero tantum albo: imò & satiuam facit Plinius, & quæ sponte nascatur in asperis & saxosis, & in littoribus maris, in quo loco nos semper eam uidimus: unde centum capita eryngium est, præsertim album, tamen id nomen in nigro Dioscorides scribit. **S E N.** Loquuntur ne de eryngio Arabes? **E R A.** Loquuntur quidem, sed confuse. Nam Serapio cap. 88. de seacacul tractat, quod recentes aliqui eryngium esse putāt, quamuis ab alijs polygonatum, id est, fraxinella à nobis dicta existimetur, sed hæc aliàs. Postea capite 96. de astarico (ut eius nominibus utar) quod dicit esse centum capita, & iringi, id est, eryngium, tractat, quo in loco duo simul confundit Serapio: unum est asteraticum, alterum eryngium: appellatq; asteraticum centum capita, quod nusquam ab antiquis factum apparet. Corruptū uero nomen est apud Serapionē, quod ipse legit astaricon, Ateriscon legi oportet, nam ita à Dioscoride etiā nuncupatur: & quod dicit Serapio ab aliquibus bionion dici, buboniū legere conuenit, ita Dioscoride appellante. Ibi Serapione considerato certe deprehēditur astaricum suū, uel centū capita, esse asteraticū Dioscoridis: postea de Iringo rodē

capite tractat, quod centum capita album uocat. Ex te ipso considera, quoniā simul eryngium & asteraticū misceat, forte uitio interpretis hæc sequuntur, qui uocabulum hoc centum capita, asteratico, & eryngio attribuerit. Quicquid tamen sit, Dioscoridem adducit Serapio in cētum capita radicem albam habēte, de qua tamen nusquā à Dioscoride scriptum reperitur, & illi proprietates attribuit, quæ suo centum capita nigro apponit. Dissimulantes uidentur Germani in eryngio. Sunt qui herbam, quam wallen disteln appellant, eryngium arbitrantur, ac si dixerint carduum aggerarium: alij aduersantur, quoniam inodora sit eius radix, eryngij uero odorata, propterea alterā herbā esse existimarūt ab ipsis Eberwurtz dictam: alij schvverten appellant. Quicquid sit, hoc dissimulatum ipsis relinquatur. Sat est apud nos circa maritima Illustris. Ducis nostri utraq; speciem frequentē inueniri, quas simplici nomine rimzi, quasi eryngiū uocamus. Sed unum est, pro quo ualde doleo, à nobis Arabicam linguā ignorari, imò coget nos quandoq; addiscere, & breui, modo præceptorē enāscisci possim. Nam Serapio de eryngio tractans, sub nomine astericon proponit: tamen aliud nomen pro eryngio in capite nardi scribit, nam Dioscoridē adducit, qui nardum montanā eryngio cōparat, ipse uero non eryngio, sed karsabane, uel secundum alium textum darfabane: unde opus est per hoc uocabulū karsabane, eryngium intelligat, alioqui Dioscoridem nō imitaretur. Sed quod magis est, Auicenna cōparat montanam nardū folijs croci hortulani, arbitror interpretum male fidorū uitio hæc omnia contingere, qui uocabulū pro uocabulo confu-

confuderint, & capita capitibus immiscuerint, ut apud Serapionem de asteratico, & eryngio dictū est: fortè est unum nomen Arabicum centum capita significans, quod asteraticum, & eryngium complectitur. Hæc aliàs discutienda relinquamus, ut deniq; de eryngio expeditum sit.

SEN. Hermodactyli ad lineam uenere. BRA. Plures in <sup>Hermoda-</sup> pentaphyllo errarunt, hermodactylon esse arbitantes, <sup>tylus.</sup> id est, mercurij digitum, quoniā hoc nomine Dioscorides etiam pentaphyllon appellet. Verū pentaphylli radix ita à nostris hermodactylis differt, ut nox à die. SEN.

Quid ergo sunt hermodactyli nostri apud antiquos? BRA. Arabes, præsertim Serapio, sub hoc nomine hermodactylus, duo cōplectitur, Dioscoridis Colchicon, & ephemeron: ut ex eo apparet, hæc describente, quamuis nomen corruperit: & ubi achimeron legitur, ephemerū scribendum sit: nec mirum, quoniā & apud antiquos eodem nomine significatur: quippe apud ipsos per hoc uocabulum ephemeron, inuenio, tam Colchicū interficientem, quā ephemeron non interficientē significari. Hoc constat, si quis Paulum Aeginetam de Ephemero loquē- <sup>Ephemerum,</sup> tem legat, ubi dicit: Ephemerum, non quod letale est & noxium, sed quod iris syluestris appellatur: ut ostendat per ephemeron etiam id quod letale est, intelligi. Adde in alexipharmacis Nicandrum de ephemero loqui, quem in Colcho infestum censet, ut ferè hanc differentiam innuat, ephemeron aliud Colchicum, id est, ex Colcho esse, aliud alterius generis. Hoc præterea Paulus Aegineta libro quinto, capite 48. clarius ostendit, in quo libro de uenenis agit, dicēs: Si quis ephemeron, quod

Colchicum aliqui, aut sylvestrem bulbum appellant (Romani namq; bulbum sylvestrem nominant.) His uerbis manifeste deprehenditur, per ephemerum etiam Colchicum intelligi. Imò & Dioscorides idem testatur, qui in capite Colchici, ephemerum etiam nuncupat, ac si innuat duplex ephemerum inueniri, Colchicum, de quo prius tractat, & quod peculiariter ephemerum nūcupatur. Vnde & si ephemerum Colchicum significet, tamen præcipuo nomine id ephemerum est, quod ueneno caret, quanquam hoc nomen ephemerum à uenenofo deductum sit. Verum per excellentiam loci in quo nascitur, & ob facinora Medæ ex Colcho, nomen ephemerum ad non uenenosum relictum est, & uenenofo ea excellentia tributa est, ut Colchicum dicatur. Dictum uero est ephemerum, quoniam una die interficiat. Eiusdem rei Galenus testis est, qui de ephemero loquens inquit, se non de Colchico, quod uenenum est, sed de eo, quod Iris agrestis dicitur. Vnde ephemerum idem significat, quod apud Arabes surugem, & apud recentes hermodactylus. At sub ephemero Colchicum comprehenditur, quod uenenum est, ita peculiariter appellatum, ut Plinius libro 28. capite decimo, ipsum uocat, & in id quod peculiari nomine ephemerum dicitur, de quo idem Plinius libro 25. cap. undecimo. Ex his uides, non esse damnandos Arabes, qui cum Græcis idem sentiunt, licet sub uarijs nominibus, nec etiã rem esse incertam, ut nonnulli arbitrantur. Serui eo antiquitus utebantur, quod Colchicum dicitur, tanquam refugium in desperatione. S E N. Id quo utimur, quid est? B R A. Colchicum est, si Dioscoridis notas cōsiderabimus.

SEN. Est ergo uenenum. BRA. Venenum penitus, propterea soluit usque ad sanguinem, quandoque natura non ferente. SEN. Quare eo utimur? BRA. Ego numquam utor, ne quempiam uolens interficiam, quum præsentaneum uenenum esse noscam: opus esset nos ephemeron accipere, eo autem caremus, ideo usu uenit, ut ephemerico loco colchicum sumeretur. Certus sum in quersetis me uidisse, & sexcenties ephemeron excauasse, quum essem Comacini apud illustrissimum & excellentissimum Patronum meum HERCVLEM ESTENSEM, & Satyrionis radices quærerem, herbe occurrebant, quæ lilij folia, teneriora tamem, & flores candidos, amarosque habebat. Vno autem moueor, ut præter ephemeron & colchicum, aliud esse hermodactylum putem, quoniam Paulus Aegineta libro septimo de hermodactylo scribit, quod dicit peculiariter & priuatim articulorum doloribus ualere, tamen de colchico & ephemero diuersa capita fecerat: ideo arbitror, & ita est, aliud hermodactylum esse præter numeratos, quod articulorum morbos sanat, quoniam nec in ephemero aut colchico Dioscorides, Plinius, Galenus, Paulus, Aëtius quicquam de articulorum morbis loquuntur, nisi uelimus Paulum per hermodactylum colchicum intelligere, quum de colchico tanquam de re simplici loquutus non est, sed ut res uenenosa est, libro quinto, & tunc cum Arabibus conueniet, præsertim Mesue qui rotundum perfectiorē esse censuit, quod ad ea ad quæ ualet intelligendum est, utputa ad articulos. Si uero altera res sit Pauli hermodactylus, mirum est quid non pinxerit, quum à nullo altero (quem uiderim) pictus sit. Et quum

Dictamnus.

Scrapio Galenum adducat, apud ipsum nūquam inueni:  
 arbitror à Paulo accepisse, ut multa alia, in quibus tamē  
 Galenum adducit. At si res altera à colchico sit, Arabes  
 huius hermodactyli uires cum epōmero confuderunt:  
 nos quandoque Colchicum gustare tentauimus, castanea  
 saporem habet, sed paulò post stricturam quandam circa  
 asperam arteriam persensit, ac si manu stringeretur,  
 mox uaccinum lac bibentes, nihil incommodi sensimus:  
 forte apud nos ita uenenosum non est, ut in Colcho, nam  
 ex Gargano Apulie monte ad nos confertur: non sine no  
 xa soluit: folia elleboro similia habet. A Gallis hermo  
 dantes, à Germanis zeitlos nuncupatur: quāquam & alijs  
 alijs nominibus utantur. S E N. Dictamni radices offe  
 runtur. B K A. Herbam quandam in Apennino prope  
 Bononiam, aut in Veronensibus montibus pharmacopo  
 le cruunt, quam dictamnium uocant, quæ nec ipsa est, nec  
 etiam pseudodictamnus, quia ambo pulegij folia habent,  
 quadam lana parum obducta, sed in pseudodictamno ra  
 mi breuiores sunt. Nascitur uero dictamnus solū in Cre  
 ta, imò in asperis tantum, & montuosis Cretæ locis: alibi  
 degenerat & pseudodictamnus efficitur, imò & in lo  
 cis Cretæ non asperis habetur, sed in pseudodictamnium  
 & ibi degenerauit. Cognoscitur & gustu, quia gustu  
 acris est. Vidi Murani Venetiarum plantam in edibus  
 pharmacopole Campanæ, quem fata impia nobis sustu  
 lere immeritò, ut qui iuuandis mortalibus, plurima, nulli  
 parcens impense procurabat, & noua semper molieba  
 tur. Mirorq; de Hermolao, qui dicat Patavij dictamnium  
 uidisse, ueram tamen non credidisse, quia in Creta solum  
 nascatur

nascatur. Tamen hæc, quam uidi, erat uera dictamnus, & Creta Venetias allata, quæ nondum degenerasse potuerat, ob breue spatium. Quam uero nostri pharmacopole uendunt, nec dictamnus est, nec pseudodictamnus, quia eorum indicatijs caret, nec tertia dictamni species huic nostro accommodari potest. Quid uero sit hæc nostra herba, ignoramus, tamen pulchra est & pulcherrimum florem, & odoratum fert. Verum ut Dioscorides de origano, pulegio, & dictamno successiue pertractat, quæ sunt ferè eiusdem uirtutis herbæ, ita Serapio uno capite de fundenagi eas comprehendit, de dictamno tanquã de specie pulegij pertractans: quod perperam exponens Pandetarius, fecit, ut multi Serapionem eo capite confusum existinarent, quum tamen non sit. Dictamnum habere mihi ita facile uidetur, ut lactucam, quum singulis annis Venetorum naues, & illustrissimi ducis nostri ad Cretæ littora appellent. Folia, & radices habere conueniet, nec flores, nec semina facit: imò procurabimus, ut nota planta habeatur. Sed de Virgilio fortè mirandum, qui duodecimo Aeneidos flores habere in hunc modum cecinit:

Tum Venus indigno nati concussa dolore  
 Dictamnum genitrix Creteæ carpit ab Ida,  
 Puberibus caulem folijs, & flore comantem  
 Purpureo, non illa feris incognita capris  
 Gramina, quum tergo uolucres hæfere sagittæ.

Putandum est summum poëtam non ueram dictamnum intellexisse, sed tertiam illam speciem, quæ à Theophrasto nono de plantarum historia, solo nomine dictamnus nuncupatur, quam Dioscorides florè, agresti origano similem ha-



nilem habere dicit, nigrum, & folia suauissimum odorem spirare: quod nigrum scribit, in purpureum inclinantem accipias: quippe nullus flos niger penitus inuenitur. Eandem tertiam speciem à Statio intelligi arbitror, quum flores habere & ipse fateatur. SEN. Ergo uera

Satyriion. dictamno caremus. BRA. Caremus. SEN. Ideo satyrionis radices queramus. BRA. Non est opus in edocendo satyrione multum immorari: quippe notissima sunt utraque satyrionis species, & in Bononiensibus, ac Mutinsibus montibus ubertim, & crassa radice nascuntur. Bulbus ferè uidetur, qui & in Ferrariensi solo apricis locis nascatur: estq; unus tantum bulbus. Hi enim decipiuntur, qui orchim, uel orchim scrapiadè, id est testiculum, uel testi-

Orchis. culum scrapiadè pro satyrione accipiunt: nam Orchis duos bulbos habet, maiorem, & minorem, qui testiculi uidentur, unde nomen sortiti sunt: tamen uel orchis radicem, aut satyrionis acceperis, ad Vencrem irritandam conueniunt. At satyrionis radix efficacior, utpote cui etiam nomen à Satyriasi, uel à satyris animantibus procacibus inditum sit. Mira naturæ diuersitas in coloribus florum harum herbarum: nunquam uidi naturam magis colludentem, quam in istis, magis uarij sunt, quam irides: quoadq; uarietates spectans Comacini in sabulosis, tot erant, ut uix expedire possem contēplans quin prandium amitterem, & ferè in meridiem perducerer. Theophrastus cuiusdam herbe meminit ex India, cuius contactu homines ad septuagesimum coitum durare fatetur, quæ ex horum genere fortè est. Meminit & Hermolaus in Corollario

Bacheidem, radicis cuiusdam herbe, quæ nunc Bucheidem nominatur ad

tur ad illum usum. Quid uero Bucheidē sit, non exponit, nos sedulò perquirētes inuenimus esse genus habēs orchis similitudinem in radice, cum humana palma: propterea ab herbarijs palma CHRISTI nuncupatur, à qua palma modo quinq; , modo quatuor, modo sex radices prodeūt, ut digitos ferè imitari uideatur. De hoc autē orchis palmā imitāte nusquā Græci, aut Plinius, folia habet satyrionis similia, præsertim primæ speciei: tamen non adeò crassa sunt, & pūctis quibusdā ueluti stigmatibus decoratur. De ipsa, Auicenna secundo canone pertractat, capite ducētesimo octauo, sub hoc nomine Digiti citrini. Nos perunque excauuimus in sabulosis, circa maritima. Sed mirum est de Serapione, qui id attribuat Italis mulieribus, quod Dioscorides Theſſalicis, & demum omnes Serapionem imitari uideantur, quum tamen Itale mulieres huius radicis uires ignorent, quamuis frequentissimam habeāt. In prima enim orchis specie, inquit, in Theſſalia ad incitandam Venerem mulieres ex lacte caprino radice illa uti: hoc autem Italis mulieribus Serapio, & eius affecle attribuunt. A Gallis saterion, à Germanis uario modo Orchim cū satyrione cōfundētibus: quippe hæc nomina habēt, quibus orchis species significāt, stēdelvvurtz, ragvvurtz, Kreutz blumen: tamē satyrioni magis conuenit stēdelvvurtz, quā aliquod alterū. SEN. Vitis alba Vitis alba, radices prodeunt. BRA. Vtinam & in hoc loco proderent, ne querere cogeremur: hic enim efficaciores sunt quā Ferrariæ, quanquam Ferrariæ non desit. Græci ampeloleucem & bryoniam, Latini albam uitem appellāt: nō quia uitis sit, sed quod similitudinem cum uite habet,

A Latinis etiam psilothrum nuncupatur, quia ex ipsius acinis pelles confici possunt, et depilari: uel etiam quia depilatoria unguenta ingreditur, imò ipsa per se sola, et sapone (agere autem) depilat. In nostris sepibus et sentietis ita crescit, ut nonnunquam alicuius foueae spinas uni uersas tegat, et arbores scandet, et sepes tanquam strangula uestis exornet. Duae sunt huius uitis species, alba, quam nunc colligis, et nigra, quae et ipsa priuatim ad multa ualet. Nigra in Ferrariensi agro frequens non est, quum alba nullo non in loco sit. Et nostrum uulgus bryoniam appellat: quamuis frequentius hoc nomine zucha saluatica utatur, ob similitudinem, quam cum cucurbita habet, rependi. Alij uiticellam, ob similitudinem quam cum uite habet, uel ob nomen dixerunt: ex ipsa asparagos, folia, radicem, et fructum seruato. Nec uitem nigrā omitterem, quae proprie bryonia est, et uua taminia. Differunt haec uites, quoniam alba radicem albam, fructū racemosum, rubentem, et folia similia uitibus habet: nigra uero hederæ folijs proprie similacis, fructu racemoso in principio uiridi, postea nigro, radice foris nigra, intus buxci coloris insignitur. In officina tua, et hanc nigram habere nihil impediet, tamen ne albam deseras. S E N. Nunc albam seruabo: de nigra aliàs loquemur. Id autem scire uoluerim, quid de hac uite Arabes sentiant. B R A. Quum Galemus uitem nigram albae uires habere, inefficaciores tamen, fateatur, ea carere nihil erit incommodi. De Arabibus modo quid sentiam enucleabimus. Serapio has duas uites optime distinxit, et edocuit, nisi à Barbaro interprete expositus esset. Auicenna quoque de se fra,  
id est

id est, uite alba prius, postea de se fire sim, id est, uite nigra pertractat, & egregie, nisi essent plures corruptiones in codice: nam principio calidam in tertio dicit, postea tēperatē calefacere censet, quod apte calefacere legendum arbitror. Mesue etiam ( si fidum interpretē habuisset) rem optime pertractasset. S E N. Propter quid Marnardus eum reprehendit? B R A. Quoniam ita sibi instituit, ne quis in Mesue decipiat, qui uno capite de alba & nigra uite pertractat, ideo nō mirū si modo albā, modo nigrā edoceat, præsertim quum eisdē uiribus insigniantur, quæ tamē in nigra hebetiores sunt. S E N. Ellebori albi, & nigri radices sequuntur. B R A. Veratrum, albū hoc, & illud nigrū dicitur, quoniā radices illis coloribus insignitæ sunt: qui radice tantū differre arbitrātur, aberrāt, quoniā et folijs etiā differūt, ut picturæ ostēdūt, et ipsæmet herbæ. Ferrariæ in pluribus hortis utrunque ueratrum habetur, non tamen ita efficax sicut alibi, tamen uehementissime etiā soluit Ferrariense, ut experiētia rerum magistra edocuit. Herbæ sunt apud multos poetas decantatæ, & quæ in prouerbiū apud antiquos iuerint, quoniā fatuis, & insanis medentur. Nostri pharmacopole utrunq; genus, ex Mutinensibus montibus, Bononiensibus, & nonnunquā Veronensibus petunt. Olim ueratrum albū in usu erat frequentissimum apud Hippocratem, & Galenum: quia moleste educit, relictum est, & nigro solum utimur. Nunc iterum album in usum uenit, correctū enim mire educit. Ego drachmam albi sumēs, nunquā minus molestam euacuationem habui: & quibusdā insanis non correctū exhibui, & mirè profecit. Ex albo radices,

Elleborus.

Veratrum albū.

**Veratrum nigrum.** ex nigro radices, & semina seruat. Nigrum peculiariter in Anticyra, album in Cyrenaica, & Sicilia apud Actnam montem nascitur, arida loca amat: tamen nec quod apud nos nascitur Italum spernemus. **SEN.** Mea sue dicit album ueratrum corporibus nostri tēporis esse molestum, imò eis esse uti uenenū: Manardus eum reprehendit, quoniam Pauli tempore elleborismo per album utebantur, & hoc etiam tempore: bonum non puto uenenosum. **BRA.** Nos autem aliter sentimus, & bonū, & malum esse uenenosum, quoniam Dioscorides uenenum esse testatur, quia strangulare dicit. Fortè de malo intellegere monebit. Nos autem & de bono loqui probamus: quippe primum locum Cyrenaico elargitur. Addit postea, quod in Galatia & Cappadocia est, candidius, puluerulentum, & maiore strangulandi ut est. Ac si dicat, omne album ueratrum strangulat, sed Galatum, & Cappadocum præcipue: nec Plinius hoc inficiatur. Imò sexto libro Dioscorides, capite uigesimo tertio, de eo tanquam de ueneno tractat. Nec putes album dici quia candorem habeat, sed quia quodāmodo in album inclinat, & illud iuncū habet (de quo Dioscorides) album. Albo elleboro uti cœpimus, qui mitior redditus arte, atra bile laborantes, & scabie Gallica affectos mirè sanat, ut quotidiana experientia demonstrat, sed optime corrigendus est. **SEN.** Quibus medijs? **BRA.** Ferrariæ te docebo. Germanis rices vultz dicitur, id est, radix sternutationis.

**Agaricum.** **SEN.** Interim Agaricum queramus. **BRA.** Cur Agaricum inter radices numerasti? **SEN.** Quoniam & Dioscorides numerat. **BRA.** Non dicit radicem esse, sed ita

sed ita ferri. Nam & Galenus radicem autumat, quæ in ilice sit: Plinius uero melius sentit, longum esse, cædendum, odoratum, nocte relucetem, ideo noctu colligitur. Dioscorides incertus uidetur, quippe qui modo secundum aliquos radicem, secundum alios fungum in arboribus fateatur, sed uerè fungum esse docet Plinius, in glandiferis arboribus præsertim innascentem. I lignam syluam habet Illustriss. Dux noster ALPHONSVS prope Comaculum: sæpius illac spatians circa ilicum radices ueluti fungos inueni, pro agarico accepi, sed uti nō audebam, quoniā nigrescebant & subrussi erant: tandem uno albo inuento, eo usus sum, & pituitosam materiam educere uidi. Quam ob rē & in Italia nascitur, & apud nos, & in Gallia frequenter per syluas equitantes, circa quercuum radices uidimus. Verum ex Sarmatia per Illyrium Venetias affertur, etiā ex Galatia. & Cilicia Alexandriam, & Alexandria Venetias. Nostri pharmacopole unum bonitatis indicium, esse friabile censent: Dioscorides negat, utpote qui Galatum, & ex Cilicia infirmum dicat, quia friabile. In mare, & foemina assignandis Mesue, & Dioscorides conueniunt. Quippe Dioscorides masculum in seipsum conuolutum, rotundumq; & undiq; concretum fatetur: foemina rectas habet intus, pectinum modo, uenas, & diuisiones, masculumq; non laudatum, foeminam bonitate antecedere. Eodem modo Mesue foeminam masculo præfert. S E N. Vnde sortitū est hoc nomen agaricus? B R A. Quid hoc ad rem? emes tu Venetijs hunc fungum, tamen, ne huius nominis rationem subterfugere uidear, Ptolemæus Agarum urbem, & amnem in Sarmatia scribit. In Sar-

matia uero optimus agaricus nascitur, eo præsertim loco, qui Agarum appellatur: ideo Agaricus à loco nomen sumpsit. Prius zizibere præparare solebāt, nūc etiā absq; noxa eius puluis cum saccharo sumitur. Medicina familiaris ab antiquis dicebatur, uel quia omnibus membris ualeat, uel ita salubris est, ut cuicumque ex familia, non senata ætate, sine delectu dari possit. Venterculum offendere, constat, & caput optime uiuare. A Gallis agaric, ab Hispanis nostro nomine agarico, à Germanis dantschvun nuncupatur. SEN. Afodili radices sequuntur.

Asphodelus. BRA. Asphodeli proferre oportet. SEN. Nomina non curo, modo rem ipsam nouerim. BRA. Imò, ne quibusq; rusticis, & male feriatis uiris similes simus, nomina curare debemus: præsertim quum in promptu sint nostro hoc tempore idiomata, & candidiores literæ floruerint, & persequerent. A Latinis hastula regia dicitur. Antiquitus hac radice uescebantur. Romani etiam Albucum nominant. Radices illi assignat Dioscorides plures, oblongas, teretes, glandibus similes: mihi uidetur radicem unā habere, à qua plures prodeunt, quarum quælibet præonia radicem imitari uidetur. Sunt enim longæ, & rotundæ: sed si tractentur, molles. Iam cæpit passim haberi in hortis Ferrariæ, adeò ut nullus sit, qui asphodelum ignoret. Ex Bononiensibus montibus, & Veronensibus Ferrariam portatur. Quandoque digitales radículas, uel bulbos, qui ex crassiore radice prodeunt, sexagenarium numerum excedere uidimus. Plinius fatetur, quandoque Autumno colligi asphodelum, à cuius radice octuaginta adnati bulbuli in æternum uisi sunt. Ex hoc in his montibus semina,

mina, & radices habeto. Nec id te lateat, quamuis albu-  
 cus appellatur. Plinius tamen eius caulem Albucū, ipsum Albucus.  
 uero totum Hastulam regiam dici mauult. Fuere tamen  
 qui duo genera facerent, per albucum candidum intelli-  
 gentes scapum paulò ampliorem habens, purum, & le-  
 uem: asphodelus uero, aut hastula regia acinosum cau- Hastula regia,  
 leum habet: nec desuere qui in marem & foeminam par-  
 tirentur. Vnum animaduersione dignum est, in Gallia me-  
 uidisse pro asphodelo alteram herbam uendi, quæ bul-  
 bos quidem habet, sed breuis est herba, quum asphode-  
 lus inter bulbosas herbas maximus sit, propterea id no-  
 men hastula regia sortitus est. Imò & hunc errorē qui-  
 dam pharmacopola noster fecit, sed admonitus, uerum  
 asphodelum habere curauit: eius enim bulbosæ herbae ra-  
 dices copiose in Ferrariensi agro habentur, loco qui Sam-  
 martina nuncupatur. Gallia frondiles, Hispani gamo-  
 nes, aut gamonites uocant. s e n. Tormentillæ radices se Tormentilla,  
 quuntur. b r a. Nisi hæc herba pētaphyllon sit, nusquā  
 apud antiquos uel iota unum inuenire potui, ut pluri-  
 mum in Italia septem folia habet, tamen & quandoque  
 quinque, ut duo parua foliola, pro folijs computanda non  
 sint. Nostri pharmacopole in Bononiensibus montibus  
 eam inueniunt, sed iam cœpit in hortis Ferrariæ passim  
 plantari: herba cubitalis est, florem purpureum habens,  
 paruum, cespitem quodāmodo facit, à quo cauliculi ema-  
 nant, supra quos folia in septē partes diuisa, aut quinque,  
 uisuntur. Nonnulli apud Dioscoridem saxifragam esse  
 censuerunt, decepti tamen, quoniam nec eius uires habet,  
 nec illi pictura conuenit. Pandeetarius bistortam uocat,



quum bistorta altera radix sit, nisi ita in suo natali solo uocetur. Rubcam præterea ex colore quem radix habet, nuncupat, cui Genuensis assentire uidetur, et re uera (præsertim in summa parte) radix eo colore insignitur. Veneti pharmacopole nonnulli ex hac herba trochiscos theriacos pro uiperarum carne faciūt: quod & Hermolaus in pentaphyllo fatetur, rationem addens, quoniā uipera modo (ut ipsi putant) nunquam uisuntur, qui quantum aberrant, tu ipse iudex esto. In his montibus radices solā colliges: nisi pentaphyllon sit, herba noua erit, id est, antiquis incognita. Nonnulli apud Germanos tormētill, alij Rotvvurtz, Blutvvurtz alij nuncupant. S E N. Ad s-

• Saxifraga. xifragæ radices ueniamus. B R A. In hac etiam herba uarie ambages sunt, quoniā multæ sunt herbe, quas nostrū uulgus saxifragas nuncupat: fūere qui uocatā pimpinellā pro saxifraga sumerent, alij herbam alteram pimpinellæ similē, alij similē tritico, alij nostro uocato garyophyllo, alij tormentillam accipiunt, alij herbam tormentillæ similem dicunt, alij quam uocamus euphragiam sumūt, alij Cretano marino similem, alij cretanum ipsum, alij à nobis uocatam sancti Petri herbam. Verum nullam harum saxifragam esse ex hoc apparet, quia Dioscorides epithymo similem esse dicit: sed harum nulla cum epithymo similitudinem habet, nec surculosa est aliqua prædictarum, ut saxifraga pingitur. Quam uero uos pharmacopole in officinis habetis, quæ est radix subrubra, cuius herbe folia pimpinellæ assimilantur, non modo hæc non esse illam ostendunt, sed nec sapor, qui omnino adstringens est, si mandatur. Nos saxifragam Dioscoridis numquam

quam uidimus, quòd meminerimus: empetron uero frequenter in Liguria montibus, mare uersus. Dioscorides duo capita facit: Vnum, de saxifraga, quam tamen empetron appellari dicit. Aliud, de empetro, quod etiam phacois uocat: sed alias uires empetro, alias saxifragæ tribuit. Vnde Marcellus caput de saxifraga superfluum esse suspicatur, tum quia Dioscorides non incepisset suum caput à Latino nomine, tum quia empetron ipsam uocat, tum quia à Paulo, qui breuibus omnia pertractat, quæ à Dioscoride scribuntur, de saxifraga sermo nō fit, sed tantum de empetro. Quicquid sit, quū diuersam figurā, & diuersas uires saxifragæ & empetro tribuat, diuersas herbas esse arbitror, nec caput superfluum esse. Nō moueor autem quòd Latino nomine incipiat, quia ita appellari audiuit. Et si Paulus tamen omiserit, nō mirum, quia pauciora scribit, quàm Dioscorides fecerit: imò & nonnulla, de quibus nunquam Dioscorides tractat, ut de arnabo supra dictum est. At quū saxifraga ab effectu appelletur, quia saxa frangit, intra quæ nascitur, & eodē modo empetron, propterea herbā in montibus quærerem, quæ dum oritur, saxa scinderet, & per scissuras exiret, & epithymi figuram haberet. Hermolaus in suo Dioscoride herbæ figuram deesse tradit: Marcellus in antiquissimo suo reperiri inquit, ἐπιθύμιον ἑμπετρὸν, id est, epithymo similis: quum tamen epithymus herbæ figurā non habeat. Quicquid sit, si huius cōmunis saxifragæ radices, & herbam colligere placeat, facito: sin minus, eam relinquere poteris, utpote antiquis & recentibus ignota. Nam Simon Genuensis inter recentes quosdam refert unam her-

bam accipientes, alios alteram pro saxifraga. Idem etiam  
 Pandeſtarius, & noſtri recentes in hortis varias herbas  
 oſtendunt, ac ſeminant, quas omnes ſaxifragas nuncupāt,  
 & pro frangendo lapide impendunt. Aliis determinate  
 omnes recentiorum ſpecies aſſignare ſtatuiſmus, & quid  
 ſint, oſtendere. Nūc ſatis habeas, illam radicem, quam in  
 Bononiensibus montibus, & Veronenſibus colligitis, non  
 eſſe Dioſcoridis ſaxifragam, aut empetron didiciſſe, imò  
 & recentes in ea dubitant. S E N. Quum hic noſtra ſa  
 xifragæ radices præſto ſint., colligere non deſinam, ne  
 quandoque ab aliquo imperito medico expeteretur, ego  
 autem carerem. B R A. A Germanis ſtein brech appel  
 latur, quod nomen ſaxifragis impoſitum eſt: nam & alia  
 quedam peculiaria nomina habent ſpeciebus ſaxifragæ  
 recentiorum, ut grynkraut, quia iſchiadicis potiſſimum  
 medeatur, & meerhyrfz & ſchlutren, quorum differen  
 tiam ipsis relinquere ſtatuiſmus. S E N. Ideo ad ſpodium  
 ex cannis ſecundum Auicennam deſcendamus. B R A. Nā  
 ab re ſecundum Auicennæ ſententiam addiſtiſti, nam ipſe  
 tali ſpodio utitur, quum uerum ſpodium fortè non ha  
 buerit: nos uerum ſpodium habemus, ideo ex cannis, &  
 fictitium deſpicere oportet. Non deſuere tamen recentes  
 qui non ſolum Auicennam reprehendunt, uerum ex nuli  
 la altera re ſpodium fieri poſſe cenſent, quam in fornaci  
 bus mineralibus. Hi autem maxime decipiantur, quo  
 niam Dioſcorides quinto libro, & Galenus ubi de ſpo  
 dio, & Plinius multa, quæ pro ſpodio poni poſſunt, &  
 quibus modis cinis fiat, qui antiſpodium uocatur, edo  
 cent: ſit enim ex oleaſtro, ut quinto libro, & ubi de olea  
 ſtro tra

Antiſpodium:

stro tractat Dioscorides monet. Sumitur autem oleastri, aut oleæ coliculus, fit ex malis cotoneis exossatis, ex gal-  
lis, ex linteorum lacinijs, ex candidis moris immaturis, ex  
lentisco, ex terebintho, ex floribus labruscæ, ex folijs te-  
nerioribus rubi, ex coma buxi, ex pseudocypereo, id est, sal-  
so quadrato iuncum cum suis floribus, ex germine fici in  
sole siccati, ex glutino taurino, quod nos collam garauel-  
lam uocamus, ex lana aspera succida pice aut melle ma-  
dida. Deficiente spodio, omnibus his uti possumus loco  
eius: & ideo antispodia, ac si dictum sit, pro spodio, nun-  
cupantur. Et ideo Auicenna reprehendi non debet, si can-  
narum radices adustus, & ante ipsum Serapio, spodium  
dixerint. Nempe certum est de minerali spodio, id est, for-  
nacibus inuento nō loqui, sed de antispodio, id est, de eo,  
quo loco spodij uti possumus. Constat autē & ipsum ra-  
dicum cannarū cinerē pro antispodio poni posse. Quod  
autem Auicenna, & Serapio Dioscoridis antispodiū no-  
uerint, caput de tutia apud ipsos leges, nam eo de uero  
antiquorum spodio loqui, à Caminis accepto percipies:  
quam ob rem malus interpretes in causa fuit, qui commo-  
dè uocabula non reddidit. Et ideo hi autores non erant  
ita temerè explodendi, ut quidam recentes explodunt,  
sed potius corrigendi, ut in eo lemmate quo spodio  
scriptum est, de antispodio legatur. Fuit error interpre-  
tis, spodium, pro antispodio interpretantis, ubi postea  
de tutia in inscriptione posuit. De pompholyge, & spo-  
dio, legendum erat. Est autem spodium apud Dioscori-  
dem, Plinium, Galenum, Paulum, Serapionem, & Au-  
cennam, & ceteros omnes fidos autores tale: quoties as

purificare contendunt, in fornaces imponentes, fumus eleuatur, subtilior, & leuior, qui fornacis culmini inhaeret: hic pompholyx dicitur: a nostris recētibus, & Arabibus

Turia. Tutia nūcupatur. Vnde pompholyx est aris, & cadmie  
Pompholyx. fauilla, uel bulla (ut nomen ipsum indicat:) spodiū uero est pars fumi ponderosa, & nigrior, quae fauillas simul mixtas habet, & quandoq; carbonēs: hoc est uerum spodium, quo in officinis uti deberemus: tamen quū opus sit spodio uti, pompholygem semper, id est, tutiam accipio. Nam hoc edocet Galenus, qui nunquam spodio usus est, quia pompholygē habebat: ideo & nos spodiū dimittimus, quia pompholygem habemus. Si pompholyge careremus, spodio uti oporteret: quod si haberi non posset, ex ere spodium, aut ex argento, uel auro (nam & spodium argenti & auri sit, quod Plinius lauritim appellat, & oculis aptius est) ex plumbo accipi iubet Plinius: si ex nullo metallo haberi posset, ex rebus praecitatis fieri oporteret, & hoc antispodium esset. Nec illud Auicennae ex cannarum radicibus despicerem, aut ex animalium ossibus, ut quidam ex elephantum dentibus, alij ex collo parant. Quum ergo spodio indigemus, pompholyge utamur. Si pompholyx, id est, tutia desit, spodium sumatur. Deficiente spodio, in primis aureo, argenteo, ereo, denique plumbeo antispodio utamur: quod uel ex rebus à Dioscoride dictis, uel ex cannarum radicibus fiat. Verum pompholyge carere non possumus, quum in Italia, et in propinquisima Germaniae parte plures metallorum fodinae non desint, ubi & uili pretio emitur. Multi uero spodiū & pompholygem cōfundunt, quum

manifest

manifestissimis indijsprehendantur. At ex radicibus ad metalla transiisse uidemur. **S E N.** Non equidem transiimus, quia de spodio cannarum, quod radix est, loquebamur. Tu uero ad ampliorem doctrinam de spodio ex metallis tractasti, praesertim quia immerito Aui-cenna in antispodio suo ex cannarum radicibus, uel adustarum cōfrictione, aut data opera igne taxabatur: uerum haec aliās, ut ad rem nostram reuertamur. **B R A.** Nonnulli Germani tutiam uel spodium Nix uocant, alij Nix. Nil, quod & Latinum nomen est. Ideo cauillari solent Nil. equiuoco argumento dicentes: si nil ualeat oculis, non sanabuntur: sed Nil ualeat oculis, igitur sanabuntur. Vides equiuocationem esse in uerbo, Nil: causa autem apparentiae in paralogismo identitas nominis est. **S E N.** Hec Dialecticis omittantur, & ad Bistorta radicem ueniamus. **B R A.** Imò sophistarum munus est, haec tractare. Ad tuam bistortam accedentes, plures herbarij hanc herbam, quam uos ob radicem bistortam dicitis, apud Dioscoridem Catanance esse censuere, praesertim secundam speciem: quod & Hermolaus testatur. At eam non esse facile deprehendi potest, quoniam Dioscoridis Catanance radicem paruum ceu oliuam habet, & folia Bistorta, oleae figura & colore: uestra autem bistorta non habet radicem ut oliua, sed multo maiorem, & nigram, & geniculatam: nec folia bistortae, oleae folia figura & colore imitantur, sed potius figuram lapathi acuti habent, adeo ut quandoque speciem lapathi esse suspicatus sim: tamē in nulla quatuor specierum reperitur: equidem folia acuti lapathi habet, quae ex uno latere quodammodo coerua-

lea sunt, ex altero herbacea. Radicem habet extra nigram, intus rubram, uel in quendam ruborem tendentem. Radicem adstringentem esse constat, propterea ab his recentibus in menstruorum abundantia accipitur. In his montibus eam collige. Herbarij nostri ex Bononiensibus montibus petunt, & radicem solam seruant. **S E N.** Habet ne aliud nomen, quam Bistorta, uel Bitorta? **B R A.** A radice bistorta dicitur. Aliqui minorem lappam appellant, alij Bardanam minorem: sed nomina sunt potius ad placitum, quam aliqua ratione imposita. Illos tamen deceptos esse constat, qui bistortæ radicem, been rubrum esse putarunt: quippe rubrum been, & folijs, & uiribus, & radice aliud est a uocata bistorta. Nihil denique de his loqui oportet, qui bistortam tormentillam faciunt: adeo fatue & absque sensu loquuntur, quum bistorta rumicis folia habeat, tormentilla in septem partes distincta. **S E N.** Nihil habes apud antiquos certi de bistortæ? **B R A.** Quandoque britannicam Dioscoridis, bistortam esse suspicatus sum, quia folium habet Rumici sylvestris simile: postea alii non respondebant, quippe britannica folium habet nigrius, pilosius uel rumice, & radicem breuem & tenuem. At bistorta rumicis quidem folium habet, sed nec nigrum, nec pilosum, imò ualde lenigatum, & radicem magnam, rationeq; herbæ crassam, continet. **Astragalus.** Illi præterea decipiuntur, qui bistortam Astragalum esse arbitrantur: quoniam etsi astragalus radicem rotundam habeat, raphani modo prælongam, nigris alijs agnascensibus præduris & implicatis ut cornua, gustu spissantibus tamen bistortæ radix alia forma uisitur, nec habet ramos, &

mos, & folia ciceris bistorta, ut Astragalus. Propterea hanc bistortam antiquis incognitam censeo, quam & Galli bistorte uocant: à Germanis uero pro serpentaria sumitur magno errore, ut qui frigidum pro calido ponant. Imò & bistortam herbam nonnulli in Germania drachenvvurtz, & nottervvurtz (nomina à serpentina ducta) appellant: quanquam non desint, & qui bistortam schlippen uocent. Carlina. sen. Carlinae radices sequuntur. bra. In Bononiensibus montibus chamaeleonta duplicem inueni, albam, & nigram. Idem in Mutinensibus plerumque me uidisse accidit: sed præter hos duos, quidam papus aderat, tanquam cardui echinus, latus, purpureus in summo, aculeatus undique, qui sine folijs è radice supra caulem exibat: hunc illi herbarij Carlinam uocabant, & locorum accole. Tunc carlinam chamaeleontem album non esse suspicatus sum: nempe antea continuo carlinam & chamaeleontem idem esse putaueram, & nomen corruptum esse, & carlina, quasi chamaeleon diceretur: unde herba noua carlina erit, de qua nusquam antiqui, nescio an folia duabus uel tribus carlinis, quas uideram, abiecta essent. Id tamen scio, uos pro carlina chamaeleontis albi radices sumere. Vbiq; nascuntur chamaeleon albus & niger, & omnibus notissimæ sunt herbae. Vnde carlina à chamaeleonte altera erit: finguntq; herbarij, quia in medio tanquam sagittæ uulnus habere uidetur, Angelum de cælo missum id fecisse sagitta tangens, ut Carolo magno eam ostenderet, qua eius exercitum à pestilenti morbo liberaret: hæc puerilia sunt, tamen quosque rem tibi oculata fide ostendam, pro carli-



- Chamaeleon.** na, huius chamaeleontis radices & in his montibus potius quam alibi colliges. Chamaeleon dicitur ex similitudine, quam cum chamaeleonte animali in serpendo, & in mutatione colorum, penes varios terre affectus habet. A Germanis uiedistel, & mariëdistel chamaeleones appellantur. Sed quæ ita à Germanis dicuntur, potius cardui species sunt, quam chamaeleones, ideo pro chamaeleone carduū sumūt. **S E N.** Sigilli sanctæ Mariæ radices sequuntur. **B R A.** Nunquā legi Gloriosam uirginē sigillū habuisse, aut litteras misisse, minus imaginari possum, sigillum radices habere. **S E N.** Est herba quæ ita nuncupatur. **B R A.** Non habet aliud nomen? quomodo appellabatur antequā Virgo Maria in lucem prodiret? **S E N.** Id ignoro, tamen alijs etiam nominibus appellatur, ut à
- Genicularis.** geniculo radice, genicularis, & fraxinella. **B R A.** Optimum est plura nomina nouisse: iam intelligere cœpi, quid per sigillum sanctæ Mariæ uelis. Ea herba est, qua mulieres sibi faciem extergunt, & fucant, etiam sigillum Salomonis dicitur. **S E N.** Ea inquam, sed & radix ad rem ueneream, saccharo conditur. **B R A.** Hæc apud Dioscoridem & antiquos Polygonatum est, quæ candidam radicem habet, pluribus geniculis plenam, cuius saporem Galenus, & Paulus explicare nesciuerunt. Recentiores nonnulli crassissimo errore detinentur, putantes apud Serapionem secacul polygonatum esse, quum secacul, non eryngium (ut interpres dicit) sed altera radix sit: recte ab aliquibus genicularis dicitur, nomen Græcum polygonatum scilicet exprimentes: à polygonio mare & femina differt, quod nos uulgò corioliolam uocamus. A Gallis, seu de nostris

de nostre Dame: à Germanis ex colore, vveisuortz, id est, radix alba nuncupatur. Ventericulum roborat melle condita, sed saccharo gustu perfectior, & suavior creditur. SEN. Cynoglossæ radices prodeunt. BRAS. Quam pharmacopolarum turba caninam linguam putavit, è solo eleuatam, canina lingua non est, quia per terram sternitur canina lingua, & plantaginē in folijs imitatur, sed ob scabritiem, caninæ linguae assimilatur. Ferrariæ habetur, in sabulosis locis abundat: ibi eam colligere, utpote efficaciorē, herbamq; & radices seruare. Ab Hispanis lingua de perro, à Germanis hundtszung nuncupatur: quamuis Germani herbam à terra eleuatam, surculosamq; pro cynoglossa sumant: alteram tamen ab ea, quam nostri herbarij sumunt: nostrū uulgus eam nullo nomine insigniuit, imò iacet despecta, & sine ratione calcata. Amœnissimum locum habet illustrissimus princeps noster, & alterum tempe, Pado circumdatum, quem Belvedere appellat: ibi cynoglossa pulchrior, quàm alibi uiderim, mire uiret. SEN. Duronoci sequuntur. BRA. Doronicum à Græco nomen est: tamē apud Græcos nunquam doronicum repperi (nisi tu barbarē duro-nigo, uel durungo proferre malueris, ne à Græco desumas) minus à Latinis pertractatur. Arabes soli nobis hæc dora, id est, dona tribuere, quibus in uarijs simplicibus debemus. Serapio de his pertractat: sunt enim radices parue, dulces, in formam (ut inquiunt) calami aromatici, quæ plures medicinarum compositiones ingrediuntur, ut electuarium de aromatibus. Aliàs quot sint apud antiquos explicare conabimur: nondum compertū nobis est.

Canina lingua.

Doronicum.

**Been** ad hoc usque tempus doronicum. **SEN.** Been albi, & rubri radices occurrunt. **BR.** Recentes inter been, simplici scriptum, & been duplici e, differentiam faciunt: primum est fructus quidam, secundum, radix. Reuera hæc nomina barbara sunt, ben, been, uel behem, suo modo tractent illi, & scribant: nam ut in rebus recentes, ita in orthographia cōfusi sunt. Quicquid tamen sit apud Arabes Ben uel Been, granum est angulosum, magnū ut auellana: à Dioscoride quarto libro, balanum myrepjicem, à

**Ben.**

**Glands unguentaria.**

Latinus glandem unguentariam appellatum. Plinius uno nomine Myrobalanus uocat. Apud nobiles mulieres Ferrarienses notissima est hæc glans, qua oleum inodorum, id est, omni odore carens exprimunt, tamen ad omnes suscipiendos aptum. Autores in folio dissident: nam Plinius beliotropij folium habere censet. Theophrastus quarto de plantarum historia, myrti, Dioscorides myrica, Theophrastus etiam fructum cappari, Dioscorides auellane comparat: nec mirum, quia res eadem mihi sub una forma, illi sub altera presentatur, præsertim si non multum differant formæ. Hoc been, id est, myrobalanum in tua officina habeas, non solum ad odores, sed ad rem medicā. Venetijs emitto: ex Acthiopia, Aegypto, Arabia, & Iudea Alexandriam fertur, postea Venetias: sed istud been potius inter semina numerandum erat. Quicquid autem sit, non pauci recentes decipiuntur, qui pro been, baccas cici, id est, herbe uulgo dictæ myrasole, accipiunt, & ex eis oleum parant, quod pro oleo de been uendunt. Quum tamen à Dioscoride primo libro oleum cicinum, & ab Arabibus oleum de chetua dictum sit, quod ab oleo balanuro

lanino, id est (ut more ipsorum loquar) oleo de been sepa-  
 rat. Imò si nunquam de his Dioscorides tractasset, con-  
 stat aliud esse Myrobalanum, aliud cicum. At ad rem no-  
 stram redeunt, uos duas radices in officinis seruatis, qua-  
 rum altera ben album, altera ben rubrum appellatis. Ben Ben album.  
 album in Bononiensibus & Veronensibus montibus fre-  
 quens est: foliū habet magnitudine foliorum oleæ, sed in-  
 acutum tendit: radix fere per terram serpit, è qua multi  
 ramuli hinc inde crescunt, ut in glycyrrhiza fit, florē ue-  
 luti stellam albā habet. Been uero rubrum circa mariti- Ben rubrum.  
 ma nascitur: ad nos ex monte Gargano, id est, sancti An-  
 geli defertur, ut coniectari possum apud Arabes nō Ben,  
 sed Behem proferendū est, de quibus Serapio capite 223.  
 Quid uero sint, non possumus uel ex Serapione, aut Au-  
 cenna colligere, qui eorum colorem tantum edocent. Ideo  
 an sint istæ radices quæ ad nos afferuntur, incerti sumus.  
 Græci (quod sciuerim) hæc nunquam scripsere. At quia  
 hominum animis ita receptum est, ideo & tu Behem al-  
 bum hic collige, rubrum ex alijs locis habebis. S E N. Co-  
 rallina sequitur. B R A. Inter radices corallinam nume- Corallina.  
 ras? S E N. Radix non est, sed quia terræ inhæret, pro-  
 pterea in radicum loco ipsam disposui, dubitabam an in-  
 ter herbas numerarem, uerū nihil cum herba commune  
 habere uidebatur, nec cum radice: de his autem nihil ad  
 nos, modo ipsius copiam in officinā portem. B R A. Hic  
 non habetur, sed circa mare, in lapidibus & ostrearum  
 testis: græcè *βερβερύθρα*, Latine muscus marinus Muscus mari-  
 dicitur: de eo Dioscorides libro quarto pertractat. Pande nus,  
 ctarius & Genuensis lichenem herbam cum musco ma-

rino cōfundere uidentur, sed grauius Pandeſtarius, quā  
 Genuēſis, quippe qui omnia abſque ordine ſimul miſceat,  
 quæ bryon nūcupatur, & præſertim in hoc marino bryo  
 & lichene: ſed de his ueris nihil ad nos, qui muſcum falſo,  
 & uſnem comparēt, & Dioſcoridem peſſime adducunt,  
 ut apud ipſos caput de Aijnech legito. Vnde breuius,  
 quā Corallinam uocamus, & in frequenti uſu pro pue  
 rorum uermibus eſt, à Dioſcoride, Galeno & alijs mu  
 ſcus marinus nuncupatur: ſed hanc uim ignorarunt anti  
 quiores, quod uermes interficiat, quā poſteriores ita  
 eſſe comprobant, & nunc tota Græcia eo pro uermi  
 bus utitur. Imò ſunt qui per plateas & uicos attritam co  
 rallinam uendant, ita ſerè clamantes, χολιπεότωνον,  
 χολιπεότωνον, ac ſi dixerint, uermes interficiens, uer  
 mes interficiens: quāuis ſuo uulgarī idiomate uerba  
 in i potius finiant, dicentes χολιπεότωνι. Mulieres  
 pro uermibus puerorum uili pretio emunt: herba eſt  
 omnino, & herba à Dioſcoride dicitur. Vno tantum  
 perturbor, Plinium eadem ſerè de muſco marino ſcri  
 piſſe quæ Dioſcorides, uno dempto, quia Plinius lactu  
 cæ folium habere dicit, ſed criſpius. Conſtat autem no  
 ſtram uocatam corallinam lactucæ folio carere, imò ſimi  
 lis eſt muſco, imò muſcus: unde Hermolaus qui Dioſco  
 ridem per Plinium interpretatur, lactucæ folium habere  
 dicit, quoniam & Plinius capite octauo libri uigeſimiſe  
 ptimi, ita ſcriptum reliquerat. Marcellus uero Capilla  
 ta herba interpretatur: nam codex Dioſcoridis Græcus  
 τριχῶδες legit, quaſi in modum tricharum, & capillo  
 rum. Hermolaus autem interpretatur, ac ſi ſcripſerit  
 τριῶα

τριδ' αχῶδες, id est, in morem lactucae, non autem τρι-  
 χῶδες: uterq; uerum dicere potest. Plinius folia quedā  
 serpentina latiora considerans, quæ formam lactucae ha-  
 bent, & ferè muscum concomitantur. Dioscorides capil-  
 lamenta illa, quæ propriè muscus sunt, ut de una re Pli-  
 nius, de altera Dioscorides loquatur, sed eodem loco na-  
 scantur. Nobiscum Marcellus est, aut nos potius cū Mar-  
 cello. Nec moueor, quòd eisdem uiribus Plinij bryon, &  
 Dioscoridis insigniantur: quoniam nō ab re est, duas her-  
 bas eodem præcise loco natas, easdem uires habere: hæ au-  
 tem circa mare, inter lapides atq; saxa nascuntur. S E N.  
 Est ne aliquis ex antiquioribus, qui ad puerorum uermes  
 corallinam ualere scribat? B R A. Nullus (quem sciue-  
 rim) sed non est opus, omnia ab antiquis scribi, & nos ab  
 eisdem omnia petere: nuper inuentum est hoc, & ita esse  
 nemo non scit: imò corallina soluit, ut experientia ocula-  
 ta fide demonstrat, quam tamen inter constringētes res  
 antiquiores enumerant. S E N. Nonnulli tamen repe-  
 riuntur, qui solum antiquos sectari uolunt, nullis alijs cre-  
 dentes. B R A. Hi eorum ingenia abiecta, uilia, & absq;  
 iudicio existimant, quæ noua quedam inuenire non pos-  
 sint. Id nescientes, facillimum esse inuētis addere, & duce  
 experientia multa inuenire: nam & antiqui homines sue-  
 re, & in multis plurimi errarunt, nos multa in dies uia  
 regia inuenimus, & experientia, quæ fortè ab alijs inuen-  
 ta fuere, sed à nullo scripta, quæ nouerim: nihil enim est,  
 quod non efficiat humanus animus, modo uelit. S E N.  
 Vnde sumptum est hoc nomen corallina? B R A. Quia  
 ut corallus in aqua nascitur, & ubi coralli nascuntur,

etiam inuenitur, propterea non pauci decepti sunt, corallorum folia esse putantes: & hi peius sentiunt, qui

**Corallium.** corallinam & corallium idem fecerunt: quanquam & corallium puerorum uermes necet, & eorum comitalem morbum, quem Brutam uocamus, tollat. **S E N.** Zeneſtre radices occurrunt, tamen non sunt in magno usu. **B R A.**

**Geniſta.** Non Zeneſtram, ſed Geniſtam proferre debes. A Dioſcoride *ωαγρίον*, & Galeno *ωαγρόν* appellatur: flores, radicem, atq; herbam ſeruato. Meſue inquit geniſtam ſiliquis facere in modum lengibi: interpres pro lengibi, orobum uertit, quum faſellum ſignificet. Ideo interpres dedit anſam Manardo reprehendendi Meſuem, non ipſe Meſue, qui ſiliquis geniſtæ faſello comparat, quāuis non

**Imperatoria.** ſit ingens differentia ab orobi ſiliquis. **S E N.** Imperatoriæ radix, & endiuie ſequuntur, ſed endiuia in Ferrarienſi agro habere ſtudebimus. **B R A.** Cur in tua officina Imperatoriam habere ſtudes? ingreditur ne compoſitiones aliquas? **S E N.** Non equidem, ſed ethologis, & pseudomedicis nonnullis eam uendo. **B R A.** Quam herbam Imperatoriam putas? quippe Leoniceno uiſum eſt, Ligurum Imperatoriam, uerum liguſticum eſſe, tamen multæ herbæ uarijs in locis Imperatoriæ dicuntur. **S E N.** De illa nunc loquor, quam ita Ferrariæ appellamus, tria folia habente, quorum medium in tres partes diſtinctum eſt: quæ è lateribus ſunt, in duas, ut medium folium coronam ſere imitari uideatur. **B R A.** Herbam noui, ſed nuſquam apud antiquos (quod ſciuerim) eam reperi: contra quartanus ualere certum eſt, & ad eruendos partus, ac faciles reddendos experta. Cerebrum expurgat, & ab

Et ab superflua humiditate liberat. SEN. Quam qualitatem habere putas? BRA. Experimento, Et uia regia Galeni, calidam Et siccam esse deprehenditur. In montibus Bononiensibus copiose prouenit. Reliqua prosequaris. SEN. In calce radicum sumus. Cortices sequuntur, quos prosequi incipimus, si dulci quiete, Et gratia obsonijs uentriculum Et membra donauerimus. BRA. Vt lubet agatur.

DE CORTICIBVS, QUORUM in Ferrariensibus Pharmacopolarum officinis usus est.

BRASAVOLVS.



IA expediamus, Cortices numera, quos Herbarius in hunc sacculum colligans seruabit. HER. Operi accinctus sum. SEN. Granatorum cortices alijs corticibus ianuam recludunt. HER. Diebus elapsis sacculum horum corticum collegi. BRA. Verum est, ubi de floribus sermo incidit, Malicorium ab antiquis dici ostendimus. SEN. Citri cortex sequitur. BRA. Et hunc corticem in fructibus tractauimus, quem nunc saccharo condientes uentriculo roborando paramus, Et ars in summo est, ut nihil addi possit. SEN. Ergo ad Sambuci cortices accedamus. BRA. Et de sambuco in herbis expeditum reliquimus. SEN. Cinnamomi cortex Cinnamomi  
consequitur. BRA. Cinnamomum nostri pharmacopole cortex.  
non habent, sed loco eius cassia Syringe utuntur. A Dio=



scoride Mofylicum, ex Mofylo Aethiopiae promotorio-  
 in quo est harum rerum emporium, collaudatur. Id etiā  
 probat Dioscorides, quod nigrum colorem habeat, et  
 quod quum uino diluitur, in cineritium colorem transit,  
 quod habet uirgulta tenuia cum lenore, quod habet no-  
 dos per totum continuos, et quod odoratissimum est.  
 Quod autem animaduersione dignū est quum inquit co-  
 lorem nigrum habere, et quod quum uino diluitur, in ci-  
 neritium colorem transit, nam hoc modo interpretatus est  
 Marcellus. Hermolaus aliter exponit, scilicet aritudine  
 cineris fuluum. Serapio autem Dioscoridem hoc loco re-  
 fert, ac si dicat cineritium colorem habere cum rubore.  
 Re uera à Serapione dissentire non possum, quū hęc sint  
 Dioscoridis uerba, τῆ γόα μέλας τεφρίον ἐν τοῖς  
 ὠστέ, id est, colore nigrum: uerū quia nigrū exquisitē  
 non est, addit, tanquā cineritium in uino, ac si dicat ci-  
 neritium in rubro, ut Serapio refert, et Galenus optimū  
 Cinnamomū cineritium esse in theriaca ad Pisonem fia-  
 tetur. Ibi enim Cinnamomi notas edocens, inquit τεφρῶς  
 δ' ἐς τῆ γόα, id est, cineritium colore. In libro etiam de  
 Antidotis, ubi probatissimū Cinnamomū describit, talem  
 colorem habere inquit, tanquā si lacti phæum et parū  
 cyanei misceatur. Si autem hęc tria simul iuncta sint, al-  
 bum, phæum, id est, fuscum, et cyaneus, fit ille color cine-  
 ritius cum uino, id est, cineritius cū rubore, ut ego in plu-  
 ribus rebus, et coloribus ipsis dum hęc scriberemus, ex-  
 perti sumus: erat autem talis rubor, ut potius in subcine-  
 ritium inclinaret. Quam ob rem Serapioni potius inhe-  
 reo, quā Marcello sibi suam interpretationem fingēti,  
 et Ha

& Hermolao. Ad rem nostrā redeuntēs, cinnamomo ca-  
 remus, præsertim perfectō, quod Mosylicū dicitur, & à Cinnamomum  
 Galeno in libro de Antidotis, odorem qui dici nō potest, mosylicum.  
 habere iudicatur, & gustum calefacientē, sed non ita ua-  
 lide ut mordicet, & tristitiā faciat. Colorem habet, qua-  
 lem suprā diximus. Additq; in libro de Theriaca ad Piso-  
 nem, id probatissimū esse, quod uirgulta gracilia habet,  
 & frequētes nodos, odorē longe optimū, suauissimūq;  
 & gustu acre nobis apparet, mordax admodum: postea  
 addit, Διαμασώμενον περιαιρίειν δοκεῖ: id est, Man-  
 sum, rutæ similitudinem præ se ferre uidetur. Qui Galeni  
 locus ostendit Manardum celeberrimū immeritō Mar-  
 cellum taxare, qui in probatis codicibus se inuenisse, rutæ  
 odorē spirare, fatetur: nam & hoc Galenus proculdubio  
 censet: Nec refert q. grauis sit rutæ odor, & à Galeno  
 cinnamomū odoratissimū prius dicatur: quia simul con-  
 sentit aliquid odoratissimū esse, & quodammodo in rutæ  
 odorem spirare, quod in Dioscoridem intelligendū esse,  
 Serapionis testimoniū probat, inquit, & melius eo etiā  
 est, quod cum odore optimo suo trahit odorem rutæ, &  
 cordumēni. Ad rem igitur, qui uolunt uocatam canellam  
 esse cinnamomū, decipiuntur, cum ob alia multa, tum ob  
 hoc præcipue, quia canella nō habet frequētes nodos, & Canella.  
 canella est tanquā cutis, ut Plinius & Theophrastus te-  
 stātur, cinnamomū tanquā cortex: quāuis Dioscorides in  
 hoc illis aduersetur, etiam canella corallorum colorē ha-  
 bet, nō autem cinnamomū, sed prædictum. Tamen quum  
 sex species cinnamomi inueniantur, ut Galenus locis cita-  
 tis, Dioscorides, Theophrastus, & Plinius censent: imō

inter optimum & pessimum genus sit maxima distantia  
& differētia, nō dubito nos aliquā speciem habere, & ui-  
dimus album cinnamomū, & nigrum, id est, quod in hos  
colores inclinabat, & quod est simile cassiæ rubenti, sed  
mosylico caremus, quod inerrabilē odorē habet: & si ac-  
cidat nos optimo cinnamomo uti debere, duplū cassiæ ac-  
cipere possamus, id est, duplū probatissimæ canellæ: nec  
argumētum Quinti, quod Galenus in libro de Antidotis  
refert, alicuius momēti est, si deberemus bibere cyathum  
uini cretici, & desit, nos debere duos cyathos loræ bibere:  
& si desit panis ex similagine, duplū syr. syracci edere de-  
beamus. Argumentū hoc ad rem nihil facit, nam quod de  
cinnamomo, & cassiā dicitur, idem est ac si ad ferendum  
pondus uiro forti indigeremus: at ipso forti uiro care-  
mus, duos debiliores accipiamus. Canella autem quæ pro  
cinnamomo sumi debet, ea est, quæ Gixir uel Gizi nuncu-  
patur. Difficile autē est & optimū cinnamomū & opti-  
mam canellā nosse, nisi sepius experti simus, ut Galenus  
testatur, nam pseuolocinnamomū, & pseudocanellā ha-  
bentur: tamē si quis expertus est (ut Galenus in libro de  
Antidotis tra. lit) facillimum est ad cognoscendū optimū  
cinnamomū: quanto magis bonū est, tanto diu: ius durat:  
& hi summē delirant, qui cinnamomū senio nō affici cō-  
tendunt: imō, ut præcitato loco inquit Galenus, nō seruat  
ad trigesimum annū synceras suas uires. S E N. Si nostra  
canella cinnamomū nō sit, quid igitur esse iudicab? B R A.  
Constat apud antiquos, quod canellā appellamus, cassiā  
esse, & cassiā syringā. Cassiā uero nūc à nobis ita ap-  
pellatam, quæ ab Arabibus fistula uocatur, alia res est, de  
qua

qua (ut in fructibus prædiximus) antiqui nunquā tracta-  
runt. Vt autem ad rei summā accedamus, tria sunt apud  
Ferrarienses & Venetos pharmacopolas, quæ cortices  
sunt. Vnum, cassiam ligneam ad differentiā cassiæ quæ sol-  
uit, appellant: aliud, canellā: tertium, scauezonum dicūt.  
Scauezoni sunt canellæ frusta & ineptiores partes, &  
in horum genere quādoq; cinnamomi frusta inueni, odo-  
rata ualde, colorē mixtū ex albo, lacteo, fusco, & cyaneo,  
& nodos frequētes habētia: quā appellatis cassiā ligneā,  
est pseudocassia Dioscoridis, quæ & si cū cassiā similitu-  
dinem habeat, gustu tamen deprehēditur, nec odorata est  
aliquo modo. Quam uero canellam dicitis, est uera cassia  
Dioscoridis, nō cinnamomū: tamen quia inter cassias, id  
est, nostras canellas, aliqua frusta inueniuntur, quæ cānas  
longas, angustas, crassas, & fistulis plenas habent, gustu  
erodentes, & adstringentes cū aliquo feruore, odoratas,  
& odorem uini referentes. Hæc est prima species à Dio-  
scoride descripta, quæ à barbaris dicitur Lada. Et in fa-  
sciculis nostræ cassiæ aliqua nigrescens inuenitur, quam  
Dioscorides ῥῖγῖς appellari dicit: quamuis Galenus in li-  
bro de Antidotis duas syllabas habere fateatur, quarum  
prima est γ & ῖ, secūda est ex ζ, & ι, ut ρῖζι dicatur. Pro-  
pterea Hermolaus à Manardo reprehēditur, qui dixerit  
à Galeno ῥῖς appellari, quū Galenus etiam literas nu-  
merans, γῖζι scriptum reliquerit. Non uidit autem Ga-  
lenus alijs in locis uario modo proferentem, nam in The-  
riaca ad Pisonem probatissimam cassiam laudans, ab in-  
colis inquit ῥῖγῖς appellari: propterea in his Barba-  
ris nominibus nemo reprehēdendus est. Id autem addam,

inter fasciculos casia nos frequenter cinnamomum uidisse, & non ut Hermolaus dicit, quod casia ad nos ueniat, sed xylocinnamomo inueniri. Multa genera & casiae & cinnamomi ab autoribus ponuntur. Tu mei Dioscoridem, Theophrastum, Plinium, & Galenum praesertim in libro de Antidotis legere poteris, ubi horum species exacte tractantur: mihi nunc satis fuit, nostram canellam speciem casiae esse, demonstrasse, & quam dicunt casiam ligneam, esse pseudocasiam, & cinnamomum quandoque inter fructa casiae Scauezonos appellata, inueniri. S E N. Tecum sentiam, quousque meliora discere poteris. B R A. Nunquam meliora disces, nisi hoc uerum esse confirmes, quempiam per Venetorum navigationes Alexandriam mittens, qui in Felicem Arabiam equitet. Is poterit ueram cinnamomum, aut ueram casiam afferre: quanquam hic idem Alexandria, dextrorsum iter petens in Aethiopiam ad Mofylicum promontorium accedere possit. Haec de cinnamomo, & casia lignea, casia syriaca, & canella dicta, quam eodem nomine Galii & Hispani uocant canella, Germani uero zimmet: non desunt tamen qui rindem addant, id est, corticem. S E N. Mandragorae cortices sequuntur. B R A. In mandragora plura sunt, quae cortices nuncupari possunt, & in fructu, & in radice, & in foliorum costis. Quem corticem accipitis uos? an radicis corticem, quem Dioscorides filo suspendi, & seruari dicit? S E N. Illum inquam. B R A. Et solum cortex apud uos in usu est? S E N. E. In somniferis quandoque fructibus utimur. B R A. Tamen ex mandragora plura à Dioscoride seruari iubemus, quae

que singulatim explicare tentabimus . In primis autem duo Mandragoræ genera ab autoribus poni scito, præsertim Dioscoride: secundum genus Morion dicitur . Her-  
 morion. molaus id pomum esse putat, quod uulgo desdegnofo nuncupamus, in fictili supra fenestras nascens. Argumentum habet, si quis ex hoc pomo comederit, insanus fit, ex hoc inquam quod morion dicitur. Nostra autem hæc poma Ferrariæ supra fenestras frequentia Melanzana( à Neapolitanis præsertim, à quibus in summo honore habetur, & in magno usu est, & etiam Venetis) appellatur, quasi mala insana, hæc autem potius coniectura est nullius momenti, quàm argumentum. Nam illustrissimas Isabellam & Iuliam Taraconenses per totam ætatem eiusmodi poma melanzana comedentes uidimus, & singulis annis, in pultarijs decocta, & quandoque frixa, ex oleo, sale, pipere, & quandoque aceto: tamen nunquam insane uise sunt, sed in dies sapientiores euasere. Nec ego ab illis abstinui, imò & ipse illustrissimæ sorores ad me cocta miserunt, quum Ferrariæ habitarent . Expulso enim patre Federico rege Neapolitano, exules per Gallias cum patre, matre, & duobus fratribus iuere. Alterum fratrem apud Hispaniarum regem habebant, qui captiuus custodiebatur, patre uita functo. Mater illustrissima & sanctissima in Italiam uenit, & Ferrariam petijt Millesimo quingentesimo septimo, ubi usque ad Millesimum quingentesimum trigesimum tertium annum, infelicissimam uitam, sed sanctissimam, duxit, quippe omnia incommoda, omnia sinistra, omnes infelicitates, & calamitates illi accidere, quas humanus animus ferre potest: quo anno

infeliciſſimam illam uitam, cum uera & ſempiterna com-  
mutauit illuſtriſſima Iſabella Bautia ( hoc enim nomine  
uocabatur. ) Poſt matris obitum duæ pudiciſſimæ ſoro-  
res, Milieſimo quingenteſimo trigeſimo quarto Ferra-  
ria diſcedentes, maximo omnium dolore & ploratu, Va-  
lentiam petiere Hiſpaniæ Taraconenſis urbem, ubi fra-  
ter olim captiuus, nunc Prorex effectus moratur. Inte-  
rim dum mater uitali aura fruebatur, duo fratres obie-  
rant: unus in Gallia, alter Ferrariæ Caſar illuſtriſſimus.  
Sed his omiſſis, ad Mandragoram ueniamus: quippe ſe-  
cundam mandragoræ ſpeciem à Dioſcoride poſitam me-  
lanzanum eſſe inſiciamur, uel ( ut nos dicimus ) deſdegno-  
ſum pomum. Primam uero ſpeciem lata folia habentem,  
in his montibus colligere poteris. Eam etiam in Bono-  
nienſibus montibus frequentē uidimus, ſed ex monte Gar-  
gano ad nos potiſſimum aſſertur. Ex ipſa ſequentes par-  
tes ſerua, ex mare præſertim, non ex ſœmina, quia in ma-  
rem & ſœminam partitur Dioſcorides, & ſœmina mul-  
to minora folia habet, & pomum in duplo minus, quàm  
mas. Primo igitur ex cortice uirentis radicis ſuccum ſer-  
ua, radices tunde, poſtea prelo exprime, & inſolatus ſit  
quum denſatus concreuerit, in uitreatum uas, aut pica-  
tum ſerua. A Dioſcoride poma colorem uitelli oui habe-  
re dicuntur, à Theophraſto, & Plinio nigra. Re uera nec  
certe nigra dici poſſunt, nec lutea, tamē in luteum potius  
colorem inclinare uidentur: præterea radicis corticem ſu-  
niculo ſuſpenſum ſerua. **S E N.** Hoc eſt quod ſeruamus.  
**B R A.** Imò radices in uino ad tertias coque, & pro gra-  
uiſſimis doloribus, & membris ſecandis ſerua: nec folia  
deſpi

despicio, quæ sale seruantur: etiam uinum ex cortice radicū sine coctura fit. Si uini dulcis cadū acceperis, & corticis pondo tria conieceris, pro his qui secari & uri debent, poma & ipsa cōserua, & liquorem ex radice incisa manantem. S E N. Omnia seruabo: sed quid est, quod Dioscorides caule carere tradit? B R A. Theophrastus & Plinius, hic libro uigesimoquinto, capite undecimo, ille sexto de plantarum historia, caulem habere censent. Dioscorides aduersatur, caule habere. Sed res ipsa iudex fit, breuem habet caulem, ideo non mirum si absque caule à Dioscoride pingatur: illi uero caulem habere uoluerunt, quia breuissimum saltem habet. Sed hæc aliis. Nunc id tantum addam, impostores circumforaneos inueniri, qui radices humana effigie insignitas ferant, quas mandragoras esse testantur. Sunt autem fictitiæ, & manu factæ radices ex cannarum radicibus, humana effigie sculptis, postea plantatis: nascuntur radicule parue, quæ representant capillos, herbam, pectinis pilos, & ex terra eum colorem acquirunt, ut radix esse uideatur: fabulantur uero adeo alte clamare hos homunculos, ut obturatis auribus crui oporteat, quod faciunt hac radice, canis caudæ adalligata, & plura alia fabulamenta, ut numos extorqueant à miseris ignaris, fingunt. Si uero Columellam in horto adducas, mandragoram semihominem uocantem, uel deceptus est hic autor, uulgi opinionem sequutus, uel (quod magis probo) ita scripsit, quia eius radix in duas fibras ueluti in duo crura diuiditur. Hispani, ut nos, Germani abraun mādragoram uocant. S E N. Cortices medij castanearum sequuntur. B R A. Per medium corti-

Castanea.



cem, intelligis ne illum qui inter echinum & subtile hymen castaneæ carnem tegens cernitur, qui immediate echinum sequitur? S E N. Non: sed hymen intimum, id est, pelliculam illam intimam, quæ castaneæ carni inhaeret. B R A. Nihil ferè aliud ex castanea Dioscorides laudat, quam pelliculam illam: eam enim magis adstringere censet, quam alia superiora coria, quum tamen & ipsa constrictiua sint. His autem & castaneæ carnem exhibent, qui ephemeron, id est, hermodactylum colebicum biberint, quod uenenum est. S E N. Cortex ille uarias compositiones ingreditur, eam præsertim, quæ in frequenti usu est, unguentum de comitissa nuncupatum.

*Iouis glans.* B R A. A Græcis balanus, & Iouis glans nuncupatur. In Sardinia optimæ nascuntur, sed & apud nos in Regione, & Mutinensi agro sapidissimæ, uerum minores. A Ger-

*Raphanus.* manus castaneæ, kesten appellantur. S E N. Raphani cortices sequuntur. B R A. Ne in æquiuoco uersemur, tres radices nosco, quæ raphani nomine insigniuntur. Vna, quæ uulgo raphanus proprie dicitur, acerrimum saporem habens, adeò ut caput tentet, & lachrymas incitet. Altera, radix est, quam in quotidiano usu habemus, seminaturq; et colitur: hæc raphanello appellamus, qui inter olera a cultoribus numeratur, & ab alijs Italia gentibus, præsertim Romanis, armorazo nuncupatur.

*Raphanellus syluestris.* Est & tertia radix, quæ sine cultu nascitur, quam syluestrum raphanellum dicimus. Tu cuius radici corticem queris? S E N. Illius acutioris, absoluto uocabulo nostra lingua raphano appellati. Nescio tamen cur potius cortices, quam totam radicem habere studeamus. B R A.

Quoniam

Quoniam meditullium sub cortice existens, minori caliditati afficitur, quàm cortex: præterea facile putresceret; cortex uero facilius exiccatur. Nos raphanellum nostrum, apud Dioscoridem raphanum, & à Latinis radiculam appellari iudicamus: quamuis & sub raphani genere noster uocatus raphanus contineri possit; qui tamen à multis creditur esse lepidion: hi uero non obseruant lepidion à Dioscoride herbulam dici, noster autem raphanus magna herba est. Adde Plinium, nostri raphani folia, lauri folijs similia facere, & mollia esse cedere, quæ postea gladioli retusi formam accipiunt: uerum raphanus noster ampla folia habet, lapathi acuti folijs similia, & multo latiora. Noster igitur raphanus in raphani genere poni uidetur, non autem in lepidio, quia idem uidetur. Dioscoridis lepidion, & scitaragi Serapionis, præsertim si scitaragi herbam intelligamus. In his montibus tui raphani radices collige: aliâ hæc omnia ad sensum ostendemus. Hispani rabanos, Germani rettich, raphanum uocant. SEN. Capparorum cortices sequuntur. BRA. Te etiam in his radices querere arbitror. SEN. Radices inquam. BRA. De his sermo fiet, si in primis tibi ostendam Pandectarium in raphano summopere errare, utpote qui à Galeno scandicem uocari censeat, quum scandix alia herba penitus sit, inter olera ineptissima, quæ quidem apud Plautum damnatur: nam quendam exprobrat, utpote scandicis uenditorem: & matri Euripidis exprobratum est, quod neque legitimum olus, id est, scandicem uendiderit. Ad cappares redeunt, notissimi sunt, & nunc frequentes, & optimi Ferrariæ nascuntur, in asperis & gracilibus solis, & in

Scandix.

Capparis.

Capparis Ara-  
bica.

rudetibus: imò nisi impediuntur, adeò uagè incedunt, ut proximum solum impleant & arescere faciant. Semen ipsum, folia, & radicum cortices seruare oportebit. Plinius Arabicum pestilentem esse tradit, in quam sententiam uenit etiam Galenus. Apòricus, Apulus, & Marmaricus quondam infestè fuerit, nunc probati euaserūt. Imò nos ex Apulia præcipuè habemus, quamuis in multis locis nunc Ferrariæ uireant. Antiquitus etiam caulibus, & fructibus sale seruabantur, sed nunc & aceto. Mirum est de eo, quòd omnes medici pro comperto suscipiunt, ad uentriculum roborandum ualere, & aegris appetentiam facere credentes. Tamen Dioscorides certissimis uerbis, ita scriptū reliquit, Alium turbare, siticulosum esse, & stomacho noxium, tamen minus noxium esse stomacho coctum, quam crudum: omnes tamen pro uentriculo tribuunt, ut magis uigeat, sed non miror: quia & coriandrum pro roborando capite exhibent, cui tamen, ut Dioscorides fatetur, obstat, nisi capitis uitium sit ratione uentriculi. De capparibus fortè id credunt: quoniam à Paulo Aegineta libro primo, capite 74. appetentiam facere dicitur, & in principio cœnæ edi ex oleo & aceto, uel ex oxymelite, quemadmodum & nos utimur. Verum & si ita conditus appetentiam affert, non tamè ob hoc uentriculo conuenit: quia id est pro eo tempore ratione condimenti. Alioqui Dioscoridi opponeretur Paulus, quem tamen imitari summe studet. Tu Ferrariæ radicum cortices habere poteris, in uiridario præsertim Ioannis Brasauoli patris, qui cura Hieronymi Brasauoli affinis strenuissimi, ibi uirent: sed quum efficaciores uires in montibus habe

bus habere putem, propterea hic collige, & serua. Hispani cappares, alcaparas nuncupant. *SEN.* Thuris cortices occurrunt. *BRA.* Thus cortice caret, sed cortex qui à Dioscoride thus dicitur, est arboris thus gignentis cortex. Habetis ne uos alium thuris corticem distinctum? *SEN.* Non habemus, sed quum opus est eo uti, inter grana thuris inuenimus. *BRA.* Tamē si thus optimū esset, in eo corticem habere nō possetis. *SEN.* At omnia grana probatissima non sunt, nec omnia alba, aut rotunda sunt: nigra etiam inueniuntur plena cortice. *BRA.* Tamen quemq; pharmacopolam (pro uiribus) probatissimum habere conari oporteret. *SEN.* Nos in unguentis hoc nigro utimur. *BRA.* O execrabilis error: id facitis ac si unguēta ad humanam uitam nihil faciant, quū ex ignauiori unguento (nunc unguenti nomine abutor, ut recentiores faciunt, ad emplastra ampliātes) nunquam ad cicatricem uulnera perueniant, & causa putredinis sint. Vnde opus est exquisita simplicia medicamenta, unguēta etiam ingredi. Ex thure quatuor in officina tua seruato, thus ipsum, quod est arboris lachryma, ad quinque ferē capita altæ, folio piri, secundum aliquos, secundum alios lauri, secundum alios salicis, secundum alios terebinthi. Theophrastus tamen, ac Plinius illis consentiunt, qui lauri folia habere inquirunt, nos incerti sumus propter incertos autores. Miror tamen rem hanc adeo incertam esse, sed certiores futuros breui speramus. A Græcis Libanus dicitur, in Arabia nascitur, tanquam lachryma ex cortice suæ arboris emanat, ut apud nos in prunis & mālīs armeniācis gummi

Thus.

Libanus.

gummi fit, grungo appellatum. Mas in thure, rotunda la-  
 chryma, & quæ alba sit, dicitur, quod cæteris præfer-  
 tur: alij colores, ut ruffus, & niger, ineptiores sunt. Ro-  
 tunda grana arte faciunt auari mercatores, ea in primis  
 quadrantes, postea per uas fictile ducentes, quo ad in ro-  
 tundum tendant. Idem pessimi homines thus resina pini,  
 & gummi arte quadam simul miscētes adulterant. Adul-  
 terium igne deprehenditur: nempe thus accenditur, &  
 confestim ardet: gummi uero non accenditur, id est, flam-  
 mam non emittit: resina in fumum euanesceit. Ideo ad-  
 ratum, fumum potius quàm flammam emittit. Ex India  
 etiam affertur, sed peius quàm Arabum. Curabo, ut sal-  
 tem arboris folia, ramusculus ue afferatur, quū illustri-  
 mi principis nostri nauis Alexandria littora appellet: fa-  
 cile enim est ex Arabia, uel India Alexandriam ferri. Ve-  
 netijs hæc emes. Verum opus est arboris corticē habere,  
 non thuris, ut quidam ignari putarunt, quia thus cortice  
 caret: est autē cortex ad uarias ægritudines, ad quas pri-  
 uatim ualet, necessarius. Nec thuris manna uel pollinem  
 omittas. Est autem manna, mica parua ( ut inquit Pla-  
 nius) ex concussu elisa, sicut in tritico id subtile quod ferē  
 uolat, pollinem appellamus: ita hic, quod ualde subtile  
 est, per confractum uel per motum, pollinem dicunt, uel  
 manna. Tamen quum easdem uires habeat cum thure,  
 inò & ineptiores, an pollinem haberes, non curarem.  
 Nonnulli uero in thuris manna decepti sunt, eam esse  
 mannā quæ soluit, & quæ è cælo descendit, arbitran-  
 tes. Non est autem opus thuris fuliginem omittere, quia  
 ad multa priuatim in re medica ualet, arte autem para-

Thuris manna.

Thuris pollen.

Thuris Fuligo.

tur, ut apud Dioscoridem & Plinium, quum domi eris, uidere nihil impedit. Nos uulgò thus incenso, ab accendendo dicimus. Galli ancens, Hispani Encentio, Germani weirach appellant. MACIS. SEN. Macis sequitur, qui inter cortices numerari debet. MACER. BRA. Aut Dioscorides de mace nusquam loquutus est, aut quid sit macis ignorare uidetur. Primo enim libro de Macere pertractat, inquires ita appellari à Romanis corticem qui à barbaris affertur, crassius, colore subruffo, qui uehementissime in gustu adstringit, quia à barbaris afferri dicit. Marcellus caput de Macere Dioscoridi adiunctum esse putauit: & quia rem concisè tractat, & extra aromata ponit. Nobis autè proprium Dioscoridis caput esse uidetur, quoniam à nullo Dioscoridis codice abest, & Paulus Aegineta, qui Dioscoridem concisè refert, de macere tractat. Dioscorides autem corticem esse censet: cuius uero arboris, nec ipse, aut Galenus, aut Paulus ostendunt. Plinius s. capite libri duodecimi, corticem esse inquit magnæ radicis, nomine suæ arboris appellatæ, quæ ex India uehitur: & quamuis ipse Machir appellet, & Dioscorides, Galenus, & Paulus Macer, re tamen cōsiderata, quo ad colorem, saporē, & uires, idem esse constabit. Apud Pliniū quid sit, incompertum est, ut ipse refert: Græci corticem quidem esse testantur, sed cuius sit, prætermiscere. Serapio quū de Mace tractat, Dioscoridem, & Galenum in Macere adducit, ideo quod Macis uocamus, & Serapio Gisebese, idē sunt cum Dioscoridis macere. Est autem macer uel macis, uel macir, uel machir, superior nucis myristicæ cortex, ut etiam Serapio ex sententia Isaac dicit, & Auicenna ipse

testatur: quod si non sentirent, ab illis sponte dissentiremus, quia re uera macis est superior nucis myristica cortex: quippe corticem habet, ueluti tenellum ingladius putamen, quo nux myristica tegitur. Supra hunc corticem cortex alter uisitur, qui totam nucem nō tegit, sed ueluti cancellus per nucem discurrit, quamuis in aliquibus, sed raris, tegat, qui est subruffus, & hoc macis appellatur. Vnde sine dubio macis est supremus cortex nucis myristica: nec istud peritioribus relinquimus ut Marcellus facit, sed ita certum esse affirmamus, quia sexcenties oculis uidimus, & nuces myristicas domi cum cortice habemus. Nōnulla tamē sunt, quae me mouēt ut existimē aliud per macerem intellexisse Dioscoridem, quā sit hic noster macis: primo, quia de myristica nuce nusquam loquutus est: fortē dices ignorasse, quod nucis myristica cortex esset, de eo autem tanquam de re ignota scripserit, quam etiam & Galenus, & Plinius, & Paulus, & omnium recentissimus Aëtius ignorarunt. Imō Plinius ipse quid sit, ignorare fatetur, uel de altera re loquitur, quia inquit, corticem esse radicis arboris eiusdem nominis. Adde Dioscoridem dicere esse corticem crassum. Constat autem macim subtilem corticem esse. Præterea Dioscoridos uehementer in gustu adstringere inquit, quod Galenus gustu multum acerbo fatetur, hoc in nostro mace nō percipitur. Præterea Galenus siccum in tertio, & in caliditate & frigidityte suum macerem æqualem facit. Cōstat autem nostrum macim in gustu caliditatem quandā pre se ferre. Vnde cum Auicenna sentio, qui calidum & siccū in secundo macim facit: quamuis Auerrois quinto Colli-

get, in

get, in primo siccum ponat, sed arbitror, in Auerroi errore esse, & in tertio legi debet: nam eo loco Galenum imitari uidetur, imò & ipse quid sit non exponit. Quam ob rem ex his incertus sum, an cortex quem Dioscorides, & Galenus macer appellant, noster macis sit: si enim esset, Græci quid esset sine dubio ignorassent, & præterea Auicenna potius assentire in secundo calidū & siccū ponenti, quam Galeno. Nam amicus Socrates, amicus Plato, sed magis amica ueritas: non enim stipticitatem illam persentio, quam siccitas in tertio gradu exigit, & quam Dioscorides excellentem in gustu tradit. Etia manifeste persentitur caliditas, & operationes id ostendūt, quæ caliditas primum gradum excedit: hoc deprehenditur, si quis res calidas uno gradu, in ægitudine frigida applicuerit, & macim, manifeste concipiet macis intensius calefacere, quàm simplex aliud uno gradu calidum: experietur præterea, non tantum exiccare, ut ea quæ tertio gradu sicca sunt. Quam ob rem, aut altera res est Græcorum macer, uel si idem sit cum nostro mace, quod esset, ignorarunt. Et quamuis Auicenna & Serapio macim nucis moschatæ corticem dicant, timide quodammodo, & ex aliorum sententia loquuntur, quàm ita aperta fronte sentire uideantur. Vnde nos macim nostrū, extremum nucis myristicæ corticem esse docemus, & qui dubitat, rei ignarus est, & calidum ac siccum in secundo ordine iudicamus. Macim in his montibus non habebis, sed Venetijs emere oportet: ex India Alexandriam fertur, postea Venetias. Lusitanorum nauigatio in insulis nuper repertis nucum myristicarū solus inuenit, ex quibus



ingentissimam macis copiam, præter nuces asportarunt, è longinquo autem odorem spirare sentiebant. Hispani nostro nomine utuntur. Tu reliqua prosequaris. **SEN.** De corticibus, quibus utimur, satis dictum est. Prædicti solum in usu habentur. Opportunum erit quiescere, et in hac uirèti herba prandere, postea meridiabimur, dum radij solis inclinales intentissimum calorem fregerint: uespertina hora opus cœptum prosequemur. **BRA.** Non ab re sentis, quippe in illa umbra apud illius riuuli murmur, meridiei æstus fugiemus. Interim Herbarie mappam sterne. **SE.** Iam cōmeatus deficit, qui tamē pro hoc prandio satis erit. Interim deus aliquis prouidebit.

## DE LIGNIS, QVORVM apud Pharmacopolas usus est.

**SENEX.**



**N**ESCIO an hoc potius sit uesperasce re, quàm meridiari, quippe sol inclinare iam cœpit. **BRA.** Vesperasce dici oportet, si hoc uerbum Vesper, dormire significaret. Quæ igitur in tua

**Aloes lignum.**

scheda sunt prosequaris. **SEN.** Ligna sequuntur, inter quæ primum locum Aloës lignū occupat. **BRA.** Quidā ignari, aloën huius arboris liquorcm esse putarūt, quum aloës herbe potius liquor sit, quàm arboris, ut suo loco ostendemus. De hoc ligno nusquam à Galeno (quod sciam) scribitur. A Dioscoride, et Paulo, Agallochon lignum

**Agallochon.**

lignum appellatur. Serapio Galenum adducit de hoc ligno loquentem, locum non indicans, nos nunquam inuenire licuit. Nunc optima suffumigia & odoratissima ex illo fiunt, simul cum gummi à nostris belzatum appellato. Fiunt & coronæ, id est, indices ad numerandas Deo mulierum præculas, quos indices torno parant, perforant, & lineæ inserunt sexaginta, centum, uel centū quinquaginta. Ramenta uendunt etiam caro pretio pro suffumigijs parandis, sed alia secum miscentes, & in puluerem reddentes pastillos in longum & acutum conforment, quibus igne approximato sine flamma in cinerem uertitur, solum per cubicula odoratum fumum spargens: hoc autem facit, quoad in cinerem uersum sit: odoratissima qualia nunquā persenserim, illustrissimus Dux ALPHONSVS parat. Duo à Pandectario mirè fatua scribuntur: unum, neminem unquam uidisse huius arboris ortum, & quod per flumina paradisi terrestris, quum alii qui rami franguntur, defertur. De terrestri paradiso idē sentit Serapio ex sententia Chend fetebeni. Quod quantum à uero dissentiat, Lusitanorum nauigatio ostendit: nam plures harum arborum syluas ingressi sunt Lusitani, & ingentes truncos in Hispaniam portarunt. Gentes illarum partium etiam hoc lignum in honore habet: ideo non mirum si ad nos copia non ueniat. In insula quæ Sumatra nunc dicitur, ubertim crescit, quam plures optimi autores Taprobanam existimāt. Verum ultra Aequinoctialem Sumatra à Lusitanis inuenta est. Ptolemæus autem sub Aequinoctiali Taprobanam ponit: quicquid sit, unum genus est huius ligni cæteris odoratius, quod

Taprobana

illi suo nomine Calampat uocant: cuius si festucam per quartam horæ partem manu clauseris, mirum odorè persenties. Ad nos non affertur hoc genus, sed ad regnum Cathai, ad regnum Cini, ad regnum Macini, ad Sarnau, & Granay portantur, regna ab antiquis Cosmographis non descripta. Ibi ditissimi Reges sunt, & qui plurimum odore gaudeant, cōgeries horum lignorum in Dei honorem urentes. Fortè hæc insula Sumatra ea est, quam Serapio ex sententia Aboanisa Simua uocat, in qua probatissimum Agallochum nascitur, quàm alio in loco. Certus autem sum quod ad nos defertur, ex probatissimo genere non esse, quoniam & si per horam manu clauseris, eximius ille odor non persentitur. Vnde hæc est ratio exquirissimum agallochum ex insula Sumatra uel Taprobana probandi, ut referunt qui per Lusitanorum navigationes illuc accesserunt, manu claudere ut redoleat. Nos autem aliter probamus, supra ignem ponētes. Optimum, lachrymam facit, & bonum odorem spirat, diuq; perdurat antequam comburatur. Aliud uanum à Pandectario scribitur, sepeliri sub terra, ut odoratiùs fiat, quod à Serapione accepit ita ex sententia Chedferebeni dicente, sed per annum condi tradit. Cuius oppositum Lusitani oculata fide demonstrant: hi recentes Chamelæe radicibus adulterari fatentur, quod fieri nō posse certus eris, si crassiora ligna emeris. Imò facillimè deprehenduntur ramenta, an ex agallocho sint, prædicto modo: nec Lusitani dicunt ebulliri, postea uendi, ut de reubarbaro etiam multi fabulantur. Græci posteriores, ut Aëtius, lignū aloës appellant. Nā hic uir speciatim de xylo aloës tractat. Veneti

unum tantum genus cognoscunt, quod Alexādria Aegy-  
 ti habent, illuc ex Arabia allatum: quod enim ex India  
 affertur, ad Venetos nō transit, praesertim ex Sumatra in-  
 sula: quamuis ex India per mare rubrū, & per desertam  
 Arabiam mercatores Alexandriam tendere soleant. Lusi-  
 tani tres species cognoscunt, quas etiā tractant: fortē eae  
 sunt de quibus Serapio. Tu Venetijs id emes quod haberi  
 potest, quoniam in Italia non oritur. Ab Hispanis ligno  
 aleos uocatur. **S E N.** Xylobalsamum secūdo loco scriptū  
 est. At quia de eo in fructibus tractauimus, ideo qui ter-  
 tio loco sequuntur sandalos proponā. **B R A.** Tria ligna  
 in officinis habetis, quae sandali nomen habent. Album Sandalus,  
 quoddam, id est, cōmunem ligni colorē habens: albū uero  
 ad alia comparatū dicitur. Rubrū & luteū, hoc rēcentes  
 citrinum dicunt, ceteris odoratius, imō solum inter alia  
 odoratum. **S E N.** Ita certe habemus. **B R A.** Decepti sunt  
 plures, sandalos rubros aspalathū putantes, quippe sanda-  
 lus arbor est, Aspalathus arbuscula: sandalus nō est ama- Aspalathus,  
 rus, sed amarescit aspalathus, sandalus ruber nō est odo-  
 ratus, sed est odoratus aspalathus. Quam ob rem qui ru-  
 bros sandalos aspalathum putarūt, longe decepti sunt, cū  
 propter dicta, tum propter alia multa. In his sandalis  
 Arabibus debemus, hi enim sandalos nobis ostenderunt:  
 Dioscoridem enim, Galenū, Plinium, Theophrastum de  
 his nunquam scripisse constat. Venetijs haec tria genera  
 sandalorū emes, albos, rubros, & luteos. Ceteris praestant  
 lutei, mox rubri, deniq; albi. In India potissimum nascun-  
 tur. Lusitani nauae, harum arborum syluas inuenere.  
 Maxima copia in agro Calechut, quod est totius Indiae

emporium, prouenit. In terra etiam Cubæ uiget, et uariis alijs locis, de quibus nusquam antiqui pertractarunt, sed nuper diebus nostris a Lusitanis inuenta sunt. Ad rem igitur, antiquiores de sandalis nusquam recordationem fecere, sed Arabum inuentum est. Constat autem frigide et sicca naturæ hanc arborem esse. Decipiuntur, qui uerzinum rubrum sandalum esse arbitrantur: nam diuersæ sunt arborum species, quarum copiam Lusitanorum triremes et celoces in Hispaniam portarunt. Apud Tarnasirim Indiæ urbem uerzinum nascitur: de hoc apud antiquos non habeo quid certi dicam, sed de sandalis quidam libellus falso Galeno inscriptus circumfertur: qui de secretis Galeni inscribitur, ubi in eo de icteritia sermo fit, sandalorum meminit: tamen non dicit sandalum, sed mahazari. Recentiores sandalos citrinos interpretati sunt: his autem nulla exhibenda fides, nam ab Arabe collectus ille liber, Galeno inscriptus est. Hispani sandales, Germani sandel sandalos uocant. **SENE.** Tamarix accedit. **BRAS.** Ferrarie pro his quibus lien tumet, dolia et patera fieri cœperunt ex myrice, ut his uasis uinum seruetur, quod hi qui male affecti sunt licne, bibere possint: de ipso in herbis satis dictum est, ubi ostendimus, ab antiquis myricem appellari. **SENE.** Guaiacum ergo sequitur. **BRASA.** De hoc ligno plures frustra conati sunt apud antiquos aliquid inuenire. Constat enim Dioscoridem, Theophrastum, Plinium, Galenum, Paulum, Aëtium hoc lignum ignorasse, sed non mirum, quomodo Ptolemæus, Pomponius, et ceteri Cosmographi eas partes ignorarunt, in quibus nascitur. Nemo enim præter Lusitanos, in

nos, in nouis nauigationibus illuc acceſſit. Equidē in inſu-  
lis nuper repertis potiſſimū oritur, in ea quæ Corterati  
appellatur, & Hiſpaniola, quæ ab Aequinoctiali parum  
diſtat, & in alijs plurimis, ubi naſcitur, ſimilem morbum  
habent, ut is eſt, qui Gallica ſcabies uocatur, pro recupe-  
randa ſanitate fructu ueſcūtur: & quibus fructus deſunt,  
ligni decocto utuntur: quod Hiſpani uidentes, lignum in  
Hiſpaniam portarunt, quod deinde per totam Italiam di-  
uulgatū eſt: fructus citò putreſcūt, ideo ferri nō poſſunt.  
De hoc aliàs diffuſe ſcriptum reliquimus, in conſilio (ut  
dicunt) quod pro reuerendiſſimo & doctiſſimo Lauren-  
tio Cardinali Campegio fecimus, omnium Cardinalium  
ſplendiſſimo lumine, Magnifico Rodulfo Campegio du-  
ctore ſtrenuiſſimo, & uiro nunquam ſatis laudato, procu-  
rante. Vt autem noſcas (ſi accideret) quid empturus ſis,  
nunc breuibus expediemus. Tria huius ligni genera noui-  
mus. Vnum, quod ubique nunc per totam Italiam uaga-  
tur, meditullium ſerè nigricans habens, & circuncirca  
albicans, quod odore, pondere, & pinguedine probatur,  
& quum in micæ redigitur, præ pinguedine in globum  
ſibi iunguntur. Eſt aliud ligni genus, quod ſimiliter phar-  
macopole lignum ſanctum appellant, quoniam & pri-  
mum lignum ſanctum, uel palum ſanctū dicebatur, quod  
meditullium paruum, lucidum, & magis album eſt quàm  
prius: tamen in colorem lutcum tendit. Multiq; decepti  
ſunt, hoc eſſe ramos guaiaci putantes, quum tamen arbor  
ſit ſecundum ſe à guaiaco diſtincta, ut præcitato conſilio  
docuimus. Quandoque annis ſuperioribus magna copia  
in Italia fuit. Nunc quinq; aut ſex anni ſunt, quod ipſum

Lignū ſanctum

Italia non uidit: tamen nobiles multi Genuam misere, ubi prius copiosissime habebatur, ut emerent. Tertium genus cōtigit me uidere Venetijs, in pharmacopole campane officina, quod in ruborem tendebat, deinceps nunquam uidere potui. Tu Genuæ, non Venetijs, primū genus emas, & secundum, si inuenire dabitur. De tertio nullum experimentum habeo, tamen si aliquo Italiae loco haberi contingat, ne à tua officina abesse sinas. Quandoque hebeni speciem esse suspicabamur, sed postea autores considerantes, à suspitione liberati sumus. Tu ergo alia ligna prosequaris. **S E N.** Iam extrema manus lignis imposita est, nisi ea numeremus, quibus etiam pyxides fiunt. **B R A.** Nec istud ab re esset, scire quo loculo unumquodque exquisitius seruarietur. **S E N.** At quia non modo umbra maxime cadunt, sed ferè ob solis occasum, sub Orizonte inclinantis, euanescent, ut una sola terra umbra preualeat, expediētius erit ab incepto opere quiescere. **B R A.** Imò nihil æquè commodum, quàm eos cibo & potu saturos fieri, qui iugi labore occupantur. Id tugurium petamus, quod ex monte pendere uidetur. **S E N.** Eamus. **H E R.** Quis adeo audax hoc præcipitium inhabitat, à quo despiciendo tremunt membra, & crura uacillant? **R Y S T I C V S.** Ego: sed tutius est hoc præcipiti saxo inhabitare, quàm prope montis pedem, quo ingentia saxa plerumq; deuoluuntur, domus & turre obruentia. **S E N.** Mi frater, corna indigemus, & quiete: si nos hospites benigne receperis, ut dignū est, liberè persoluemus. **R V S T.** Nihil æquè gratum mihi est, quàm bonis placere. Domus hæc uestra est: non decrunt molles castaneæ, non mitia  
poma

poma, non caseus, & assam capreoli partem habebitis. Vino caremus, nisi ex sylvestribus prunis: nec panis adeo albus est, ut uos deceret. SEN. Opiraram coenam nacti sumus. Lymphas manibus demus. Tu hic discumbe. BRA. Potius è regione ostij sedebo, ut spiranti aura fruar. SEN. Vinum hoc ex sylvestribus prunis non displicet. BRA. Nec mihi, nisi stipticitatem quandam persentirem. SEN. Posteaquam coenati sumus, ne statim à cibo dormiamus, spatium parumper cōueniet. HER. Satis hodie spatiatus sum. Impleant uapores, quātum lubet, caput, hac etiam nocte resoluentur. BRA. Dormiat ipse: nos interim perambulemus. SEN. Dic mihi Antoni Musa, Hieronymum Brasauolum auum tuum uirum integerrimum noui, qui tres natos generarat, Franciscum patrem tuum, Ludouicum, & Procurium: extat ne patruorū aliqua proles? BRA. Ludouicus cœlebs obiit, quū adhuc infans essem. Procurius & ipse cœlebs, quum M. D. X X I I. in Hispaniam ad Adrianū pontificē nuper electum ab illustrissimo Duce nostro mitteretur, in Macra flumine, prope Lunæ desertam urbem suffocatus. Solus Franciscus sobolem peperit, nec raram: cuius ego solus superstes sum. SEN. Doctissimus fuit & excellentissimus medicus pater tuus, & inter alios, comes facundissimus. Noui etiam Ptolemæum fratrem tuum, qui in summū uirum euasurus erat, si fata permisissent. BRA. Puer adhuc eram quum M. D. V. uita functus est: sed ex altera matre ortū duxit. SEN. Scio. Tu ex Margareta Brixienti, muliere digna decantari, quæ uidua à tenellis annis usque in uirilem ætatem maximo studio & labore



## EXAMEN LIGNORVM.

uos duxit. B R A. Ex ea autem præter me, Hieronymus, & Ioannes Baptista prodire. S E N. Ioannem Baptistam ignoro. B R A. Non mirum, quia trium annorum puer in cælum euolauerit. S E N. Hieronymus iam uir excellentiss. euaserat, & nunc inter optimos Ferrarienses medicos cõputaretur. B R A. Multis laboribus me leuasset, nisi uitam cum morte M. D. XXVIII. commutasset. Sed nullus contra impia fata potest. Eo anno per totam Italiam pestilens morbus euagatus est. S E N. Tu quot annorum es? B R A. Nunc trigesimumquartum annum impleui. Nam in lucem prodij Millesimo quingentesimo anno à CHRISTI ortu, decimasexta Ianuarij luce, hora sexta noctis cum dimidia, ante diui Antonij festum diem. S E N. Quum infans esses, te frequenter inter ulnas portabam: nam mihi summa familiaritas erat cum excellentissimo patre tuo. Dic autem, Duxisti ne adhuc uxorem? B R A. Sextus iam agitur annus, quum statim è Gallia reuersus sum, Cassandram præstantissimi Hieronymi de Robertis filiam duxi, quæ multos natos mihi peperit: Renatus unus, Hercules alter appellatur, & puella Margareta. Hi nunc extant, alij in cælum euolarunt: nuncq; ut iterum pariat, expectamus. S E N.

Hora dormiendi instat: nam stellæ frequentes sunt, & undiq; cælum occuparunt. B R A.

In frondeum torum & hac nocte dormire opus crit, sed nihil mihi iucundius, ut antiquorū philosophorū toros contempler.

## DE LIQVVIDIS SVCCIS

& liquoribus, quorum in phar-  
macopolarum officinis  
usus est.

## HERBARIVS.



ORA IAM est de somno surgere,  
ut ceptum laborem perficiamus: heus  
surgite. SEN. Quoniam heri tempe-  
stiuius accubuiſti, ab re nō fuit, & hoc  
mane tempeſtiuius surgere. Te prepa-

ra ad liquidos succos, & liquores parandos: succo bleta  
in primis, & uiolarum indigemus. BRA. De bleta in  
herbis: de uiolis, in floribus differtum est. SEN. Diſſe-  
ruiſti quidem, ſed etiam ſucco abſinthij indigemus, ſœni-  
culi, ſolatri, ſemperuiuæ, ebuli, irios, chelidoniæ, rutæ, eu-  
patorii, corticum mediorum ſumbuci, hos Galli eſcorce  
du millieur du ſureau uocant, quos in herbis expreſſimus.

BRA. Paraſti certe, ideo non eſt opus iterum repetere.

SEN. Baſamus, ſuccus granatorum, ſuccus cotoneorum  
ſequuntur. Cotoneum uero, coing à Gallis, membrilles ab  
Hiſpanis, quitten à Germanis nuncupatur. BRA. De  
his etiam in fructibus, & de granatis in floribus ſermo-  
nem habuimus, quando balaſtia colligere iubebas: arbi-  
trorq; te per baſamum liquorem ipſum, id eſt, opobaſa-  
mum intelligere. SEN. Ita quidem eſt: ſed roſarum ſuc-  
cus ac oleum ſequuntur. SEN. De oleo in fructibus, de  
roſarum ſucco in floribus dictum eſt: tamẽ oleum ex im-

maturis oliuis, & maturis habere oportet: ex maturis autem primæ expressionis oleum, & ex integris oliuis, & aliarum expressionū. A Gallis huille, ab Hispanis azete, à Germanis oel oleum appellatur. **S E N.** Vinum etiam in officinis habere oportet. **B R A.** Imò in cellis uinarijs potius. De uino seorsum uno libello Illustrissimo **ALPHONSO** Duci Ferrarie dicato, ubertim scripsimus: ubi sapidiora apud antiquos uina, & quot species haberent, & quibus etatibus bibēda, & quomodo, & quādo degenerāt, et de optimis nostri tēporis uinis, deq; medicatis disseruimus: hūc libellū Ferrarie habebis, ex quo que uina in officina habere oporteat, discēs: nunc enim tēpus nō est uina colligere, præsertim quū in tua officina Creticū habēas, et purū Creticū, nō adulteratū, quod Maluſiam à loco, in quo nascitur, appellant: alij Monombasiam dicunt. A Gallis uin, ab Hispanis, ut nos, à Germanis, vvein nuncupatur. **S E N.** Nec aceto carere debemus. **B R A.** De aceto etiam seorsum scripsimus in libello illustri Iulio Tassono Duci strenuissimo inscripto, ubi de uarijs aceti generibus & eius qualitatibus disseruimus, & quibus modis fiat, & quomodo breui acerrimū enadat. A Gallis uin agre, ab Hispanis uin agre, à Germanis esig dicitur. Tu in officina ex rosis rosatum acetum prepara, & ex Cretico uino puro ad epithemata, & plura alia habeto. **S E N.** Agreste sequitur. **B R A.** Vinum Omphacium uocatur: succus est uue immature, que & ipsa nūc Omphacia nuncupatur. Ex uua Thasia & Aminea Dioscorides quinto libro fieri docet. Tu ex hac nostra prepara, & præsertim in agro Ferrariensi:

nam uia

nam uinum hoc frigida naturæ est. Quo autem modo fiat, in principio fere quinti libri Dioscorides docet. A Gallis uerius, ab Hispanis agrazo, à Germanis agrest uocatur. SEN. Eo modo præparabo, quum Ferrariæ erimus. Mel sequitur. BRA. Mellis genera ex locis distincta fecere autores. Potissimum & pretiosissimum Atticum: postea Siculum, præsertim quod Hybla urbe Siciliæ Hyblæū appellatur, ex thymi abundantia. In Creta apud Carinam montem huius generis nascitur, quod muscæ nō attingunt: ideo pro medicamentis eligunt. Non desunt tamen, qui Siculum cæteris præferant, ut Varro, quia melificium ex thymi floribus potissimum fiat. In Sicilia uero maxima thymi copia habetur: nos autē hybleo melle non indigemus, quoniam Ferrariæ satis laudatū sit. Mel uero Sardum, & Ponticum abijcienda, utpote nocua. Probatum mel, quod dulcissimum, odoratum, & gustu cōpungente, subrutilum, nec succo liquidū, sed ponderosum, tactu prætenuia fila mittens, atq; ualidum, & quum trahatur, neq; abruptibus se, neq; resiliētibus guttis, sed digitum uersus quasi reciprocantibus, hoc est purissimum mel, & eligendum. Nos duo genera Ferrariæ habemus, subrutilum & album. Sunt qui album probent: ego subrutilum, utpote magis cōcoctum, quàm album. Pro melle ne alium locum quæras, quàm patriam nostram, ubi apes & florum copia (quanquam non adeo exquisitorum) & aquarum exuberantia habetur. Hispani & Galli eodem modo appellant miel. Germani uero honigk. SEN. In meo hoc Indice Scille Succus cōsequitur. BRA. Notissimi sunt Scyllæ, quæ & à Varrone Squille nuncupantur,

quem omnes recētes medici sequuti sunt. Alba & nigra, id est, rubra in nigrū uergens, reperitur: prima masculus, secunda foemina dicitur: non solum succus seruandus, sed & ipsa Scilla, quae tanquam cepa est, & cortices filo infixi, & interstincti fœniculo, & oleum scilliticum. Vinū & acetum fieri debent. Vos scillitico aceto utimini: uino minime. **SEN.** Quandoq; etiam oleum parauī, & scillam in pastillos redegi. **BRA.** Imò ad trochiscos scilliticos, qui Theriacem ingrediuntur, scilla indigemus, quae pasta circūdāta in clibano decoquetur. Hæc de scilla. Tu alia prosequaris. **SEN.** Non sunt alij liquidi succi, quibus in officinis utimur, & hora adhuc operi conuenit: ideo condensatos succos, & concretos liquores ante prandium colligere poterimus. **BRA.** Ut libet.

DE SVCCIS PRAEDENSIS,  
& concretis liquoribus, quorum in  
officinis usus est.

SENE X.

Manna.



**I**NTER prædensos succos, Liquiritiae expressum choream ducit. **BRA.** De ipso in radicibus egimus. **SEN.** Ita constat. Manna sequitur. **BRA.** Mannam rorem condensatum nemo dubitare audeat: hoc autem adeò constat, ut nōnunquam in Ferrariensi agro descenderit; sed raro fit, tamen in statis quibusdā locis frequentius accidit: quemadmodum superio

superioribus annis Ferrariae, in horto excellentissimi medici Sigismundi Nigrisoli cecidisse deprehensum est. Ipse uir doctissimus copia collecta expertus est, atq; probauit. Est autem statutus locus in Oenotria, in quem singulis aestatibus descendit, & ab omnibus passim colligitur. Neapolitani reges occlusere locum, ne quis sine uestigali colligeret. Dum locus occlusus fuit, non descendit, eo recluso, & uestigali remoto, iterum descendere coepit. Sed & iterum clauso loco, & tertio recluso, & clauso cessauit: ut necessarium fuerit, reges quibusq; permittere, ut colligere possint. Hoc mihi retulit Illustrissima & sanctissima Isabella Neapolis regina, Illustriss. Federici regis Neapolitani dignissima uxor, quae M. D. XXXIII. Ferrariae obiit, dum illam in grauescenti etate, & febre acutissima laborantem curaremus: quā inter CHRISTI martyres collocatam putamus. Sunt autē tria mannae genera. Manna tria genera.  
 nera, in Calabro solo collecta. Vnum, supra folia, quod perfectissimum est, & ita uulgò apud Calabros appellatum manna de folio: quippe rustici folia aptāt, & ueluti tegete extendunt: plantantq; latiorum foliorum arbores, ut aptius colligatur, & parum supra aliam rem cadat. Alterum genus primo deterius est, quod in lignum colligitur, & supra arborum caudices: hoc mannā ligni uel trunci uocant. Tertium genus in terram cadit, ceteris deterius, quod manna terrae dicitur. Eadem igitur res supra diuersa cadens, uaria nomina & uariū genus (si haec differentia generis dici possit) sortitur. An uero haec eadem māna sit, qua Hebraei quadraginta annis in deserto nutriti sint, suspicamur: quia coriandrōrū grana habuisse

fertur. Quum autem supra naturam id sit, quod singulis diebus plueret manna, & in sufficienti copia ut nutrierentur tot hominum millia, & si quispiam magis quam pro uno die, aut duobus diebus festus colligeret, putrescebat, propterea alteram rem fuisse Hebræorum mannam suspicamur, quanquam dici posset, deum rebus naturæ semper miracula facere, uel quanto magis naturæ propria fieri possunt. Ideo illa Hebræorum fuerit uera manna in granula concreta, ut Calabra uideatur, sed miraculum in quantitate fuerit, & in eo quod singulis diebus pluebat, & ob mandatum putrescebat, quum in maiori copia, quam esset mensura data, seruaretur. Ex partibus etiam orientalibus ad nos defertur, & præsertim ex monte Libano. Venetijs magna copia habetur. Tamen ego semper Calabram mannam ceteris præfero, etsi nonnullos aduersari sciuerim. An uero Dioscorides de manna loquutus sit, multi dubitarunt. Hermolaus sub eleomeli comprehendit: nam etsi primo dubitet, an eleomeli aromeli sit, infert tamen se in hoc esse perpensissimum, ut idem sint, quod nos sentire non possumus, quia eleomeli ex arboribus sponte manat, ueluti oleum, ideo & eleomel dicitur. Manna uero è cælo, id est, aëre descendit, non ab arboribus. Nos tamen eleomel nunquam uidimus. At non esse mannam scimus, nec iudicare possumus quis nam melius loquatur, Dioscorides, an Plinius, qui secus de eleomele sentit. Tamen quum Plinius de re ferè incerta loqui uideatur, Dioscorides de sibi certissima: ideo potius Dioscoridi, quam Plinio credere suaderem: adderemq; de manna nusquam à Dioscoride

vide tractatum, id est, de manna, quæ ros est: nam mannam thuris primo libro describit. Oribasius etiam, Galenus, & Paulus de sola manna thuris loquuntur: ideo nusquam manna apud hos autores reperitur. Propterea Auerrois recte censet, mannam unum ex his esse, quæ à Galeno scripta non sunt: quamuis unus sit Galeni locus, ut infra edocebimus, in quo mannam designare uideatur. De Serapione autem miror, qui Hibix sententiam de manna ita dicentem scribit: Adstringit uentrem, & est sicca naturæ manna. Vnde arbitror de manna thuris Hibix esse loquutum, Serapionem uero mannam thuris simul cum manna roris confudisse. Nam ex eiusdem sententia addit, mannam compositiones medicinarum magnas ingredi. Constat autem ad reprimendam intensam medicamentorum uim, & mannam thuris, & Gummi (ut ipsemet fatetur) in magnas compositiones misceri. Ideo certus sum Hibix de manna thuris loqui. At quia aliquis putare posset eo capite Serapionem de manna thuris loqui, de manna roris tractasse ostendo. Quippe inquit secundum arbores, super quas cadit, diuersas uires habere. Vnde si cadat supra tamariscum, ad tussim ualet. Quæ de manna roris loqui demonstrant. Quippe manna thuris quum puluis sit ex concussu thuris factus, supra arbores aliquas non cadit. Aliud est, de quo miror Arabes duo capita facere. Alterum, de manna: alterum, de tereniabim, describentes tereniabim rorem esse de cælo cadentem qui supra lapides, & supra terram coagulatur, & granuloso melli similis efficitur: unde tereniabim



est nostra manna granulosa, quæ ex Oenotria affertur. Verum ex orientalibus partibus, & meridionalibus aliarum genus mannae portatur, sicut mel liquidum, præter aliud aibicans granulatum, hæc est māna Arabum: quare tereniabim & manna rores sunt, sed tereniabim est in granula condensatum, manna apud ipsos tanquam liquor melle densior. Nicolaus Nicolucius a Mauro quodam huius liquidæ mannae pyxidem emittit, quæ miros effectus faciebat. Quod autem Hibix de manna thuris supra loquutus sit, quum eam adstringere dixit, ex hoc etiam ostenditur, quia Serapionem in capite de tereniabim adducit, ubi tereniabim uentrem emollire facetur, & bilim educere. Non defuere tamen, qui Arabum tereniabim, Dioscoridis saccharum esse existimarent: hoc uero absurdum est, quoniam Serapio, ubi de saccharo pertractat, id præcise scribit, quod a Dioscoride de suo saccharo prius dictum erat. Adde, supra cannas saccharum colligi, sed tereniabim supra omnes arbores. Quare Serapionis tereniabim, id est, manna nostra, alia res est ab antiquorum saccharo, & idem cum melle, de quo Auicenna, quod supra lapides & arbores sine apum auxilio condensatur. Mesue usus est tria illa genera, quæ separatim in arbore, folijs, & terra colliguntur, agnouisse. At Galeni sententiam affert, nusquam apud Galenum de manna (nisi uno loco) & quomodo cum alijs rebus misceatur, inuenire licuit. Arbitror hos Arabes alios libros habuisse, quam ad nostras manus peruenerint, Galeno falso inscriptos, in quibus multa reperirentur, quæ adducunt, ab ipsis tamen nunquam scripta inueniuntur. Non possum id credere

dere, Arabes adeò temerarios esse, ut rem adducāt, quam uel in fonte non uiderint, aut ab aliquo adductam nō cōperissent. Constat autem, eos in pluribus Græcos adducere, de quibus nusquam loquuti sunt. Quare apud Dioscoridem manna non reperitur, quoniam saccharum non est: quippe saccharum in arundinibus concrevit modo salis, manna uero supra omnes arbores descendit. Est autē Galeni locus, quo mannam adumbrare uidetur, quum de melle, tertio de alimentorum facultatibus tractat, sed de ipsa tanquam de re incognita sermonem fecit, & rarò suis partibus facta. Inquit: Fit enim in plantarum folijs: neq; succus earum, neq; fructus, neq; pars ullo pacto dici potest, sed eiusdem cum rore generis est: non ita tamen assiduo, nec copiose prouenit. Memini aliquādo in æstate, super arborum, herbarumq; folia, mellis quāplurimum repertum fuisse, ut gaudio exultantes rustici cantarent, Iuppiter melle pluit. Sed his non contentus Galenus causam addidit, inquiens: Præcesserat autē nox, ut per æstatem, satis frigida (nam tum anni æstiuum tempus erat) pridieq; calida & sicca fuerat aëris constitutio. Quam ob rem peritis naturæ interpretibus halitus è terra, atq; aquis prodeuntes, solis calore exactè attenuati ac cocti, à frigore sequutæ noctis in unum coacti ac condensati fuisse uidebantur. Sed apud nos rarò id accidit: in monte autem Libano, quotannis persæpe, adeò ut expansis super terram uelleribus, mel à concussis arboribus decidens exicipientes, ollas ac fictilia plena referant: uocantq; id rosce dum mel, aut aëreum. Hactenus Galenus. Constat autem mannam illam, quam ex Calabria habemus, talem esse:

nec mirum si à Galeno ita prætereatur, ut nihil de eius uiribus scribat, quoniã apud ipsos nõ extabat, sicut apud nos rarò etiam fit. Ex eadem materia fit mel, nam apes rorem supra folia & flores colligentes, mel parant. Verùm & si singulis annis Ferrarie mel fiat, tamen manna nõ cadat, ratio est, illius dispositionis aëris defectus: propterea non ab re ab Arabibus cõstellationes quibus fiat, id est, aëris dispositiones, quæ per astrorum motus sunt, edocentur. Idem sentit Plinius lib. x i. capite duodecimo, ex aëre, & maxime syderum exortu fieri, præsertimq; in ipso Sirio splendente. Itaq; prima aurora folia arborum melle rosida inueniuntur, ac si qui matutino sub diuo succe, unctis liquore uestes, capillumq; concretum sentiant. Siue ill: est cœli sudor, siue quedam syderum salina, siue purgantis se aëris succus, utinamq; esset & purus ac liquidus, & sue nature qualis defluit primo. Vt ex his constet Plinium etiam hoc loco mannam tangere. Nam mel id sponte factum in arboribus manna est. Saccharum uero non esse mannam, non solum prædicta ostendunt, sed & ipse Plinius libro duodecimo, cap. 8. ubi inquit, amplissimum saccharum, nucis auellane magnitudine esse: est uero mel in arundinibus collectum, manna autem est potius liquida, & quæ concreuerit nucis auellane amplitudinem non habet, nec manna dentibus fragilis est, sed est ualde tenella. Voluit enim duritiem ostendere Plinius per id quod dentibus fragilis sit: nam manna digitis etiam frangi potest, non antiquorum saccharum. Constat igitur nos Arabibus debere, qui mannam exquisitè edocuerunt, & eius uires in duas species disse-

cantes,

cantes, in mannam & tereniabim. Manna liquida est ut mel, densatur autem: tereniabim est manna coagulata.

Verum hoc nomine manna in omnibus abutuntur, quod apud Hebræos, quid est hoc, significat: quanquam ipsi man, non manna proferant. Hæc q; de manna satis & super. Māna apud Hebræos quid significet.

SEN. Igitur Saccharum consequetur. BRA. Non Saccharum,

minorem difficultatem moues, quam quæ de manna pertractata est: quippe nostrum saccharum aliam rem esse ab antiquorum saccharo constat. Antiquorum enim saccharum, ut Dioscorides & Plinius testantur, genus mellis est supra cannas concreti. Nostrum uero saccharum ex expressione cannarum fit: hoc nō modo re ipsa patet cōsideratis autoribus, sed Hermolaus clare sentit, antiquorum saccharū, & hoc nostrū diuersa esse, & ante Hermolaum Genuensis: ex eo etiā accipitur, quod omnia antiquorum cōdimenta melle fiebant. Imò & nunc addo, Serapionem nostrū saccharū ignorasse: nam quū de saccharo loquitur, Dioscoridem & Galenū adducit, qui de saccharo, quod mel cannæ est, loquuntur: tamē de Taberzet mox loqui uidetur, ac si unā confundat. Vnde à Serapione de nostro saccharo nihil habetur. Auicenna autem penultimo capite secundi libri ipsum distincte pertrahat. Quæ uero ab Auicenna dicantur, in epistola ad Franciscum Tottum Lucensem apud Leonicenum legere poteris: quia non arbitror nostrum saccharum sub antiquorum autorum mellibus comprehendere: tamen dici posset extra cannas ui solis exire, & postea in modum salis conglobari: hoc q; nos saccharū Candum appellamus: quamuis Venetijs saccharum Candum arte fiat.

Saccharum  
candum,

Quod uero ex canna refudet, Dioscoridis uerba insinua-  
 re uidentur, quibus inquit, inueniri in arundinibus con-  
 cretione sua sali simile, ut hæc concretio per guttam, que  
 ex canna exeat, fiat: tuncq; eiusdem materie erit cum no-  
 stro saccharo, sed non eodem modo factum. Cannæ sac-  
 chari plene sunt, non uacue & inanes, ut nostræ cannæ  
 sunt: papyri formam habent. Quum essem puer, cannas  
 sacchari libenter exugebam, quas in foro emebam, quo-  
 dam Hispano mercatore portante: pro unica canna obo-  
 lus unus expendebatur. Spero nostram patriam, præse-  
 rim Illustriss. Ducis nostri montem cannas quandoque  
 producturum, ex quibus saccharum nostrum per ebulli-  
 tionem liquatur. Antiqui suum saccharum saleem Indum  
 uocant, & mel arundineū. De excellentissimo Leonici-  
 ceno hic miror, qui saleem Indum aliud esse à saccharo  
 Taberzet probare uoluit, & Herculanum ac Gentilem  
 reprehendit Auicennæ interpretes, qui in capite de  
 Asperitate linguæ, sal Indum, id est, saccharum Candum  
 exponunt. Verba autem Auicennæ in 4. canone, in capi-  
 te de Asperitate linguæ febricitantium, talia sunt: Sal,  
 qui asportatur ex India, est in colore salis, & dulcedine  
 mellis. Leonicenus Auicennam reprehendit, quia inquit:  
 Hoc remedium à Paulo accepit, ideo opus est more Pau-  
 li saleem intelligere. At Paulus pro sale albo eum in-  
 tellexit, qui pro condimento cibis admiscetur. Addit,  
 saccharum candum non esse album, sed potius colore  
 subluteum. Re uera Leoniceno multa debeo, quo semper  
 præceptore sum usus, sed plura ueritati, quam semper  
 incorruptam seruare studemus. Itaq; Paulum Aeginetam  
 conside

Sal Indus,

considerantes secundo libro, capite 54. ubi de scabritie lin-  
 gua pertractat, expresse idem sentit cum Auicenna, sa-  
 lem Indum, id est, saccharum illud sumi debere, non salem  
 nostrum communem album. Cuius uerba sua lingua sub-  
 scribere uisum est. Inquit ille, καὶ ἄλλος ὁ ἰνδικὸς ῥοῖα  
 μὲν καὶ συστάσθαι ὁμοίως τοῦ κοινῷ ἑλί, γένος  
 δὲ μελιτῶδες. Quem si ad uerbum referamus, hac  
 dicit: Et sal Indicus colore quidem, & concretionem simi-  
 lis communi sali, sapore autem melleo. Vt ex his manife-  
 ste deprehendatur, salem Indum Dioscoridis saccharum  
 esse, quod candum appellari potest, quamuis arte factum  
 non sit, ut nostrum. Multi uero, praesertim Venetij &  
 Genuae, ut superlucrentur, naturam imitantes, arte parant  
 ideo Herculanus & Gentilis per Indum salem, saccharum  
 eadem interpretari uoluerunt, nec subluteum est, sed quan-  
 to exquisitius, tanto magis albicat, praesertim natura con-  
 stans. Tu Venetij saccharum nostrum emes, & ex eo plu-  
 res species. Illud in primis eme quod rubrum uocatur, ex  
 prima coctura factum, uel secunda imperfectum, uel quod  
 in secunda coctura degenerauit: quo in enematibus uti-  
 mur, quamuis perfectius uti deberemus. Etiam emas quod  
 secunda coctura perfectum, & de Madera, uel saccharum  
 crassum nuncupatur, & etiam finum uocatum habeas,  
 quod ex tertia, quarta, uel quinta coctura fit. Nec a sac-  
 charo cando abstineas: quod si naturale habere poteris  
 supra cannas sponte concretum, conueniens erit: sin mi-  
 nus, Venetij arte paratum emes. Suaderem uero ut Ge-  
 nuae saccharum ex madera emeris, quoniam uiliori pretio  
 ibi uenditur. Nam facillime ex Hispania & Sicilia in Li-

guriā defertur. Cætera sacchari genera, ut candum, finum, iuliori pretio Venetijs uenduntur. De saccharo autē cando, an siti conueniat, suo loco disputare decreuimus: quia plura à Leonicensi contra recentiores dicta sunt, quæ mihi ueritati quadrare non uidentur. SEN. Galenus saccharum non cognouit? BRA. Non, sed tantum Dioscoridis saccharum. SEN. Fiebat ne Galeni tempore cannarum expressio? BRA. Si fiebat, ostendit se ignorasse, quia de ipso nunquam loquutus est, uel de expressione uel de ipsis cannis. Id tantum tractat quod dicit Dioscorides, in cannis concrefcere. SEN. Arbitrandum igitur Galeni tempore inuentum non esse. BRA. Hoc arbitrari non possum: imò certius sum ante Galeni tēpora cannis exprimi, et saccharū fieri: sed fortè Galenus ipse ignorauit, quia non omnia possumus omnes, nec ualde frequens erat: quippe extant Marci Varronis Narbonensis carmina, expressionem harum cannarum in hunc modum dicentia:

Indica non magna nimis arbore crescit arundo,

Illius et lentis premitur radicibus humor,

Dulcia cui nequeant succo contendere mella.

Constat autem Varronem ante Galeni tempora extitisse, quia uixit ante CHRISTI aduentum, quum Cæsar imperium occupauit. Galenus autem post CHRISTI incarnationem uixit, tempore Marci Antonij imperatoris, et tempore Adriani in cuius gratiam theriacam parauit, ut ipsemet in primo libro de antidotis scribit, ubi de Cinnamomo uerba facit. SEN. Hoc non est paruum testimonium, ante Galenum illarum cannarum saltem ra  
dices

dices exprimi solere. B R A. Sed & Staius Papinius, qui tempore Neruæ imperatoris fuit, id est, ante Galeni tempora, licet parum, tamen in syluis harum cannarum meminit, dicens:

—Et quas præcoquit Ebusita cannas.

Vbi Hermolaus Hypasita legēdum corrigit, à fluuio Hypasi, à quo etiam populi Indiæ uocantur. S E N. Nec istud paruum testimonium est. B R A. Alia etiam addam: Nam Strabo in India non solum ex cannis, sed ex radicibus exprimi docet, & Solinus de India pertractans ex radicibus quarundā cannarū inquit succū exprimi ad dulcedinē mellis. Vnde certū est ex radicibus posse fieri nostrum saccharū, & abundantius quā ex ipsa herba, sed ad generationē reseruantur: nullus uero dubitat, Strabonem ante Galeni tēpora fuisse, quia ante CHRISTI aduentum scripsit sub imperio Octauiani, & in ipso aduentu: Galenus uero post Octauiani tempora, & aduentum CHRISTI in lucem prodijt. Quam ob rem si hunc liquorem antiquiores Galeno nouerunt, miror cur illū præterierit. Fortè hoc cannarū expressum de natura sacchari credidit supra cannas concrepescens: quum uero de illo abunde tractasset, satis de dulci illo expresso dictum putauit. Aut Romanis totius orbis dominis, aliquid apertum esse potuit, quod Græcis etsi propinquiorebus, ignotum erat. Opus autem est per lōgum tempus antequam à præcitatis uiris saccharum cognosceretur, cannas exprimi: quoniam antequam ex India Romæ hoc sciretur, fuit opus interponi tempus. Tamē de Plinio omnium rerum sagaci inquisitore, & Dioscoride sedulo scripto=



re miror, qui hæc siluerit ante se ab alijs scripta, quum ta-  
 men Plinius Romæ esset, sed non omnia possumus omnes.  
 Ab Hispanis azuquar, à Gallis succre, à Germanis zu-  
 char nuncupatur. Tu reliqua prosequaris. **SEN.** Opta-  
 rem ut omnia in cumulum redigeres quæ de his prædixi-  
 sti, mannam etiam addens. **BRA.** Imò & à melle inci-  
 piam: Mel apum, est nostrum mel: Mel roris, est manna,  
 quam habemus, quæ & mel syluestre dicitur à Suida: &  
 Plinius libro decimosexto, capite octauo, supra robora  
 etiam fieri tradit. Mel canne, est saccharum antiquorum  
 nostro cando simile, quod in Aegypto, & India innasci-  
 tur, & conglobatur supra cannas. Nos per expressionem  
 cannarum, uocatum à nobis saccharum paramus, & per  
 cocturam in uarias species distribuimus. Mel canne ab  
 Auicenna dicitur saccharum albusar, & sal Indus dicitur  
 ut supra docuimus. **SEN.** Acatia sequitur. **BRA.** No-  
 stram uocatam Acatiam, illam Dioscoridis non esse, ma-  
 nifeste patet: quamuis & nos ex spinosa quadam nostra  
 arbore faciamus: habet Dioscoridis acatia siliquam semi-  
 nibus plenam, siliquæ exprimuntur, & qui exit succus aca-  
 tia nuncupatur. Nos ex arbuscula, quæ prunus syluestris  
 dicitur, uulgò brognolo, quasi pruncolum paramus, fru-  
 ctum ante maturitatem colligimus, & exprimimus, quod  
 simul cum carne miscentes in placentarum orbes consor-  
 mamus, & exiccantes pro Acatia utimur. Sunt inter se  
 dissidentes autores: quippe Oribasius & Aëlius idem cū  
 spina Aegyptia, Acatiam esse uolunt, alij negant. Diosco-  
 rides in Aegypto solū nasci memorat: tamē & in alijs lo-  
 cis prouenit: Imò & Syriam quoque spinam dici con-  
 stat. Alba

Mel apum.

Mel roris.

Mel canne.

Acatia.

Spina Aegy-  
ptia.

Spina Syria.

stat. Alba, nigra, & uiridis arbor reperitur in Aegypto, quae huiusmodi siliquas parit: nunquam uidi antiquorum Acatiam, sed ex syluestribus prunis tantum factam, quae tamen constringendi efficaciam habeat: nec despicendus est hic noster succus: tamen quum Acatia indigerem, id potius sumerē, quod à Dioscoride pro Acatia sumi posse docemur, & eius uirtutem habere. Id autē est Rhus obsoniorum, id est, sumachium, quod frequens est apud nos: ideo quum Acatia indigeo, folijs Rhu obsoniorum utor, & nostra uulgari Acatia, in his, in quibus opus sit infri-  
 gida, constringere, & repercutere. Tamen laudarem ut nostram Acatia ex prunis maturis, & immaturis seruare: minus adstringit ex maturis, quando opus sit uti: nec alibi pruna syluestria querere, quam Ferrariae, nam in foueis ferē spōte nascūtur. A Germanis Schlehen nuncupatur Acatia. **S E N.** Ipoquistidos sequitur: tamen in primis scire percipio nunquid Arabicum gummi, ex spina Acatiae prodeat, ut inquit Serapio, qui tamen in alijs Dioscoridi consentit. **B R A.** De hac re suo loco differe-  
 mus, tu interim hypocisthis, nō hypoquistidos dicito, pro recto genitiuo utēs. **S E N.** Ut à cunis didicerā, profero, & plurium consuetudinem sequor. **B R A.** Utinam ut pau-  
 ciores, scires, quia in his recentiorum errata cognosce-  
 res, à Leonicensio pro parte detecta: Cisthos apud Diosco-  
 ridem frutex est, qui in saxis prouenit (hoc ut in pluribus intelligas) plures ramos habet, multa folia (quod ratione fruticis intelligere oportet) non multum altius, folia sunt in orbem circinata, hirsutum est folium acerbato gustu. In marem & foeminam distinguit: Mas florem punici ha-

Rhus obsoni-  
 rum.

Hypocisthis,

Cisthos,

bet, fermina albescit: sub hoc frutice nascitur hypocisthis. Est autem hypocisthis ueluti fungus ad pedem cisthi nascens, forma citini. Ideo a. i. qui citinum uocarunt: est autem ac si multi citini suprapositi sint. Ita enim in Lucensibus atque Senensibus montibus copiose habetur, in reliquo Apennino non ita frequens: frutex ille uulgò lingua canina appellatur, apud Senesium & Lucensium rusticos. Arabum interpretes hunc fruticem Barbam hircinam interpretati sunt. Exprimitur hypocisthis, & succus etiam hypocisthis appellatur: eandem uirtutem cum Acatia habet, tamen magis adstringit. Auicenna hoc ignorasse demonstrat, quoniam tria capita distincta facit. Primum de Barba hircina, quam cisthon esse apparet, his ad que ualet, cōsideratis, & etiam ex Serapione, qui eadem in Barba hircina dicit, que a Dioscoride in cistho. Aliud caput Auicēna de hypocisthide facit, appellatq; ipse, uel malus interpret suo uocabulo hēsistides, & per hoc succū intelligit: postea aliud caput facit de Tarathit ab alijs distinctum, ac si Tarathit alia res sit, quum tamen uerè hypocisthidem esse in confesso habeatur, ut ex Serapione apparet, in eo capite quo de Barba hircina pertractat. Sed quod grauius est, cisthon cum cisso confundit, adeò ut cisthon hederam esse putet, & ex hedera Ladanum fieri. Deceptus autem est in nomine, quia cisson hedera significat. Ipse autem cisthon accepit ac si cisson dictum sit: fit equidem Ladanum ex altero cisthi genere in Cypro: quū enim mane cisthos cœli rorē suscepit, oves & capre illorum flores comedētes, & hirci, succum roris uillis barbarum & femore insidentem abstergunt.

Ladanum.

stergunt, qui natura tenax, & lentus facile sequitur ad cō-  
 tactum ut uiscum, detractus hic succus purgatur, & in  
 offas conuolutus reponitur. Alter modus faciendi est, at-  
 tractis funiculis ubi sunt syluae, pingue quod his adhære-  
 scit, depectitur, & in panes diuiditur, qui Ladanum ap-  
 pellantur, quia & hic frutex, Ladon, uel Ledon nuncupa-  
 tur. Hypocisthidem in Lucensibus montibus & Senen-  
 sibus potissimum habebis, Ladanum uero non fit in pro-  
 pinquiori parte, quàm in Cypro. Venetijs pro Ladano,  
 quendam succum uendunt, qui an sit Ladanū ignoramus,  
 tamen uidimus ut plurimum non habere colorem subui-  
 ridem, qualem illi Dioscorides tribuit, nec statim tactu  
 mollescere. Ideo aut alteram rem, aut adulteratum esse  
 putamus, quamuis & uerum Ladanum Venetijs etiam  
 uiderimus. Disputatum est non solum de Auicenna, qui  
 in cisso & cistho similitudine nominū deceptus errauit,  
 sed de Plinio, Nicolaus Leoniceus in epistola ad An-  
 gelum Politianū disputat, in nomine Cisson & Cisthon  
 deceptū esse probans, ut Cisthon, id est, plantā ita appel-  
 latā, acceperit, ac si cisson, id est, hedera dictū sit: pro Pli-  
 nio in altera epistola Angelus Politianus certat. Tu inter  
 hos summos uiros iudiciū feras. **S E N.** Cui potius innite-  
 ris? **B R A.** Re uera nō possum nō assentire ueritati, quā  
 Leoniceus integre detexit. Interim ne diu in hoc nego-  
 tio uersetur, ad alia pedem conferas. **S E N.** Elaterium  
 sequitur. **B R A.** Res est, quam potius latere optarim,  
 quàm sciri, nisi à summis & antiquissimis medicis inter  
 remedia poneretur. In cucumerum genere, Anguinus cu-  
 cumis numeratur, alij syluestrem cucumerem, alij erra-

Elaterium.

Cucumis angu-  
nus

ticum uocant: hic exprimitur, cuius expressum siccatur, & in pastillos autumnino conformatur, qui pastilli elaterium appellantur. Modus exprimendi à Dioscoride 14. libro docetur. Theophrastus autor est eius um usque ad ducentos annos perdurare, & melius esse quo uetustius, Vnde Plinius dixerit nullum esse medicamentum quod diutius perduret, lucernas usq; ad quinquagesimū annū extinguit: probatur si priusquam restinguat, sursum scintillet, & deorsum cogat. A trimatu sue expressionis uires habere incipit, secundum Linium, ita ut eo uti possimus: Dioscorides à bimatu, uulq; ad decennium esse optimū. Maxima dosis unus obolus, minima semiobolus apud Dioscoridem. Pueris dantur duo Chalci, id est, quatuor grana, nocet enim maior mensura. Vbique nascitur, & etiam in nostro Ferrariensi solo mirifice soluit. Vulgò asininum cucumerē uocamus, ut Arabes faciunt. In his montibus colligerem, & Elaterium pararem. En quomodo pulchri sint in his ruderibus, & in illis sabulosis cucumeres, uerū & succum foliorum & radicum habere studeas, imò & folia seorsum ac radices seruarem, & radicis corticem, qui ad multa ualet, si Dioscoridem legas, & omnes alie partes. Caue dum cucumeres accipis, ne in oculos permigrant. **S E N.** Hoc meo magno incommodo iādiu didici, quū essem puer huius generis cucumerē, rei ignarus, euellere tētaui. Ille succus, quē emittit, oculos meos attigit, per tres aut quatuor horas, præ oculorum dolore, in maximo discrimine fui: tamen contulit postea, quoniam à caligine quadam liber euasi. **B R A.** Ita casu plura medicamenta inuenta sunt. Videtur ferè iudicium

funere

sumere, quum euellitur. Est autem probatissimum elaterium (ut Dioscorides inquit) quod candido colore humescit, & leuitatem habet ac leuorem. Viride pessimum est, adulteratur amylo. *SEN.* Plerumque cucumerem expressi, nunquam albus succus exiuit, uel per exiccationem factus est. *BRA.* Hoc saepe considerans, ex radicibus fieri oportere dubitavi, quas si expresseris, albus continuò emanabit liquor, uel in album tendens. *SEN.* Cera occurrit. *Cera.*  
*BRA.* De Cera in melle dici oportebat: ut autem nostro commodo satis est, animaduertas, ex apibus duo illa haberi: mel primo, postea cera, quae fauis occluditur, per expressionem educitur. Plinius exprimendi ordinem indicat. Duo ex cera seruare oportet: ceram ipsam, quam colore fuluo sumito, subpinguem, odoratam, modicè referentem halitum mellis, & puram. Aliud, quod in officina habere debes, est propolis: propolim uulgus nostrum appellat *Propolis.*  
Cira uerzene, quo nomine tanquam Latino multi recentiores utuntur, Cera uirgo dicentes: ea est, quae ad foramen aluearium fit, ut inquit Varro. Ferrariensem ceram, & propolim habeas, si fieri poterit. Ipsa enim experientia comprobauit, si non antiquorum autoritas: si Ferrariæ, quantum satis erit, habere non poteris, eam Venetijs eme, quae ex Creta affertur: nec aliubi quam Venetijs albam quaeres, ubi ingentissima copia noctibus roscidis fit. Artem Dioscorides ostendit quomodo alba euadat. Quam & Ferrariæ etiam sine aqua marina albißima fit. At opus non est tantum expendere sumptus & laboris pro tam paucò lucro. Rubram ceram mixta anchusa, aut pseudomino Ferrariæ parabis: uiridè uiridi æris mixto,

nigram atramento, uel uſta charta mixtis. Reſina iuncta optima fit, ut ucluti gluten res iungat, & cancellarijs inſeruit. Vna tantum officina Venetijs albam concinnabat Hermolai patris tempore: nunc nullus eſt pharmacopola etiam minimus qui non dealbet. De cera ſatis, quum etiam noſtri Nobiles principes imitati, nolunt niſi alba cera uti: ſed re uera eadem eſt expenſa, quia non alba cera citius quam altera conſumitur, ut id quod pondere æquatur, & pretio ſuperatur, duratione præualeat. Hiſpani, ut nos cera, Galli cire, Germani wachs nuncupant.

**Opium.** S E N. Opium ſequitur. B R A. Nigrum papauer Ferrariz habemus, quo opium fit, ſed adco rarum & paruus fructus habens, ut copia haberi non poſſet. Ideo Venetijs emere ſuadco: ſi folia & calices terantur, exprimanturq; & ſuccus in paſtillos redigatur, Meconium dicitur, quod eſt ignauius opio. Nam opium ex nigro papauere hoc modo colligitur: Quū mane rores exaruerint, ex obliquo ſumma cute cultello incidere oportet, ut lachryma exeat, quæ in uas deriuanda eſt, & cortex ita incidendus, ut non penetret intus cultellus, & ita altera die faciendum. Diagoras uult id fieri quum turgeſcit, lolus quum deſtoreſcit: primum nunc ſequuntur opium parantes, ſuccus, ungue uel goſſipio excipitur, & in uas colligitur, exiccaturq; & hoc opium eſt quod emanat, & lac. Nam meconium fit per expreſſionem, ideo & ſuccus appellatur, ſicut opium etiam lachryma dicitur: ex papauere nigro proprie fit. Tamen opium, quo utimur, ex albo eſt papauere. Ex Apulia ad nos aſſertur: ita papauer album incidunt, nam in Apulia craſſos cor-

**Meconium.** turq; & ſuccus in paſtillos redigatur, Meconium dicitur, quod eſt ignauius opio. Nam opium ex nigro papauere hoc modo colligitur: Quū mane rores exaruerint, ex obliquo ſumma cute cultello incidere oportet, ut lachryma exeat, quæ in uas deriuanda eſt, & cortex ita incidendus, ut non penetret intus cultellus, & ita altera die faciendum. Diagoras uult id fieri quum turgeſcit, lolus quum deſtoreſcit: primum nunc ſequuntur opium parantes, ſuccus, ungue uel goſſipio excipitur, & in uas colligitur, exiccaturq; & hoc opium eſt quod emanat, & lac. Nam meconium fit per expreſſionem, ideo & ſuccus appellatur, ſicut opium etiam lachryma dicitur: ex papauere nigro proprie fit. Tamen opium, quo utimur, ex albo eſt papauere. Ex Apulia ad nos aſſertur: ita papauer album incidunt, nam in Apulia craſſos cor-

tices

tices habent, & lachrymam seruant, quam pro opio nostris pharmacopolis, & Venetis uendunt. Thebanum opium laudatum reperitur. Seminarem ego nigrum papauer in Ferrariensi agro, ubi tamen & sponte nasci reperitur. Sed eo seminarem, ut maior copia haberetur, quo opium multis præferendum pararem. Adde Apulos ut plurimum ad nos meconium afferre, nõ opium, id est, succum, non lachrymam: propterea apud nos seminandum & parandum, quum solum ad hoc gignendum propensissimum habeamus. *SEN. Aloë sequitur. BRASA. Aloe.* Aloë & herba est, & eiusdem herbæ succus, quam passim in fictilibus habemus etiam hyeme uirentem: tamen apud nos degenerat, nam & amaritudinem amittit: tamen in reliquis omnes notas habet, quas illi Dioscorides tribuit: nos Ferrariæ succum exiccauimus, nihil illi deest ex his quæ ab antiquioribus dicuntur, dempta amaritudine, saltem quam illi imponunt Galenus & Dioscorides, insigni. Soluit etiam nostra aloë, sed ægre. Ideo aloën esse non dubito, quæ degenerauerit: quippe hi decipiuntur qui aloën esse inficiantur: nam idem est, ac si quis neget idem esse idem, quia alio loco natum, & una sola qualitate deficiens. Ideo non erat negandum aloën nostram esse aloën, sed inefficacem esse, dicendum, & degenerasse. Succus in terra collectus, quandoque terra plenus est, propter id lauatur. Septimo libro de arte curatiua Galenus diuersitatem lotæ, & non lotæ aloës tribuit. His notis bona aloë deprehenditur, pinguis, nitida, sine arenis, colore ruffo, friabilis, iecinoris modo concreta. Inde recentes quum optimam



aloën insinuare uolunt, aloën hepaticam proferunt, facile se diluens & liquefcens, amaritudine uehementi. Ideo nostra aloë incepta est: quæ nigra & frangi non potest, pessima. Quomodo adulteretur, & adulterium cognoscatur, à Dioscoride docemur. Eam Venetijs emes, quæ ex India asportatur. **S E N.** Quid sentis tu de quodam celeberrimo uiro Mesuem reprehendente, quia ora uenarum aperire admonuit? **B R A.** Nunc istud discutere opus non est, nam de hac re alias copiose scripturus sum. Tamen ita simplicissimis uerbis nunc animum meum aperiam. Cum Mesue & Serapione aperire ora uenarum censeo, ex quadam insita uirtute, cuius causam ignoramus, fortè ex eadem qualitate qua extrema amaritudine prodijt. Experientia ducor ut id sentiam: nam qui hæmorrhoidas pati consueuerunt, aloë magnopere offendantur, ut in hoc statum incurrant ea uorata. Nobilis & magnificus Nicolaus Tassonus, inter alios, hoc magno suo incommodo expertus est: quoties aloën sumebat, semper uenarum ora aperiebantur: quibuscunque alijs pharmacis sumptis, nihil molestabatur, tamen pharmaca erant quæ eandem materiam cum aloë educerent. Nec opus est infinitos alios adducere, qui hoc perpessi sunt: ut ratio ex parte pharmaci potius, quam materiæ mota exhibenda sit. Non tamen inficior hoc etiam à materia fieri. At malam aloën magis aperire iudico, & quamuis Galenus sexto Aphorismorum, aphorismo 47. acridinem humerum hæmorrhoidas aperire censeat, non inficiamur: imò addimus multa alia id facere præter aloën. Vnde & cepæ & allium apcriunt, si nonnunquam uesti-

mur: ta

mur: tamen aloë hoc priuatim habet. Non possum enim huic sententiæ temere repugnare, sine certa ratione, quā omnes imbibere, & experientia dictat. Et quamuis alibi uulnera consolidare & adstringere dicatur, quod recentes per exteriora applicatum intelligunt, non per interiora, non mirum, quoniam Galenus in libro de Theriaca ad Pisonem, antequam Andromachi carmina scribat, de plurimis tractat, quæ uno modo sumpta effectū faciunt, alio modo oppositum. Et præsertim de aloë exemplum scribit, dicens per exteriora aloën supercrescentes ulcerū carnes adstringere, & humores, qui sub ipsis nascuntur, subinde exiccare: si uero per os sumatur, uniuersum corpus purgare, quod aperire est. Vt manifeste deprehendatur, uenarum ora aperire, quod est quidam purgationis modus: propterea non ab re à Mesue & Serapione uenarum ora aperire scriptum est, quod per os sumptum intelligitur: nam per extrinsece applicata claudit, & præsertim sedis, & pudendi ulcera, ut Aëtius docet. Verum hanc rem philosophicis rationibus suo loco muniemus: nunc satis est per transfennā adumbrasse, potius quā ratione aperuisse. S E N. In eo etiā Mesuem reprehendit, dicentem, frigidis temporibus euitādā esse aloën. At ipse inquit potius in calidis euitādā, quia calida & sicca est. Quid in hoc sentis? B R A. Nihil aliud, quā Mesuē certissima edocere, si ipsemet Mesue mastix in se ipso experiatur, id persentiet, quod mihi in profunda hyeme accidit aloën sumēti, per integram hebdomadā sedere nō potui. Nec quicquam ualet ratio, quod calida & sicca sit aloë, quia uētres hyeme & Vere natura calidissimi sunt.

Scammonium.

Ideo magis hyeme quàm ætate (quia calor maior) noc-  
cebit. Vnde si eius ratio per manifestas qualitates facta  
quicquam ualet, & nostra hæc, quoniã id aloẽ tribuimus  
ob qualitatem insitam, cuius causam ignoramus. Nempe  
fieri potest, & continuo ita esse deprehendimus, pro-  
prietatem aliquam, & aliquẽ effectum nobis certũ esse,  
causam uero incertam, & incognitã. Sed hæc alijs diffu-  
sius agentur: nunc satis est uiam ostendisse. **S E N.** Ad scã  
monium ueniamus. **B R A.** Optarim & hoc nunquam ad  
hominum manus peruenisse, quoniã plus mali, quàm bo-  
ni afferat: nam & si alicui rei proffit, pluribus officit. Sue-  
cus est radicis herbe quæ scammonia nuncupatur, quãuis  
& hoc nomen scammonium herbam, & succum, uel la-  
chrymam significet: à Romanis Colophonium dicitur,  
quia in Colophonia optimũ nascatur: tamen Veneti Ale-  
xandria Aegypti Venetias ducunt, è Mysia autẽ Alexan-  
driam portant: sed potissimum quod Venetias affertur,  
pessimum est, quia ex Syria & Iudea facillime Alexan-  
driam portatur: hoc uero Iudaicum & Syriacum detera-  
rimum & ponderosum est. Ideo non mirum si sumentes  
ualde perturbet. Accidit enim me raro bonum uidisse ex  
Mysia Asiæ adductum, quod has notas habet, transluci-  
dum est, solutum, sine pondere, taurini glutinis colore,  
prætenuibus fistulis, fungosum: hæc autem notæ raro in  
Veneto reperiuntur, sed præcipue ponderosum est, ut inde  
ex Iudea & Syria allatum cognouerim. Modũ uitandi  
& cognoscendi Dioscorides & Plinius ostendunt. In Apu-  
lia & hanc plantam nasci tradunt, & nos Apulum ha-  
buimus (si uerè Apulum erat) omnibus notis insignitũ,  
& effi

& efficacissimum. In morbo Gallico semidragmā quan-  
 doque exhibui, & mire profuit. Ioanni Baptiste Toxico  
 hydropem patienti scrupulū exhibui, nihil eduxit: dein-  
 de & duos scrupulos, qui & nihil eduxere: tertio inte-  
 gram dragmam, Vincetio Celato compatri charissimo,  
 & Laurentio Augusto amico nunquam poenitēdo phar-  
 macopolis admirantibus: tamen nihil in tam magna co-  
 pia eduxit. Deinceps tentare nolui, & nihil aliud exhi-  
 bere statui, quā leuia pharmaca. Testes sunt excellen-  
 tissimi Iuuenes Franciscus Brusantinus prædicti patien-  
 tis affinis, & Illustrissimi Ducis Ferrariae curialis medi-  
 cus, Maurelius sanctus, Illustrissimi Hippolyti Mediola-  
 nensis Archiepiscopi Physicus, & Ioannes Franciscus  
 Rossus Chirurgicus doctissimus, & Ioannes Leo Ver-  
 cellensis, qui tunc mecum in praxi uersabantur. Alia cau-  
 sa assignari non poterat, quā uel scammonium ine-  
 ptum, uel uentericulum aqua, uel multa pituita plenum  
 fuisse, quæ pharmaci uim compescebant: non enim di-  
 ci oportet, naturam non esse ausam aggredi, quia sal-  
 tem scrupulum aggressa esset. Vidi etiam in officina  
 Iacobi à Columna pharmacopolæ, quendam qui duas  
 scammonij drachmas præter noxam comedit, quater  
 aut quinquies solum eiciens. Is autem scammonio assue-  
 tus erat, in partibus orientalibus natus, ut testis etiam  
 est Antonius Discalcius simplicium medicamentorum  
 studiosissimus. Frequentissime scrupulum sine noxa ex-  
 hibui ex zinzibere, sale, aut pipere, ut Paulus Aegi-  
 neta iubet, ne uentericulum offendat: nam sine his ma-  
 xime offendit. Ex scammonio, si libebit, Diagridium

parare poteris, aut communi modo in cotoneo mīlo, & pasta, aut antiquissimo in dulcium amygdalarū oleo pasta qua circumdatur. Canes dysenteria interficiuntur, si quotidie frustulum detur, quoad occumbant. Quandoq; uicini ruitici canē interfeci hoc pane, qui gallinas meas absq; delectu uiciniæ comedit: hoc effectum est tribus diebus, quotidie frustulum exhiberi iubebam. Nullus autem pranoscere potuit quonon modo obisset, nisi ego dixissem: putabant enim dysenteria occubuisse. Ut autem ruiticos deterrerer ne prædiolum meum continuis furtis depilarent, modum interficiendi canem ostendi, cōminatus idem ipsis me facturum, nisi a farto abstinerent. Hi-

**Lycium.**

spani, ut nos scamonea, & Galli appellant. **S E N.** Lyciū sequitur. **B R A.** Pro lycio quid pharmacopole uendant ignoro, tamen lycium non esse certus sum, quoniam non crematur, nec rubentem spumam (dum extinguitur) facit: extrinsecus quidem niger est, sed intrinsecus non rufus, imò etiam niger. Ex Bononiensibus montibus potissimum Lycium sumunt nostri pharmacopole. Id uario modo faciunt: sunt qui ex Ligustro, & qui ex herba quæ caprifolium nuncupatur, faciunt: habet enim herba illa, uel fructus, grana, ex quorum expressione lycium fit: hæc tamen uera lycia non sunt. Plinius & ipse capite 14. 24. libri, uerum lycium ex pyxiacantha solum fieri censet. Lycium dicitur, quia in Lycia potissimum abundat. Quā Venetæ naues Hierusalem petent, ex Cappadocia, & Lycia habere nihil impedit, quamuis & in alijs locis nascatur. Hoc modo fit, Arbuscula lyciū nominata, accepta, & radicibus ac ramis sumptis, & pluribus diebus in aqua mace

maceratis, coquantur semel, iterumq; ligno exempto, donec mellis crassitudo fiat: tunc spumam seruare oportet, & florem innatantem, & reliquum etiam cremorem, quoniā particulatim ad diuersa ualēt: imò & semē exprime, & succum in sole pone, postea serua. Nihil etiam impedit in his montibus lycium inuenire. Vides illam arborē aculeatam, quæ ramos habet trium cubitorum, & maiores ac minores, densa folia habentem buxo similia, & fructum piperis nigrum? SEN. Videc. BRA. Gustemus an amarulentus sit. SEN. Est omnino amarulentus. BRA. Leuis etiam est, & densus, & arbor palidum corticem habet. Excaua radicem Herbarie. HER. Adeo multiplex est, & obliqua radix, ut uix absque magna scrobe euelli possit. SEN. Buxus mihi uidetur. BRA. Et buxus certe est, sed spinosa, ut nomen ipsum ostendit, nam pyxiacantha appellatur: ex hac uerum & proprium lycium fit: collige, & pro tua officina serua, & lycia ex alijs rebus facta dimitte. Equitani per innumeras pyxiacanthas, dum Liguria montes cum illustrissimo patrono HERCVLE ESTENSE peragrarem. SEN. Nonne & ex Lonchite lycium fit? BRA. Fit quidem in India, ut Dioscorides tradit. SEN. Quæ arbuscula est lonchitis? BRA. Multi eam esse Lonchitice putarunt, quam nos uulgo sanguanum appellamus: est enim genus sentis, uirgas subrectas habens, tricubitales, aut eo etiam ampliores, protinus ab radice multas, crassioresq; rubo: cortex abscedens cruentus, propterea à nostris sanguanus dicitur, quo religiosi baculos parant, in quorum summo rasura in modum umbellæ

arte collectæ sunt, hoc ad aspergenda templâ, & homi-  
 nes benedicta aqua utuntur. Tamē ego syluestrem rham-  
 num esse arbitror, ex quo lycium fieri Plinius 24. libro,  
 capite decimoquarto censet. Tu autem ex pyxiacantha  
 lycium tantum habere studeas: tamen Galenus Indicum  
 alijs præfert: nos uero in India non sumus, & ægrè habe-  
 tur, ideo illo contentus sis: quin etiam si ex rhamno sylue-  
 stri parare libuerit, præpara. S E N. Vidi etiam qui  
 ex syluestribus prunis pararent. B R A. Parent, omnino  
 uim stipticam habent, ut ex ipsis etiam acatiam faciant:  
 tamen melius est rem certam habere, quam facile possit,  
 quam per tot res modo huc modo illuc uagari: quamuis  
 lycij nomine apud quosdam autores, omne id ueniat (ex  
 quocunq; sit frutice) quod uim constrictiuam habet, &  
 more lycij sit. S E N. Sanguis draconis sequitur. B R A.  
 Quis inter liquores hunc sanguinem ponis, qui potius  
 gummi est? S E N. Est etiam & Lachryma, sed hoc ni-  
 hil impedit, modo rem ipsam cognoscam. B R A. Est,  
 uerus draconis sanguis, ex serpente est, de quo Plinius ca-  
 pite duodecimo libri octauī, qui ex elephantis aure to-  
 tum sanguinem exhaurit, ut moriatur, postea cadens ser-  
 pentem interficit: sanguis ille exiens, Draconis sanguis  
 appellatur, qui terra mixtus colligitur, & in pastillos ac  
 rotundos orbis conformatur. S E N. Non possum arbi-  
 trari nostrum draconis sanguinem ex eo genere esse.  
 B R A. Imò non esse certius sis. Quin & Serapio Ge-  
 nuensi, Pandectario, & reliquis recentibus ansam erran-  
 di dedit, quum tamen ipse non erraret. Quippe sangui-  
 nem draconis Serapio describens, quem hemalocoën uo-  
 cat, eo

cat, eodem modo describit, quo Dioscorides quartam sideritis speciem, & easdem proprietates illi attribuit, quas sideriti Dioscorides elargitus erat, adeò ut nullus sit tam cæcus qui non uideat: & Galenum adducit Serapio, ea recensens, quæ ab illo de siderite dicuntur, ut constet sanguinem draconis Serapionis, non esse nostrum, quo utimur, sed esse quartam speciem sideritis Dioscoridis, cuius succus uulnera sanat, & adstringit, quæ multi mille folium putant, & re uera una species est millefolij, qua rustici nostri ad boues & equos uulneratos sanandos utuntur. Recentes autem de sanguine draconis loquentes, de hoc Serapionis, & siderite Dioscoridis tractant, ac si huius succus sit sanguis draconis ita nuncupatus, quem in officinis habetis magno errore. Vnum est, uestrum draconis sanguinem sideritis succum non esse, qui etiam non est uiridis, sed esse triplicem apud uos draconis sanguinem constat: unus est in rotulas circumuolutus, qui ex pseudobolo armeno & terra fit, res fictitia & adulterata, quæ iam à Ferrariensibus pharmacopolis abiici cœpit, nisi pro ornanda officina appensum habeant. Alius sanguis, est cuiusdam arboris lachryma. Tertius, est eiusdem arboris gummi. In gummi cortices arboris manifeste utuntur, in lachryma absunt: si gustu sentiatur, stipticitatem quandam præferunt. Hinc igitur uides draconis sanguinem, quo utimur, non esse draconis ab elephante interfecti, nec esse sanguinem draconis Serapionis, quamuis ab omnibus recentibus, ac si sanguis draconis Serapionis in usu sit: quam tamē sanguis draconis Serapionis sit quarta species sideritis apud Dioscoridem & Gale-



num. Ego igitur in officina succo quartæ speciei sideris  
 tis potius habere uoluerim, quàm gummi hoc, quod uos  
 habetis, & herbam habere facilius est, quàm gummi,  
 quoniam apud nos uiret. SEN. Quid est ille sanguis  
 draconis, qui uerè sanguis est? BRA. Nonne tibi di-  
 ctum est, ex sanguine draconis esse ab elephante collisi,  
 ut Plinius libro trigesimotertio, capite septimo, scribit,  
 qui ab antiquioribus cinnabaris uocatur, ut Dioscorides  
 etiam libro quinto testatur? Qui autem pro cinnabari  
 Minium sumunt, id est, nostram uocatam Minium (ut  
 plures medici faciunt) pro re medica, ueneno utuntur: nam  
 Cinnabaris. cinnabaris qui est sanguis draconis, rei medicæ plurimū  
 prodest, & nullus color magis fingit sanguinem illo, ut  
 Plinius testatur. Nunquam hunc cinnabarim uidimus, uel  
 draconis sanguinem, sed bene adulteratum, ut supra ex  
 falso Boloarmeno, uel sorbis tritis, & caprino sanguine.  
 Tamen si Dioscoridem considerabis, oculata fide depre-  
 hendes sanguinem draconis non esse cinnabarim, sed duo  
 esse distincta: pro Plinio autem nihil impediēbat & san-  
 guinem draconis suo tempore cinnabarim appellari.  
 SEN. Id abs te scire peto, quo nomine apud antiquos  
 gummi hoc appelletur, quod sanguis draconis dicitur.  
 BRA. Nondum legi apud aliquem autorem, cuius gene-  
 ris gummi sit, uel ex qua arbore lacryma emanet: sci-  
 mus autem e Libya ferri, & ex Aegypto Venetias, quid  
 uero sit, ignoramus. Vnum est, recentes summè errare,  
 qui hoc gummi, ac si sit sanguis draconis Serapionis acci-  
 piunt, & Dioscoridis ac Galeni sideritis, quum tamen  
 non esse constet. Ab omnibus eodem ferè nomine dicitur.

Galli,

Galli, sang de dragon : ab Hispanis sangre de drago, à Germanis drachen blut, ac si sanguis draconis dicerent, appellatur. **S E N.** Camphora ultimum locum in his oc- Camphora  
cupat. **B R A.** Nusquam Dioscorides, Plinius, Galenus, aut Paulus de camphora loquuti sunt, aut eam uel à longe (quod sciuerim) ostenderunt: soli Arabes ipsius meminerunt, gummi arboris esse certū est. Serapio ex Panzor Fasella, & alijs regionibus adduci tradit: quæ sint istæ regiones ignoramus: nomina Mauritana sunt hæc, non latina aut græca. Res ipsa, id est, camphora, omnibus nota est, eius arbor ignota, nec à Mauris recte descripta: quippe nihil de folijs arboris camphoram ferentis Serapio aut Auicenna loquuntur. Dicunt autem illis annis maxime profluere, quum multa tonitrua, & multa fulgura fiunt: nec proprie gummi est, quod exeat, sed intima parte arboris inuenitur, ac si medullæ locum occupet. Lusitani, qui meridionale pelagus nauigarūt, in insula Burnei camphoram inueniri tradunt, & qui in regione sunt, gummi arboris esse censent. In regno etiam Fanfur, ut Marcus Paulus Venetus refert, optima camphora prodijt. Fortè ea pars est, quæ à Serapione ex sententia Isaac Fasella nuncupatur: de hac re incertus sum. Disputant recentes, an calida uel frigida sit, multi effectus supra caliditatem arguunt, & gustus, odor. Alij frigiditatem: hæc alijs disputanda sunt, quia hic locus non est pro ambabus partibus rationes instruere. **S E N.** Nullus est apud antiquos qui camphoræ meminerit. **B R A.** Nullus, nisi Aëtius, qui multo posterior est: hic camphoræ meminit sub nomine caphura, in eo unguento, quod salca appellat, pro

axillis, & auribus feminarum composito: quamuis in codicibus qui passim habentur, absit, ut primo libro uideri licet. SEN. Habet ne eundem colorem album perpetuo? BRA. Non, prius enim maculis rubris insignitur, postea colore solis, aut ui ignis dealbescit. Galli camfre, Hispani camphora, Germani camphur appellant. Tu cetera uenerande Senex prosequaris. SEN. De prædensis liquoribus expeditum est. Gummi genera sequuntur. BRA. Cur inter gummi camphora non numerasti? SEN. Quia an gummi esset ignorabam, quum in arborum meditullio inueniatur. BRA. Hoc nihil refert, modo rem ipsam habeam. Venetis emes, quoniam ab his montibus, imò & à tota Italia abest: sed priusquam ad gummi genera ueniamus, prandere opportunius erit. SEN. Non ab re dictum est, quia interim solis æstum euitabimus. HER. Hodie ad hanc usque horam uiribus uigeo, nam paucissimis in hoc monte occupatus fui, sed omnia ferè aliunde quesita sunt. SEN. Deinceps (ut arbitror) modicè occupaberis, quoniam pauca admodum colligemus, sed collecta emere opus erit. Ad litus illius riuuli descendamus, ubi quiescemus, & per compendium in aliquam uillam peruenire poterimus. BRA. Ut lubet fiet. SEN. Inter eundem, ut uia breuior uideatur, quibus moribus illustrissimi ducis nostri ALPHONSE filij insigniantur, edoceas. BRA. Nihil unquam mihi gratius contingit, quàm quum trium horum maximorum luminum, & splendentium astrorum sermo incidet, quos intus & in cute noui. HERCVLES primogenitus adeo ciuilitatis uirtutibus pollet, ut nullus in

Italia

Italia non modo princeps, sed nec religiosus cum aequet,  
in publicis rebus gerendis dexterrimus. In armis fortissi-  
mus, in literis adeo egregius, ut ex insperato probatissi-  
ma carmina effundat: non potui diu cogitans aliquid cul-  
patum in HERCVLE inuenire. HIPPOLYTUS se-  
cundo genitus eum apprime imitatur, qui non archiepi-  
scopali infula, sed triplici corona dignus est. Hic uniuersam  
cyclopediam, & omnes bonas artes adeo nactus est,  
ut nihil ad uirtutum cumulum desit. At quomodo potuit  
FRANCISCUS tertio genitus tantorum fratrum exem-  
plo non contendere ut aequet? quos nullus qui homo sit  
superare potest. SEN. O felicem patrem. BRA. Cer-  
tus sum in uniuerso orbe esse non patrem, qui filios adeo  
probos, adeo obsequentes, adeo non morosos nactus sit.  
Nullus unquam ciuis horum causa coquestus est, quam ceteri  
principes illis aetatibus, stupris & aliorum diuitijs capiendis  
incumbant. Dijs equidem comparandi sunt hi tres uirtu-  
tum soles, & tria incluta sidera: nihil aliud cordi  
habent, quam omnibus inferuire, & nemi-  
nem ledere, sed iam ad statutum lo-  
cum peruenimus. In hac uirēti  
herba ad specus umbrā  
sedeamus.

EXAMEN  
DE GUMMI, QVORVM  
usus est apud Pharmacopolas.

SENEX.

Myrrha.



INSTITVTVM opus progredi  
expedit. Thus primū locū inter guma  
mi habet: sed quum de ipso inter cor  
tices egerimus, ad secundū, quod Myr  
rha est, ueniamus. B R A. Myrrha,  
qua utimur, à nonnullis Bdellium esse creditur. SEN.  
Quomodo bdellium, quum longe distincta sint myrrha  
& bdellium? B R A. Scito gummi, quo utimur, myrrha  
nuncupatum, myrrham non esse. SEN. O mira res, myr  
rha non est myrrha? B R A. Esto bono animo, in myr  
rha ostendam, quod in alijs pluribus feci, eam non esse,  
saltem optimam, quæ ab antiquis pingretur: nam Dio  
scorides myrrham ex omni parte concolorem esse osten  
dit, & odoratam, & quæ confracta candidas unguium  
modo, leuesq; uenas intus habeat, amaro gustu, acri. Hæc  
in nostra myrrha non sunt. Nos Venetijs ueram myrrhā  
uidimus, talem, qualem à Dioscoride pictā audisti, sed  
raram. Id tamen scito, odorem quidem suauem, non sua  
uissimum habuisse, sed potius erat cum quadam grauita  
te. Adde in nostra myrrha quandoque ueræ myrrhæ fru  
stula inueniri, subitridia, & quæ unguium modo candore  
rem habent, ex Trogodytica regione, quæ est Aphrica  
pars, probatissima myrrha Alexandriam fertur. Myrrha  
quam nos habemus, ea est quæ secūdo loco à Dioscoride  
scribitur

scribitur, & caucalis uocatur, quæ cum tertia specie par-  
 tim mixta est, quæ ergasime dicitur, minus matura est,  
 & colore atro: hæ duæ species mixtæ sunt, quæ bdellij  
 odorem habent: Alexandriam feruntur, postea Venetias.  
 Quum emes, optimam habere cures, aut saltem quæ plu-  
 rimas partes candidas ut ungues, habere studeas. Est au-  
 tem Arabica arboris lachryma, corticem plaga laxant,  
 exit spuma, quam colligunt, & circa corticem addensa-  
 tur tanquam gummi reliquum. Sed non myrrha solum cõ-  
 tentus sis, imò & stacten, id est, recetis myrrhæ expres- Stacte.  
 sam pinguitudinem habere studeas. S E N. Quid stacte  
 est? B R A. Plures styracem liquidam à nobis uocatam  
 stacte arbitrati sunt: nempe myrrhæ odorem ferè habet,  
 & cetera quæ à Dioscoride numerari uidentur: an uero  
 sit, infra edocebimus. Si quandoq; ueram myrrham asse-  
 qui contingat, quæ colorem subuiridem habeat, & mor-  
 dax sit, ac perlucida, odorata, aspero situ obducta, recēs,  
 leuis, ex omni parte concolor, & quæ confracta candidas  
 unguium modo, leuesq; uenas habeat, hanc leui expres-  
 sione exprimes: quod exhibit, stacte erit: quamuis ex recenti  
 magis fieri conueniet, tamen & stacten habebis, & eo  
 pro stacte uti poteris. Hi uero summè aberrant qui sta-  
 cte speciem myrrhæ contra alias distinctam arbitrātur.  
S E N. Huius sententiæ semper fui. B R A. Nunc senten-  
 tiam muta admonitus: quoniam ex omni specie myrrhæ  
 stacten fieri nihil impedit, præsertim ex pinguißima, ut  
 ea est quæ pediasimos à Dioscoride nuncupatur. Re ue-  
 ra stacte ea res est, quam nos liquidam styracem uoca-  
 mus. S E N. Gaudeo nouisse liquidam styracem stacte

esse. **B R A.** Compertius scies, quum de styrace sermo inciderit. **S E N.** Incidat nunc. **B R A.** Fiat. Odoratus hic Styrax liquida. liquor, qui styrax liquida nuncupatur, nomen hoc habet, quia ab Arabibus impositum est, quos recentes postea sequuti sunt. Nunc autem speculemur, quam rem Arabes styracem liquidam appellent, tunc statim deprehensum erit, quid sit liquida styrax. Serapio in capite styracis, quum eam edocuiſſet, quam calamitam nuncupamus, liquidam styracem pertractat, & Dioscoridem in hac re adducit, ita (secundum ipsum) dicentem: Styrax liquida est pinguedo myrrhæ recentis, & extrahitur à myrrhæ, quia terunt eam cum aqua pauca, & premunt cum torno, & est boni odoris, & ingreditur in confectibus, & sola etiam sine aliqua admixtione est bona, & melior ex ea est, quæ non habet admixtionem alicuius olei, & purum ex ea est multa uirtutis, & calefacit, & est calefactio similis calefactioni myrrhæ, & oleorum calidorum siccorum. Si modo legas, quæ à Dioscoride de stacte dicantur, manifeste deprehendes styracem liquidam Serapionis, esse Dioscoridis stacte: quoniam idem oculata fide Dioscorides de sua stacte dicit, quæ à Serapione de styrace dicitur. Inquit enim Dioscorides: Est pinguitudo recentis myrrhæ: tunditur hæc cum modica aqua, dein per machinas aqua foras exprimitur: odoratissima hæc, & pretiosa impendio est, & per se unguentum facit sine oleo, stacten uocatum. Commendatissima uero quæ impromiscua & libera oleo sit, & quæ minima portione plurimum calefaciat, similemque uim tum myrrhetum unguentorum ex calefactorijs obtinent. Si hæc speculari

culari tentes, Serapionis liquidam styracē, stacten Dioscoridis esse deprehendes, nisi sponte hallucinari uolueris. Quod si in aliquibus diuersi uideantur, id potius est interpretis Serapionis causa, qui etiam quum styrax liquida interpretatus est, stacte interpretari debuisset. Ita enim Græcè, & Latinè dicitur. Storax uero liquida (ut interpretis apud Serapionem utitur) nec Latinum, nec Græcum nomen est. Myrrham Galli Mierre, Hispani & Germani ut nos ferè, illi myra, hi myrre dicunt.

SEN. Euphorbium sequitur. BRA. An id sit euphorbium quod habemus, non sum anceps: tamen antiquum quandoque emitis, quod eo ardore caret, quem illi autores tribuunt. Quippe inquirunt colligentes ualde timere, adeo ut supra contum utriculo ædi ligato succum arboris ferulaceæ à longe colligant. Gustavi ego non semel antiquum euphorbium, mirum illum ardorem non persensi, nec hi persensere quibus gustandum tribui. Nonnunquam in recens magno meo periculo incidi: nam per integram diem intensissimum in ore ardorem habui, qui nec frigidissimis aquis extinguì posset. Venetijs habetur, sed Genuæ magis: in Aphrica nascitur monte Tmolo, in Mauritaniæ parte, è regione Hispaniæ: facile est Hispanum illuc nauigare, nisi Mauritanæ naues piratarum interturbarent, & intercluderent iter. Tamen Imperator CAROLVS multa nunc in Aphrica possidet, & Deo duce possidebit, Mediterraneum mare ea parte qua Tyrrhenum dicitur, ab infidelium incursionibus liberans. Genuæ igitur, & translucidum ac perspicuum emas. Nomen habuit ab Euphorbio



Antonij Musæ fratre eius inuentore, qui Iube regi Maritaniae inscriuebat. Duo celebratissimi fratres in nostra inclita et salutari arte fuisse, Euphorbius, et Antonius Musa, cuius nomen patri meo Francisco Brasauolo imitari placuit, quum ab unda baptismatis attollerer: sed utinam doctrina, non solo nomine, antiquum illum Antonium Musam Augusti medicum imitaret. Ita etiam ab Hispanis nominatur euphorbio, à Gallis euphorbe.

Sagapenum. SEN. Serapium sequitur. BRASA. Sagapenum dicam. SEN. De nominibus cura non fit, deinceps sagapenum dicemus. BRA. Est succus fruticis ferulacci, ut Dioscorides inquit, in Media nascitur, Alexandriam Aegypti portatur, quæ uniuersale emporium est illarum partium, inde Venetias: foris translucidum esse debet, colore rufescente, et quum frangitur candido intus, odore medio inter laurpitij succum, et galbanum, gustu acre. Quæ omnia indicia in nostro uocato sagapeno sunt. Plinius capite xviii. xx. libri in Italia nasci asseuerat, ubi inquit, Sagapenum quod apud nos gignitur, in totum transmarino alienatur: etiam libro xix. cap. vii. in hortis feri dicit, a rem medicam solum. At nec arborem, nec folia Plinius docet, ac si de re nota loqueretur. In Apulia nunc prouenit. Tamen quum Medum habeamus, Venetias per Alexandriæ nauigationem allatum, hoc potius emerem: est enim uerum sagapenum illud, et efficacius, quod, ut inquit Mesur, alij odorem habet: qui eo loco à quodam excellenti uiro immerito reprehenditur, dicente quasi per calumniam, unde ipse odorauerit. At si doctissimus hic uir, ut nos fecimus, gustasset, alij odorem persen

persensisset, quem à mane ad uesperam etiam prandens in ore habui: ideo non est quisquam temere culpandus, præsertim in res gustus, priusquam gustu tentatum sit.

SEN. Opoponacum sequitur. BRA. Et nunc opoponax dicere oportet: succus est herbæ, quæ panaces heraclion dicitur: est autem prima in ordine panacum Dioscoridis. Dicitur autem opoponax, id est, succus panacis. In Bœotia & Arcadia, præsertim Psophis habetur, & in Syria: ex Syria Alexandriam, & postea Venetias affertur. Olitorum industria magna copia parari potest. Hoc unum est ex his quæ Illustrissimus dux noster ex Syria, uel Arcadia habere curabit. Tamen in Italia & in monte Apennino nascitur, & in Gargano Apulie. Folia habet ficulnea quinquepartita, & per ambitum lancinata, quæ in terra iacent & insigniter uiridia sunt. Caulem ferulaceum habet, & altissimum, lanuginem candidam habentem, & folia circum se minuscula, umbraculum subinentem ut anethum, flore luteo, semine odorato, feruentiq; in ore, pluribus ab uno principio radicibus candidis, graueolentibus, multi falsiq; corticis. In Apulia nascitur ubertim, & in Apennino monte uarijs locis. Nos supra Mutinenses alpes uidimus, & in horto fratrum sancti Hieronymi Ferrarie. Non emerem Venetijs, nisi ob id quod ex calidioribus & siccioribus partibus uenit. Curarem tamen, ut ex Apulia radice incisa lachryma exciperetur. Substratis enim eius folijs in terra excavata colligitur. Quum autem opoponacem probare institueris, amarissimum saporem habere debet, interius candidum & subruffum, extra luteum, leuem, pinguem,

friabilem, tenerum. Nostrum, quod habemus, aliqua amaritudine insignitur, non tamen amarissimum est, & grauius olore sentitur. Propterea cum nostro aliquid mixtum arbitror, quod intensam amaritudinem tollit, uel opus est quantuaten notatu dignam mandare, si intensa amaritudo sentiri debeat: in reliquis notis penitus conuenit. **S E N.** In hac re quid Arabes sentiunt? **B R A.** Scirapio cum Dioscoride eodem modo scribit, Mesue autem tria panacis genera confundit, Heracleum, Asclepiam, & Chironium, id docere uolens ex quo opopanax fiat. Cur autem opoponacem inter gummi genera posuiti, quam potius contensatorum succorum ordinem ingredi debuisset? **S E N.** Ne cura sit, modo ex his simplicibus, quibus in officinis utimur, nullum omitatur. **B R A.** A Gallis oppoponac uocatur. **S E N.** Ammoniacum sequitur. **B R A.** Et hic succus est ex frutice eiusdem nominis sumpto: quamuis nomen hoc ammoniacum, & genus salis, & succi significet, ambo in Libya apud Cyrenem inueniuntur: sed ammoniacum appellatur, quia in arenosa Libya apud Iouis Ammonis templam prodit. Sal ex terra sonitur gutta (ita enim Romani succum illius arboris uocant) ammoniaca ex arbore manat. Miror ego de Paulo Aegineta, qui inter odoramenta numerauerit: unde colligere potes quae apud ipsos pro odoribus existimarentur. Nam & Dioscorides ammoniacum thymiana uocat: tamen eius odor grauius est: nec uerum ammoniacum nobis deest, quamuis antiquum forte sit. Venetijs emes, quamuis Genue melius esset, quoniam ex Aphrica mercatores Genuam facillime

**Ammoniacum.**

cillime transeunt, tamen & Alexandriam portant ac Venetias. Ita probatur, quod est maxime coloratum, non li-  
gnosum, sine arenis, & ad thuris masculi similitudinem  
in grumos concrevit, purum, prædensum, liberum sordi-  
bus, & odore Castorei, gustus amarulenti. Nescio cur  
Galenus odorem coriandri habere fateatur, & cur Pau-  
lus ad odorem ammoniacum accendat: fortè diuersum  
est id Pauli & Galeni, ab eo Dioscoridis, qui grauem  
odorem ut castoreum habet: & quod de re diuersa lo-  
quantur, hoc signum est, quia in simplicium medicamen-  
torum facultatibus ea dicunt, quæ à Dioscoride in ammo-  
niaco tractantur. Ammoniacum suprâ descriptū thraus-  
ma nuncupatur: est aliud terrosum, & lapidosum, quod  
phyrama dicitur. Nos frequenter hoc habemus: nec pri-  
mum deest quandoque. Ab Hispanis, ut nos uulgò faci-  
mus. A Gallis Armonia uocatur. **S E N.** Sarcocolla oc-  
currit. **B R A.** A glutinandis carnibus nomen inuenit: gū-  
mi est arboris in Perside thuris pollini simile, colore sub-  
ruffo, gustanti amarum. Si nostram sarcocollam gustau-  
ris, nonnulla granula amara sunt, alia minime, ut quæ à  
Dioscoride dicuntur uera esse deprehendam, adulterari  
scilicet gummi permixto: nam pura grana amaritudine  
afficiuntur, impura nequaquã. Nec illos probo, qui sarco-  
collam esse efficiuntur, quia pollini similis non sit, imò  
pro maiori parte, adeò tenuia grana sunt, ut pollinē imi-  
tari uideantur, quamuis aliqua etiã crassiora sint, quæ ta-  
men non impediūt esse pollini similia. Quod autè à Me-  
sue corpora impinguare dicitur, & à quodam meo præ-  
ceptore reprehenditur, quia si soluit, impinguare non

potest, non est dignum reprehensione: quoniam multa  
soluere possunt, quæ impedimenta remouendo, impingua-  
tionis causa fiunt, qualitatem quandam uentriculo con-  
donantes, præter id quod euacuent, quæ facilius digerere  
possint, & in nutriti substantiam cibum uertere. Quam  
ob rem idem euacuare, & nutrire potest, id est, causa  
esse cur nutriatur corpus. A Gallis etiam sarcocolle nun-

*Styrax.*

*cupatur. S E N.* Styrax utriusq; generis sequitur. *B R A.*  
Intelligis ne liquidam, & quam siccam uocamus? *S E N.*  
Nihil aliud. *B R A.* Liquidam esse Dioscoridis statim,  
id est, primum myrrhæ expressum, supra edocuimus, ta-  
men paruam amaritudinem habet, ut ego adulterari pu-  
tarem: hinc myrrhæ fragrantia nosci posset, si purum sta-  
tim haberemus. Arabes decipiuntur, qui ex eadem ar-  
bore styracem liquidam, & calamitim habere iudicant:  
imò addunt huius arboris fructum in magnitudine auella-  
ne esse, & exprimi: quod exprimitur, styrax liquida est.  
Cortices styrax sicca sunt: hæc autem arbor gummi habet,  
quod est ambræ: hæc Serapio ex sententia Isaac, hoc erro-  
re fecit Pædestarium, ut tres styracis species esse arbitra-  
retur, liquidam, siccam, & calamitim. Re uera id uocabulum  
styrax solum eam significat quæ à probis autoribus calami-  
tis nuncupatur, de qua Serapio post prædicta ex sententia  
Dioscoridis tractat. De fructus expressione, nihil apud  
autores fide dignos scriptum reperi: unde uel de alia re  
tractabat Isaac, quam de styrace, uel ut contingebat  
loquutus est. Verum quia sub eo uocabulo scripserat  
Serapio, ad caput mihi, id est, styracis duxerat, styrax  
autem Isaac alia res est. Nunc igitur de Dioscoridis,

*Plinij.*

Plinij, Galeni, & aliorum bonorum autorum styrace loquemur. Hi omnino distinctum styracem habent, non perliquidum, & siccum, sed per proprias quasdam qualitates, at hic à calamo, calamitis: ille chrymatias, alter aspros, id est, albicans nuncuparet. Hæc autem nomina in diuersis antiquorum compositionibus inueniuntur, nec species euariant. Ad rem uero accedentes styrax lachryma est arboris cotoneo malo similis: ex Cilicia Alexandriam, & Venetias defertur: quanquam & in alijs pluribus locis nascatur, nam ex Cipro & Creta habetur, sed ex Creta illaudabilis, quem frequentius habemus. Non est opus dubitare, an ueram styracem habeamus, quia uerissima est, & si ineptior sit, habet simul scrobem sui ligni. Globi quandoque in modum gummi inter styracis massas inueniuntur: si optimum styracem queris, eum accipe qui ruffus sit, resinosus, pinguis, & grumos habet albicantes, & quæ diu sui coloris bonitatem seruet, & quum subigitur lentorem mellis habeat. Talem Venetijs eme, & præsertum in quo lachrymæ gummi similes appareant. Nec styracinum unguentum prætereundum esset, si haberi posset: in Syria fit. Singulis annis Venetorum nauis, quæ Hierusalem littora appellit, in Syriam peruenit. Fuliginem eo modo para, quo Dioscorides thuris fuliginem fieri docuit. Hispani storaque nuncupant. S E N. Vtraque pix sequitur. B R A. Per utranque picem quid Pix. intelligis? S E N. Hispanam uocatam, & naualem: dubitas etiam in picibus? B R A. Maxime duditabam, quoniam pix sicca, & liquida inueniuntur. Pix naualis notissima est, ex pinu & picea fit, pinguisimis harum arborum

affulis acceptis resina plenis in struem congeruntur, & igne appposito in factitium canalcm fluit resina accensa, quæ extincta pix uocatur, & nigredinem ab igne acquisiuit: à nobis pix naualis, ab antiquis liquida nuncupatur ad differetiam alterius per alteram cocturam factæ, quæ pix sicca dicitur: ambarum usus est in officinis. **S E N.** Et ambas habeo, ex Germanicis partibus ad nos conuehuntur, præsertim ex Tridento. **B R A.** Imò & ex plurimis Italicis. **S E N.** Pix igitur ex resina fit. **B R A.** Equidem ex resina in teda occulta, quæ exusta, pix exudat. Nec putes ex his duobus tantum picem fieri: quoniam in Syria terebinthi teda exusta fit, quia ibi pinus abest, aut rara inuenitur: si etiam ex picca fiat, maior pars ex pinu est. Laudatur pix nitida, leuis, pura: etiam ex cedro in Græcia habetur. Præter duo picis genera, liquida & sicca, quam palumpissam dicunt, quæ & ipsa in aridum & uiscosum diuiditur, oleum picinū habere studeas, quod sit parte aquosa picis separata: id enatat, ut in lacte serum. Dum pix coquitur, puris uelleribus excipitur supra eum halitū expansis, & quum permauerint in uas expressis: & hoc semper fit dum pix coquitur. Nec picis fuliginem in tua officina omittas, quam eo modo facias ut primo libro Dioscorides tradit. Nec zopissam despexeris, quæ est derasa à nauibus resina cum cera: quam ob rem pix ex resina fit, id est, pingui teda combusta resina plena. **Pix Hispana. n a. S E N.** De pice Hispana prosequaris. **B R A.** Hæc & pix Græca uocatur, quæ picata uina fiunt: accepto enim pugillo, uel duobus aut tribus, huius picis, in uas uino plenum projiciunt, ne marcescat, & uinum potentius euadat

euadat . Hinc Græca uina ferè omnia quæ ad nos feruntur ( Cretico dempto, maluasiam nuncupato) picis odorem habent, & ea præsertim quæ Romania uulgò dicuntur. Est autem res fictitia: nam ex omni resina fit, sed præsertim ex pinu resina, quoties per decoctionem ad id ducitur, ut in puluerem redigi possit. Hinc est quod pix Hispana uarios colores habet: quandoq; fuluum & aureū, si ex laricis resina fiat: quandoque albicans, si ex pini uel piceæ resina. At nomen picis sortita est, quum sit resina cocta, propter cocturam quam non habet resina, sed sponte à natura prosiliit: unde pices per ignē fiunt . Resina sponte ex suis arboribus prodeunt. Hispana nuncupatur, quoniam ex Gallia & Hispania montibus ad nos magna copia comportatur, quamuis & in Italia sit plurima: eadem ratione & Græca dicitur, quia ex Græcia affertur: & Colophonia, quoniam Colophone inuehebatur. In his resinis diuersos autores comperio . Nam Plinius ex pinu & picea siccas esse: Dioscorides autem ex omnibus arboribus resinam emittentibus, humidam & siccam haberi tradit. Quicquid sit, nos ea tantum prosequemur quæ in officinis habentur, aliàs determinate de his rebus tractaturi . Tu in officina Hispanam picem ex resina pini habere studeas: quamuis & ex alijs resinis seruare nihil impedit. **S E N.** Rem miram edocuisi, hætenus Hispanam picem gummi alicuius arboris esse arbitrabar. **B R A.** Deinceps intelliges Hispanam picem per decoctionem resinæ, ut in puluerem redigi possit, fieri, & longe à gummi differre. **S E N.** Quibus notis resina à gummi differt? **B R A.** Resina oleagina quodam-

Resina oleagina



modo est gummi aqueum, quod experientia maxime demonstrat, quoniam resina igne accenditur: gummi crepitat. Difficile praeterea est resinas, & aquam miscere, facillimum gummi & aquam: difficillimum gummi & oleum, facillimum resina & oleum. Quae experientia, resinae naturam oleaginam, gummi uero aqueam esse ostendit. Ideo nostri temporis inepti quidam medici rerum naturas nescientes in uarijs compositionibus gummi & oleum miscent, resinas & aquam, quae non se compatiuntur, magno pharmacopolarum clamore. SEN. O quoties hoc mihi accidisse memoria habeo: de resina autem prosequaris. BRA. Dictum iam est te pini resinam seruare, cuius Plinius de pinu minimum colligi sentit, quum tamen experientia oppositum ostendat: forte quia Plinius à Theophrasto sumit, apud Theophrastum uero pinus larix est, ita ipse acceperit. Omnium uero optima terebinthina est.

Resina terebinthina.

SEN. Tu ergo inter resinas terebinthinam numeras? BRA. Equidem, & ab autoribus inter resinas numeratur. At ne putes illam esse terebinthinam, quae pro terebinthina passim uenditur, flauis coloris, quia ex larice resina est, ideo laricina potius nuncupari deberet. Vnde Veneti, & plures Itale gentes, non terebinthina, sed larga, quasi larica ex larice uocant: nam habet mellis Attici colorem. Terebinthina autem alba esse debet, perlucida, in modum coloris uitri caerulea, odorata, sed potissimum odore terebinthi. Ex Cypro Venetias affertur: nunc uera terebinthina, alias laricina pro terebinthina utebantur: nunc error detectus est, & ueram terebinthinam portant: sed ut commodius uehatur, eam coquant, & in mas-

sas rotas

*fas rotundas ueluti placentas congerunt. s e n. Ut conijcere possim ex his quæ dixisti, pix terebinthi nuncupari potest, quoniam per cocturam fit ut alie pices. b r a. Poterit, & nihil impediet, nisi diuersam esse terebinthinae cocturam ab alijs picibus dicamus: quoniam terebinthina in aqua, alie siccae & per assationem potius densantur. Chiam summè laudat Galenus in libro de antidotis primo. Andromachus Libycam præfert. Satis est nos Cyprinam habere. Venetijs etiam non coctam uidimus, quæ duritiem quandam præ se ferebat. s e n. Gaudeo meis temporibus inuentam esse terebinthinā, id est, ad nos allatā, quæ prius non afferebatur. b r a. Ex Aphrica etiam, & Cycladibus insulis Venetias comportatur: uerū ex multis alijs locis, et multis arboribus resina fit. s e n. Masticem quid esse arbitraris? b r a. Inter resinas à Dioscoride numeratur, & ita sentiunt Theophrastus & Plinius: quippe resina lentici est. s e n. Legi medicos quosdam recentes, qui suo quodam libello Auicennam reprehendunt, qui ignorauerit lentiscum esse arborem ferentem masticem. b r a. Et si Auicenna de Romano Mastice loqui uideatur, quem in rerum natura nō esse recentes quidā scioli profitentur, nos ex opposito Romanū masticē, id est, Italum esse scimus. Vnde Plinius præter Chium, Italum etiā scribit, & Cicero rusticæ plebi necessariū esse pro uarijs temporibus cognoscēdis tradit. Circunferuntur de hac arbore Ciceronis uersiculi:*

*Iam uero semper uiridis, semperq; grauita*

*Lentiscus triplici solita est grandescere foetu:*

*Ter fruges fundens, tria tempora monstrat arandi.*

Vt apud Romanos in honore fuisse lentiscum deprehendatur. Recentes ergo immerito Auicennam reprehendunt, qui de Romano mastice loquatur. Imò & si non dicat arborem ferente mastice lentiscum esse, id tamen innuit, quū inquit ex ea fieri dentifricia. In hoc autē erat apud antiquos laudatissima lētiscus, & in hoc opere dentiscalpio à Dioscoride collaudatur. Imò Auicenna idem cum Dioscoride dicit in lentisco, quod arbor in usu acatiae, & hypocisthidis respondet: quamvis ille uocabulo barbaro utatur, herisistides. Vnde de his recentibus apud primū mirandum, qui ita temere sine culpa Arabes reprehendant, & Mauritanos accusent, qui ē sua lingua in Latinam peruerse interpretati sunt. Fortē si tot haberēt Mauritanī literarum sectatores, quot Græci, mendis carere in pluribus perciperemus. S E N. Habet ne duritiem illam mastix, quā ab arbore sumitur? B R A. Nō, sed resinæ duritiem solum, postea magis ac magis exiccatur. S E N. Resinarum ordinem secundum perfectionem & imperfectionem libenter addiscerem. B R A. Id libenter agam, de his præsertim, de quibus antiqui meminere. Inter alios Galenus libro de simplicium medicamentorū facultatibus octauo, per adstrictionem resinas scribens hunc ordinem obseruat:

Prima Lentiscina, id est, mastix.

- 2 Terebinthina,
- 3 Strobilina,
- 4 Pineæ,
- 5 Piceæ,
- 6 Abietina.

In digere

## In digerendo resinarum ordo:

Prima Terebinthina,

2 Lentiscina.

3 Alia, quæ parum differunt, in maiori aut minori digerendi actione.

## In abstergendo resinarum ordo:

Prima terebinthina,

2 Alia, quæ non differunt in abstergendo, sensibili aliqua differentia.

3 Lentiscina, quæ minus alijs abstergit.

## In attrahendo resinarum ordo:

Prima Terebinthina.

2 Alia, quæ in attrahendo eadem vi insigniuntur.

3 Lentiscina, quæ cæteris minus attrahit.

## In emolliendo resinarum ordo:

Prima Terebinthina,

2 Lentiscina,

3 Cyparissina.

4 Alia, quæ æquo modo molliunt.

Possimus & secundum acrimoniam eas comparare, sed Dioscorides nos uocat, qui omnes resinas alio ordine disponit, absolutam perfectionem resinarum considerans, quæ in hunc ordinem disponi possunt:

Prima Terebinthina,

2 Lentiscina,

3 Picea,

4 Abiezna

5 Strobilina,

6 Pineæ.

Venetijs pro officina tua ueram terebinthinam, & mastice emere poteris: & præter hæc ex omni resina fuliginem para, ut Dioscorides primo libro scriptum reliquit, & ad medicos usus serua. **S E N.** Sum'ne alia resina? nam tu in exarandis Galeni ordinibus cyparissine

**Resina zigu.** meministi. **B R A.** Imò & acerna uel zigia reperitur. Est autem tertium genus accris zigia, & multe aliæ ex uarijs arboribus, sed quæ in usu potissimum sunt, ex prædictis fluunt. **S E N.** Vnum solum aduerto, quum resinā absolute dicimus, illam pini intelligimus, quam Rasa nulla determinatione addita uocamus. **B R A.** Ita usus fecit: nam & si apud antiquos resinā inueniamus, terebinthinam ob excellentiam intelligere oportet, nisi alioqui appellare cōsueuissent ut in nostro usu est. Nunc reliqua prosequaris. **S E N.** Oro, ne aliarum gentium nomina prætercas. **B R A.** Id libenter agam: pix à Gallis pois, ab Hispanis pez, à Germanis bech nuncupatur: Mastice uero Galli mastice, Hispani ex Lusitania almezaga uocant, & Galli etiam ut nos ferè & Hispani ac Germani terebinthinam uocant: nam primi terebenthine, alij

**Gummi Arabicum.** termentina, tertij terbentim proferunt. **S E N.** Gummi Arabicū sequitur. **B R A.** Gummi genera tot esse, quot sunt arbores, è quibus manant, autores testantur, sed hoc genus, quod Arabicum nominamus, & ab aliquibus Babylonicum, ab alijs sarracenicum dicitur, à nullo antiquo autore particulari nomine donatur: quum uero hoc nomen potius sit ab Arabibus inuentū, quàm Grecis, gummi Arabicum, ideo ab Arabibus petēdum est, & ex ipsis quid sit inueniēdum. Serapio gummi Arabicū ex arbore acacie

acatie manare dicit, & Dioscorides lib. primo ex arbore acatie gummi colligi scribit, aptum ad spissandum, refrigerandumq; quod ex spina fieri monet. Vnde Plinius capite 11. 13. libri, optimum gummi docens, ex spina Aegyptia esse inquit. Acatia uero est Aegyptia spina, ut à Dioscoride docemur: est autem uermiculatū, colore glauco, purum, sine cortice (scilicet arboris, nō ipsius, ut multi quidem decepti sunt gummi corticem habere arbitantes) dentibus adherens, sed Græci nullum habent peculiare nomen, quo ipsum indicent, nisi Arabico utamur: tamen ex spina gummi, uel acatie gummi dicunt. **S E N.** Nostrum gummi glaucum esse non uidetur. **B R A.** Imò quādoq; glauci coloris uidi, quandoq; albi, quandoque aurei. In causa est arborum diuersitas, à quibus educitur: nam una arbore non sumitur gummi nostrū, sed pluribus: propter id diuersos colores, & diuersas proprietates habet. Spina autem illa, quæ acatiam facit, etiam in Arabia nascitur, hinc nomen sortitum est, gummi Arabicum: Babylonium uero quia circa Babyloniam Aegypti cōcreuit. At Sarracenicum dicitur, quia uulgus nostrum infideles, & præsertim Mauritanos, sarracenos appellare solet, propterea quod ex Aphricæ parte, & Mauritania uenit, Sarracenicum uocant, ut hoc gummi, quod Sarracenicum dicitur, quia ex Aphrica etiam conuehatur, Latine gummi acatie, aut gummi Aegyptiæ spinæ dici deberet. Verum aliarum arborum gummi mixta sunt, ideo uarij colores in ipso cernuntur. **S E N.** Quarū arborum? **B R A.** Amygdalarum amararū, cerasorū, prunorū, uitium, olearum, ulmi. **S E N.** Habent ne diuersas uires huius gūmi ge

nera? B R A. Habent, & unum alio deterius est. S E N E  
Nisi egretuleris, optarim ut quendam ordinem perfe-  
ctionis & imperfectionis edoceres. B R A. Id libenter  
agam, a perfectiori exordiens, & mox alia secundum vi-  
res scribentur:

Primo, gummi Arabicum ex Aegyptia spina.

2 Ex amygdalis amaris.

3 Ex Ceraso.

4 Ex pruno.

5 Ex fructibus.

6 Ex ulmo.

Quum alia sint gummi genera, penes ordinem predictū  
perfectionis & imperfectionis, eorū firmā experientiā,  
& statim nōdum habeo. Ideo ad aliud tēpus pertractā-  
re differam, praesertim quia ad nōnulla priuatim ualent,  
ut est gummi ex uitibus quod priuatim infantīū ulceri-  
bus aptissimum est, & olearum priuatim dentium dolo-  
ribus succurrit. Nuces quoque suum gummi habent, quod  
eodem modo sicut alia ex trunco emanat. Apud Arabes  
electuarium fit, quod de cineribus uocant, apud Auicē-  
nam praesertim, in quod gummi nucis intrat. S E N E X.

**Dragagantum.** Nonne & Dragagantum inter gummi species numera-  
tur? B R A. Naturam gummi habere Dioscorides pro-  
didit: proprie autem gummi non est, quāuis recētes gum-

**Tragacantha.** mi Dragaganti appellent. Est autē Tragacantha (ut re-  
cte loquar) radix lata, & surculosa, supra terram emi-  
nens, ē qua rami humiles, firmi, latē diffusi, folio numero-  
so, tenui, pusillo, intercurrentibus spinis fronde sua conte-  
ctis, & cādids, ualidis, subrectis, de qua tertio libro Dio-  
scorides

scorides agit. Ex hac radice incisa succus emanat, qui in lachrymam coalefcit: hic etiam succus Tragacantha nūcupatur. Recentes uocabulum corrumpere, & dragantum uel dragagantum dicunt. Conglutinat, ut gummi. Antiqui in Creta solū nafci arbitrati sunt, & re uera in Creta abundat, & è Creta Venetias affertur, imò nomē Tragio Cretam fignificare certum est, quia spina fit Cretica. Tamen alijs locis nascitur, in Arabia, in Achaia, in Media Asia, in Peloponnesso. Qui quid fit, naturā gummi habet: secundum Dioscoridem per radicis incisionem fit. At Theophrastus sponte emanare censet. Ad gummi igitur redeunt, Paulus Aegineta quum de Commi, id est, gummi pertractat, ea tantū animaduertit, quæ à Galeno breuissimè exposita sunt. s e n. Notas scire optarem, quibus probatissimam tragacantham noscere possum. B R A. Ex Dioscoride lubentissimè aperiam, sit traslucida, leuis, gracilis, pura, subdulcis. s e n. Iam noui. Ad reliqua gummiū genera accedas. B R A. Enumera tu quibus in officinis utimini. s e n. Gummi habemus, quod Gummi elemi, elemi nuncupamus. B R A. Cuius arboris est? s e n e x. Abs te peto. B R A. Quid sentiam lubens edocebo: an uero nodum explicabo, iudex cris. Dioscorides libro primo de gummi oleæ Aethiopica pertractat: hoc gummi, Arabicum gummi esse putat Hermolaus, nos è contra gummi spinæ Aegyptiæ acatiam ferentis esse gummi Arabicum arbitramur, imò ita esse debere certissimus: quamuis & aliarum arborum gummi mixta sint: nam à Plinio id gummi ceteris perfectius dicitur: nos autem perfectius gummi non habemus Arabico dicto.



Quam ob rem, & ex his, & ex colore, non possum cum  
 Hermolao asserere gummi oleæ Aethiopica esse gum-  
 mi Arabicum, sed quandoque inclinauimus, ut gum-  
 mi oleæ Aethiopica esset gummi elemi dicti ( ut in-  
 quit Hermolaus ) quasi Enhæmi . In id autem nunc po-  
 tius inclinor, corruptum esse uocabulum oleæ in eleæ,  
 postea in elemi. Reperitur autem hoc gummi & in Ita-  
 lia: sed uos pharmacopole re quadam utimini mihi ual-  
 de odorata pro gummi elemi, quam resinam potius quam  
 gummi existimo. Quid uero sit nondum comperi: sa-  
 tis tibi nunc sit, ex olea Aethiopica, & etiam Italica gum-  
 mi oleæ haberi, uel ut uos dicitis, gummi elemi, quod  
 Plinius dentibus ualere ostendit. Quin & ex oleastro  
 habetur, quod his notis deprehenditur: simile est scam-  
 monio, sed rufiusculum, & exiguis stillicidijs cœretum,  
 gustu mordaci, nec gummi aspectum habens. Id enim da-  
 mnatur quod gummi aspectum præ se fert. Quam uero  
 uos pro elemi, id est, oleæ lachryma accipitis, cum scam-  
 monio similitudinem non habet, nec ruffa est, nec con-  
 creta exiguis stillicidijs, nec gustu mordaci: imò potius  
 quandoq; dubitau, quod gummi hederæ nūcupatis, gum-  
 mi elemi esse, si mordacem illum gustum habuisset. s e n.  
 Nescis igitur quid ea res sit, quam gummi elemi appel-  
 lamus? B R A. Ad hoc usque tempus quid sit quo uti-  
 mini, ignoro, sed breui spero rem hanc assequiturum: sa-  
 tis nunc sit gummi elemi uerum, esse gummi oleæ: non di-  
 co Aethiopica, sed cuiuscunque loci, modo olea lachry-  
 mam habeat. H E R. Oblitus es aliarum gentium in præ-  
 dictis gummi nomina edocere: his tamen maxime oble-  
 sto,

Sto. B R A. Ne Herbarium nostrum suo desiderio fru-  
 strari uidear, à gallis gummi Arabicum, gomme Arabi-  
 cæ & Hispanos gomme Arabica nuncupare scias. Draga-  
 gantum uero, Galli gomme dragant, Hispani gomme dra-  
 gante, Germani drianant uocant. S E N. Gūmi hederæ pro-  
 sequaris. B R A S A V O. Ex hederæ libro tertio fieri la-  
 chrymam Dioscorides censet: uos pharmacopole gum-  
 mi quoddam circumfertis hoc nomine appellatum gum-  
 mi hederæ quod non esse gūmi hederæ id testimoniū est,  
 Dioscoridem lachrymam hederæ psilothron esse dicen-  
 tem: sed gummi illud uestrum, non solum psilothron  
 non est, imò nec mordicantem gustum habet, aut qui ca-  
 lorem ostendat. Vnde & Galenus libro 7. de simplicium  
 medicamentorum facultatibus, de cisso, id est, hederæ tra-  
 ctans, inquit, lachrymam eius pilis nudare, & esse usque-  
 adeò potestatis calidæ, ut obscure adurat. Quam ob rem  
 non est gummi hederæ, uel lachryma hederæ, quam uos  
 pro ea circumfertis. S E N. Quid ergo est? B R A. Gum-  
 mi alterius arboris, quam ignoramus: nam & experien-  
 tia hederæ considerata, uerum gummi, id est, lachryma  
 hederæ cognosci potest. Ego quandoque hanc lachry-  
 mam supra hederæ truncum concretam uidi, ab ea quam  
 habetis longe diuersam. A Gallis gomme de lierre nun-  
 cupatur. S E N E X. Putas ne sandaracham inter gummi  
 numerandam? nam gummi uidetur, si proprietates eius  
 contemplor, & gustum, & corticem arboris quandoque  
 coniunctum. B R A. Apud probos autores duo nomi-  
 ne sandarachæ intelliguntur. Vnum est quod cheran-  
 temum dicitur, uel Rhitaces, de quo in apomeli Diosco-

Gummi he-  
deræ,

Sandarachæ.

rides quarto libro, & Hermolaus in Corollario, capite 543. in lilio: sed hæc uestra sandaracha, quam à uernore uernicem dicunt, nihil ad rem medicam. Est alia sandaracha, de qua Dioscorides quinto libro, quæ cum auro & argento inuenitur, & argenti fodinis, flammeo colore ad satietatem ruffescit, fragilis, puraq; & habes quodammodo cinnabaris colorem, & reddens uirus sulphuris. Hæc est uera sandaracha, quam in officinis haberi oportet: de qua Galenus, Paulus, & Dioscorides medicas uires tradunt, cuius uicæ auripigmento uti possumus, quoniam easdem uires habet. Inter auripigmenti massas sandaracha inuenitur, & nunc ego domi habeo uerā sandaracham auripigmento nexam: eadem enim fodina colliguntur. Fit etiā adulterina sandaracha ex cerussa decocta, ut Vitruuius 7. Architectura libro docet. Illud autem casu inuentum est, facto incendio, ubi erat cerussa: hæc sandaracha pictoribus magis apta est, naturalis uero medicis. S E N. Sandaracham libenter cognoscerem, qua omnes fere medici utuntur, & paucissimi, imò nulli cognoscere uidentur. B R A S A. Tibi in tua officina sandaracham ostendam. S E N. In mea officina? Forte illam portabis. B R A. Imò in tuis proximis inueniam. Considera auripigmentum tuum, uides bis aliqua parte rubescere, ut fere in minij colorem uergat. S E N. Id frequentissime uideo, imò auripigmentum ita rubrum superioribus mensibus à luteo discreui. B R A S A. Illud rubrum sandaracha est: eadem enim fodina, & sandaracha, & auripigmentum effodiuntur, imò simul mixta sunt: sed quod maius est, audias, auripigmen

pigmentum & sandaracha idem re sunt, differunt tamen per maiorem & minorem decoctionem naturæ: nam & idem ab arte fieri percepi, & tu ipse experiri poteris: sume auripigmentum, & uitreato uase impone, supposito igne ut lique scat, & accēdatur: accēditur ferè ut sulphur, si per aliquod spatiū combusseris, inde frigescat. Videbis oculata fide per hanc decoctionem auripigmentum sandaracham euasisse. Si etiā auripigmento pinxeris, & sandaracha, eundem ferè colorem faciunt, nisi quod in sandaracha intensior est, quàm luteus. In auripigmento magis floridus: nam sandarachæ color in eum qui uulgò ranzo appellatur, inclinat, in quem etiam is dependet, qui ab auripigmento usto fit, ut auripigmentum ustum in sandarachæ naturam transiuisse. deprehendi possit. Nec mouearis, quòd sandaracha rubra dicatur, quoniam rubra quidem est uisu, sed quum teritur, & aqua miscetur, hoc est aptatur ad picturæ opus, hunc colorem luteū intensum facit, non rubrum: unde minio similis est uisu sandaracha, non autem opere, quum ea picturæ fiunt: ut manifeste cognoscas sandaracham ueram esse auripigmentū à natura magis coctum: quod si arte coxeris, eundem colorem insigniri uidebis. Tu ipse experiaris, quemadmodū & ego pro noscēdis exquisitissime sæpius expertus sum, imò & quod Risagalum uos nuncupatis ex auripigmenti genere est. Qui uero inquit Venetijs auripigmentum lique fieri, & arte in leuigatas assulas parari, quas risagalum postea nuncupant, decipiuntur: nam in fodinis auripigmenti Arsinagal reperitur, & eiusdē generis est, sed uilius, ideo & uiliori pretio uēditur. In quo reperitur

Risagalum,

Arsinagal,

etiam sandaracha: color enim sandarachæ magis igneus est, & aliqua parte cinnabarin refert, redoletq; sulphuris odorem. Recentes Chymistæ arsenici nomine tria intelligunt, auripigmentum, risagalum, & quod particulari nomine arsenicum uulgo dicimus. Chymistarum nomina hæc sunt: arsenicum croceum, quod est auripigmentum: arsenicum rubrum, quod est sandaracha: arsenicum album, quod ita simplici nomine à nobis uulgo dicitur. Sed in uno decipiuntur, quia arsenicum album non esse minerale arbitrantur, sed inquiunt Venetijs esse qui ui ignis ita parent, & arte ex auripigmento faciunt: quod falsissimum esse, & inexpertes agyrtæ noscūt: nam ex minera foditur nostrum arsenicum. Sed Chymistæ suam hanc distinctionem ab Auicenna accepere ita inueniente. Serapio autem sub capite Narneth, quod est 38i. id est, auripigmenti, sandaracham etiam intelligit, & arsenicum album: quod uero sub auripigmento sandaracham accipiat, ex eo deprehenditur, quoniam ex sententia Dioscoridis inquit in eisdem fodinis auripigmentum citrinum inueniri, in quibus inuenitur auripigmentum rubrum: hoc autem à Dioscoride dicitur sandaracha, & in calce uerborum Dioscoridis à Serapione adductorum, caput de sandaracha Dioscoridis ponitur, & suas proprietates assignat sub nomine auripigmenti rubri, ut certum sit apud Serapionem sandaracham esse auripigmentum rubrum: unde frequentissime in auripigmento sandaracha inuenitur, & in dicto risagalo, quod & ipsum in auripigmenti genere censendum est. Risagalum uero & nonnulli arsenicum uocant: sandaracha à

Sera

Serapione auripigmentum rubrum appellatur. **S E N.** Gaudeo semper plurima discere. Sandaracham habeo, habere autem ignorabā. Verū quum uenenum sit praesentissimum, quomodo à Dioscoride in usu medico ualere iudicatur? **B R A.** Non mirum, quoniam multa uenena alijs mixta mitiora fiunt, & apta medellæ. Nam Dioscorides sexto libro sandaracham inter uenena numeravit, & quibus remedijs eius noxa aboleatur. Miror de Rodulpho Agricola, qui in suo Bermano, sandaracham non olere uirus sulphuris scripserit. Si ipse tractasset, & manibus fricuiſſet, sulphuris odorē cuitare non potuiſſet. Imò si ( ut nos fecimus ) accendiſſet, oculis fumum sulphuris uidisset, & nidorem naribus persensisset. Adde eundē autorem admirari Dioscoridem, qui cinnabaris colorem habere dixerit: tamen à Dioscoride nunquam hoc dicitur, sed quod aliquem colorem cinnabaris habet, id est, aliquo modo inclinat: in rubrum enim uergit. At mixta aqua, & optime trita luteum colorem facit parum intensiorem colore simplicis auripigmenti, sed eiusdem apparentiæ cum colore auripigmenti usti. Quum ergo in antiquorum descriptionibus sandaracham scriptam inueniris, partem rubram auripigmenti accipito, aut rubrā partem risagali dicti. Si uero desit pars rubra, eam partem arsenici aut auripigmenti sumas, quæ in rubrum magis inclinat. **S E N.** Id autem, quo pro sandaracha utimur, & gummi uidetur, quid est? **B R A.** Est gummi iuniperi: nam Arabes sandaracham appellant gummī iuniperi, ex quo puluis fit, quem uernicem uulgò nuncupamus, ad delinendas chartas ne bibule sint: & pictores eo utuntur.

Gūmī Iuniperi

tur in quadam compositione uernicem appellata, ex oleo nucum aut lini, Aloe ( ut lucem coloribus tribuant ) & hoc gummi . Miror cur in usum medicum uenerit hoc gummi: quonia Plinius libro decimo tertio, capite undecimo, gummi luniperi ad nihil utile censuerit. S E N.

Qua re ducti recētes hoc gummi sandaracham putarūt? B R A. Decepti sunt in nomine, quia apud Serapione sandarax scriptū inuenere, ipsi Sandaracham putarunt, tamen Arabes quos Serapio adducit easdem uires huic gummi attribuite uidentur, quales Dioscorides, & autores uetere sandarachæ attribuunt. S E N. Cur uernix dicitur? S E N. Aliud coniectari non possum, quam cum Hermolao dici quasi uernus ros: gummi enim Vere potissimum fit, & æstate perficitur, præsertim ex torrida substantia. Galli ut nos, uernix. Hispani uerniz, Germani uernis

Gūmi charabe appellant. S E N. Aliud gummi sequitur, quod charabe nuncupant. B R A. Nescio an alia simplici re inconstantiores sint autores tam antiqui, quam recentes, quam in hoc uocato Charabe. Omnes electrum uel succinum esse putant, tam qui nuper, quam qui antiquitus scripsere. Tu Pliniū lege capite secūdo, libri tricesimi septimi, ubi Græcorum poetarum fatuitates aperit, qui putarunt lachrymas esse sororum Phætonis in populos conuersas circa Eridanū, ut hinc etiā collectum sit Charabe, aut electrū gummi esse populi nigre, quod Serapio & Auicenna sentire uisi sunt. Ipsi enim caput faciūt de haur romu, id est, populo, & omnia scribūt quæ à Dioscoride in populo nigra traduntur. Duo autem capita ab Auicenna fiunt, in quibus idem præcise scribis. Vnum, quod est 344. in quo de lauro

de lauro Romano differit. Aliud, quod est 510. ubi de nu-  
 ce Romana percurrit. Sunt autem duo capita, ubi de ea-  
 dem re & eodem modo scriptum est. Capite autē 374. de  
 charabe loquitur, quod nucis Romanæ gummi esse dicit:  
 appellat autem charabe lingua Persica, quasi palcam ra-  
 piens. Non est autem hic locus contrarietate pertractan-  
 di in horum capitum qualitatibus, quia nostrum institu-  
 tum est rem tantum aperire. Quod autem Auicenna de  
 gummi nigræ populi loquatur, tum ex proprietatibus  
 apparet, tum ex nomine ipso. Inquit enim, haur Roma-  
 num appellari achirofa: Græci autem ut Dioscorides &  
 Galenus, populum nigram ἄρυα & appellant: ut mā-  
 nifeste appareat, Auicennæ interpretem, corrupisse vo-  
 cabulum, & pro ἄρυα & achirofa scripsisse: uel for-  
 tē librarij fuere, qui ita per uices describentes corrupe-  
 runt. Ad rem igitur, uideo antiquos autores in hac re  
 adeo diuersos, ut quid dicendum sit ambigam. Plinius ca-  
 pite secundo, & tertio ultimi libri de hac re incertē tra-  
 ctat. Dioscorides electrum gummi esse nigræ populi in  
 Eridanum defluens sentit. Primo libro in nigræ populi  
 capite, postea secundo libro lyncurium, id est, ex urina  
 lyncis factum lapidem electrum esse iudicaui: hæc tamen  
 incerte proponit, ut de re ipsa incertus esse uideatur. Ga-  
 lenus & Paulus de gummi albæ populi pertractant, ta-  
 men electrum uel succinum esse non dicunt. Res adeo in-  
 constans est, ut ferè me explicare non sciam: hoc tamen  
 certe deprehendo Genuensem, Pandectarium, & ceteros  
 recentes aberrare, putantes rem illam, quam nos ambro  
 appellamus, esse Arabum charabe: error autem est, quia



charabe Arabum est gummi populi nigrae, & etiā albae, quam Græci simpliciter λεύκον appellant, nos populum albam Latine: nostra materna lingua Græcos imitatur, quia albaro quasi album appellamus, ut Græci λεύκον. Ex his duobus populi generibus gummi fieri certum est, quod ab Arabibus charabe uocatur, à Græcis alba populi resina uel gummi, à Latinis eodem modo dici debet. Causa autem erroris fuit, quia Dioscorides hoc gummi electrū appellari monet, & Chrysophoron. Sed Dioscoridis uerba p̄sitāda sunt, qui ita esse simpliciter nō dicit, sed ab aliquibus ita appellari, tamen non est uerum electrū, id est, nostrum uocatum Ambrum, quamuis ab aliquibus tali nomine ob similitudinem appelletur: unde in hoc me resoluo, charabe Arabum, & gummi populi albae Græcorum idem sunt, & non sunt nostrum electrū, uel ambrū, ut recentes putant. **S E N.** Duo abs te scire percipio, quid sit res ea, qua pro charabe utimur. Præterea quid apud antiquos sit res ea quam ambro uocamus, quo indices fiunt, quibus mulieres numerant preces, quas Deo singulis diebus fundunt. **B R A.** Id quod in officinis pro charabe habetis, idem est penitus cum ambro, quo indices fiunt. Tu experimentum sumere poteris, ut ego frequenter expertus sum: accenditur charabe, & ambrum, & eodem odore redolent, eandem guttam faciunt, eandem flammam: sume frustum eius rei, quam uocas charabe, & unum in licem ambri, & accense candelle admones, accenduntur eodem modo, & eisdem omnibus notis præscriptis, imò & uisu, colore, splendore conueniunt, & ex eodem loco ad nos deferuntur: ex mare Dani-

tisci ad

tisci ad nos fertur & ambrum, & charabe. Est autem Dantiscum mare in Germanico Oceano: ea autem pars quæ nunc Dantiscus dicitur, ab antiquis Cosmographis Prussia nuncupatur, unde ex Prussia habetur. Quid uero sit, nesciunt se explicare qui illinc ueniunt. A Germanis ex Prussia in Pannoniam, mox (ut inquit Plinius) Prouinciam: (est autem Prouincia ea pars Gallie, quæ nunc Prouenza uocatur,) inde Genuam affertur, & nonnulli mercatores Venetias contendunt. Quæ à Plinio dicuntur capite tertio libri trigesimiseptimi, certissima sunt. Nasci in insulis septentrionalis Oceani, defluente medulla pinei generis arboribus, ut gummi in cerasis, resina pineis: erumpit humoris abundantia, densatur rigore, uel tepore autumnali: quum intumescens æstus rapuit ex insulis, eerte in littora expellitur, ita uolubile, ut pendere uideatur, atque consistere in uado: quod arboris succum esse etiam prisca nostri credidere, ob id succinũ appellantes. Pineæ autem arboris esse, indicio est pineus in attritu odor, & quod accensum tedæ modo, ac nidore flagret. Qui in Prussia prope mare Dantiscum habitant, colligunt circa maris littora ambrum, charabe, uel succinũ, sed ipsi unde ueniant nesciunt: quod uero destillet, hoc argumento notat Plinius, quia sunt quædam intus translucentia, ut formicæ, aut culices, lacertæq;, quas adhæsisse musteo nõ est dubium, & inclusas indurescenti: hoc nos frequentissime uidimus ambrum, apes, muscas, formicas, festucas inclusas habentem: imò & domi habemus, in quo adeò mire formica, & integrè inest, ut nec minimum crus desit. Nostræ mulieres sibi parant indices ad salutationes Angeli.

cas numerandus, & ad ornanda colla: sed tempore Plinij erat agrestium foeminarum Transpadanarum ornamentum, monilium uice succina gestantium, maxime decoris gratia. Etiam & nostro hoc tempore sole populares, & agrestiores succino pro ornamento utuntur. Succinum igitur & charabe idem sunt, & gummi est pineæ. Nos in pinetis Rauennatibus gummi uidimus simile succino, & accendimus eodem odore quo succinum, sed non ita durum: forte quia alio cælo, quam Septentrionali ortum. Constat autem & ex India conuchi. Vnus tantum est succini color, sed differt per magis & minus: aliud enim est candidum, aliud colore cere nouæ. *S E N.* Hic est color charabe quod habemus passim in officinis. *B R A.* Aliud est fuluum, aliud tanquam mel coctum. *S E N.* Et etiam nostrum charabe hunc colorem habet. *B R A.* Nunc mulieres nostræ nonnullæ flagrantem probant, aliæ turbidum. Tempore Plinij erat maxima autoritas translucentibus, præterquam si nimio ardore flagrant: imaginemq; igneam inesse, non ignem placebat. A Germanis gelber nid stean nuncupatur, ac si dicat, crocei coloris lapis: quamuis Plinius referat suo tempore à Germanis glessum dici, & propterea insulam Glessariā in mari Oceano dictam. Martialis & ipse nouit in succino formicas occultari, inquiens:

Cum Phaëthontea formica uagatur in umbra,

Implicuit tenuem succina gutta feram.

Sed ipse postea ueluti poeta ex sororibus Phaëthontis plorantibus succinum prodire arbitratur. Decipiuntur qui è terra ueluti bitumen concrefcere dicunt. Præter di-

Etos colores nos nigrum ambrum habemus, sed arte factum est: nam tingitur omni colore, præsertim Plinij tempore, seu hocædino & radice anchusæ tangebatur: quippe etiam conchylio inficiebantur: quum sit ambrū tinctum, an uerum ambrum sit, id est, succinum, uel electrum, igne deprehendes, quoniam uerum ambrum flammescit, odorem pineæ spirans. Si uero ex re dicta smaltum sit, non flammescit, nec odorem pineæ habet, quamuis succinum alio colore infectum ægrius flammescat, quam purum, tamen non possunt non habere etiam succina tincta proprietatem eam, festucas, paleas, & sicca folia ad se trahendi, quum attritu digitorum, aut uestis calefunt: hoc etiam unum indicium est cognoscendi uerum ambrum tinctum à non uero: & hæc proprietas fecit ut Arabes charabe nuncuparent, quod lingua Persica significat paleas ad se trahere. Vnde & Dioscorides in lyncurio, ipsum pterygophoron, quia in se trahit floccos & stramenta, uocat. Tamen multa alia sunt præter ambrum, quæ ita trahunt: quam ob rem succinum, uestrum charabe, & electrum idem sunt, & gummi pineæ induratum esse credendum, imò certe asserendum est, quamuis hoc uocabulum electrum ad multa alia significanda ab antiquioribus accipiatur: nam uocabulum electrum, succinum significat, Electrum, & lapidem ex urina lyncis factum, & naturale quoddam habens quintam partem argenti in auro, & arte factum ex tribus partibus auri & una argenti: hoc autem tertium electrum aurum & argentum mixtum habens, à Chymistis Phaëton nuncupatur. Quid uero sit ambrum, dictum apud nullum antiquorum inuenire potui; Ambarum, siue Ambraca,

quanquam arbitratus sim antiquos aliquos sub succino  
 hoc, ambarum nostrum intellexisse, eo argumento quia  
 nonnulli odoratissimum ipsum fecere, & ex terra ueluti  
 bitumen prodire, tamen incertus sum. Tria genera am-  
 bari apud recentes inueniuntur. Vnum, ruffum & pin-  
 gue, quod ceteris præfertur, quod Selachiticū à loco In-  
 diæ ubi nascitur, appellatur. Aliud, subalbidum, quod Se-  
 chra dicitur ex Arabia Felici asportatum. Tertium, ni-  
 grum, quod ceteris ineptius est. Primū uidimus Genue,  
 ubi manicæ odoratiores sunt, quàm in loco altero Italie.  
 Secundū & tertium, frequentissima sunt Venetijs. Auicēna  
 & ipse in capite de Ambra tria genera numerat: intelli-  
 git autem per Ambram, Ambarum: laudat & ipse pri-  
 mum genus, quod ( suis uocabulis ) ipse dicit esse grisei co-  
 loris: nigrum uilipendit, quod fuisse in uentre piscis asse-  
 rit. Idem Serapio de Ambra, id est, re illa odorata quam  
 Ambarum nuncupamus. Nullus est antiquus ( quem le-  
 gerim ) qui de hoc ambaro loquatur. Apud Aëtium repe-  
 riri Ambar, scribit Hermolaus, hoc intelligēs ( ut putat. )  
 Nos autem non ambar, sed ambram inuenimus, libro deci-  
 mo sexto, capite 133. An uero de ambaro loquatur, uel de  
 succino, aut altera re, incerti sumus. Suspiciamur tamen lo-  
 qui de ambaro, tum quia illud nomen habet proprium,  
 succinum & electrum, de quibus secundo libro agit sub  
 illis nominibus: quamuis simul & semel lyncurium scri-  
 bat, ut uisus sit succinum uerum ignorare, tum quia po-  
 nit ambram in compositionem suffumigij muscati, in quā  
 potius ambarum, quàm ambrum, id est, succinum, inter-  
 ferendū erat. Quanquam & succinum nō careat odore,  
 præsertim

præsertim quum aduritur, & ad suffumigia aptum est,  
 quia ignem recipit. Hermolaus tamen nomen inuenit no-  
 stro ambaro, quippe iubet succinum orientale appellari  
 primus omnium. Fabulantur qui sperma ceti esse conten-  
 dunt, & qui fructum cuiusdam arboris sub mari existen-  
 tis, & qui iecur piscis, aut piscis stercus esse putant. Cō-  
 stat enim scaturire uarijs locis sicut bitumen, & sulphur,  
 in India & Arabia. S E N. Reperitur ne apud Serapione  
 nostrum ambrum, quo indices fiunt? B R A. Fortè est in  
 capite 46. apud Serapionem, ubi de styrace pertractat,  
 inquit ( de quadam re loquens ) uocari styracem heremi-  
 tarum, qui est ambar, & lubne heremitarum: nisi hoc sit  
 nostrum ambrum, uel simul confundat in charabe ( ut ui-  
 detur ) nunquam apud Arabes inuenire potui. Tu alia  
 prosequaris, quoniam in charabe, id est, succino immodi-  
 cus uideor, licet non in necessarius. S E N. Gummi pini con-  
 sequitur. B R A. Præter resinam in pini truncis, gummi al-  
 bicans concrescit, quod à nobis pini gummi, à Gallis Gō-  
 me de pin nuncupatur : sed ob resinam in raro usu est.  
S E N. Ergo ad assam foetidam ueniamus. B R A. Quod Assa foetida,  
 nos laser, Arabes corrupto uocabulo assa dicunt, σ'λφιου Laser.  
 à Grecis nuncupatur. Vnum tantum genus apud Diosco-  
 ridem, & probos autores inuenio: uos autem pharmaco-  
 pole, & recentes duplex genus assæ facitis, foetidum, &  
 odoratum. Opus est apud antiquos experiri an hæc duo  
 genera inueniantur. S E N. Ego frequenter assam odori-  
 feram, & assam dulcem inueni, sed nunquam uidere con-  
 tigit. B R A. Recētes in assa dulci decepti sunt: nihil enim  
 apud probos autores etiam Arabes reperitur, quod dul-

cis assa nuncupetur. Ideo illi recētes aberrant, qui glycyrrhizæ succum arbitrantur, & perperam Rhasim interpretantur in capite de diminutione coitus: ubi inquit Altit, ipsi interpretatur assa dulcis, quā potius gummi assæ interpretari debuissent: sed hæc alias. Tu (ut inquis) foetidam assam uidisti, odoratam autem nunquā uidere contigit. **S E N.** Equidem. **B R A.** Et ego odoratā assam apud antiquos inuenio, sed ipsam ostendere nō possum: foetidā uero apud eosdē inuenire difficile est. **S E N.** Abs te quid hæc sint, libenter addiscam. **B R A.** Aliās putabam, quod à Dioscoride silphium, à Latinis laserpitium appellatur, duo complecti, uestram dictam assam foetidā, & belzoinum, itaq; à pueritia ferē imbiberam. Auicenna in causa fuerat, qui assam in foetidam, & odoratā distinguit: ipse Altit sua lingua dicit. Interpretes barbarus, non Latinus laserpitium scribere uoluit, & assam dixit, hoc nomen corrumpens, sicut cetera alia corrumpere assuetus erat: tamen Dioscoridem, Plinium, Galenum, Paulumq; confiderans, laserpitium non esse nostram assam foetidam, multis testimonij probari potest: si Plinium lib. 26. cap. 23. legeris, manifeste deprehendes silphium aut laserpitium in medicina & coquina ualere: nostra autē assa foetida in coquina nihil ualeat, imō omnes dapes corrumpere: & quamuis plura genera distinguat, id est, per uarias prouincias, in quibus perfectius & imperfectius nascitur. Idem facit libro 19. capite 3. ubi laserpitium inter ea, quæ comeduntur, enūcerat, & in utroque loco magnam existimationem ostendit, in qua laserpitium fuit, & ingens ipsius pretium. At uestra assa foetida in nulla  
existi

existimatione unquam fuit, & nunc non est, utpote cuius una libra decem Ferrariensibus solidis ematur, qui sunt uiginti Veneti. Dioscorides quoque inquit radicem eius commendari sapore ad intinctus & iusculēta, & garum. Idem sentit ad cibaria esse utile laserpitium Theophrastus lib. 6. de plantarum historia: ut hæc omnia ostēdere uideantur uestram assam foetidam, non posse laserpitium, aut silphium antiquorum esse. Adde laserpitiū colorem modicè ruffum habere, translucentem, & redolere myrrham, habereq; intensum odorem, sed nostra assa foetida omnia in oppositum habet: quare assa foetida laserpitium esse non potest. Belzuim uero ita à nobis uocatū, antiquorum laserpitium esse uidetur: nam commendaretur inter cibaria, & credēdum est arboris radicē ex qua colligitur, odoratas dapes reddere posse: unde animus inclinat laserpitiū lachrymā illam esse, à nobis belzuinū appellatū: hi enim qui triremes & Lusitanorū celoces ascēderunt, arborem, ex qua belzuinum colligūt describētes, laserpitium Dioscoridis aut silphiū exquisitē describūt, præter id quod ipsimet ab ipsa ueritate coacti belzuinū laserpitium appellant. Serapio etiam inter Arabes laserpitium sub nomine Aniudem, id est, assæ tradens, ea tantum dicit quæ à Dioscoride & Galeno de ipso scripta relinquantur. S E N. Ergo de nostra assa foetida antiqui nusquam loquuti sunt? B R A. Dum tecū loquor, in ipsam incidere uideor, & quid sit apud antiquos, præsentatur: unde quum laserpitiū ex Syria, Armenia, Media, Aphrica, & India conuehatur, quod ex Aphrica, Armenia, & India affertur suauissimum odorem habet, præsertim



Cyrenaicum: unde & opus Cyrenaicus, id est, succus Cyrenaicus appellatur. Medicum uero, & Syriacum, id est, quod ex Media & Syria affertur (ut Dioscorides inquit) uirosum odorem habet, & putrilaginē resipit, hoc est nostra assa foetida: quoniam ex Syria Alexandriam, & Alexandria Venetias fertur. Obscurum uero colorem habet, quoniam adulteratur etiā addito sagapeno antequā arefcat, & simul etiam terra: unde si recte odoraueris, sagapeni odorem persenties. Sapiit enim (ut optime dicebat Mesue, & falso à quodam uiro reprehenditur) allij quadamtenus odorem, & à Dioscoride etiam dicitur sagapenum medium odorē habere inter laserpitiū & galbanum. Ideo opus erat laserpitium Syriacum sagapeno adulteratum, sagapeni odorē habere, & suum uirosum: propterea non mirum si adeo foeteat. Assa igitur ab Auienna non ab re in foetidam & odoratam distinguitur: unde & Laserpitium duo complectetur secundum uarias urbes, & ut diuersis locis nascitur: quod nos belzuinum uocamus ex Aphrica & Armenia fertur, ut Dioscorides inquit. Adde tu & ex India: uestram autem assa foetidā ex Media & Syria comportant: tamen utraque laserpitium dicitur. Nam laserpitium lachryma est ex incisara dice, & caule Silphij: primum ad usum mensarum est, secundum minime: quamuis credendum sit oues radice, & herba secundi generis uti posse. Succus qui est è caule (ut Plinius inquit) caulias dicitur: qui autem à radice, rizias. Inspissatur fursure & farina: propterea in belzuino frequenter quasi grana fursuris uidentur. Cyrenaicum summè laudatur: ideo absolute opus Cyrenaicus dicitur,

dicatur, uel simpliciter, opos, aut simpliciter Cyrenaicus. In tua officina folia, radices, caulem, & lachrymam habere studeas: primum uocant masspeton, secundum magdarim, tertium silphium. Lachryma uero, laserpitiū, & silphij succus uel lachryma appellatur. S E N. Hæc ne certe tenes? B R A. Inclino nunc, aliàs hanc rem ad oculum tractaturus: nec admiratione afficiaris, rem foetidā inter intinctus & cibaria ad saporem gratiorem accommodari: quoniam quandoquidem & nos allium, cepas, porrum inter cibaria delectamenti gratia miscemus, quæ tamen re uera foetent, nec omnia antiquorum quæ odorata dicuntur, grato odore redolent, aut omnia sapida ab ipsis laudata. Quandoque Virgilianum Moretum parari iussi: impossibile erat etiam maxime rusticum comedere. Nonnunquam etiam aliqua Plinij ungueta parauimus, quæ graui odore offendeant potius, quàm delectarent. Ideo non mirum si laserpitium Syrium inter cibaria pro delectamento poneretur, præsertim radix, quæ aliū odorem habere debet, quàm illa lachryma fortè stercore adulterata: imò & à stercore nomen illi dedere Germani, *denfels drick* dicentes, id est, stercore diaboli, quo nomine nos uulgò solemus appellare petraleum. S E N. Galbanum sequitur. B R A. Ab albedine nomen sumpsit Galbanum: quod autem nos habemus, mixtum est, ut putarim adulteratum esse. Tanto uero purius est, quanto magis albicans. Similitudinem thuris habere debet, aut ammoniaci. In Dioscoridis codicibus thuris solum legitur: à Plinio additur, & ammoniaci. In Dioscoridis codice, ammoniaci deesse arbitror, non ob hoc quia Plin-

nus illam particulam addiderit, sed quia Serapio Dioscoridis uerba in galbano adducens, ammoniaci addit, & res ipsa ita esse ostendit: raro enim thuris similitudinem habere uidi, frequentius ammoniaci: quanquam & ammoniacum thuris similitudinē habeat, quia ita concretum sit. Hæc igitur optimi galbani indicia sunt non eius quo utimur, quod uel adulteratum, uel fæx boni est, similitudinem thuris habeat, uel ammoniaci, grumofum sit, purum, pingue, minime lignosum, & in quo nonnihil seminis ferule admixtum sit, odore graui, non multum liquidum, nec multum aridum. Quod autem nos habemus lignosum est. Ex Syria Alexandriam, postea Venetias portatur. Venetijs quandoq; pulcherrimum uidimus. Miror autem quam habeat grauem odorē, cur ab antiquis inter unguenta numeretur, ut Plinius primo capite libri 13. testatur: ueram id forte fecerit, ut grauius acutioribus miscētes, tertium quoddam perfectum odoratumq; inuenirēt. Nam, ut eo etiam loco manifestū est, cōpositionem odoratam ex fenugræco parabāt, quod grauem odorē habere nemo dubitat. Aut igitur (ut prædiximus) grauius acutis permiscētes, medios quosdam odores fugebant: aut quæ nobis graucolentia, antiquioribus bene odorata uidebantur. **Bdellium.** **S E N.** Bdellium sequitur. **B K A.** Bdellium apud Grecos unum est, per regiones quibus innascitur, secundum perfectius & imperfectius distinctum. Apud Arabes duplex molechil, id est, bdellium reperitur, de quibus tanquam de diuersis rebus Serapio capite 117. & cap. 194. pertrahauit: quamuis Auicenna eodem capite utrunque confundat. Quam tamen bdellium primū Serapionis genus fuit

nus fructus sit, qui maturatur in Mecha, in Hispania minime, non est idem cum bdellio Dioscoridis, sed secundum Serapionis bdellium cum Dioscoridis bdellio idem sunt: primum enim Serapionis bdellium, est genus palmæ. Aucenna bdellium antiquorum in Arabicum & Iudaicum distinguit. Dioscorides tria genera facit per regiones, & colores diuersa. Primum genus Sarracenicum est, id est, ex Libya allatum: ea enim parte homines Sarraceni uocantur. At quia hoc uocabulum Sarracenicum, Hermolao, Dioscoridis tempore extasse non uidetur, propterea Sembracenicum legit: quoniam Aphricani, qui uersus Aethiopiam habitant, nondum Sarraceni dicebantur. Marcello placuit, ut Scythicum & Arabicum legeretur. Tamen nomen hoc Sarracenicum antiquissimum est, & antiquior Dioscoride Sarracha urbs est: imò duæ sunt hoc nomine insignitæ urbes, ut apud Cosmographos patet: una in Media, altera in Felici Arabia. Adest & Sarracha post Nabathæos, unde Sarraceni. Quod uero fingit Hermolaus Aphros nondum dici Sarracenos, uoluntarium potius est, quam certa ratione dictum. Tamen ego in Dioscoride Bactrianum legendum putauit, quod à Plinio capite 9. duodecimi libri dicitur. Serapio Arabicum in Dioscoride legit, hoc est perfectius: propterea non ab re legendum fortè est Sarracenicum, à Sarracha urbe Felicis Arabiæ, non à Libya, ut fingit Hermolaus. Probatur uero his indicijs uerum bdellium, quod amarum sit, translucentum, glutini taurino simile, in profundo pingue, & quum tractatur lentescens, sine ligno, sine sordibus, quum incenditur odoratum odore marini unguis. Hic locus

interpretes perturbauit, quia Hermolaus odore marini unguis in Dioscoride interpretatur: Marcellus autem humano ungui colore simile exponit. Græcus codex, quem habeo, & plures alij, quos legere uolui dicunt, ἐὺωδὲς ἐν τῇ βουρῶναι, ἑσικος δὲ χυλ, id est, bono odore quæ accenditur, simile ungui. Duo me mouent, ut potius Hermolaus consentiam, quam Marcello. Vnum est, quia unguis colorem habere non debet bdellium, nec Dioscorides de unguis colore quicquam dicit: alioqui idem cum myrrha uideretur. Nec Plinius hoc animaduertit de colore unguis, quod erat summopere obseruandum. Aliud est, quia Serapio in pluribus Dioscoridis interpretes eius uerba referens, inquit: Accensum blactæ Bisantie odorem habere, sunt autem marini ungues. Nos hoc genere bdellij caremus, quia nostrum amarum non est: unde frequenter inclinaui animum, ut gummi, pro quo myrrha utimur, hoc bdellij genus sit, ex Aphrica Alexandriam & Venetias comportatum, quia amara est, & alias notas habet. Noui postea illud esse quod ex Arabia petraea, & quandoque India affertur: quod uero nos pro bdellio utimur, adulteratum est. Ita deprehenditur, quia nō est amarū: & si accendatur, gummi odorem redolet. Contigit tamen mihi semel uerum bdellium & ueram myrrham uidere Venetijs in officina Campanæ, id est, hæc duo exquisita. Quod si arguus, nostrā myrrham bdellium esse nō posse, quia odorata non sit, dicemus Indicum, & ex Arabia petraea petiitum grauem odorem habere, qualem habet nostra myrrha. Sed hæc alijs. Hispani bdelliū uocāt. s. e. n.

Lacca. Lacha sequitur. B. R. A. Duplici e, potius scribendum cenfeo,

cenſeo, quamuis hoc ad rem cognoscendam nihil faciat, ſi caput Serapionis de lacca perlegeris, idem eſſe cum Canchamo Dioſcoridis & antiquorum iudicabis. Inquit **Canchamum.** enim eſſe gummi arboris, quæ naſcitur in terris Arabi, & eſt in ea ſimile myrrhæ & ſtyraci: habet uirtutem extenuandi, ſeu macrefaciendi pingues. Eadem de canchamo ſerè à Dioſcoride dicuntur. Inquit enim: Canchamum eſt gummi Arabice arboris, myrrhæ quadatenus proximum, & uiroſo in guſtu, odore ſentitur (hoc à Serapione prætermittitur.) Eam ad odorem incendunt, & uaporant ueſtes additis myrrhæ & ſtyrace, eiusdem fumo etiam uaporant. Serapio autem non ſcripſit uaporare ueſtes, ſed in ea eſſe ſimile myrrhæ & ſtyraci. Neſcio an fuerit Serapionis interpres aut librarius, uel ipſemet Serapio qui imperſecte Dioſcoridē adducat. Additq; Dioſcorides, naturam eius narrans corpus obefum leuandi onere, & ad maciem reducendi. In reliquis ita etiam conueniunt, ut nullus ſanæ mentis dubitare debeat canchamum Dioſcoridis, apud Serapionem laccam eſſe. Poſtea Serapio Galenum adducit de canchamo ſecundum interpretationem Athabarith. At ego nuſquam Galenum reperi de canchamo ita loquentem. Quum autem uerba quæ adducuntur, Pauli Aeginetæ præciſe ſint, ob id arbitror, quod aliàs cogitaram, & animaduerteram uerum eſſe ubi Serapio adducit Athabarith, Pauli Aeginetæ uerba eſſe, non autem Galeni. Sed ille Athabarith interpretatus eſt Paulum, ac ſi Galenus ſit, & ita à Serapione receptū eſt. Tu ipſe Paulum de canchamo, & Serapionem de lacca ſcribentes ſi legeris, eadē præciſe uerba ab ipſis dici animaduert-

tes. Verum gummi illud, quod uos habetis, non esse lacca Serapionis, aut Dioscoridis canchamū, ex hoc deprehenditur, quia odore caret, & si ad suffitus utamur non redollet, imo styrace & myrrha additis, si uicētes suffumigentur, in odorem nihil addit, nec aliquam habet cum myrrha affinitatem. Si autem canchamum esset, uetus, in odorum, & fecem potius canchami, quam canchamum dici oporteret. Scito autem tria hoc nomine lacca nuncupari. Vnum est, uerum Dioscoridis canchamum. Alterum, grana quædam arte facta, quæ Venetijs uirgino parantur, aut cocco, & alijs nonnullis: hac potiores utuntur. Est & tertia lacca, ex qua ruber color fit, qui uulgò carmesinus appellatur. Ex his Serapionis error detegitur, qui simul cum lacca, quæ gummi est, & cāchamum apud Dioscoridem, laccam, quæ chermesim uulgò dicitur, confundit, ex qua floridus ruber fit qui charmesinus nuncupatur. Quippe Dioscoridē & Galenum adducit de prima lacca loquentes: postea eodem capite, Rhasim, Athabarith, Isaacq; adducit, qui de altera lacca, quam è coelo uenire inquit, & qua tingitur, loquuntur. **S E N.** Alij Arabes decepti ne sunt? **B R A.** Auicenna grauiori lapsu cadit: nam de lacca caput facit, quam gummi esse facit, & præcise Paulum Aeginetam ad uerbū ferē adducit. Postea aliud caput facit de Cheichen, ubi oculata fide deprehenditur canchamum describere, & eius proprietates assignare, quāuis per alia uerba incedat, quā ab autoribus canchamum describatur, re autē uera idem sunt. **S E N.** Gummi Cedri sequitur. **B R A.** Ex cedro ingentiſſima arbore plurima habentur. Cedris ( ut inquit

Gummi Cedri.

inquit Plinius ) est pix, uel resina , uel lachryma cedri.  
 Quod circa stipitem induruerit, gummi est: dum tenel-  
 la est, resina dicitur. Pix uocatur, quum è teda eius accen-  
 sa fluxerit. Multæ gentes, Cedria ui ignis è teda sumpta  
 pro picc utuntur: quando pix paratur, primus succus qui  
 fluit in canalem, & est ueluti aqua, Cedriū dicitur. Alter Cedrium,  
 liquor, qui mox fit, pix appellatur. Venetijs & gummi Pix.  
 cedri, & cedriam emere poteris, & fructus cedri condi-  
 tos, qui cedrides uocantur. Cedria etiam dicitur oleum ce- Cedria.  
 drinum, quo antiquitus ad perpetuandas res inunctas ute-  
 bantur. Vnde carmina, & sapientum consulta digna ce-  
 dro. Oleum hoc in lucernis positum lucē magis splenden-  
 tem & fulgidam ceteris præbet, sed eius fumo capitis  
 dolorem mouet: fructus eius in myrti magnitudinem cre-  
 scit. SEN. Viscum sequitur. BRA. Apud recētes hæc Viscum,  
 nomina reperio, uiscum quercinum, uiscum aque aptum,  
 uiscum soli aptum, uiscum Romanum, & uiscum absolu-  
 te. Viscum Romanum compositionem catapotiorum de Viscū Romanū  
 colocynthide ingreditur: recentes quid sit, interpretari  
 conantur, dicentes esse gluten Romanum, id est, masti-  
 cem. Qui magnopere aberrant, quia nusquam apud ali-  
 quem probatum autorem uiscum Romanum inuenitur:  
 & quod masticem significet, & in compositione Mesue  
 iterū errant: nam in alijs codicibus & antiquissimo Me-  
 sue legitur, absinthium Romanum, non uiscum Romanū.  
 Nescio ego (nisi gratia librariorum fuerit) unde tam su-  
 pinus error emanauerit: sed ad uiscorum genera acceda-  
 mus. Viscum aque aptum, arte paratum est, aucupes eo  
 utuntur, melle aliqui parant, alij oleo nucum, alij oliuarū,



ita nuncupatur, quoniam & si pluerit, non impeditur, quin aues irretiatur, & quoniam sub aqua eo utuntur, ut nonnulli ad capiendos pisces usi sint, fit hoc uiscū ex sebestem in Syria, deinde aut recto cursu Venetias, aut prius Alexandriam, postea Venetias fertur, sed raro bonum inuenitur. Quae autem nos sebestem uocamus, illi myxa dicunt, & ita ab antiquis sebestem myxa dicebatur. Tamen & ad usum aquae uiscum commune parant, uel pro aquatilibus auib. Nam uisco Damasceno dicto utuntur aucupes ad omnes aues, aquatilibus demptis: sed factō ex sebestem etiam ad aquatiles aues utuntur. Viscum uero soli aptum a nobis ita uocatum, ab alijs Damascenum, ex acinis uiridibus fruticis cuiusdam fit, qui supra arbores nascitur, a Graecis ἰσὸς dicitur: semper autem supra arbores nascitur, ut a poeta in hunc modum decantatum sit:

Quale solet syluis brumali frigore uiscum

Fronde uirere noua, quod non sua seminat arbor.

Semper etenim uiscum buxi folio, supra alienas arbores uiret. Ingens copia in Italia est, in Gallia, & Germania: unde non possum non mirari pro uisco Damascum petere, quum hic prope sit. Acini uirides nascuntur: hos aliqui ore sumentes, quia dulces cortice nudant, mox excoquunt, & pmsunt, adeo ut id corpus reddatur, quod uiscū dicimus: hoc etiam aucupes ad aues omnes capiendas utuntur, aquatilibus demptis, & ideo uulgo uiscum soli aptum dicitur, & ab aliquibus Damascenum. Plinius libro decimosexto capite ultimo, uiscum supra quinque arbores tantum nasci censet, quercum, robur, ilicem, prunum syl

num syluestrem, terebinthum. Dioscorides duos addit, málum, & pirũ: nos uero addimus mēspilum, cotoneũ, & salicem: quod summo studio obseruauī, quum M. D. XXVIII. in Galliam cum illustrissimo principe, ac patrono meo HERCVLE ESTENSE proficiscerer, ut illustrissimam RENATAM coniugio sibi iungeret. Supra omnes ferè arbores uiscum obseruauī, imò & supra uitem, ut inde coniectatus sim supra omnem arborem nasci posse. Qui autem uiscum, stercus esse turdellæ subactum arbitrantur, quia apud autores reperitur turdellam sibi uiscum cacare, & sibi pedicas ac mortem parare, longe decipiuntur: quippe uiscum nunquam nascitur seminatum, aut plantatum, sed hoc modo frequens fit. Turdellæ, uel turtures, uel turdi (est autem in genere turdi turdella) uisci acinos comedunt, mox cacant: uiscum supra eas arbores nascitur, supra quas cacarit: unde nasci non potest, nisi digestionem quandam in huius auis uentriculo nactum sit. Quum supra omnes arbores excernere possint, etiam supra omnes uiscum crescere nihil impedit. At supra quercum frequenter inuenitur, imò hoc supra quercum inuentum apud Gallos in honore erat. Quam ob rem ob excellentiam etiam absolute Quernum uiscum nuncupatum est: secundum arbores, Viscũ quernũ, supra quas nascitur differentiam habet, è robore amarum est: dryos hyphear uocant, quod è quercu est. Alii qui per duodecim dies grana aqua macerant, postea pinunt. Decipiuntur qui putant homines grana uisci comedere, & eius stercus uiscum effici. Nascitur & supra radices arborum, ut Dioscorides tradit, & nos uidimus fre-

quenter, sed detectæ sunt, ut uice trunci fungantur. Fit ta-  
 men & uiscum ex radicibus quibusdam maceratis ut ex  
 hibisco, nos uulgo maluaueschium nuncupamus: propter-  
 ea a Poëta dictum est, aues fallere hibisco. Reperitur  
 & apud Plinium, uiscum radicem quandam esse ueneno-  
 sam, a Græcis ἰζία nuncupata, ut in uocabulo deceptus  
 uideatur Plinius, nam Græci uiscum ἰζία appellat: ἰζία  
 uero affine huic uoci ἰζία est. Ideo uel in nomine dece-  
 ptus est ob similitudinem, uel sibi placuit, id etiam inter-  
 pretari uiscum: quia nomen Græcum similitudinem ha-  
 bet cum uisco. Leonicens in epistola ad Monochium, Pla-  
 nij errorem in hoc nomine ostendit ἰζία: aut non erra-  
 uit Plinius, quoniam pro eo nomine ἰζία uiscum inter-  
 pretari uoluit, quia omnino nomen est à uisco, quod ἰζία  
 dicunt, deductum: quo loco etiam ostendit ixian diuer-  
 sam rem esse à Chamelcontis nigri radice. Vnde Plinius  
 excusari potest: imò & Auicenna, qui de uisco quarto ca-  
 none agens tanquam de ueneno, ea dicit, quæ de ixia à  
 Dioscoride scripta sunt, & hoc in re ipse & remedijs.  
 Sed recentes turpi errore delinuntur, putantes uiscum quo  
 aues salimus, uenenum esse, & id esse quod à Plinio &  
 Auicenna inter uenena tractatur: sed hæc omittantur,  
 uipote à Leoniceno præcitata epistola diffusè scripta. A  
 Gallis uiscum, gluy de chesne: à Germanis uogelleim, id  
 est, auium gluten dicitur, & ita absolute uiscum uocant:  
 habent autem aliud nomen eichel missen, quo uiscum  
 quernum significant. S E N. Colla piscis sequitur, &  
 gluten. B R A. Hæc duo nō ab re simul copulasti: quod  
 nim Græci colla, nos glutinum appellamus: fit ex corio  
 piscis

Colla piscis &  
 gluten.

piscis colla: alij ex uentre fieri dicunt, & ichthyocolla uocatur, quasi piscis glutinū, apud nos uulgò colla de pesce nuncupatur. Accidit enim plerunque in nostro uulgato idiomate, Græcum nomen notius esse Latino. ut in urina & lotio deprehendi potest: si uero ex corijs, & taurorum auribus fiat, Gluten taurinum dicitur: nos uulgò collam garauellam uocamus. Gluten taurinū Fiunt & glutinorum plura genera, ut ex pellibus anguillarū, ex pellibus hœdorum, ex caseo, ex piscibus pluribus, per decoctionē talem quousq; ferè liquecant & glutina sunt: tamen excellentissimum est ex taurorum & boum pellibus ac auribus: quod Aristoteles libro de animalibus tertio, animaduertit, ubi inquit, in omnibus corijs esse mucosum quendā lentorem, sed in aliquibus minor est, in aliquibus maior, adeò ut in bubus sit maior lentor, propter id colla fit. Sunt & alia genera apud nos, ex farina & aqua, ex farina, aqua, aceto & oleo, ex farina, caseo & aqua, ex Tragacantho, & alijs pluribus, quæ omittere decreui, ne in immensum crescat opus. Tu in tua officina duo genera habere studeas, quæ ad rem medicam proficiunt, gluten piscium ichthyocolla à Græcis dictum, & gluten absolute, quod gluten taurinum ab autoribus, à nobis colla garauella nuncupatur, qua nihil tenacius. Tu hoc genus Taurinū parare poteris Ferrariæ, & facile. At ichthyocollam Venetijs emes, ubi magna copia est. S E N. Audiui ex piscium intestinis collam piscis fieri. Id ne putas? B R A. A quibusdam recentibus asseueratur. Ego autem ex corio dorsi, & uentre fieri uidi, quanquam & ex intestinis etiam parari nihil impediat. S E N. Quo nomine piscis ille appellatur? B R A. Ichthyocollam nominari supra

docuimus, cuius corium, uenter, & omnes fr̄e partes glutinosa sunt. Vtrum ex alijs pluribus piscibus fieri potest, imò ex omnibus, sed non ita tenax: quin & ex uitulorū, taurorum, & maxime suum pedibus à nostris quandoq; colla quedam satis tenax sit: sed hæc alijs dicentur. A Germanis gluten, leim, ab Hispanis grudes, à Gallis colle nuncupatur. Ichthyocollam uero Galli colle de poisson, Germani fischaleim, id est, piscis collam uocāt. Alia prosequaris. S E N. De his gummi satis iam dictū est, mihi summē placeret, priusquam cœnæ hora incumbat, ossa percuatere, quibus in mea officina indigeo. B R A. Et ossa in officinis habetis? S E N. Equidem, & quæ uarias compositiones ingrediantur. B R A. Eia tua hæc ossa exerant. S E N. Ossa mea in me sint, & diutius tectâ carne persecutent. Alia solam prosequar.

## DE OSSIBVS, QVORVM in officina usus est.

SENEX.

Os dactylorū.



S. DACTYLORVM primum locum sibi uendicauit. B R A. Quid est os dactylorum? Ego nunquam in palmulis os inueniri didici. S E N. Anima dactylorū. B R A. Adhuc grauius erras: semē potius dicito. Nescio unde uenerit quod uulgus nostrū omnia semina animas uocat, fortē quia in medio fructus sunt, sicut animā in medio corporis esse arbitrantur

trantur, aut quia semine progenerantur arbores. Quāvis autem in alijs semen dici possit, in palmis nucleum dicere consueuerunt auctores, de quo in fructibus plenè edocuimus. S E N. Deinceps non os, sed dactylorum nucleum uocabo. B R A. Probè egeris, sed meliora ossa interim prosequaris. A Gallis os de dantes, ab Hispanis yuesses de tamaras, à Germanis datelken eadem significatione nūcupatur. S E N. Os de cornu cerui sequitur. B R A. Et hoc æquè os est sicut primū, nam cornua ab ossibus distincta sunt: quamuis ceruinum ita solidum sit, ut serè ossis naturam habere uideatur: sed ne in hoc esse sollicitus sis, nam quum Illustriss. Princeps HERCVLES ESTENSIS uenatorum optimus ceruos figet, mihi cornua impartiri curabo, quæ tua erunt. Illa autem habere ne cupias, quæ nonnullis annis mutant: quoniam nusquam & nunquā ab aliquo inuenta sunt, ut in prouerbium cesserit pro his rebus, quæ nūquam inuenire liceat. A Gallis os de corne de cerf, ab Hispanis yuesses de cuerno de cieruo appellatur. S E N. Illustrissimo principi, & tibi semper debebo. Os de corde cerui sequitur, quod si ab Illustrissimo principe enancisci potero, tibi & illi immortales gratias semper habebo. B R A. Nec istud os est, sed ossea quædā cartilago: priusquā uero de hac edisseram, opus est cornu cerui uistum in officina habeas: & Dioscorides 2. lib. docet sectum sit in assulas, & in ollam operculatam positū luto circūlitam, donec albescat uri debet, postea ut Cadmia lauandum. Multi hoc agentes pro spodio uendūt. Ad os de corde cerui redeunt, Venetijs bubulum aut uaccinū os quoddam uenditur, quod uerè os est, etiam ingēti pretio.

Os de cornu  
cerui.

Os de corde  
cerui.

pro osse de corde cerui. Ego duo corda cerui aperui: unū, statim eo mortuo, nervus quidā aut cartilago nervica apparuit, non multum dura in crucis modum, quæ nervi durit. em præ se ferebat: iterum aliud cor aperui per sex dierum spatium interfecti, nervica illa cartilago durior ualde erat, & tēsa, tali ferè figura, quali Venetijs os de corde cerui uenditur, id est, os illud bubulum uel uaccinum, quod pro illo uendunt. Illius nervi uis apud antiquos non reperitur, minuiq; in confortando & reborādo corde ualere arbitror. A Gallis os de cucur de cerf nuncupatur.

Blattæ bizantiæ.

**S E N.** Blattæ bizantiæ sequuntur. **B R A.** Nomē hoc blattæ bizantiæ, nec Arabum, nec Græcum, aut Latīnū est: nescio unde Scrapionis interpres illud inuenerit. Quippe blatta cum uermiculum significat, quæ à nobis tarma dicitur, pannos & res alias corrodens, & blatta pro purpura accipitur: unde blattæus color, medius inter album & purpureum. Forè bizantiæ dictæ sunt, quia apud Bizantiā, id est, Constantinopolem colligantur, tamē quæ ibi nascuntur probatæ non sunt, sed tantum quæ in India circa pabules ubi nardus erit, & ostræa illæ nardo pascuntur. Quæ etiam à rubro mari aduehantur, præcipuam auctoritatem habent: quin & Babylonia afferuntur. Apud Dioscoridē unguis odoratus est, de quo 2. lib. agit, cap. x. sunt conchyliorum crustæ, & conchæ, colore subcandido: quæ ad nos afferuntur, albescētes quidem aliquas habēt, sed & nigras. Ratio est, quia Babylone Alexandriam, & Venetijs portantur. Nigricāt Babylonicæ ungues, ut Dioscorides censet. Quos nostri pharmacopole Venetijs emunt ungues, ex fossa Clodia inuēta conchyliā arbitror.

quæ

que non solum non redolent accensa, sed plurimum foetent. Græci simplici nomine ὄνυξ, id est, unguis uocant: Latini ostracum, uel unguem odoratum. Laudarem ut non emeretur, nisi odore probares, quia aliqui ungues Venetias afferuntur probati. Alia ossa prosequaris, nam hoc ita os est, sicuti caro os. SEN. Nihil refert, ex duritie ossa appellari. Iamq; ossium finis est. BRA. Tam paucis ossibus utimini? SEN. Non pluribus. BRASA. Expediet in propinquum illud castrum proficisci, ut tutè & quietè pernoctemus. SEN. Citò proficiscamur, ut cras summo mane surgentes, ad fodinas properemus ad metalla sumenda, ubi cuiuslibet generis portionem nobis necessariam sumemus.

DE METALLIS, QUORUM  
in officinis pro re medica  
usus est.

HERBARIVS.



ME O labore frustrari uideor, quoties herbas, radices, aut semina prætereo. Nunc gestit animus, quoniã ut metalla effodiam, illius môtis cacumen ascensurus sum. BRA. Arbitraris forsitan ita euelli Metalla sicut herbæ? HER. Ignoro. Audiui tamē homines diu excauare, quoad ipsa inuenerint. BRA. Inueniunt quidē excauantes, sed terræ mixta, mox igne probatur, & à sordibus diuelluntur. Senex noster adhuc dormit.



S E N. Imò nuper experrectus quid cum Herbario loque-  
 baris, audiebam. Citius quam fieri possit, illius mōtis ca-  
 cumen superemus, ne solaribus radijs percussi uramur.  
 H E R. O quot instrumēta, quot machinas, quot caminos,  
 quot homines, qui labori incumbunt. B R A. Omnia pro  
 metalis parata sunt. Hic aurū euellit. S E N. Et hic pu-  
 rum & desecatum redditur. B R A. Tibi purum aurū hic  
 emas: quoniam principum igne uita, & innata quadā bo-  
 minum auaritia, nunc obrizum illud, id est, desecatissimū  
 non habetur, sed omnes monetas adulterant, ut nulla nūc  
 sit præter fraudem. Veneti etiam, quorū moneta proba-  
 tissima erat, scutos (ita enim appellatur impuri auri mo-  
 neta) eudere ceperūt, & omnes Italiae principes sequuti  
 sunt. Tibi ergo obrizum, id est, desecatissimum hic emas,  
 ne ardentium aquarum ui & ignitarum ab alijs metallis  
 segregare cogaris: quamuis rarissimus sit apud antiquos  
 eius in re medica usus. Solus Plinius inter antiquos ad  
 puerorum uulnēra ualere censet, ut minus noceat: quippe  
 multa sunt ad uulnēra magis efficacia, sed aurum minus  
 mordicat, fistulas sanat, & lychenas. Serapio & Auicē-  
 na ad melancholicas ægitudines exhibent, in puluere re-  
 daclum: quos recētes ferē omnes imitātur. Arbitror ego  
 ut melancholicis gaudium inferatur, pelui aurearum mo-  
 netarum donandos esse, itaq; melancholico humore po-  
 tius priuabuntur, quā auri puluere deglutito. Nempe  
 de quibusdā medicis summopere miror, qui ut uires ani-  
 males ægris augeant, & cor (ut dicunt) confortent, &  
 exhiberent, aureas monetas inter capones decoqui iubēt,  
 ex quibus nihil aliud absumitur, quā multarum manū  
 sudor,

*sudor, quæ ipsæ tractant, inherens. Arbitraretur potius aurum perniciosam naturam habere, ut cetera metalla, quia nihil aliud est aurum, quam argentum uiuum purum condensatum, purissimam sulphuris partem actu recipiens. Quam ob rem aurum in honore habetur: quia gaudeamus possidentes, adeo stolidi effecti, ut rubram terram existimemus, & albam: nam argentum & aurum nihil aliud sunt, quam terra rubra & alba. Argentum enim est uiuum argentum purum condensatum, sulphur potentia mixtum habens: quod ex hoc deprehenditur, quia si tractetur, sulphuris odorem spirat: non est autem actu, alioqui auri colorem habuisset. Et hoc etiam purum hic emes: quoniam maxima Italiae principum discordia argenteas monetas adulterari fecit, & ære ad quandam normam menscentur, quod etiam Veneti in suis perfectissimis monetis fecere. Hæc autem aliis deploranda sunt. Futurum autem speramus, ut monete in puram metallorum perfectione reuertantur, ut sub diuersis Imperatoribus factum esse Annales testantur. Aurum à Gallis or, ab Hispanis oro, à Germanis Gold nuncupatur. Germani uero argentum silber, Galli argent, Hispani plata uocarunt. **SEN.** Calcecumenon sequitur. **BRA.** Quid illud est, quod calcecumenon dicis? **SEN.** Aes uisum. **BRA.** Vocabuli corruptio fecit, ut intelligere non possem: quippe dicendum erat chalcos cecaumenos, id est, æs uisum, de quo Galenus prope finem noni libri de Simplicium medicamentorum facultatibus tractat, & Dioscorides quinto libro. Aes notissima res est, & quomodo aduratur norunt omnes. Ex eo adustum serua, & quam uos æris batituram nuncupa-*



Calceum  
menon.

tis, Græcè *λεπίς χαλκός*, Latine *squama æris* dicitur.  
 Squama ex malleorum percussione decutitur, quæ du-  
 plex est, lota, & non lota; laudandi modum Dioscorides s.  
 libro ostendit. Pari modo & ferri squamam, & chalybis  
 squamam, & æris, ferri, atq; chalybis scoriā, in officina  
 Scoria, habere oportet: est autem scoria Latine recrementum,  
 uulgò caturam appellatis. Decipiuntur qui scoriā di-  
 ctam putant quasi corium, ut squamule sint, quæ ex per-  
 cussione eleuantur: quoniam illæ propriè squamæ dicun-  
 tur, & Græcè *λεπίς*. Nec plumbi scoriā despicito, imò  
 & uisum, & nō uisum plumbum seruatō, & uisū ablu-  
 tum partim, partim nō ablutum sit. Quomodo hæc fiat,  
 a Dioscoride luce clarius edocemur. Inter squamas, par-  
 tem squamæ æris subtiliorem, quæ in superficie est, &  
 crassiorem serua. Crassior pars propriè squama dicitur,  
 subtilior stomoma nuncupatur: præter hæc æris florē ha-  
 bere citabis: Græcè *χαλκός σέφος* dicitur. Decipiuntur  
 qui eruginem æris, florem æris putāt, qui error plurimū  
 est pharmacopolarum, sed nihil hoc referret, nisi & pro-  
 batissimi uulgò medici cū eisdem sentirent maximo agro-  
 rum incommodo: est autem flos æris, ut Dioscorides in-  
 quit, & Plinius lib. 34. cap. 11. id quod sponte fuso ære,  
 & in aliis fornaces comportato cum flatu crebriore,  
 excutitur ueluti squama, sed uidetur tanquam granula:  
 differt uero a squama, quia ipsa fit dum æs percutitur,  
 sed sponte prosilit flos: optimus est flos friabilis, & qui  
 ruffescit in attritu, & exiguis granulis ueluti grana mi-  
 Aëris erugo. lij cōstat. Ex ære præterea eruginē habere stuleas, qua  
 a recentibus uiride æris appellatur. Apud Dioscoridē &  
 Plinium

Plinium præcitat<sup>is</sup> locis, quomodo fiant uarijs etiam modis edocemur, & de naturali, & de æruginè rasili, & scolécia, & usta & non usta. Tu hos autores cōsidera, ni pigueris: nō enim opus est quæ ab illis exquisitè dicuntur, enarrare. Præter æris æruginem, quæ à Græcis dicitur, ἰὸν ῥυσιον, à nostris uulgaribus uiride æris, etiam ferri æruginem habere studeas, & chalybis: quāuis nihil aliud chalybs sit, quàm depuratū & defecatum ferrū: arte sit, si natura perfectum nō sit. Eos etiā derideas, qui æruginem plumbi haberi uolunt, ut quidā amicus noster in foro absq; ratione cōtendens. Nam plumbū (ut philosophi docent) æruginè penitus caret. Reliqua prosequaris.

SEN. Ex his quæ meo ordine in hac schedula digesta sunt, plura inter loquendū enumerasti, quæ ab Herbario prætermissa non sunt. HER. Nihil ego prætermisi, sed ipse aliarum gentiū nomina edocere desijt.

BRA. Mēte exciderat, tot simul confuderamus: tamen ne laborē subterfugere uidear, Plumbū ustū à Germanis bleigebraad, à Gallis plong bruslé nuncupatur: Germani uero kupfer schlag, batituram æris uocant. Flos æris à Gallis uert de gris, ab Hispanis cardenillo dicitur.

SEN. Argentum uiuum sequitur. BRA. Hydrargyron à Græcis, quasi aqueum argentum dicitur, à Romanis ex motu uiuum argentum, nunc in maximo usu est pro gallica scabie sananda. De eo prius dicendum erat, quoniam fomes & materia omnium metallorum sit. In Hermolai Barbari sententiam inclino, quod argentum uiuum minerale, & naturale sit, Hydrargyrum arte factum. Tamē apud autores tam Græcos, quàm Latinos nomina cōfundi inuenio.

Argentum  
uiuum.

Argentum uini  
quatuor genera.

An calidum, uel frigidum sit, adhuc certant autores, & illis sub iudice est. Nos re probe suo loco aperiemus: quod etiam uenenum sit contendunt recentes ex Dioscoridis & Plinii sententia, non animaduertentes dici uenenum esse suo pondere, non aliqua letali qualitate. Nos infantibus uermium semimortuis exhibuimus, & illico sanati sunt. Quatuor argenti uini genera apud autores, & re ipsa, quam sequor, inuenio. Vnum scaturiens sicut ex fontibus aque, quod a Plinio capite sexto libri 33. perpetua uomica dicitur, & hoc est in frequentissimo usu. Aliud, quod inter metalla reperitur. Tertium, quod ex minio fit. Dioscorides modum quo fiat quinto libro ostendit, & Plinius libro citato, capite 8. Quartum, quod ex marmore fit, ut Vitruuius lib. 7. sue architecturae demonstrat. Ex minio facto, alia uere non uteretur, sed naturalitantum, quod est perpetua uomica. Mira in scabie galliaca uidetur: totus morbus ad os repercutitur, & qui deplorati ferè sunt, sanantur: modò is qui medetur parare sciat, ut patientis constitutioni, etati morbi, & uiri intentioni, anni temporibus quadret. Sed improbi quidam tonsores nunc prodeunt qui similes illi sunt, qui omnes uno calceo calceare instituerat: ita hi uno medicamento omnes sanare contendunt, magno egrorum discrimine: nempe plures interficiunt, quam sanent, quum nullus ferè non sanetur. Sed ad rem nostram redeunt, purgat ab omnibus metallis aurum, & omnia præter aurum, illi innatant, aurum descendit utpote grauius, & statim liquefcit. Nihil mirabilius eo opere: quum aurifices pateras, lances, aut malueria inaurant, argentum uiuum auro miscet, corpus ueluti

Argentum uini  
maxima.

ueluti pasta redditur, ut facile supra pateram aut maluum extendatur, mox igne appposito, argentum uiuum euanescit: aurum adeò inherere inuenitur, ut nulla ratione sciungi possit, nisi compositione altera, quam fortem aquam uulgò appellant, uel aqua da partire. Ea enim nummularij & aurifices ad segregandum aurum ab argento, & alijs metallis utuntur. Ex Germania facile argentum uiuum ex perpetua uomica habere poteris, uel etiam inter metalla inuentum: quæ autem arte sunt, omittas. In hoc autem uerum mihi sponte aperias. Qui pluri uiuo argento utuntur, medici, an aurifices? SEN. Hos archimystæ superant in immensum. BRA. Dij boni adhuc suum Mercurium congelare querunt? SEN. Et nunquam deerunt, adeò ingens auaritia, & dira habendi cupido hominum mentes perturbat. BRA. Galli argent uis, Hispani azogne, Germani quecksilber, id est, uiuum argentum, uocant. SEN. Cerussa sequitur. BRA. Cerussa, Et hanc inter uenena numerant, fictitia res est cerussa, à Dioscoride libro quinto, & Plinio libro trigesimoquarto, capite decimooctauo, & Vitruuio septimo sue Architecturæ, modus conficiendi edocetur. Præ omnibus autem Serapio ad unguem conficiendi modum ostendit, capite 378. Nos uulgò biacam ab albedine uocamus. Decipiuntur qui cerussam eruginem plumbi faciunt: quoniam plumbum ærugine caret, tamen ex plumbo & aceto fit: propterea à Germanis pleivvers, id est, albugo plumbi, à Gallis Latine ceruse nuncupatur. Ex cocta & cruda unguentum paratur. Olim Rhodia probabatur, & Corinthiaca: nunc opus nō est Germaniam transire.

Imò sunt qui Venetijs parent, ita parandi modus apte ab autoribus ostenditur. Mulieres Itale plures, pro fūco cerussa utentes, halitus fectorem incurrunt, & dentium putredines, & ante tempus facies uniuersa rugis aratur.

**Lithargyrum.** SEN. Lithargyrum sequitur. ERA. Apud recentes autores duplex lithargyrum inuenitur, auri scilicet, & argenti. Auri lithargyrum dicitur ex colore quem habet: à Latinis spuma argenti uocalur, ut Plinium legenti capite sexto libri trigesimalitertij apparet, qui eadem sub spuma argenti, qua hic a Dioscoride sub lithargyro scribit. Tres lithargyri species apud autores inuenio: unam, ex molyblite arena, id est, plumbaria alteram, ex argēto: tertiam, ex plumbo. Modum faciendi Plinius præcitato loco, & Dioscorides quinto libro docent. Nos fīauā speciem frequentem habemus, quæ à Dioscoride chrysitis ex colore nūcupatur, & omnibus præstat: habemus & albam ex Sicilia allatam, quæ ob colorem argyritis dicitur, non quia ex argento sit: nam ea quæ ex argento est, calauritis appellatur, unde frequentissimas habemus has duas species, albam, & auream, sed potissimū aurea abundamus, in qua multi decipiuntur ex auro fieri putantes: nam aurea dicitur, ob colorem quem habet auro fuso, & in globum ducto, similem: propterea à Dioscoride chrysitis dicitur, nos uulgò lithargyrum auri, nomē serè Græcum imitantes. Differunt tamen lithargyrum & argyrolithon, quoniam nomina idem significare uideantur, quia unum lapidem argenteum, alterum argenteum lapidem important: tamen primum spuma argenti est, alterum lapis, qui & à Chymistis aphroselenon nūcupatur.

Probatissi

Probatissimum est aureum lithargyrum, & cetera uiribus antecellit. Non mihi tempero, quin laudem illos Arabes, qui lithargyrum faciunt plumbum in argentarijs fodiinis ustum. Dicant quodcunque alij autores, quod uidimus, ita est, laminis plumbeis tegunt argentum in fornacibus, postea ignem frequentant, nonnihil ueluti spuma fit liquefactis plumbi laminis, quod ferreo quodam baculo in unum colligunt. Id lithargyrum est, quo utimur, & Chrysitim dictum: unde non ab re spuma plumbi à quibusdā Arabibus dicitur. Galli literge, Hispani albayalde, Germani glett uocant. **SEN.** Marchasita sequitur. **Marchasita,**  
**BRA.** Pyritem lapidem Plinius libro trigesimosexto, ca Pyrites,  
 pite uigesimonono, eā appellat, & quinto libro Dioscorides. Duplex reperitur: una colore aureo, altera argēteo: quæ argenteo colore est, à nobis frequentissime habetur: alteram quandoque etiam habemus, Lapis est, ex quo as extruditur: probatur qui facile percussus scintillat, & æri maxime similis. Modus cremandi apud Dioscoridem & Plinium idem est: ad discutiendum & exiccandum maxime ualet, ut nonnunquam pannos aliquos ex ui morbi Gallici in inguinibus factos per totum corpus discutiat, imperitis medicis applicantibus, ut exiccent, quum potius materia Gallici morbi extrahēda sit, ut exeat. Pyrites dicitur, non quia alij lapides non sint ita uocati, & Ignarij, sed ob excellentiam celeritatis scintillandi: imò & corallium pyritis dictus est, Plinio eodem loco teste. Quandoque frustra alijs densiora & ponderosiora inueniuntur, hoc maxime ignem emittit. Magnificus comes Galeazus Tassonus in Appennini alpibus motem habet.



in quo huius lapidis ingens copia reperitur. Certus sum ibi mineras aliquas subesse, si quis profunde defodiat. Ad rem nostram, pyrites quandoque argentum habet, quandoque æs, quandoque utrumque, quandoque nihil habet, & adeo sterile est ut nullam metallum ex se admittat, scitoq; cum pyritem ex quo fit æs aureum appellari, alium uero argentum, quia ex ipso argentum fit. **S E N.** Argentum ergo ex Marchasita excutitur? **B R A.** Excutitur omnino. **S E N.** Nullus antiquorum hoc monuit. **B R A.** Nullus, quem nouerim, de qua re multum miror, ut id credere coactus sim, aut antiquos ignorasse, aut de hac re scribere noluisse, utpote quæ sensu cõstare uideatur: hoc autem in Germanicis sòdinus manifeste deprehenditur, & Pannonicis, quod etiam in suo Bermano Agricola scriptũ reliquit, imò addit pyritẽ inueniri aurei penitus coloris, e quo aurum detruditur. Nos huius frustum habemus. Inucuntur et similes Galenæ pyritis, & cinerius, quæ tria genera multum solida non sunt. In Silesia uarijs partibus inueniuntur. Miror autem de Alberto, qui e marchasita nullum metallum detrudi posse fateatur. Ipse forte in sterili pyrite expertus est, propterea in omni ita esse arbitratus est: nam apud Arabes ex marchasita, apud Græcos ex pyrite, quæ idem sunt, æs detruditur. Vnum est, in quo Serapionis codicem corrigere oportet. Dioscoridem adducit, hæc uerba proferentem, eligendam esse marchasitam, quæ quãdo ponitur in igne salunt ex eo scintille facile. Dioscorides autem id non dicit, sed  $\epsilon\upsilon\chi\epsilon\tau\omega\varsigma \delta\epsilon \sigma\omega\nu\beta\eta\sigma\alpha\varsigma \acute{\alpha}\phi\iota\epsilon\tau\alpha$ , id est, quæ facile percussus scintillat: non autem puto deceptum esse Serapionem

Serapionem, sed interpretem errasse, ibiq; legendum: & quando percutitur, saliant ex eo scintillæ facile. Mesue hunc lapidem stellatum uocat, quoniam ut stellæ radiat, Lapis stellatus præsertim si ante solem ponatur, aut aliam lucem, & lapidis stellati duas species enumerat. Altera est marchasita argenti: altera, lapis lazuli: adeò clare loquitur, ut de excellentissimo quodam uiro mirer, qui chaos esse dicat, præsertim quia in eadem minera quandoque lapis lazuli & marchasita inueniuntur, & ex radiantia hoc nomen stellatum sortiti sunt: quoniam & lapis lazuli aureas maculas habet, apprimè splendentes, ut uiderim Ferrariensem sculptorem celeberrimum Franciscum Anichinum, qui in lapide lazuli cicindellam finxerat miro artificio, ut cauda accensa in fine uideretur: nam in maculam aureâ terminabatur, mirum artificis ingenium. At quia hoc nomen aster Græcè stellam significat, & Samiæ terræ speciem comprehendit, propterea Mesuem astigi placuit, Mesuem de astro loqui, qui est Samia terra, ac si nihil aliud, quàm Samia terra aster appelletur: quum tamè Plinius capite decimoquarto libri trigesimiseptimi, de gemma stellata pertractet, quæ ponticarum gemmarum unum genus est, & quæ nunc sanguineis, nunc atris guttis aspergitur, & inter sacras habetur: quum uero Mesue lapidem stellatum dicit, uel ut in Hebræo Mesue legimus, lapidem splendens, fortè suo idiomate illos duos intelligit, maculas habentes, quæ splendorem faciant: propterea non erat adeò temere culpandus Mesue, quia constat lapidem lazuli, & marchasitam diuersa esse, quoniam in eo splendore idem sunt. Minus credendum est re-

Lapis lazuli.

centibus, ut Pandectario, qui marchasitam, marmor esse contendit. Quum in Mesue legitur esse de genere marmorum, legendum est, de genere lapidum, & non de genere metallorum, propter marchasitam quæ inter lapides numerari debet, quum metallum esse uideatur. Ideo non contentus, quod ipsam splendentem lapidem, aut stellatum uocauerit, ad pleniorē efficaciam addit esse de genere marmorum, id est, lapidum. **S E X.** Lapis lazuli inuenitur ne apud antiquos? **E R A.** In re tam certa tamq̃ explorata dubitas? Quis nescit adeò pulcherrimum lapidem antiquioribus notissimum fuisse? A Dioscoride quinto libro & Galeno nono de simplicium pharmacorum uiribus cyaneus appellatur, à Latinis autem cœruleus. Sed quidam Leonardus qui de lapidibus agit, ita hunc lapidem nouit, sicut omnes alios, nescio an aliquis ineptius de aliqua materia scripserit: hic bonus uir cyaneum & cœruleum duos lapides esse arbitratur, tamen eisdem uerbis in utrisque enarrandis utitur. Plinius capite ultimo libri trigesimitertij, cœruleum arenā esse scribit, tamen & lapis est, Dioscoride teste. Theophrastus animaduertit quum teritur, in quatuor colores immutari, quod & Plinius refert, candidiorem, nigriorem, crassiorē, tenuiorem. Denique Arabum lapis lazuli, est cyaneus Græcorum, & Latinorum cœruleus. Recentes in marem & forminam distinguunt: antiqui in perfectius, & in imperfectius. Serapio perfectissimum colorem cyaneum habentem probat, & guttas aureas admixtas, quicq̃ alteram lapidem mixtum non habet, nec facile frangitur. Vos pharmacopole hunc lapidem imperfectissimum habetis

betis, quippe cui eius color desit. Dioscorides enim probat saturatum colore sui nominis: additq; in Cypro ex ararijs metallis fodi, & esse perfectius quod ex arena lit torali. Tu an in his fodinis habere poteris, experiaris, ex ipso color ille exquisitissimus sit cyaneus, quem vulgò azurrum ultramarinum nuncupamus, id est (ut arbitror) magis intensum, quàm color marinæ aquæ, tamen & ille color ex terra etiam ita appellata sit, sed qui ex hoc lapide, cæteris magis floridus est. Miror & hic de excellent. quodam uiro, qui Mesuem legens dicentem hunc lapidem melancholiam educere, eò reprehendat, quia hoc à Græcis non dicitur, ac si necessarium sit nihil noui inuenire, nisi à Græcis prius dictum sit. Verùm quum lapis lazuli easdem uires habeat cum armeno, in armeno autem fortiores sint: propterea Serapio de lapide lazuli tractans, lazuli uires, id est, cœrulei Galeni, & armeni unà commiscuit, ut utrisque easdem uires inesse ostenderet, quum & colores in idem inclinare uideantur. **SEN.** Quum de hoc lapide sermo inciderit, non erit ab re ipsum quærere. **B. R. A.** Ne conteras tempus, quia in Armenia solum inuenitur. Mihi frequentissime uirides lapides pro Armeno pharmacopolæ ostenderunt, qui armeni nō erant, quē tamen potius habere optarim, quàm cyaneum. Nullus est Ferrariæ, aut Venetijs, qui uerum habeat: leuis esse debet cœruleus, quàm planissimus, friabilis, sine arena. Plinius uiridem in cyaneum inclinātem esse monet. Nonnulla lapidis lazuli frustra armenum esse arbitrari, si friabilia inuenirentur. Inter floridos colores numeratur, quos dominus fingenti præstat. Plinij tempore terra inuenta

erat in Hispania, & nunc quoque habetur, que eundem colorem representat, & uili pretio uenditur. Optarim ut haberetur: tamen eius loco chrysocolle (ut Dioscorides inquit) uti possumus. Marchasitam & Galli marchasites nuncupant, lapidem uero Lazuli pierre d'azur. At Germani pyritem ut marchasitam hisce uocant, sed suis nominibus postea distinguunt argenteā & auream. SEN.

**Argentū subli-  
matum.**

Argentum sublimatum sequitur. ER. A. Nusquā apud antiquos sublimatum repperi (quod nunc sciuerim.) Albucasis inter recentes, quem tu optime nosti, ex calchantō, argento uiuo & aceto fieri docet: nunc ut uehementius fiat, salem armoniacum addunt. Venetijs paratur, ibi emere poteris: quanquam & tu ipse pro tua officina Ferrarie parare nihil impedit: sed a fumo cauendum est, quo multi incauti interempti sunt, alij mutilati, alij attōnito morbo, quē apoplexiā uocant, correpti. Vtinq̃ hoc uenenum in lucem nunquā prodixisset: plura facit incōmoda, quā cōmoda: nihil est æquē inter simplicia uenensum, quod semihora, & minori spatio exedendo interficit: nam omnia intrinseca, & præsertim præcordia uelut ignis urit. Linguae apice quandoque sublimatum tangens, ut eius gustum scirent, inuenerunt protinus lingua, ut extrēmē refrigeratibus uti opus fuerit. Casu inuentum est: eo mulieres itale nonnullæ se fucant, colorem album reddentes, sed maximo dispendio, utpote quibus breui dentes marcescant, halitus male oleat, oculi caligent, rugosæ efficiantur, morbo attōnito corripiantur, & in repentinā mortem festinent. Olim ad morbi Gallici medellam in magno erat usu, nunc desijt, & uiuum argētum eius loco receptum

receptum est. Eius decoctum in modica etiã quantitate, scabiem præter noxã tertia die sanat. Alphōsinus Trotus Eques magnificus eius rei testimonium exhibere potest, qui ut uir est ingenij sagax, ita multa experiri in dies tentat. Smegma etiam odoratum, id est, saponem parare soleo, quo præter suspicionem aliquam, qui eo delinuntur à scabie tertia die ad summũ liberantur. Hoc experti sunt non semel, magnifici Nobiles Alphonsus Ziliolus, & Andreas Archius Comes facūdissimus. Ab Hispanis solimam nuncupatur, sicut & à nostris mulieribus sulima, à Gallis argent sulime. Minium. SEN. Minium sequitur.

**B R A.** Res pluribus ignota etiam celeberrimis uiris, qui de ipso scribunt, quum nihil uiderint, aut experientia didicerint. Plures minium & cinnabarim confundunt, quũ à Dioscoride plurimum differre ostendatur. Minium duplex est, natiuum florido colore insignitum, & factitiũ, in uiui argenti uenis gleba ἄργα nuncupata: effoditur subruſso colore, quæ circa se rubrum puluerem habet, hic puluis uerum minium est, & fortè apud antiquos in magno honore, quo Iouem miniabant diebus festis, & triũphantes. Solus Vitruuius 7. lib. suæ Architecturæ huius meminisse uidetur, quum Dioscorides & Plinius minium fieri tradant, ex lapide argentariæ arenæ mixto: quamuis Plinius natiuum quodammodo adumbrare uideatur, rubinos (quos carbunculos uocat) eodem loco fieri dicens: sed hæc aliud tempus expetunt. Tu hæc pro ueris, ratisq; habeto, minium natiuum & factitium inueniri, natiuum in usu non uidetur: fortè quia paucum, & in magno pretio: factitium id est quod in officinis habetis. SEN. Na-

tium arbitrabar, quod uendimus. B R A. Facilitum est, ex accensa arena coccinea argētarie arene mixta: in primis autem pluribus loturis lauant, & alijs rubris adulterant. Probatissimum minium, quo i igne fit, guttas argēti uiui mixtas habet, antequam colorem per uim ignis acquirat: hæc ex uisu dicta sunt nobis, & non auditu, uidimusq; Venetijs adulterari rubrica quadam simul mixta. Optimum minium ita deprehenditur, si supra candēs ferrum positum ignescat quidem, sed non uratur ( nisi pro minima parte) nec colorem amittat. Ferrarie ex uarijs generibus periculum fecimus. Nonnulla minij genera nõ urebantur, & suum colorem seruabant: alia nigra efficiebantur, quibus erat admixta rubrica. S E N. Audui cinnabaram apud antiquos idem esse cum minio. B R A. Surda aure audire debebas, quoniam diuersa sunt, ut Dioscorides censet. S E N. Quod nos uulgò cinaprium appellamus, non ne est antiquorum cinnabaris? B R A. Nequaquã. Cinaprium etenim nostrũ ex sulphure & argen

Cinnabaris, to uiuo arte fit Venetijs: antiquorum uero cinnabaris apud Plinium capite 7. libri 33. est sanguis draconis ab elephante elisi, cuius Dioscorides in metallis meminit: nõ asserit autem, sed ita ferri dicit: Pliniusq; eundem sanguinem ab illa gente appellari cinnabarium tradit. Nec admiratione afficior, quamuis cinnabarium idem cum minio esse censueris, quoniam & Plinij tempore medici decipiebantur, minium, cinnabarium esse arbitantes, quia eo nomine tunc appellabatur. At cinnabaris in multo medico usu erat, quum minium uenenum sit. S E N. Ex his nondum accepi cinnabarium. B R A. Quid sentiam uno uerbo

uerbo expedit, & si ab autoribus cinnabaris inter me-  
 talla numeretur, tamen de ipso tanquam de re ignota lo-  
 quuntur: ideo non possum aliud agere, quin suspicer cina-  
 nabarim esse sanguinem draconis à nobis nunc appella-  
 tum, id est guttam illam, uel lachrymam, quam in offici-  
 nis habetis, & sanguis draconis dicitur, non id quod in ro-  
 tulas conficiunt, quod me in hanc suspensionem duxit, est  
 eius color, qui in nostro hoc sanguine draconis profun-  
 dus est, ut de colore cinnabaris Dioscorides scribit, & eo  
 pictores utuntur ad fingendum sanguinem, nec in uili  
 pretio est. Non diu est quod Venetias portatur: nec dico  
 esse draconis elisi sanguinem, sed lachrymam arboris. Pli-  
 nius incertè illum tractat, nos hoc nouimus, & experi-  
 mentis comprobauimus. Adde id non esse quod ab Ara-  
 bibus describitur, succum scilicet quartæ speciei sideri-  
 tis, quæ à nostris rusticis millefolium dicitur. Apud me-  
 dicos, & pictores, & hæc & factitia cinnabaris in ma-  
 gno usu sunt, & præsertim sanguis draconis uocatus,  
 qui lachryma est, nec multa copia Venetias affertur.  
 S E N. Gaudeo priusquàm moriar plurima discere. B R A.  
 Minium ab Hispanis & Gallis nostro nomine, à Germa-  
 nis menig uocantur: cinnabarim uero Galli uermylon,  
 Germani cinober appellant. S E N. De his quibus in offi-  
 cinis utimur ad mineras spectantibus satis dictum est. La-  
 pides sequuntur in meo ordine, quorum usus est in uarijs  
 compositionibus apud medicos. Venetijs mihi etiam cin-  
 nabarim, minium hic utrunq; colligam & factitium, &  
 natium, quamuis exiguum uideatur. B R A. Non crit ab-  
 re lapides recensere, priusquam prandij hora incumbat,



quorum partem in minis, partem in his montibus inuenies. **SEN.** Et tempestiua hora adhuc est, nec **Herbarius** lassitudine premitur. **HER.** Per duas horas adhuc uobis inserviam, postea prandendum erit: quippe os ventriculi iam fame titillari coepit.

DE LAPIDIBVS, QVORUM  
apud Ferrarienses Pharmacopolas usus est.

SENEX.



**VNC** lapides enumerare incipiam. **HER.** Quid moraris? **SEN.** Nondum locum inueni, ubi ordine digesti sunt. **HER.** Pone cōspicilla. **SEN.** Heri nescio quo loco amisi. **HER.** Et uisum si mul amifisti? En sinistra pagina lapides sunt. **SEN.** Nō possum absq; uitreis oculis legere: tu hunc libellū **Herbarie** sūme, & meo munere fungaris. **HER.** Et tu bipallū, sacculum, atq; peram humeris apponito. **SEN.** Id a fello condonetur. **HER.** En tuos emisistis oculos in herba reperi, atq; seruaui. **SEN.** Nihil mihi gratius, nunc lapides optime intucor. **HER.** Quomodo prius ambulabas, si lapides uidere non licebat? Miror cur frequenter non cessitaueris. **SEN.** Iocaris? Ego scriptos lapides intelligo. **HER.** Pinguntur potius quam scribantur lapides. **SEN.** Cauillari desinas: primus lapis, qui occurrit, perle

perle sunt. H E R B. De lapidibus tractaturus à re, quæ Perla lapis non est, incœpisti. B R A. Fortè non ab re, quum ab Arabibus inter lapides numerentur. S E N. Non multum refert, quo genere disponantur, modo quid sint ad discamus. E R A. Græci in re medica rarò margaritis uiuntur, ita enim appellant, nō perle, & à Latinis uniones dicuntur, non ut aliqui opinantur, quia una in una cōcha tantum sit, sed ut inquit Plinius lib. 9. capite 35. quia nulli duo reperiuntur indisereti, quippe Albertus Magnus plures una concha inuenisse fatetur. Et qui Indicam navigationem fecere Lusitani, centum triginta uniones una concha capi testantur. Nos Venetijs una concha septem inclusos uidimus, conchæ carne modicum exiccata. Margaritæ suam maturitatem habent, & senio crescunt: antequam maturæ sint, si à conchis eximantur, breui corumpuntur. Maturæ facile defluunt: quinque notis probantur, cādore, magnitudine, orbe, leuore, pondere, ut nihil æquè sit indignius homine, si margarita nuncupetur: nempe unaquæq; illarum proprietatū, ab homine quicquam demit, & in ipso imperfectionem significat nostro uulgato idiomate: tamē mulieres nostræ alijs blādiri soiet hoc nomine Margarita, aliquem aut aliquam perlam uocantes. Ex Indico mari ad nos afferuntur probatissimæ, & etiam ex Britannico, quod nūc uulgò Anglicum & Flandricum uocatur. Diuersitas colorum & turbulentie in ipsis ros est, ut Plinius refert, quem capiunt, quādo in Venere accenduntur suo anni tempore: hoc genus conchæ ex quo margaritæ sumuntur, ab incolis berberion & berberionberi appellatur: inter epulas gratissima est illarū caro.

Arabes cor à margaritis confortari, & roborari prodiderunt: quippe Arabes medicinarum ex unionibus inuētores sunt, quamuis & Plinius nōnihil meminerit. Venetijs pro tua officina integras margaritas emes: nam in puluerem redactæ, & vires amittūt, & facile adulterari possunt. S E N. Quā in receptis (ut inquit) perforatæ & non perforatæ margaritæ scribuntur, quid intelligendum est? B R A. Aliquæ margaritæ sunt, quæ natura perforatæ inueniuntur, aliæ arte: quando perforatæ despicuntur, eas sunt quæ natura foramen habent: nam aliquo malo affectu acquisiuere. Tamen nō perforatæ simpliciter probatiores sunt, quāuis quæ arte perforatæ sunt, despicere non oporteat. Hanc distinctionē nullus Græcus aut Arabum posuit (quem legerim) sed recentes in causa fuere, qui in ordinandis apud pharmacopolas rebus ad suos agros spectantibus, ut apud vulgus in admirationem ductantur, in hunc modum alicui uoce intonant, recipe margaritarum non perforatarum, quum satis fuisset probò pharmacopole margaritarum simpliciter protulisse. Omnibus ferè gentibus hoc nomen perla commune uidetur, ab eo enim parū dissentiant: nam Galli perles, Hispani perlas, Germani perlen nūcupant. S E N. Corallia sequuntur. B R A. Carissimum est Corallium, & meritò inter gemmas numerari debet: regnantium animos laetificat. An lapis coralliū, de quo Plinius lib. 36. cap. 19. loquitur, altera res sit à nostro Corallio, ambigimus. Antiqui autores duorum generum tātum meminere, rubri, & nigri. Nigrum appellari antipathes, Dioscorides tradit. Plinius in rubro mari nigrius nasci, capite 2. lib. 32. cēset:

non tā

non tamen purè nigrum, sed nigrius nasci dicit: quicquid ab autoribus scriptū sit. Nos Genuæ totius Liguriæ emporio tria corallorum genera uidimus, quæ ramos amplos habebant, nigrum, rubrū, & album, imò adde subrubrum, & modicè uiride, quod & Genuēsēs pro nigro habebant. Nos subrubrum, uulgò incarnatū uocamus, tamē idem cum rubro est, sed imperfecte rubrum: est enim medium inter album, & perfecte rubrum. Ideo Auicenna alijs exquisitijs, in album, nigrum, & rubrū distinguit. Alba imperfecta esse & immatura arbitror, ideo magis adstringunt: subrubra, id est, incarnata, magis matura albis, & rubris minus: rubra colore florido in maturitatis symmetria sunt, uiridia magis matura, quàm opus sit, nigra adhuc magis. Ad hoc moueor, quoniam in una plāta omnes has differentias uidimus, imò in uno met ramo. Et Ferrariæ Reuerēdisimæ sacri Cœnobij diui Antonij inuitatæ, Lucretia Malaspinæ egregia & probatissima mulier, & Bonificia Biuilaqua probitatis speculū, Crucem ex corallo habent suo lapidi innixam, & natura ita factam, cui ars modica addidit, & duas latronum cruces, à Lucere ita à natura factas, quæ suo lapidi tanquam radici inhererent, in quibus nonnullæ corallorum differentie uideri possunt. Quum autem de Corallio apud autores simpliciter sermo sit, rubrum intelligere oportet, quo puerorum colla & manus ornauimus, effascinationes, & atram bilem, quam brutam uocamus, & epilepsiam, atq; apoplexiam euitare arbitrantur: nunc in magno pretio sunt, ut ferè haberi non possint: sed probandus esset in pueris usus, nisi & mulieres pro ornamento uterentur:

videtur enim comes esse albedinis, & eam floridā magis reddere. Dioscorides suam nigrū corralium à rubro specie distinguit. Nos quæ uidimus perhibemus, in una met planta album & nigrū esse, imò unus met ramus, parte una ruber floridus, altera niger uidebatur. Rubrū probatur, quammaxime rubens colore florido, frangibile, odore terræ, musci, & algæ habens ramosissimum. Damnandū lapideum, scabiosum, scabrū, & inane. Vos pharmacopole cōtinuò pessimum genus habetis, quod scabiosum est, petrosū, & totum inane: albū probatur: quod maxime album, & nigrum similiter, ac lucidum, quū nigrū ad eadem ualeat ad quæ rubrum, sed ægrius: ideo pro nigro rubrum habere satis erit. Albū uero sciosum emito, sed Genuam mittes, non Venetias, aut in Siciliam: nam Syracusis apud Pachinum promontorium copiosissimè nascitur, & apud Drepanum eiusdem Siciliæ urbem, quā nūc Trapani uocant, quin & in Gallico sinu circa Orchadas, & in Lygustico mari, & ante Corniculum, & Neapolim oritur: omitto nunc rubrum mare, & Persicum sinum. Quando sub aqua est, uiride apparet, & tenellum est: quum euellitur, ex circumstante aëre durefcit, & color ruber fit, si ad eò maturuerit. **S E N.** Est ne arbor? **B R A.** Folia non habet, propterea substantiam quandam terream esse arbitror, quæ potissimum circa montuosa loca sit, ob caliditatē & siccitatem loci & maris ad eò exiccatam, ut in lapidem uersa sit, quæ prius ob eius lentorē extendi poterat, & in uarios ramos diduci, ut arbor uideatur. Vnde & Græci dendritin quasi arboreum uocat: & Dioscorides lithodendron, id est, arboreū lapidem

lapidem nuncupauit. Ab Hispanis coralos, à Gallis coral,  
 à Germanis coraln dicitur. s e n. Lapis armenus oc- Lapis armenus  
 currit. b r a. In pyrite lapide, armenum edocuimus,  
 quem uiridem in cyaneum uergentem esse ostendimus,  
 quo pictores pro cyaneo, id est, lapide lazuli quandoque  
 usi sint: armeniacus etiam uocatur. Optarim ut arme-  
 num potius haberemus, quàm cyaneum: tamen nec cy-  
 neus, uel cœruleus omittendus, quoniã & ipse atræ bili  
 mirè aduersatur. s e n. Lapis hæmatites sequitur. Lapis hæma-  
tites, b r a. Notissimus est hic lapis, adeò ut simplici nomine per ex-  
 cellentiam, lapis, dicatur: hæma Græce sanguinem signi-  
 ficat: hic lapis uel ita appellatur, quia sanguinis colorem  
 imitatur, aut quia fluentem sistit. In metallis inuenitur,  
 quem si ueras minij colorem habet. Plinius capite uiges-  
 imo libri trigesimifexti, quinque genera distinguit. Sed ti-  
 bi satis est, hoc genus uulgare habere, quod friabile sit,  
 rubrum uel nigrum, durum atque planum, sine sordibus,  
 nec lineas, quibus uarietur, habeat: ineptior enim est qui  
 lineas habet. s e n. Aut Venetijs emam, aut rusticos  
 quosdam expectabo qui singulis annis in forum portant  
 & uendunt. A Gallis ematistes, à Germanis pluet stein,  
 id est, lapis sanguinis nuncupatur. s e n. Lapis Iudaicus Lapis Iudaicus  
 sequitur. b r a. A Iudæa in qua nascitur nomen sortitus  
 est hic lapis, nam ex Palestina Syriæ Alexandriam, &  
 post Venetias affertur. Marmoreis frustulis adulteratur,  
 adulteriũ deprehenditur: qui arte facti in omnibus aqua-  
 les sunt, & lineas semper æquales habent, sed naturales in  
 uno latere quandoque uariant: nec putandum est lineas  
 illas naturales, lineas esse, sed ueluti puncta sunt per quen-

dam ordinem distincta, quæ simul ordinata linea quadã  
seungi uidentur. Antiqui medici eo ad uesticæ lapidem  
utebantur: ideo illi nomen imposuere, tæcolithos, id est,  
calculos assionens lapis, quod nono de simplicium medica  
mentorũ facultatibus Galeno displicere uidetur. Quic  
quid tamen sit, ego in lapide renũ frequenter usus sum,  
& optime profecit. Venetijs emere poteris, sed ab adul  
teratis caueto. Hoc solo reuerendissimum Thomam Mu  
stum canonicum Ferrariensem, a sua renũ ægritudine  
liberaui. **SEN.** Lapis lyncis sequitur. **BRA.** Ab anti

**Lyncurium.**

quis lyncurium uocatur: ex urina lyncis esse fabulantur.  
Vnde sit apud autores nõ cõstat: tamẽ multi de eo loquũ  
tur, arbitantes, quom lync oculatissimũ animal, & obli  
uiosissimũ mangit, ex terra & urina lapidem generari,  
qui lyncurium uel lapis lyncis dicitur. Ego hoc obserua  
ui in lyncibus duobus, quos magnificus & generosus Co  
mes Nicolaus Tassonus nutrirĩ faciebat: in terram min  
gebant, frequentissime obseruaui, terramq; permiscam,  
& siccam seruauĩ, mirẽ faciebat, sed nihil unquam con  
creuit: fabulamenta sunt quæ de hoc lapide circunferun  
tur. Cõstat tamen lyncurium esse ipsam lyncis urinam,  
quam in officina habere poteris: lapidem uero cum Plĩ  
nio capite tertio libri trigesimi septimi, non inueniri cen  
seo, ubi Theophrasti & Dioscoridis uerbis non credit.  
Ostẽdunt uero nostri pharmacopole, & Veneti lapidem  
quendam spongiosum, subnigrum, aliqua parte cineritiũ,  
quem pro lyncurio uendunt: adeo omnia in præceptis iere.  
Consulo ut hic lapis à tua officina absit. Vrinam uero  
lyncis, si habere poteris, seruato. **SEN.** Vnde hanc  
urinam

urinam emas? B R A. Lynce[m] potius emas, ac nutrias, sed magna iactura hoc facies, propterea omittenda potius hæc urina paucissimis rebus utilis, quam tam magno dispendio comparanda. S E N. Ita agere decreui. Crystallus sequitur. B R A. Notissima est crystallus: gelu Crystallus, est uehementius concretum, ideo nunquā nisi in frigidissimis, & niuosis locis inuenitur. hæc uera crystallus est: sunt enim multæ aliæ imperfectiores species, ut ea quæ uos utimini, in Italia alpibus inuenta: uenenum esse crystallum pistam, in famam uenit, quum tamen non sit, sed potius ueneno aduersetur: nullus est qui posset non minutissime pistā bibere, ita uero nō sentitur: si autē in maiores micæ redderetur, fortē uentriculi parietibus inhærerent. Istud uero non fit, quia natura omnia ad intestina dirigit per hunc modum infesta. Quam ob rem nescio unde emanarit hoc, quod uulgò ita fixe receptum in hominum animis, ut nullus non credat perniciosissimum uenenum esse crystallum, quum sit ueneni antidotū, de quo Plinius libro trigesimo septimo capite tertio, diffuse pertractat. Nomen commune habent Galli, Hispani, & Germani, Cristal, ut nec una litera differant. S E N. Magnes sequitur. B R A. Lapis hic ob effectum quē facit in trahendo ferrum, notissimus est, imò ut inquit Dioscorides, eo perfectior est, quo magis trahit, ab inuentore eo nomine insignitus: probatq; Dioscorides magnetem, qui in cœruleum colorem magis inclinet: tamen quem nos habemus, optime ferrum trahit, cœruleus uero non est, sed potius ferrugineus. Sed ea parte qua in cœruleum inclinat, uehementius trahit, ut Dioscoridem uerè loqui ma-



nifestum sit. Fabulantur ex Magnete integrum montem esse, quum in mineris inueniatur. In Hispania atq; Germania potissimum in uenis ferri colligitur, sub principatu illustrissimi Saxonie ducis Suacembei & Eibentoci: quamuis Plinius libro trigesimosexto, capite decimo sexto, uaria loca assignet ubi inueniatur, & quinque ipsius species enumerat: tu si lubeat domi omnes species legas: sed satis est, hanc specie habere, quæ ex Germania affertur, & Hispania, quamuis ex Aegypto Venetias etiam comportent. Albertus Magnus in amitoris deliramenta de hoc lapide fabulatur. Inuentus est, ob naues maria salcantes circa horum lapidum mineras (ut ferunt) unde tractis clauis omnes perire: uel, ut inquit Plinius, ex clauis crepidarum, & cuspide baculi serrata herentibus, quam armenta pasceret quissiam. Qui navigationem in Indiam in Calechut fecere, naues clauiculis ligatis compaginas, ob magnetem se uidisse testantur, ne ferreis clauis à magnete tractis submergantur. Alijs pluribus nominibus insignitur, lapis Heraclius, lapis Herculeus, sideritis. Diogenianus autor est, uerum magnetem adeo argento similem ut decipiat. Hunc autem lapidem, quem magnetem appellamus heracleotem nuncupandum, quicquid Diogenianus dixerit: nos alioqui apud autores, & re ipsa comperimus. Venetijs emes, aut Genuæ, uel in Germaniã mittas. Sunt qui pro ueneficis & incantationibus album magnetem querant. Si aduratur, rubrum colorem enanciscitur, ut pro hæmatite uti possimus. A Germanis maneth, ab Hispanis aymante magnes appellatur. **SEN.** Lapis aquilæ sequitur. **BRA.** O quot superstitiones & infinitæ

Lapis aquilæ.

*nita uanitates, & prope puerorum deliramenta in hoc lapide fiunt: hoc uolunt furta detegi, hoc non possunt etiam optima cibaria edi, hoc futura prædicere tentant, hoc deprehenduntur uxorum furta, sed hæc ab instituto nostro aliena. Plinius libro trigesimosexto capite uigesimo primo, quatuor Aetitis genera describit, quippe idem **Aetites.** sunt lapis ætites, & lapis aquilæ. In aquilarum nidis duos inueniri arbitrantur, nec aquilam oua parere, nisi hos lapides in nidum cõportauerit. Apud nos duo genera sunt: album unum, marmoris colorem & effigiem habens: nigrum, subnigrum, uel cineritium alterum. Etiam prægnantes lapides uocant, quasi intus alterum lapidem album habeant, qui sonet si quatiatur. Colorem non distinguit Dioscorides, sed cuicumque sit modo prægnans læuo brachio suspensus foetum continere: coxæ, parere facit. Plinius, & recentes id fieri arbitrantur, quoties in aquilarum nidis inuenti sunt, quod nunquam accidere iudicamus, nec Dioscorides hoc sentit. In Apulia frequens inuenitur in monte Gargano, & in Apennino monte uarijs locis. Qui albus est, in fluminibus inuenitur. Si per hos mōtes quæras, ubi scaturiunt riuuli, & magnorum fluminum initia sunt, fortassis inuenies: ex Apulia ferri iubeas, aut Venetijs emas: quia ex Armenia Alexandriam, post Venetias fertur. Si officina tua hoc lapide careat, non multum curæ sit. A Gallis pierre de laigle, à Germanis adlerstein nuncupatur. **SEN.** Antimonium sequitur. **BRA.** Ex **Antimonium.** lapidibus ad mineralia iterum transire uideris, sed hoc nihil impedit, quoniam & lapides mineralium naturam sapere uidetur. Plinius libro trigesimo tertio, capite sexto,*

antimonium à recētibus dictum quatuor nominibus appellat, stimmi, stibium, alabastrum, Irbason: sed hoc nomen stibium potissimum seruat, & stimmi: mox nomen à Dioscoride positum addit, Elityophthalmon, quia oculum dilatat, & in oculorum medicinis plurimum ualet, ut Galenus nono de simplicium medicamentorum facultatibus testatur. Gynaecum præterea appellatur, quia eo mulieres fucantur eliquata aqua nunc in aliqua Italiae parte. Dioscoridis autem & Pliny tempore aptabant sibi oculorum supercilia antimonio, præsertim mulieres Hispanæ, quibus nullæ in luxum magis prone. In metallis argenti inuenitur: est spumæ candida lapis, nitet, & non translucet: si comburatur, odorē sulphuris habet. In hoc à plumbo differt, quia teritur & non funditur, plumbum funditur & non teritur. In marem & feminam distinguunt, mas horridior, scabrior & minus ponderosus, ac minus radians, & arenosior femina. Ex Germania ad nos affertur, licet adulterinum quoddam Venetijs fiat.

**SEN.** Ergo quod nos antimonium uocamus, stibium est apud antiquos autores, & stimmi, de quo chymistæ magna sibi promittunt ex lapide argentum exprimere. **BRA.** Illud est. Galli Latino nomine utuntur: Germani spießglas appellant. Alia prosequaris. **SEN.** De lapidibus nihil amplius habeo, quorum in mea officina usus sit. De lapide lazuli exequi superesset, nisi in marchasita illum tractauisses. **HER.** Non possum deinceps effodere, nisi prandeamus. **SEN.** Prandeimus, si ad hanc offam coquendam te accinxeris. **HER.** Ignem ex hoc silice excutiam, & in fungum illum siccam excipiam. **SEN.** Age citissime

citissime. **BRA.** Interim dum prandium paratur, alia nonnulla prosequi conueniet, ne tempus spectantes offam, conteratur, quam melioribus intenti esse possimus. **SEN.** Pretiosa fragmēta sequuntur, quæ quum paucissima sint, interim breui expediri incipiemus. **BRA.** In montibus inueniuntur, non tamen istis: sed quur inter lapides non enumerasti? **SEN.** Quoniam ita consuetum est nobis fragmenta appellare, & à lapidibus distinguere. **BRA.** Esto. Tua hæc pretiosa fragmenta recenseas, id est, si Latine loqui uelimus, tuas gemmas, aut gemmarum partes.

DE GEMMARVM FRAGMENTIS,  
quorum in Pharmacopolarum  
officinis usus est.

SENEX.



**PRIMUM** fragmētum Zapphirus Sapphirus, est. **BRA.** Sapphirus dicunt autores. Ita sapphiri sunt, quos pro sapphiris uenditis, ut tu ipse sapphirus es. Qui gemmas aptant, atque tractant, gemmarum Latine dicti. Inter Iaspideum genera sapphiros numerant. Cæruleum colorem habent, id est, simile cœlesti in perfecta serenitate, quem nostra uulgaris lingua azurro chiaro perfecto nuncupare possumus: nomen autem hoc azurro corruptum est à Lazulo: sapphiri tamen pellucidi non sunt, nec possunt sculpturam admittere, ob centra crystallina aduenientia. Si sole percutiatur, fulgo-

rem ferè ardentè emittunt. Ex India optimi cõeuehantur, ex alijs partibus non probati. Suaderem ut omnes sapphiros paruos nigros, quos in officina habes proijceres: quoniam sapphiri nō sunt, & Venetijs prasagmin: eorū qui aptātur à gēmarijs emas. Imò id in causa est, cur fragmenta appelletis, quia frustula sunt in aptandis fracta, quæ pro ornandis digitis, aut mulierum collis inepta sunt. Deinde compositiones tuas pro expensæ portione uenderes. **S E N.** Emptores pretio deterrerentur, & à mea officina abigerentur. **B R A.** Ergo eligis decipere potius, & in tam magno hominū dispendio, uita scilicet fallere, quàm unum uel alterum emptorem amittere? Suadeas emptori sapphiros, hyacinthos, smaragdos, & alios pretiosos lapides fictitia uitra esse, quæ ueneni naturam sapiunt, postea quæ lubent agat ille. Aut uerorum sapphirorum fragmenta habeas, & emptoribus pretium indicato, quod ingens non erit, si fragmenta illa emeris, quæ aptantes abradunt. **S E N.** Deinceps ita agam, ne quis à me defraudetur. **B R A.** Ab Hispanis zaphira, à Gallis saphis nuncupatur. **S E N.** Smaragdi sequuntur. **B R A.** Et hi quoque quos habetis in aliqua officina uitra sunt, in alia uiridis marmoris frusta. Venetijs apud gemmarios uera fragmenta, & minutissimas micæ ad ornatum ineptas emas. De smaragdo Plinius libro trigesimo septimo, capite quinto, diffusissime scribit. Pulchriorem uiriditatem habet, quàm haberi possit, omnes etiam herbas uiriditate uincit. Soli gemmarum ( ut Plinius inquit ) conuitu oculos implent, nec satiant. Duodecim genera enumerat, qui ex Scythia afferuntur, ceteris præstant. Genue

uas amplum habetur ex smaragdo, pulcherrimum quidem, & pretio carens, si ex smaragdo sit. Cōtigit me semel uidere, cū illustrissimo HERCVLE ESTENSE: nunquam uiriditatem pulchriorē, aut floridam magis uidere licuit, sed an smaragdus sit ignoro, non ex eo quia magnum uas sit, nam multo ampliorum smaragdorū Plinius præcitato loco meminit. Fabulantur ipsi paropsidē esse, in qua dominus noster IESVS CHRISTVS cū Iuda intingebat manum: quod an uerum sit, alijs iudicandum relinquo. Satis est Plinium prædicto loco magnos smaragdos, & aptos ad uas parandum enumerare. In alijs quibus officinis Iaspidem uiridē pro smaragdo uidimus, idq; minori agrorum iactura, quoniā uiridis Iaspis in re medica plurimum ualet, præsertim qui ex India affertur, & æquas ferē uires smaragdo habet, ut Galenus 9. de Simplicium medicamentorum facultatibus, & Dioscorides 5. lib. referunt. A Gallis emeraudes, ab Hispanis smeralda, à Germanis smerald nuncupatur. SEN. Hyacinthus sequitur. B R A. Mira in diuersis pharmacopolarū officinis uidere contigit: sunt enim qui pro rubino, id est, carbunculo, lapidem quendam sumant, & qui eodem met lapide pro hyacintho utantur. Veros hyacinthos habēt aliqui uestrūm, alij uitra illius coloris transparentia, ex quibus fenestræ in templis fiunt. Facillimum est hyacinthos habere, & Venetijs frustula à gemmarijs uili pretio emere. Gemma est hyacinthus, in qua fulgor uiolaceus dilutus est, Plinio teste. Tria genera inueniuntur, ut etiā Serapio 398. capite fatetur, & Albertus libro de lapidibus, & re uera ita est. Aliqui sunt citrini inquit, id est,

- colore citri, alij coloris antimonij, id est, in cœruleum, & cœli colorem inclinant: unde apud poetas cœlum hyacinthino colore aspersum reperitur, & nonnulli ex hyacintho factum arbitrantur: alij rubri sunt, id est, fulgore rubro splendentes, cæteris ad rem medicam aptiores. Tu potius omittas, quàm ultra sumere, ut multi faciunt. Apud nos ruborē habentes frequentiores sunt. A Gallis iacintes, **Rubinus.** ab Hispanis iacinta uocantur. **S E N.** Rubini sequuntur. **B R A.** Eundem lapidem (ut diximus) aut idem uitrū pro rubino, id est, carbunculo & hyacintho plures accipiūt, imò omnes pharmacopole tam Ferrarienses, quàm Veneti. Huius etiam carbūculi Venetijs micæ à gemmarijs nō magno pretio emes. Plinium lege capite 7. libri 73. si de **Anthrax.** carbunculo plura uidere animo sit. Anthrax altero nomine dicitur, nosq; non sine ratione rubinū à rubore appellamus: nihil patitur ab igne. Autores duodecim species enumerant. Multi sunt qui rubino à nobis de rocha uocato utantur, qui minus ægrè agunt, quum in carbunculo rum genere sit rubinus de rocha à nobis dictus. Hispani, Galli, & Germani una tantum littera differunt in hoc nomine: nam primi rubi, alij rubis: Germani rubin, ut nos se **Granata.** re, appellant. **S E N.** Granatæ sequuntur. **B R A.** In hac re pharmacopolas pudere deberet, qui pro granatis uita feruent, & ueniunt, quum copiosè, & uili pretio granatæ habeantur, & de eo magis mirandum, cur pro carbunculis granatas non sumant, quæ in eodem genere continentur. Tres species habent granatæ, aut tribus distinguuntur. Vna species est, quæ ruborem in modum floris mali granati habet, propterea granata nuncupatur, & inde

inde nomen à nostris uulgaribus accepit. Antiquum nomen non est, quia antiqui carbunculū uocant. Altera species est, quæ ruborem habet, sed in hyacinthi colorem inclinatum. Tertia species rubra est, in uiolæ colorem tendens: hanc ceteris perfectiorem arbitrantur, & rubinum de rocha uocant: apud nos in uiliſſimo pretio sunt. Ideo ueris granatis carere non debes: & si rubini desint, pro ipsis, granatis utaris. Grenas à Gallis, ab Hispanis granada nuncupatur. S E N. Sardinus sequitur. B R A. Quæ Sardonix, colorem habet? S E N. Album, nigro, rubro, aut núbilo commixtum. B R A. Ergo sardonix proferre oportebat, à loco in quo potissimum nascitur appellatus: de quo Plinius lib. 37. capite 6. agit. Antiquitus in summo honore erat, ueluti unguis est, sub quo rubor, aut nigredo uideatur, ut duo lapides appareant: propterea Albertus Onychem & Sardum simul esse putauit, quod ante ipsum diu Plinius animaduverterat, inquiens habere candorē in Sarda. In hoc etiam lapide idem quod in alijs usu uenit, uitro quodam utimini rubro colore supposito. Idem in hoc agerem quod in alijs, uel hos lapides à mea officina abigerem, tum quia rarus est eorum usus, tum quia proprietates, quas illis uniuersim tribuunt auctores, uanas esse arbitror, in aliquibus saltem: de qua re suo loco disseremus. Tu interim alias gemmas enumera. S E N. Nulas alias habemus, quibus utamur. H E R B. Offa cocta est, & omnia in promptu sunt, instat prandendi hora. B R A. Et nos pretiosa fragmenta ( ut dicunt ) exegimus. S E N. De manibus lymphas. H E R. Ex hoc riuulo sinistrorsum scaturiente laua. B R A. Imò ex hoc fonte



potius, qui rusticorum opera per lignū descendit, quo uice gutturnij fungemur. *SEN.* Vrit adhuc offa. *HER.* Inspira uehementer, ut frigescat, & minutim incide. *BRA.* Prandium hoc omnes regum dapes exuperat, quoniam ingenti fame comedimus. *HERB.* Diui Bernardi intinctum (ut aiunt) ore gero. *SEN.* Quid est diui Bernardi intinctus? *HER.* Fames. *BRA.* Intinctu profectio non egent ad irritandā famem, qui famescunt. *SEN.* Iam hora est ad alia animum uertere, ut omnibus peractis in patriam regredi liceat. *BRA.* Quid impedit schedam sumere, & quæ sequuntur proficui? *HER.* Sine parū, ut cibus uentriculo aptetur. *SEN.* Satis accomodatus est. Varia terræ genera consequuntur, quibus in officina utimur. *BRA.* A prima terra initium sume.

TERRARVM GENERA SE-  
cundum recentes, quorum apud phar-  
macopolas usus est.

S E N E X.

Sulphur.



**S**ULPHUR primas partes in nostro inordinato ordine seruat. *BRA.* De hoc, ut Dioscorides & Galenus, agendū erat, ubi de mineralibus sermo factus est: à Græcis *Zeop* dicitur. In duas species Dioscorides separat: in uiuū, & in eū, qui expertus sit ignem. Plinius cap. 11. libri 35. in quatuor species dissectat, sed quæ sub duabus Dioscoridis cōtineantur. *Vinum, apyron*

apylon dicitur, id est, ignis non expertum, ut Cornelius Celsus capite 18. quinti libri docet, & Plinius præcitato loco, quem (si lubet) legas, per distincta nomina has species appellentem, & per loca in quibus nascentur, assignat. Notissima res est. Illud tantum addam, in medicina usu potissimum esse uiuum, id est, quod ex uena sua sine aliqua coctura sumitur: tamen uos pharmacopole hoc non sumitis, sed id quod ignem expertum sit. De Hermolao miror, qui dixerit, tam firmam confusionem partium habere, ut eius oleum arte nulla separari possit in rebus cæteris, quum tamen constet apud nos fieri. Cura igitur ut uiuum sulphur habeas: in omni minera inueniri potest. Philosophi compositionem metallorum ingredi ueluti formam quandam putant, argentum uiuum ueluti materia, in auri & æris compositionem actu ingreditur in argenti & stanni, ac plumbi potentia. De eius caliditate disputandum esset, quo gradu intelligatur. Galenus calidum quidem dicit, sed gradum prætermisit. Auicēna, & Arabes, quos recentes imitantur, in 4. gradu calidū, & siccum faciunt, re uera aberrantes, quum uenena sint, quæ quarto gradu calida existimantur. Nos tamen Sulphur quotidie propinandum exhibemus. Dioscorides in ouo suspiriosis tribuit, quantitate cochlearis, quæ duos homines interficeret, si in quarto gradu calidum esset, in ouo etiam sorbili fellis suffusiones habenti exhibet: & Plinius per os sulphur deglutiendum tradit: nosq; in ouo sorbili quotidie scabiosis damus, & sanantur, quam ob rem in tertio gradu calidum tantum iudicamus. Nec refert quod ardeat, quoniam alia tertio, imò secundo gra-

du calida facillime ignem admittunt. Viuum probatur, splendens, lucidum, nec calculosum. Quod uero non est uiuum, uiride, & pinguisimum esse debet. Hæc de re tam nota sufficiunt. Venetijs emere poteris, aut eos expectato, qui in Teloneum portant Ferrariam, ut uendant. A Gallis soufre, à Germanis schwebel, à Lusitanis enxufre nuncupatur. s e n . Asphaltum sequitur. e r a . De

Asphaltus. Asphaltum, id est, bitumine tractaturus nescio an alijs contentaneus ero, uera tamen referam. Græci asphalton dicunt, Latini bitumen generali uocabulo, omnem materiam crassam, lentam, quæ sponte, uel ex montibus, & lapidibus, uel ex terra scaturit, uel in lacum, uel terram ipsam descendat. In densam, & molle diuiditur: in uarijs mundi partibus nascitur. Et ut inquit Plinius capite 15. libri 35. alibi limus est, alibi terra. Nos uero ita separemus, asphaltus aliquo loco liquidus est, aliquo ut limus, aliquo ut terra, aliquo ut cæra. Ut terra nascitur in Cœle Syria, id est, caua Syria, circa Sydonem oppidum maritimum, ut Plinius inquit. Limus a lacu Iudæe emergit: & ideo Galenus primo eius meminit, quod in Apollonia Epiri urbe sit, sub quo etiam Iudaicum intelligit. Postea id quod est in caua Syria tractat: hoc autem in mari mortuo nasci inquit: Mare autem mortuum nuncupatur lacus ille. Mare ob salis edinem, mortuum ob minimum motum. Qui nuper terram sanctam descripsere, Iudææ lacum & Cœle Syriæ idem faciunt. Strabo libro 16. sue Geographiæ, Sirbonis lacum uocat, ambitu mille stadiorum, longitudine ducentorum stadiorum. Hoc loco nostri Theologi Sodomam & cæteras urbes ob nefandum illud Sodomie

domiæ uitium submersas esse tradunt, & eum lacum in earum urbium locis situm esse. Nonnulli deinde fabulantur bitumen illud è lacu uirorum semen esse, propterea adeò glutinosum est, ut non possit absque mulieris menstruo seiungi, cuius oppositum experientia ostendit: sed hoc prius animaduertit Solinus capite 3. sui libri de Mirabilibus Mundi. Idem Strabo 16. libro, ubi tredecim urbes eo loco sitas olim ostendit, quarum Metropolis Sodomæ nuncuparetur: additq; omnes in eum lacum esse consumptas præter Sodomam, & spatium sexaginta stadiorum. Ipse uero ut Philosophus, causam non in Deum qui de probris illorum ulcisci uoluerit, sed inquit ex terræ motibus, & ignis afflatu, & aquis calidis, & bituminosis ac sulphureis lacum erupisse. Eratosthenes uero sentit, quum ea regio stagnis abundet, ex excrescentia urbes illas exundasse. Volunt autem bitumen esse terræ glebam liquefactam, postea ui aquæ induratam. Posidonius, qui in hoc fabulosus autor est, illius regionis homines Magos esse censet, qui incantationes faciunt, lotiū & fœtida inspergentes, ex quibus bitumen fit: quod autem uanè sentiat, ex hoc liquet, quia perpetuò non duraret, nisi sponte scaturiret, uel ex montibus descenderet. In Iudæa Asphaltites lacus uocatur, in quem Iordanis influit: est autem liquidum bitumen in Sicilia, & in agro Mutinensi, in Italia, & in Regno Neapolitano quodam loco qui dicitur Il tocho. Tui pharmacopole pro asphaltito, id est, bitumine Iudaico, quod cæteras præcellit Dioscoride teste, quandoque pice sicca utuntur. Alij uocatum ab ipsis petroleum densatum aut ui ignis, aut sponte

habent: quum tamen & hoc in genere bituminis cēsen-  
 dum sit, tamen non est asphaltum Iudaicū. **S E N.** Quid  
 est ergo Iudaicum asphaltum? **B R A.** Tibi uno uerbo  
**Mumia.** quid sentiam enarrare deest cui. Quod ues Mumiam nū-  
 cupatis, asphaltum Iudaicum esse certus sum. **S E.** Quo-  
 modo hoc probas, quia exiccati Mauritani nostra mu-  
 mia sunt. **B R A.** Dicis potius Syriaci, quā Maurita-  
 ni: sed hoc nihil ad rem, mumia non est Maurus exicca-  
 tus, uel Syriacus, sed compositio quādam, ex myrrha,  
 aloë, croco, balsamo, & alijs huius generis pluribus uel  
 paucioribus cum humana pinguedine. Ita sentiunt Ara-  
 bes, & ita uerè est: nam Syriaci (Hebræorum adhuc mo-  
 rem seruantes) suos mortuos uelant, & re aliqua conser-  
 uante implent, ut pretiosiora, & uiliora emere possint.  
 Diuissimi, aloë, myrrha, croco, & balsamo implentur. Mi-  
 nus diuites balsamum relinquunt: quāuis nostro cōmuni  
 sermone eam compositionē balsamū adpellamus: & ita  
 agere, imbalsamare uulgò dicimus. Pauperes autē asphal-  
 to implentur, quod non solū mores earum partiū scriben-  
 tes aduertunt, sed & qui illuc singulis annis nauigāt Ve-  
 neti. Imò & Strabo 16. lib. ubi de bitumine & Sodoma  
 tractat, inquit, bitumine illo ad mortuorum condituras  
 Aegyptij utūtur: quū autem ad nos affertur mumia, inte-  
 gri homines bitumine pleni afferuntur, & præsertim Iu-  
 daico, & Babylonico. **S E N.** Ergo nostra mumia est bitu-  
 men Iudaicū, uel asphaltū? **B R A.** Mumia nomē Arabū  
 est, quod omnem mortuorū condituram cū sua pinguedi-  
 ne significat. Diuites Syriæ, & mediocres propria habēt  
 sepulchra: quare pauperes solum habentur, qui ex more  
 regio

regionis bitumine pleni sunt. Decipiuntur qui aloë ple-  
nos existimarunt: nam si gustetur, nulla amaritudo sen-  
titur, quam seruat aloë, & etiam myrrha, quæ compo-  
sitiones illas ingreditur. Adde piscis odorem habere, quem  
odorem bitumen iudaicum seruat, ut Auicenna inquit,  
& ueritas ita est. Si enim mumiam nostram masticaue-  
ris, piscis odorem senties, quod in asphalto persentiri Au-  
cenna tradit. Quum igitur asphaltu uti contingat, mu-  
miam sume, id est, liquorem in corporibus mortuorum  
inuentum: nam asphaltu, id est, bitumine pleni sunt apud  
Syros defuncti. SEN. Quando mumia uti uolueris,  
hoc ne utar? BRA. Si ex mortuis aloë, myrrha, croco,  
& balsamo plenis habere posses, proatissimum esset: quæ  
uero hi haberi nequeant, hoc bitumine pro mumia utaris.  
Tellas autem illas & ossium frusta & carnem exiccata  
abijcito, et cum liquorẽ tantũ habeto, qui in aliquã canita-  
tẽ collectus sit. SEN. Est ne hoc, quod Arabes mumia  
uocant? BRA. Est. SEN. Reperitur ne apud Græcos  
mumia? BRA. Reperitur. Nam etsi Serapio mumiam  
dixerit myrrhã & aloën esse, & quod admiscetur illi ex  
corporibus mortuorum, etiam compositio ipsa mumia  
uocatur: imò non una sola compositio mumia est, sed plu-  
res: intelligo autem compositionem antequam corpus  
ingressa sit, quod ex hoc colligitur, quia Serapio ubi de  
mumia scribit capite 293. Dioscoridem adducit, ac si ipse  
de mumia, id est, cõpositione loquatur: locus uero citatus  
primo libro est ubi de pissasphaltu, id est, picibitumine  
tractat. Est autem Pissasphaltum duplex, arte factum, ut Pissasphaltum,  
si quis picem & bitumen simul iungat: aliud naturale.

Quod uero Serapio Dioscoridem in pissasphalto adducat, eius uerba ostendunt. Inquit enim ex Dioscoridis sententia, Est in terris quæ dicuntur Acolonia: ubi codex errore interpretis corruptus est. Legi enim debet, Est in terra quæ dicitur Apollonia. subsequitur: descendit ex montibus qui dicuntur fulmina. Ingens error interpretis ostenditur, nam illi montes, à quibus in Epiro descendit, Ceraunij appellantur: καζαυοζ uero Græcè fulmen dicitur: ideo interpres qui nomen montium ignorabat, fulmina dixit quum legendum esset, Ceraunij montes: unde Dioscorides fluminum impetu ex ceraunijs montibus descendere testatur. Mox sequitur in Serapione: & eijcit eā aqua fluminis in ripis. Ita Dioscorides: fluminum impetu delatum in littora eructatur. Deinde in Serapione sequitur, Et est coagulata, & fit sicut cera. Dioscorides loco cere dicit Βωλοειδῶς, id est, glebarum modo: sed & bitumina aliqua cere formam habent: in Pannonia bitumen est, quo funalia parant, & mirum in modum ardet. Sequitur, & habet odorē picis mixtæ cum asphalto: quod Dioscorides inquit odore picis bitumini mixtæ. Denique Serapio addit quæ à Dioscoride nō dicuntur, fortē in suo erant: Cum aliquo foetore, & uirtus eius est sicut uirtus picis & asphalti mixtorum. Vt hinc colligere possis mihi non solum esse compositionem illam, cum aliqua mortuorum parte, sed compositionem per se solam, quæ naturalis est in Apollonia Epiri. Artificio autem fit, picis & asphalti mixtis, aut alijs etiam: nam aliqui in mortuorum conditis solo asphalto non utuntur, sed picem addunt: alij myrrham, aloē, crocum. Alij usq; ad opobalsamum.

*sanum ueniūt. Tu igitur pro asphaltumum sume, quæ ex Aegypto affertur nunc, & quam tu habes, & ceteri pharmacopole Venetijs: sed eam sume, quæ in aliqua cauitate collecta sit. Idem igitur erit mumia Serapionis (eam intelligo, quæ mortuorum cadauera nondum ingressa, & hoc in una specie & generali mumie) & pissasphaltum Dioscoridis: quod etiam ex Auicenna colligi potest, dicente mumia esse in uirtute picis, & asphalti commixtorum, & naturis utrorumq;. Ideo non sunt adeo temere reprehendendi Arabes, sed ab ijs quandoq; discendū, quādo opus sit. Nullus enim ex Græcis asphalti odorē tradidit: quippe Dioscorides εὐτονος τῆ ὀσμῆ dicit, Marcellus interpretatur firmo odore, Hermolaus odoris contenti: sed Auicenna odorem picis habere quum masticatur, inquit: quod uerum esse, quisque qui experitur, statim primo gustu noscet. SEN. Quid est id de quo Dioscorides inquit, ubi de pissasphaltum tractat, gigni in Sicilia agro Agrigentinarum liquidum bitumen fontibus supernatans, quo incolæ ad lucernarum lumina uice olei utuntur, Siculum oleum falsò appellantes, siquidem liquidi bituminis genus? BRA. Quid sit hoc petis? Si aliquid persoluis edocebo. SEN. Quicquid lubet soluturus sum. BRA. Et ego gratis elargiri uolo: quod uos petroleum uocatis, scitens adeo ut promeruerit ster- Petroleum,  
cus diaboli nuncupari, & ab Hispanis azeite de minera uocatur, partim ex Sicilia agro illo Agrigentino, partim ex Liguria, partim ex loco in Neapolitano agro, ubi uulgò dicitur Il tocho, & potissimum ex hoc loco ad nos affertur: hoc est quod Dioscorides in fine pissasphaltum*



edocuit. Quod ex Sicilia portatur, non adeò nigrum est, & minus fœtet. *SEN.* Hoc frequenter obseruavi, aliud quod petroleum minus alio fœtere. *BRA.* Hoc ex Sicilia affertur. *SEN.* Petroleum dicitur quoniam ex petra ortum ducit, sed istud fontibus innatat, de quo Dioscorides: quomodo igitur Petroleum, id est, ex petra oleum erit? *BRA.* Ne dubites, quoniam ex petris & montibus in fontes eliquatur, & per aquæ impetum trahitur. In aliquibus locis ex saxo ipso truitur. *SEN.* Quæ res ea est, qua nos pro asphaltum utimur? *BRA.* Petroleum est, id est, bitumen liquidum, igne, aut senio induratum: sed errorem alterum priore maiorem detegam, petroleum induratum, asphaltum, id est, bitumen est, non tamen iudaicum. Aliqui autem pharmacopole eo pro pice dura utuntur, id est, rem naturalem accipiunt pro re arte facta. *SEN.* Hoc equidem est, de quo frequentissime admiratus sum asphaltum nostrum, quo scilicet utimur, pro uero iudaico, petrolei odorem habere. Admiratio nunc cessat, quia eius odorem habet, cuius est. Dic autem, nonne multis locis petroleum nascitur? *BRA.* Omne ueluti oleum è petris fluens petroleum, quasi petrae oleum dicitur: unde id oleum, quod apud nos Oleum montis zili, aut oleum saxi, quod in Mutinensi agro scaturit, petroleum dici potest & debet. A Dioscoride naphtha & bitumen, uel asphaltum liquidum nuncupatur: ad se ignes mirè trahit. Autores fabulantur pauca aqua non extinguï, propterea bitumen liquidum & naphtha erit oleum montis zili dictum, & petroleum, de quo Plinius libro secundo, capite 108. nec mirum quod in fontes Siculum petroleum

Oleum montis  
zili.

troleum colligatur, quoniam prima origo è saxis est, quemadmodum omne bitumen è saxis oritur: nam à subterraneis partibus, aut ex mōtibus defluit. **SEN.** Quid est quod ab Auicenna scribitur nigrum petroleum esse picis Babylonicæ colamentum? **BRA.** Codex peruersus est, quippe legi debet, nigrum petroleum esse colamentum non picis, sed bituminis Babylonici. Interpretes fuit, qui loco bituminis picem uertit: nam bitumen circa Babylonem induratur: apud Auicennam quod eliquatur petroleum crit. **SEN.** Ab his dissentire non possum. **BRA.** Hæc uarijs locis emenda, Siciliæ, aut Venetijs bitumen liquidum, quod petroleum uocatur. Lygusticum Genuæ. Asphaltum ex Iudæa portari feceris, aut ex cadauerum cauis sume, si purum habere non contingat: de quo tamen miror, quum singulis annis Veneti in Iudæam nauigent. Idemq; sit tibi mumia, cuius non est usus nisi apud Arabes, eius præsertim quæ cadauerum pinguedinem simul habet: uel si opus sit mumia à Dioscoride secundum Scrapionē descripta uti, quæ est pissasphaltum ipsius, ex pice & bitumine præpara. Germani aliqui petroleum *denfels dreck*, id est, diaboli merdam uocant. Alij hoc nomen assæ foetidæ attribuunt, alij asphalto. **SEN.** Alumen sequitur. **BRA.** Quod alumen? nam multa aluminis genera existunt. **SEN.** Omne genus quo utimur intelligo. **BRA.** Ea numera, quibus utimini. **SEN.** Alumen rochæ, alumen zucharinum, alumen plumæ, alumen scaiole. **BRA.** Mihi uisus es quatuor genera enumerasse. **SEN.** Ita est. **BRA.** Forsan in his montibus aliquod genus inuenies. **SEN.** Experiar, modo tu edo-

Alumen.

cere tentes. **B R A.** Nihil aliud est alumen, ut Plinius libro trigesimo sexto, capite decimo quinto censet, quam falsugo terræ, est enim ucluti terræ exudātis natura, hyeme corruatum, æstiuus solibus maturatur, ex aqua et lino fit. Pluribus locis nascitur, ut præcitato Plinij libro habetur, et à Dioscoride quinto libro. Nos ex Germanis fodinis accipimus: quippe ubi fodinæ sunt, ibi alumen, aut prope reperitur. Verum apud antiquos aluminum genera inuenire oportet, quæ uos diuersis nominibus appellatis. Marcellus putauit Dioscoridem tria tantum aluminum genera nouisse, quoniam inquit ab alijs Græcis plura alia genera edoceri quàm à Dioscoride scripta sunt: Galenus enim tria genera edocuit. Sed non animaduertit uir ille, multa genera esse Dioscoridem fateri, sed tātum tria in usum medicum uenire. Hæc autem alias. Tu species tuas singulatim enumera, ut eas particulatim edocere

**Alumen catinæ**

possim. **S E N.** Alumen catinæ. **B R A.** Fictitiū est hoc alumen, et non sponte nascens, quo uitrum purgatur, et purius efficitur, ex catino in quo fit, quod est genus uasis, catinæ alumen dicitur: uel cathinum dicitur quasi catharon, quia purum reddat uitrum. **S E N.** Quomodo fiat enarra. **B R A.** Herba est, quā Arabes cali uocant, in littoribus maris sponte nascēs, et ab aliquibus gētibus seminatur, ut in Gallia fit: ad nos enim ex Nursia, et Gallia alumen catinum deferitur: herbam cali exiccatam accipiunt, et comburunt, postea ex illo cinere lixiuium fit: quod si aut ui ignis aut solis induruerit, quum subtilio res partes exhalarint, id Sal Alkali appellatur: cinis uero ille induratus, alumen catinum dicitur: fortè catinum dictum quasi

**Sal Alkali.**

Etum quasi ex cali factum, quandoque & sal & cinis  
 mixta sunt. SEN. Quæ herba est apud Græcos ea,  
 quam Cali Arabes uocant? BRA. Apud Serapionem Cali.  
 capite 257. usnem species dicitur: nam & usnem & cali  
 similes sunt. Quippe Cali formam usnæ habet, sed folia  
 in cali longiora sunt, aizoi minoris, id est, à nobis uocati  
 digitelli, similia. Leonicens in libro de morbo Gallico,  
 cali apud antiquos telephion esse putauit. Triplex au-  
 tem telephion apud Dioscoridem inuenitur. Vnum, se-  
 cundo libro, sub nomine andrachnis syluestris. Aliud, in  
 fine secundi libri, sub nomine telephij. Tertium, quarto  
 libro, sub nomine aizoi leptophyllon: quanquam hoc ter-  
 tium cum primo idem sit. Si uero hæc tria telephij gene-  
 ra considerentur, nullam similitudinem cum usne uel cali  
 habere deprehendes: nam in omni telephio Dioscorides  
 portulacæ folia habere tradit. Cōstat autem cali uel usne  
 longe diuersa habere, q̃ portulaca folia. Nos quandoq;  
 suspicati sumus genus anthyllis esse, quod Ibiget uoca-  
 tur: nā folia ferè similia ibigæ, id est, à nobis uocatæ iuæ,  
 habet, sed adhuc incerti sumus. SEN. Serapio usnæ mu-  
 scum esse censere uidetur: imò Dioscoridem ubi de musco  
 tractat adducit. BRA. Nescis uocabula recte distingue-  
 re, quæ & si barbara sint, tamen nota aliqua inuicem  
 separantur, quia usnæ est bryon, id est, muscus, sed usnem  
 est herba cali: quicquid ergo sit, alumen catinum factitiū  
 est, ex herba cali, quæ usnem species est, quam nos frequē-  
 tissime Comacli uidimus circa salsarum aquarum riuos.  
 Mirorq; nostros uitrearios alumē catinum aliunde quæ-  
 rere, quum prope fieri possit, & eadem ratione sal alcali,

quo & frequenter Chymistæ utuntur, salem & impensam perdetes. Optimum sinegma, quod saapo nuncupatur, fieri potest, ad pannos nitidos reddendos optimum. Imò ut Serapio inquit, herba est, qua panni lauantur: est enim multum abstergens, utpote qua mulieres ad fucandas facies utantur. S E N. Alumen zucharinū sequitur. B R A.

**Alumen zucharinum.**

Vos hoc alumen facitis, & ipsi nomina imposuistis, sed factitium est, ex alumine liquido, aqua rosacea, & albumine oui. Massas quasdam turbinatas in modum globorum sacchari fingitis, ex cuius forma zucharinum alumen nuncupatur: tamen nec saccharo inest illa forma, quam habet à natura, sed ab arte datur: habet etiam miram albedinem, ut exquisitum saccharum, quod uulgò finum uocamus, uideatur. Mulieres, ad dealbandas & abstergen-

**Alumen plumæ.**

das facies eo utuntur. S E N. Alumen plumæ sequitur. B R A. Prædicta duo aluminis genera, ab antiquis nō tractantur, nec à longe ostenduntur: hoc autem quod nuper

**Alumen scissile.**

enumerasti à Plinio & Dioscoride alumen scissile uocatur, à Græcis schiston, & trichitin, quoniam in capillamenta diuiditur. Hoc genus ab omnibus, præsertim Dioscoride, cæteris præfertur: ex lapide etiam fit, propterea dicitur chalcitis: unde ( ut Plinius inquit ) est sudor quidam eius lapidis in spumam coagulati, quanto minus commixtos lapides habet, tãto exquisitius putatur. Pruritum maxime causat, si inter humeros alicuius imponatur. Nonnullæ mulieres eo sibi fricant genas ut rubescant, qui rubor ad tertium usq; diē perdurat, adeò intensus, ut ignem in genis habere uideantur, imò ipsi pulchrum nomen inuenere mulieres ex natura rei, forte magis aptum quàm

Latium

Latinum & Græcum, florem lapidis appellant: nam  
 proprie quidā canus flos ex lapide exiens uidetur. Adde  
 nos perfectionem rei, florem appellare. Nec nomen quo  
 utimini uos, ineptum est, alumen plumæ, quia si franga-  
 tur, capillamenta illa ueluti pluma esse uidentur: pro-  
 pterea ab antiquis alumen schiston dicitur, sciðile, trichi-  
 tis, chalcitis: sed duo potissimum nomina in usu sunt, schi-  
 ston, & sciðile. Sūt qui alumen sciðile pro lapide amian-  
 tho sumant, quum non sit, tamen & hoc alumen inflam-  
 matur quidem, & non uritur, sed paulatim consumitur,  
 quod non facit amianthus lapis. In maioribus frustulis la-  
 pidis amianthi uenæ quædam sunt in modū ligni, ut mul-  
 ti lignum esse putarint: imò adeò res incaluit, ut plures  
 pro ligno Crucis, supra quam Saluator noster infixus  
 fuit, accipiant, ducti hoc experimento, quia non uritur, ac  
 si necessarium sit, lignum ex quo Crux facta est, nō uri.  
 Nobis frustulum à quibusdam Religiosis magna uenera-  
 tione datum est, pro ligno crucis, sed eos admonentes la-  
 pidem esse ostendimus, non lignum, cuius natura sit in-  
 flammari quidem, sed non uri. Eos quoq; Christiana cha-  
 ritate exorauimus, ne deinceps quenquam fallerent, sua-  
 dentes lignum crucis non esse, quum sit lapis. Illi uero ut  
 probi rem agnoscentes paruere. A Gallis Alun de plume  
 nuncupatur. Arabes alumen iamenum appellare uiden-  
 tur. Pandeſtarius ſcriptereum uocat, in nomine deceptus,  
 nam stypteria dicendum erat, quia ita Græci appellant  
 στυπτήρια ex stypticitate sua. Errat præterea, quia id uo-  
 cabulum est uocabulum generis, ipse autē pro una ſpe-  
 cie tantum utitur. SENE X. Alumen roche ſequitur. Alumen roche,

B R A. Hoc & liparium nūcupatur, ex Lipara, quā cō-  
uehitur, sed recti nomine potius quā antiquo: nam &  
si ex Lipara Dioscorides & Plinius haberi censeant, ta-  
men liparium dici non aduertunt. Apud ipsos alumen  
liquidum est. S E N. Igitur alumen roche, liquidum alu-  
men appellare oportet? B R A. Equidem: nam quum de-  
fuit, liquidum est, postea durefcit: huius rei experia-  
mentum facere poteris, si igni admoocas, statim lique-  
fcit. Si frustum aluminis roche tue lucernæ admoueris,  
statim ebullire & dissolui uidebis: quare alumen roche à  
loco, in quo nascitur, ita uocatum, ab antiquis alumen li-  
quidum dicitur, quamuis & integrū reperiatur. A Gala-  
lis alun de roche nuncupatur. Germani nomen commune

Alumen sca-  
ioli.

omnibus aluminibus habent Alaun. S E N. Alumē scaio-  
le sequitur. B R A. Hæc tria, alumen schistum, de plu-  
ma, & scaiole, à Pandectario idem esse existimantur,  
quod res ipsa falsam ostendit: nam quod scaiole alumen  
dicimus, lucens sicuti utrum, in capillamenta non dissol-  
uitur, sed ex gypsi minera defoditur, imò in gypsi massis,  
quæ Ferrariam portantur alumen hoc pellucet, est enim  
gypsi exquisitissima pars: unde & ab antiquis flos gypsi  
appellari uidetur. Fortè genus illud gypsi est, quod à Ga-  
leno 9. de Simplicium medicamentorum facultatibus li-  
bro, Plinthis uocatur, hoc est latercularium, ex similitu-  
dine quam habet, quæ nisi satisfecerint, perfectiorem par-  
tem crudi gypsi esse iudicato. S E N. In gypso inueniri  
certum est, & ego frequenter ex gypso, alumen scaiole  
collegi: tamen unum aliud genus apud Dioscoridem &

Alumen quid, Plinium inuenio, quod ipsi alumen rotundum uocant,  
quid

quid autem sit ignoro. B R A. Pandectarius alumen zu-  
 charinum esse arbitratur magno errore, quia zucharia-  
 num artificiale est. At ipsi nominibus utantur, ut lubet,  
 & hoc rotundum zucharinum uocent, hoc nihil ad nos,  
 modò id noscamus alumen rotundum non esse apud nos  
 frequens, formam rotundam habent, qualem multi cal-  
 culi qui in montibus reperiuntur. Nonnunquam alumen  
 rotundum inter figulorum lapides uidimus, quibus ustis,  
 & plumbo mixtis uitrum paterarum & lancium parât.  
 Hoc etiam genus rotundum, astragaliotem à Galeno uo-  
 catum, id est, talare comprehendit. Hæc de Aluminium  
 generibus dicta supersint. S E N. Arsenicum sequitur. Arsenicum,  
 B R A. Græci auripigmētum arsenicum uocant, ut in me-  
 tallis dictum est: sed uos arsenicum appellatis, album,  
 quod per uim ignis factum, & in laminas Venetijs arte  
 concretum, ab aliquibus falsò existimatur, qui arsenicum  
 etiam in laminas redactum, sed breui coctura & arte,  
 risagalo à nobis dictum, ab Arabibus arsinagal putarūt  
 magno errore, quū hæc ex minera effodiantur, & spon-  
 te nascantur, sed de his plura dicta sunt à nobis. S E N. Vi Vitriolum,  
 triolum sequitur. B R A. Duplex uitriolum apud phar-  
 macopolas inuenitur, Romanum & absolutè uitriolum  
 appellatum: ita nuncupatum arbitror, quia uitro asimi-  
 latur. Apud recentes magnæ sunt nominum ambages,  
 & plura confundunt: uitriolum à nobis dictum corru-  
 pto uocabulo colchotar uocant, quum potius dicendum  
 esset chalcanthum: hoc usu uenit in omnibus ferè rebus,  
 ut nomina corrumpant, postea errores multi sequantur,  
 ex nominum inscitia. Constat apud Dioscoridem, Plin-



nium libro 34. cap. 12. & Galenum 9. de Simplicium medicamentorum facultatibus libro, chalcantum appellari, & corrupto uocabulo à recentibus colcothar, non tamen ab Arabibus: ex eo oleum fit adeò urens, ut pro igne potentiali utamur: est enim causticæ naturæ, & cum paulo dolore incidit membra, si ex olea cultro inuncto tangantur. Dum oleum paratur, sumū cauere oportet, quoniam non solum hominem interficit, sed & uicinas arbores exiccare cogit. Cuius experimentum nouit Franciscus de Monte, fractorum ossium, & dislocatorum reparator egregius, cui omnes arbores uiridarij præ uitrioli fumo pericre, dum eius oleum pararet. Nunc ad auctores redeuntes, Pandeſtarius, id quod à Serapione Zeg dicitur, uitriolum esse putauit, & Serapionis interpretes Zeg, id est, uitriolum exposuit, quos recentes omnes fere sequuntur. Tamen re uera ita non esse constabit: nam quod nos uitriolum, ab antiquis autoribus chalcantum, & à Latinis atramentum sutorium appellatur, quia ad pelles denigrandas & aptandas uitriolo utuntur, quibus postea Zeg. sutores operantur: quod autem à Serapione zeg dicitur, non est chalcantum, sed antiquorum misy, hoc luce clariùs deprehendes, si quos Serapioni conferamus: nam Serapio Galenum adducit in hunc modum de zeg loquentem: Vidimus in minoris uenas tres extensas, unam supra aliam per longum spatium, & una inferior erat zeg rubrum, & secunda, quæ erat super eam colcothar, & tertia superior erat zeg uiride: & hec est quod zeg rubrum conuertitur, & fit colcothar, & colcothar fit zeg uiride: si modò Galenum 9. de Simplicium medicamentis

mentorū facultatibus legamus, manifeste deprehendes misy, de quo tractat, id esse quod à Serapione zeg nuncupatur. Inquit enim (quum ingressus esset minerarum loca) quasdam conspexi in longissimum porrectas ueluti zonas alias super alias, numero tres: infima erat ipsius foreos, supra quam erat altera chalciteos, suprema misyos. Mox Galenus historiam quandam interponit, & omnia scribit, quæ à Serapione referuntur, de crassitie, subtilitate, & eius uiribus: ut hinc colligas zeg rubrum Serapionis, antiquorum Sori, Colchotar Serapionis, antiquorum Chalcitin, & zeg uiride Serapionis, antiquorum Misy esse. Viride autem intelligere oportet, ut uulgò dicimus uiride clarum: Latine flauum, aut aureum dicendum: quia Serapionis interpret Latinam linguā ignorabat. Ideo uiride pro flauo aut aureo interpretatus est. SEN. Habemus ne hoc misy, quod sexcenties annis, nunquam noscere datum est? BRA. Imò maxime habetis: quod enim uos uitriolum Romanum appellatis, antiquorum misy est: nam auri speciem habet, & durum est, & quum friatur, aureas scintillas mittit, & stellarum modo splendet: en Romanum uestrum uitriolum omnes has notas habet. SEN. E frequenter expertus sum. BRA. Cōstat igitur recentes aberrare, ut Herculanus in capite de Sebel, & Nicolaus, colchotar uitriolum esse contendentes. Nam ut ex Serapione ostensum est, colchotar est Galeni chalcitis, Dioscoridis, & Plinij, quæ in album colorem, at uitriolum Romanum in aureum uergit. Vnde uides summè aberrare recentes, ipsarum rerum ignaros, & per aliorum scripta perperam intellecta loquētes. Quā

ob rem antiquorum misy, est uitriolum Romanum, uel flauum. Ad rem igitur primam redeunt, quod zeg Serapionis misy antiquorum sit, eum lege, qui Dioscoridem adducit dicentem: Zeg aliud Babylonicum, aliud Cyprense: ubi certa fide cognoscitur eum adducere in capite misy, ita in Cyprium & Aegyptium distinguentem. Pro Serapionis recto intellectu, scito Dioscoridis codicem, quem habebat Serapio, hæc uerba adiuncta habere, quibus in Babylonicum & Cyprium distinguit: tamen in fine capitis, Dioscorides Babylonicum meminit, sed sub nomine Aegypti. Mos autem est Serapionis, quum Dioscorides aliquod Aegyptium nominat, in suam linguam Babylonicum uertere. In reliquis optime quadrant, ut in eo quod colorem aureum habet, quod lucet ueluti stella, quod eandem uim cum colchotar habet: sed addit Serapio in aliquibus codicibus legi calcadis, cuius loco scribendum est chalcitis. Idem uero sunt colchotar & chalcitis apud Serapionem: sed apud uarias interpretationes diuersum erat nomen, res eadem. Nec mirum si ubi Dioscorides Aegyptium, Serapio Babylonicum dicat: quia Babylonia est primaria Aegypti urbs, omnia alia uiribus excedit Aegyptium, tamen in medicinis oculorum à Cyprio superatur. Ex his etiam constat multos recētes aberrare, qui chalcanthum colchotar uocant, & serē omnes phar macopole pro colchotar chalcanthum intelligunt, quum potius chalcitim intelligere debuissent. Nam colchotar, à chalciti, & non chalcantho perperam deflectitur.

SEK. Dic obsecro, non ne & chalcanthum, chalcitis appellatur? BRA. Non, imò duo diuersa sunt, & ita recētes de

tes decipiuntur, inter quos Pandectarius, qui chalcitim,  
 & chalcāthum confundit, & alia plura præter rationē.  
 Tamen ut Galenus admonuit, chalcanthum post longum  
 tempus chalcitis efficitur. S E N. Nos quotidie hoc de-  
 prehendimus, partem exteriorē chalcanthi, id est, ui-  
 trioli ex Germania allati dealbescere, & albedinem ad  
 aliquam usque crassitudinem transire. B R A. Id est, chal-  
 citis ex chalcantho facta. S E N. Quid intelligit Sera-  
 pio per ea uerba, quod defertur ex Babylonia non est bo-  
 num ad faciendum absoricum? F R A. Corruptus est co-  
 dex, legi debet, ut Dioscorides scriptum reliquit: Aegy-  
 ptium quidem crematur, sed pforicum ex eo non consi-  
 citur: est enim pforicum medicamentum quoddam à Dio Pforicum.  
 scoride libro quinto contra scabrities, & cutis asperita-  
 tes descriptum: scabiem quoque mirifice sanat. Fit au-  
 tem ex duabus chalcitis partibus, & una cadmiæ ex ace-  
 to temperatis, quæ in fictile posita soli ardentissimo per  
 quadraginta dies fimo obruta permittuntur. Tu ( si lu-  
 bet) alios cōficiendī modos ex Dioscoride quinto libro,  
 & Plinio lib. 34. cap. 12. discas. Vocabulum corruptum  
 in Serapione manifestum est, ut pforicon, non absoricon  
 legi oporteat. S E N. Serapio loquitur ne de nostro uo-  
 cato uitriolo? aut aliquis alter Arabs? B R A. Et Serapio  
 & Auicenna de nostro uitriolo loquuntur, quæ sigilla-  
 tim à Dioscoride, & Galeno proposita sunt, & uno ca-  
 pite hæc complectuntur. Ne autē quicquam in explicatū  
 transigamus, Zeg apud Arabes idē significat quod apud Zeg.  
 recentes atramentum: nam apud antiquos ab atro colore  
 dicitur: apud recentes uero præter nigrum, adest album,

rubrum, & flauum atramentum. Ideo Auicēne interpres pro zeg, absolute atramentum. Serapionis autē interpres pro zeg uitriolum interpretatus est: propterea necessarium erit his duobus uocabulis uitriolum & atramentū, quæ uno nomine Arabico zeg dicuntur, hæc omnia significari. Misy, sory, chalcitim, chalcanthum, melanteriam, ut hæc duo nomina apud recentes in significato conuertantur uitriolum & atramentum, postea in species dissectantur: ideo idem sunt caput Serapionis de uitriolo in quo hæc omnia complectitur, licet in fine non uideatur chalcanthum sub zeg ponere, & caput atramenti Auicēne, in quo ex defectu interpretis multi errores sca-  
tent, ut patet alteram interpretationem legenti: ea uero atramenta nuncupantur, quæ in aqua dissolui possunt: nam quæ lapidibus iuncta sunt aqua dissolui nequeunt. Sed ut normam habeas, qua Latina nomina Arabibus conferre possis, in hunc ordinem tibi disponam:

Vitriolum, zeg, atramentum. Cōmunia nomina sunt.  
Sory, zeg rubcum.

Chalcitis, colchotar. Errant recentes, qui colchotar appellant uitriolum ustum, quum potius Chalcitim appellare debuissent.

Misy, zeg uiride, uitriolū Romanū: sed etiam ex Germania magis durum, & colore magis flauo affertur.

Melanteria, bities, atramentum metallicum.

Chalcanthum, atramentum sutorium, uitriolum.

Nomina ita sibi respondent, ut hoc modo errare nō possis. Si uitriolum uras, albū efficitur, ut chalcitis esse uideatur: tamen si aqua dissoluas, in uitriolum reuertitur: imò  
si ex

si ex etate chalcanthum, id est, uitriolum in chalcitum transeat, dissoluta chalcitis uitriolum efficitur: quod non animaduertit Galenus, quum ex chalcantho per tempus chalcitum fieri monuit: tamen animaduersione dignum erat, quia ex hoc facile excipitur chalcitis ex chalcantho facta, chalcitidis perfectione non habere, alioqui per solam aquae ablutioem non reuerteretur in chalcanthum: unde arbitror potius chalcanthum ob senium glaucedinem suam amittere, & album uideri, quam proprias uires perdere, & chalcanthi proprietates deferere: remittuntur potius, quia omnia tempore corrumpuntur: quam ob rem eo pro chalcitide non uterer, salua semper Galeni reuerentia, nisi aliquo loco essem, ubi deficeret chalcitis: nam in easdem uires ferè inclinant. Venetijs uitriolum emas & id quod Romanum appellatur, non quia Roma ad nos conuehatur, sed ex Cypro, est autem antiquorum Misy: quod autem ex Germania affertur, minime curarem. SEN. Sicut atramentum sutorium chalcanthum dicitur, nonne adest & scriptorium? BRA. Adest quidem, & ab antiquis in usu erat, ex fuligine tedarum factum: temperaturq; in libram gummi, quadrante addito fuliginis: fit & de fuligine resinarum, & pictoria, huius pondo, gummi pondo semis, taurini glutinis denarius semis, atramenti sutorij tantundem. Hæc Dioscorides in ultimo quinti libri capite. Apud nos uaria sunt atramentorum scripteriorum genera, id est, à diuersis pharmacopolis diuersa fiunt atramenta. Vnum est ualde commune, ex gallis, uitriolo, gummi, & uino. Quam compositione nescio quis duobus carminibus perpulchre complexus

Atramentum  
scriptorium.

est, quæ si noscere uolueris, hæc sunt:

Vitrioli quarta, media sit uncia gummi.

Integra sit gallæ, superaddas octo phaleri.

Atramentum  
chalcographo-  
rum.

S E N. Non displicent hæc carmina. B R A. Fit & atramentum chalcographorum, ex picis fuligine, & oleo, cuius Dioscorides meminit: appellatq; pictorium atramentum, quamvis adhuc non sit octuagesimus annus, quod modus imprimendi literarum characteres inuentus est.

S E N. Quomodo ostendere poteris atramentum scriptorum aliud esse a melantria, uel atramento sutorio apud antiquos? B R A. Id facile demonstrari potest: quoniã Galenus nono de simplicium medicamentorum facultatibus, & Dioscorides, de atramento sutorio seorsum, & de melantria, ab atramento scriptorio. Adde atramentum scriptorium compositionem quandam esse, non terram mineralem nigram, qua atramentum ad scribendum fiat. Hispani utriolum coparosa: Galli couperosze: Germani kupfer vvasser, id est, aqua cupri uocant, & re uera condensatur: quod absoluto uocabulo utriolum nos dicimus, & ab autoribus chalcanthum. S E N. Ter-

Terra sigillata.

ra sigillata sequitur. B R A. In Lemno insula rubrica nascitur seorsum, & sigillata a terra, quæ duo diuersa esse Leoniceus aduersus Plinium ostendit, qui capite sexto libri trigessimiquinti, terram sigillatam, & rubricam leoniam idem esse censuit, ubi & ipsam inter natiuos colores annumerat, sed excusandus erat Plinius, quoniam Galenus & ipse eã rubricã prius appellat. Quicquid tamen sit (quoniam hæc ad nostrum institutum nihil faciunt) constat non fieri eodem modo apud Galenum, ut Dioscorides

scorides incolis loci facere arbitratus est: inquit enim per miscellam hircini sanguinis fieri, & signo capræ insigniri: sed Galenus qui illuc nauigauit data opera uisen di gratia, scribit, nec sanguine fieri, nec signo capræ, sed Dianæ insigniri: imò incolis loci derisisse Galenum, qui de sanguine interrogabat. Sunt autē tria terræ genera in Lemno insula. Vna sacra quæ in colle nascitur, qui totus colore fuluus est, in quo nec arbor, nec saxum est, adeò ut collis adustus uideatur: hinc poëtæ Vulcanū è cælo in eū locum cecidisse fabulantur: hæc terra est, & Terra nuncupari debet, non rubrica: hanc lauant, & crassam partem abijciunt, & aquam supernatantem: mediam uero in pastillos diuidunt, & sigillo Dianæ imprimunt: unde Terra Sphragis propter sigillum nuncupatur. Nunc ad nos affertur, sigillo Turchico munita, ex Turchicis literis confectio. Turcharum imperator arce facta eo loco, principes hac terra donat. Primus qui nostris temporibus in Italiā ferri curauit, fuit pharmacopola Campanæ Venetus, qui suis expensis in Lemnum misit. Adest & rubrica in Lemno, qua fabri utuntur. Adest & terra quæ extergit: hac utuntur qui lintea & uestes lauant uice saponis, ut hi retulerunt, qui per aliquot menses in Lemno habitarunt: terram habebant, experti sumus optime lintea abstergere: superioribus autem annis, imò & multi nunc, rubrica quadam fictitia pro terra sigillata utuntur, quæ huius naturæ nihil habet. Veram emas Venetijs, sed ne decipiari recte perpendas, quoniā & hanc (quæstus gratia) adulterare cœperūt, simul & terram ipsam sigillatam, & bolum armenum miscentes. Hi uero deci-



piuntur, qui in Lemno ueluti tumulum esse putant è quo semper emanet, uel tanquam bitumen crescat, sed terra est quæ lauatur, in lutumq; ducitur, exiccatur deinde: superior pars aquea, & inferior terrea abijciuntur: media pars quæ lutosa est, in pastillos unius drachmæ plus, minusue distribuitur, & Turchico sigillo munitur. **SEN.**

**Bolus armenus**

Bolus armenus sequitur. **ERA.** Hactenus in publicis officinis rotundos quosdam globos in medio pressos pro armeno luto uendebat, & adhuc multi uendunt, factitios & illos: nunc terram armenicam uel armenicum lutum habemus. Bolus ex forma dicebatur, ut Galenus nono de simplicium medicamentorum facultatibus suo tempore fieri monet, ubi de terræ Samiæ lotionem sermonem coeperat. Decepti uero sunt & nostro æuo, qui terram armenam uel bolum armenum, lapidem armenum esse putarunt: nam lapis armenus uerè lapis est inter colores floridos numeratus: uiridis autem est in cœruleum inclinans, de quo supra egimus: & Plinius libro trigesimo quinto, capite sexto, in fine, & Dioscorides quinto libro pertrahat: quin & Galenus præcitato loco dicit à quodam fuisse donatum terra armena, & ille qui donauit, uocauit eam, lapidem. Vnde non mirum sit, quamuis nostro hoc tempore, nonnulli lapidem, alij terram appellent, quoniã & Galeni tēpēstate à nonnullis lapis uocabatur. Terra adstringens est, & pro qua aliis pharmacopolæ terra quadam utebantur, quam ex Germania portabant. **SEN.** Nunc ueram armenam terram, lutum, uel bolum mauius appellare, habemus, quæ ex Armenia affertur. Nā masticata ueluti butyrum liquefcere uidetur, & si apice linguae

linguæ tetigeris, adstrictionem manifeste senties. B R A. A quo didicisti hanc terram liquefcere debere ueluti butyrum si masticeatur? S E N. Hoc à pueritia imbibì, non à certo autore, sed à præceptore meo pharmacopola uiro egregio, cui mendacia credidissẽm. B R A. Nì pigeat, notas illas edoceas, quibus præceptor ille tuus bolum armenum cognoscebat. S E N. Hæ sunt, rubrum esse debet in citrinum inclinans, fragile, unctuosum, & quod si masticeatur, in modum butyri liquefcere uideatur. B R A. Quod de colore sentiebat, ex Serapione & Auicenna colligere potuit: quod fragile, ex Galeno: de assimilatione autem butyro, si masticeatur, & de unctuositate quæ animaduertenda erant, nihil ab aliquo autore scriptum reperitur. S E N. Igitur in ea terra quam nunc habemus an armena sit dubitas? B R A. Imò in hoc inclinor, ut ea terra, quam nunc bolum armenum uocatis, nuper comportata (non illa quæ ex Germanicis mineris olim portabatur) terra lemnia sit. S E N. Quomodo terra lemnia? stupeo nunc. B R A. Ne stupefcas, quoniam tibi certe ostendam, terram, quam uos armenam uocatis, armenam non esse, imò nec prope Armeniam sumptam. S E N. Rem miram ostendes. B R A. Nisi audire grauaberis, optime demonstrabo. S E N. Imò nihil uehemētius opto. En totus in aures habeo. B R A. Eam terram non esse armenam, quam uos armenam dicitis, hoc argumentum est, quia Galenus nono de simplicium medicamentorum facultatibus dicit terram armenam pallidam esse, hæc autem pallida non est, & ne fugias dicens Galeni codicem ibi esse mendosum, ita etiam suo idiomate habetur

τὸν κρόαν ὄχρα, id est, colore pallido: quod si fugias quia id uocabulum ὄχρα croceum significet, unde & ochra quæ in mineris inuenitur, flaua est, & quæ uiridetur, rubra, saltem hoc habeo, luteum interpretari debere: sed manifestum est, hunc nostrum bolum armenum colorem luteum non habere. Vnde Hermolaus Barbarus quinto sui Corollarij, ubi de terra in cōmuni tractat, hæc uerba Galeni interpretatur τὸν κρόαν ὄχρα, luteo colore aut pallido: uolens duo significata huius uocabuli ὄχρα ponere, quæ in unum uergunt. Optimi autem & probatissimi interpretes ὄχρα pro pallido semper interpretari uidentur: Arabes tamen colorem croceum interpretati sunt. Nam Serapio Galeni uerba adducens, croceo colore ad rubedinem uergente interpretari uidetur, & Auicenna rubro colore inquit ad cineritium uergente: tamen uocabulum ὄχρα non interpretantur ad unguem, sed opus est pro ipso uel pallidū aut luteum exponere. Constat autem nec pallidam, nec luteam esse quæ uocatis nunc ueram terram armenam. Præterea addidit eo loco Galenus facile teri armenum bolum sicut calx, uel lapis coctus, propterea quum in puluerem pistillo re digitur, ueluti calx est. At in nostro nunc inuento bolo, hoc reperiri non potest: nam etsi in puluerem teri possit, non tamen apte sicuti calx, ob unctuositatem illam quæ habet: comparatq; ipsam in leuore Samioastro, qui albus est uel pallidus, imò calcem in colore bolus armenus imitatur. Vidi ego, & nunc domi habeo terram quandam ex Armenia allatam à religioso diui Francisci qui eam dono dedit illustrissimæ Lucretiæ Bogoie illustrissimi patroni

troni mei Herculis Carnutum ducis genitrici. Est autem pallida, & ueluti sicca calx, quæ si teratur, in puluerem, ut calx redigi potest: hanc armenum bolum à Galeno de scriptum suspicor. Denique uiliori pretio bolus hic armenus uenditur, quàm terra sigillata. At in duplo magis Armenia Venetijs distat, quàm Venetiæ Lemno: unde uiliori pretio terra sigillata uendi deberet, quàm bolus armenus: nec opus est fugere, in maiori copia bolum armenum haberi, quàm terra Lemnia, quoniam mons est in Lemno, ut Galenus docet, non locus particularis, & paruus qui deficere possit. Illudq; superaddere non grauebor, eadem nauigatione mercatores terram sigillatam, & bolum armenum Venetias ferre: quod indicium esse potest ab eodem loco, uel propinquis haberi: nec opus est tergiuersari, hanc ex nauigatione Alexandriæ ferri. At prius ex Armenia Alexandriam delata sit, quia breuior est, & commodior uia per mare Euxinum. Adde qui hunc bolum armenum portant, non transire Aegeum mare, in quo est Lemnus insula, ut in nona Europæ tabula Ptolemæus describit. At si in Armeniam irent, opus esset fauces illas maris transire, quæ uulgò strictus Garipoli nuncupatur, ubi Calliopolis urbs sita est, Latine Helleſpōtus dicitur: postea Bosphorū Thraciæ, & Propontidæ pertransire: denique totum Euxinum mare, quousque in Armeniam Cappadociæ conterminam peruentū sit, ubi terra armena colligitur: sed nō est satis naui huc appellere, quum & terrestri itinere egcant, si in statutum boli locum peruenire uoluerint. Tamen qui bolum armenum quaerunt, & Venetias portant, breui reuertuntur, nec

mare Aegeum transcunt. *SEN.* Quid ergo est haec terra, quam bolum armenum certe arbitrabar? *BRA.* Terram sigillatam: mastica, nuper ex Lemno allatam. *SEN.* Mastico. *BRA.* Mastica & bolum armenum nuper inuentum. *SEN.* Masticaui. *BRA.* Quo differunt haec? *SEN.* Nullo altero, quam quod in sigillata terra quaedam granula tanquam sabulum persentio, quae in bolo non sunt: imò bolus penitus liquefit, & nihil pallato occurrit, aut in ore moratur. Terra sigillata & ipsa liquefit, uerum granula quaedam ueluti terrae micae relinquuntur, quae solui non possunt. *BRA.* Hoc ideo est, quia idem sunt bolus nunc uocatus armenus, & terra sigillata, etiā si gustes eadem adstrictione insigniuntur. *SEN.* Optime noui. *BRA.* Addam & aliud. Terra illa quae sigillū Turbicum habet, adulterata est, & ueluti album sabulum illi addidit, ut commodius sigillum recipiat: ideo minus rubra efficitur, & in pallorem uergit. Quod autem hic color, quem habet bolus iste armenus, sit terrae Lemniae color, facillime probari potest, ex hoc in primis testimonio, quoniam poëtae fingunt e cœlo Vulcanū eiecisse, & suo cruore terram eo loco conspersisse: ideo sanguinis colorem habere dicitur, qui in dicto bolo armeno uidetur. Plinius etiam de rubricis tractans, id est, rubris terris, inquit lemniae rubricae palmam dari, quia sit minio proxima, libro trigesimoquinto, capite septimo. Terra autem sigillata rubricae colorem habet, quem praefice in hoc bolo uidemus: nam nulla terra est magis proxima uero minio hoc bolo armeno: nō intelligo hic per minium, nostrum fictitium, quo nunc utimur, sed antiquum, quo

quo sanguinem pictores fingeant: imò quendam hoc armeno bolo dicto pingere iussimus, omnino color ruber floridus uidebatur, ut quisque poterit per seipsum experimento comprobare. Adde hac minium sublinere, & adulterare, quod facile hoc bolo armeno fieri potest. Veteres etiam ea utebantur ad splendorem, sed mirū splendorem hic bolus armenus picturis facit. Non possum abstinere quin & tu experimēto probes. **SEN.** Imò summo opere cupio, sed de rubrica lemnia, nō de terra sigillata fieri scripsere. **BRA.** Idem terra sigillata fecissent, sed ob minorem copiam rubrica utebantur: imò adde Corneliū Celsū eam appellare minij glebam: nam, 15. capite quarti libri, inquit minij glebam ad. *cancrum. inter.* Minij gleba, *stinorum ualere.* Dioscorides & Galenus ad dysenteriam proficere censent: & Hermolaus Barbarus eo loco, 5. libro, Celsū exponit, minij glebam, id est, lemniam terrā: nulla autem est magis propinqua minij glebæ isto bolo armeno, quamuis aliquid proprie de minij gleba posset Celsū exponere: unde arbitror bolum armenum à uobis dictum esse terrā lemniam, quia ex Lemno affertur, non ex Armenia: & Galenus, ubi de Samiæ terræ lotionē scribit, terram lemniam esse tenacem, & paululum uiscosam docuit, qualem esse bolum hunc armenum constat. Denique sume tu hanc terram armenam, & in aqua macta, ut docet Galenus 9. de Simplicium medicamentorum facultatibus, ubi de differentiis nominatarum partium terræ scribit, uidebis ablata aqua quum exiccatur, in molliciem ceræ deuenire: tu mox eam tuo sigillo imprime, & deprehendes pro terra sigillata uendi posse. præfer-

tim si illi sabulum miscueris album. Vnum solum obstat, Galenum dixisse colorem fuluum habere, quāuis & hic boli armeni dicti, fuluus nuncupari possit, quo modo fuluum leonem uocamus, qui similem colorem habet. Hoc saltem habcas, si non sit sigillata terra, esse rubricam lemniam, quoniam ex Lemno affertur: & id argumentum esse potest rubram esse, quia Dioscorides sanguine hœdino uel caprino conformati credidit, quod sibi persuaserat etiam Galenus, antequam uideret: ideo ruborem talem habere debet, qualem faceret sanguis terræ mixtus, præsertim etiam ipsa ruborem habente, alioqui hi summi uiri non putassent sanguine hœdino parari: hic autē noster bolus armenus eiusmodi colorem habet: imò Galenus eo loco addit colorem habere combusto similem, qualem habet hic noster bolus nuper inuentus. Ex his certus sum, bolum armenum nunc uocatū, non illum qui ex Germania habetur, esse terram lemniam, uel rubricam lemniam, & illam fortè ex qua terra sigillata dicta sit, per dissolutionem & abiectionem supremæ & infimæ partis. **S E N.** Hæc me in admirationem, & cupidinem trahunt, uisendi illa loca, nisi senio confectus essem, & nisi à barbaris & infidelibus nationibus possiderentur illæ partes: nam facillimum est senio confectum nauali itinere peregrinari. Si nunc uigenti ætate essem, & iter tutum præstaretur, illuc omnino & ad alia plura loca proficiscerer. **B R A.** Si principes liberalitate præditi essent, multi reperirentur, qui orbem perlustrarent, ut Galenus fecit, noua semper experiendo, & discendo, uel studiis literis operam nauarent: sed usu uenit, ut nul-

lus sim

lus simplicium medicamentorum facultates, & res ipsas consideret, nisi medicus sit. Medici uero nostro æuo ut plurimum pauperes sunt, quia diuites nō dignantur medicam artem addiscere, ad cō incepti sunt ad propria bona noscenda: putant enim idem esse medicam artem scire, & ea uti. Medici uero paupertate ducti lucris incumbunt, & accumulandis opibus intenti sunt, quid hoc, uel illud sit, discere spernentes. **SEN.** Imō ignorant an pharmacopola eiusmodi simplicia habeant, quibus in dies utuntur. **BRA.** Oportebat equidem Aristotelem summum philosophum imitari, & eius præceptis parēre, qui prius citari utile esse censet, quā philosophari: sed quum diuites effecti sunt, tunc philosophandum erat, nam alibi edocuerat. Philosophi acquisitis necessarijs, coeperunt philosophari, non sophistico modo, & apparenti, ut multi nunc faciunt, sed rerum causas inquirentes, & abdita naturæ arcana detegētes. At ex nostris plurimi, quanto magis diuites efficiuntur, tanto minus philosophiæ præceptis incumbunt, & indagandarū rerū scientiæ: hæc autem aliàs deploranda sunt, nunc ad institutum nostrū reuertamur. Ego id intra me decreui, natos meos bonis literis primum instituere, deinde per diuersas mūdi partes relegare, ut per uaria regna & prouincias euagati sapientiores reuertantur. **SE.** Boracis sequitur. **BRA.** Borax.

Lapidem boracem Albertus in capite buffonis inuentum arbitratur, quem omnes ferè recentes sequuntur: hic tamen non est quem uos in officinis habetis. Ego ex buffonis capite eum lapidē uel potius os eduxi, in nigrū colorem inclinat, sed nunc de isto sermo fieri non debet, sed de illo



quo artifices utuntur: imò aurum conglutinare non possent si deesset borax. **SEN.** Reperitur ne apud antiquos? **BR A.** Equidem à Dioscoride, Plinio, Galeno, chrysocola nuncupatur, quasi auri colla, & gluten dicatur: propterea ab Auicenna capistrum auri nuncupatur. **SEN.** Ergo & Arabes de illo pertractant. **BR A.** Omnia, & tincar uocant suo idiomate: Serapioq; inter species salis numerat, de quo mirandum est; qui nihil meminerit Galeni aut Dioscoridis, quos tamen in omnibus refert, earum rerum quæ ab ipsis tractantur. Vno autem remoror, ut arbitrer Serapionem non intellexisse quid esset borax apud antiquos, quia scribit Mesuem dicere, radicem boracis artificialis urinam infantis esse. Si autem antiquorum boracem nouisset, non fuisset sibi mirum hoc, nec ueluti magnum quid adduxisset, quia omnes artificialem hunc lapidem ex urina constare monent. Nascitur autem naturalis in fodinis auri, argenti, æris, & plumbi. Ad nos deferitur chrysocola uarios colores habens, alba, flaua, uiridis, subnigra. Conqueruntur aurifices, quia à pharmacopolis ementes, non assequuntur plerumq; suum finem, quia falsa est chrysocola, uel alter lapis pro ipsa. Plinius colorem chrysocolle esse herba segetis Letæ uirentis scribit. Nero arenam chrysocola sterni fecit, quum & ipse, & sui eodem colore induerentur. Ut deprehendatur, antiquos eas fatuitates in colorum distinctionibus seruasse, quas nostrum uulgus impressas, & leureas uocat. Dioscorides dicit τὴν χρῶα κατὰ χρῶα πρᾶσις, Marcellus interpretatur, colore usq; ad satietatem uirente. Hermolaus Barbarus Dioscoridem per Plinij uerba interpretatur, inquit,

inquiens, quæ colorem herbæ segetis lætæ uirentis reddat. Interpretari possemus, colore omni parte uirente. Quam pharmacopole nunc habent, uirenti colore infecta est, sed non omni parte, nec lætæ segetis, nec usque ad satietatem uirente: ideo imperfecta est. Venetijs nonnumquam uirentem uidimus blando colore. Nostri aurifices eam probant quæ maxime colore auro assimilatur: nam etsi exquisitè uiridis esse debeat, in nostra tam alba, flaua, & subnigra reperitur. Flaua ad aurum ferruminandum apta potissimum est. Quanquam & chrysocollam faciant puerorum urina, in æreo mortario, & æreo pistillo. Conficiendi modum Dioscorides lib. 5. Plinius libro 33. cap. 5. & Galenus 9. de Simplicium medicamentorum facultatibus libro designant. Hæc etiam artifices, ad aurum glutinandum & ferruminandū utuntur, quippe diuersa metalla uarijs rebus iungunt artifices, chrysocola aurum (ut Plinius docet) argilla ferro, cadmia æris massis, alumen laminis, resina plumbo & marmore, plumbum nigrum iungitur albo, & ipsum album sibi oleo, stannum æramentis, stanno argentum. Sed hæc ad nostrum propositum nihil, quia nos alios plures modos hæc ferruminandi scimus, quàm hi qui à Plinio traduntur, arte inuentis semper addente. Ex Germania chrysocola affertur, inepta tamen: nostri etiam eam habent quæ ex puerorum urina fit, odora. SEN. Odorauī, urinam persentio. BRA. A Gallis bourax nuncupatur. SEN. Talchū Talchum. sequitur. BRA. Sunt qui Arabice taik nuncupari uolunt, alij stellam terræ, ex luce quam habet, & splendentes radios nuncupant, quamuis & nonnulli stellam ter-

re, herbam nocent, quæ uulgo lunaria dicitur, folliculum rotundum habentem, in quo semina conduntur, qui folliculus nocturno tempore aperitur, & adeò radius lunæ recipit, ut lucens stella uideatur. Loci incole ubi uident, diabolum esse putantes aufugiunt: hac ueneficia parant, hac demones irritant, hac Chymistæ suū Mercurium fixum, stabilemque reddūt. Tamen hoc nomen stella terræ, in maiori usu est, ut talchum significet, quàm aliquod alterum: nec immeritò, quoniam ab antiquis aster, id est, stella uocatur. **S E N.** Reperitur ergo apud antiquos: **E R A.** Sapphicor astrum Samium à Plinio dictum lib. 35. cap. 16. & Dioscoride quinto libro, & Galeno nono de Simplicium pharmacorum facultatibus libro, hanc rem esse, quā uos talchum, in publicis officinis nuncupatis. Quippe duas terras samias ponunt autores, ambas albas. Prima à Dioscoride collyrion dicitur, à Plinio syropicon. Altera aster samius, quam Dioscorides crustæ similem dicit, & densam, ut corticula, & quam Galenus non indigere lotionem testatur: hanc puto talchum esse, uim adstrictoriā habet, & nomine stelle ab antiquis dicitur. Lapidem samium esse alius arbitratus sum, nunc in astrum samium inclinor. Ad nos ex Germania affertur, supra mōtes, præsertim post pluuias inuenitur: a longe splendescere uidetur ut stella. Ideo stella terræ à nobis, & aster ab antiquis appellatur. In Samo perfectissimum nascitur talchum, propterea samius aster dictū est. Adstringit adeò, ut mihi gustare uolenti, os corrugauerit. Sunt qui talchū coeruleum, qui uiridem, atque croceum querant, præsertim Chymistæ, ut id querentes quod inueniri non potest, tem

pus uitæ suæ in falsis nugis conterant. Vñ in medicina crematio & lotura etiam nunc est, ut Dioscorides de samia terra dicit, sed præsertim crematio quia pauca lotura indiget, propterea Galenus non lauari, id est, quàm breui lotura tradit. Hoc Venetijs emere poteris, uel ex Germania petere. Nascitur & prope nos in Apenninis alpi- bus inter Regium & Mutinam è regione Herberia ar- cis Illustrissimi Ducis nostri munitissimæ: locus autem in quo inuenitur uulgò nuncupatur Il zesso, à Magnifico Iulio Scandiano possessus, potissimum ubi gypsum est, re- peritur. Gypsum uero alumen scaiolæ est, quando nondū Gypsum coctum sit: quum uero decoquitur hoc alumen, in gy- psum uertitur. Galli gypsum plastre uocant, Hispani yesso, Germani gips. Ad alia te uertas. S E N. Nullæ su- persunt terræ, quibus utamur. B R A. Multo plures à Dio- scoride, Plinio, Galeno describuntur, quàm eæ sint, quas supra enumerasti. At quum de his solum quarum usus est nobis, tractare instituiamus, prædicta supersint: quo- niam & hora in aliquod diuersorium proficiscendi im- minet. S E N. Imminet profectò, id castrum uersus pro- ficiscamur: nam Ferrariam eundem est, quum omnia fe- rè collegerimus, quæ ad nostram officinam repa- randam his locis haberi potuere. Inter eundem uero, ut cœna sapidior sit, de Salibus loquamur. B R A S.  
Imò hoc sermone, uia breuior red- detur.

# EXAMEN DE SALIBVS, QVORVM in officinis usus est.

SENE X.

S<sup>2</sup>o

AL COMMVNIS alijs salibus initium facit. **B. R. A.** In diuersis mundi partibus uarij sunt salis usus: in Italia marino utimur, qui partim arte factis areis, ut aqua solis feruore exiccari possit, partim sponte innascitur. Fertilissima sunt illustrissimi Ducis nostri salinae, quae in conuallibus Comaciensibus patent, ut ferè tota Hetruria, Insubria, & Flaminia eo uestatur. Spissum esse oportet, candidum & planum. In Germaniae aliquibus partibus, Pannoniaeq; fossili sale, atque metallico uestuntur. Montes usque ad duo milliaria in profundum excauant, sursum ingentes salis massas funibus trahentes. Saxeus dicitur hic sal, & marmoreus, ferreis pistillis teritur, & optime salit: probatur in hoc genere, qui candidus, pellucidus, & densus. At qui candidissimus in hoc genere, ualde lucidus & densus inuenitur.

**Sal gemmae.** salem gemmae uocari, quoniam ueluti gemma nitet. In Germania ubi salem effodiunt, & Pannonia, quandoque inter globos salis ingentes, aliqua salis gemmae portio sex, octo, & quindecim librarum plus minus inuenitur: hic uero est perfectissimus sal fossilis, & ueluti flos eius, qui rarus & paucus in tam magnis & frequentibus massis inuenitur, propterea gema dicitur. Ex Germania Venetias comportatur. Nihil tamen impedit, ut Ferrariam dese

riam deferatur, curare. De marino sale nihil in presenti dicemus, quia notior est, quam ut de illo tractemus.

SEN. Armeniacus sal defoditur ne & ipse? BRA. Dicendum est ammoniacus quasi arenarius. SEN. A Pan

Sal Ammoniacus,

destario armeniacum dici legeram, quoniam ex Armenia portetur. BRA. Nunc altero labore indiges, discere scilicet, & eius nominis obliuisci: ammoniacus appellatur, quia sub arena inuenitur in Aphrica apud Ammonis oraculū, ubi loca sitiētissima sunt, & in Cyrenaica regione. Ibi arena defossa frustra salis oblonga, extra nigra uel eruginosa, intus alba, & ad similitudinem aluminis scissilis, non multū lucet, & adeo salsus est ut ingrato sapore gustetur, tamē medicine utilis pro balanis fingendis in difficilioribus morbis, quibus opus est ad opposita deriuare. Venetijs emes, quamuis ex Germania simile genus salis portetur, qui sapore ingrato adeo salit, ut eo pro ammoniaco utamur: adeo salsus est hic sal, ut mihi fastidium pepererit inter loquendum, nisi de sapidiore sale tractemus. Commune nomen salibus Germani habent, salez, Hispani sal, Galli sel. SEN. Si hic sal ob salsedinem fastidio fuerit, dulcem salem inueniamus. BRA. Quomodo sal, dulcis est? SEN. Nihil impedit, idem aque salsum & dulce esse. BRA. Equidē. SEN. Sal, de quo loquor, Indus sal dicitur. BRA. De hoc in sac-

Sal Indus.

charo expeditum est, in India nascitur in cannarum extremitates: nam calore solis exudat, & extra cannas duratur, & nostro saccharo cando similis uidetur, uocatur etiam Mel supra cannas inuentum, ad nos non deferitur, & eius uice saccharo dicto cando utimur, arte parato:

quamuis nostri pharmacopole nescio quid, extra nigro, pro hoc sale utatur: quid vero sit, incompertum habeo.

**Sal nitrum.** **S E N.** Sal nitrum sequitur. **B R A** Nitram & litrum à Grecis dicitur: uos nitro caretis, & antiqui uestrum non habebant. Nitrum nunc terra, & scrobibus circa parietes inuentis paratur. Antiquum nitrum sponte in aqua fit, & illac transeuntes aque nitrosæ efficiuntur. Antiquorum nitrum colore rosæ, aut candido erat: nostrum uero aut candidum est, si perfectum sit, aut subnigrum, si perfectionem non sumpserit, & nondum exquisitè ebullierit. Antiquum nitrum a Germanis salcz peter nuncupatur. Antiqui pro sanandis hominibus, & in uita seruandis utebantur: nos pro necandis, pro cruenlis urbibus, depopulandis gentibus nostrum nitram paramus. Ex tenuitate & esse spongioso ac fistuloso antiqui suum nitrum probabant: nos quod parum crepiter. In machinis bellicis Bombardis uocatis, bombum facit nitrum: nec uehemens esset ictus, nisi nitrum adderetur. Iamq; puluis inuentus est, qui glandem sine bombo proijcit, nō tamen uehementer, ut uel pullum interficere posset. Illustrissimus **ALPHONSVS** Ferrariæ Dux inclytus, in omnibus rebus diligentissimus, hunc pulcrem inuenit, qui sine bombo glandem emitteret: præter nitrum quod fluminibus innatabat, etiam nitri spumam habebant, à Grecis aphronitrum, ab Arabibus baurach appellatur: quamuis baurach & nitrum confundant Arabum sectatores, & ipsi Arabes, ut Mesue facit: tamen re uera apud Arabes baurach est nitri spuma. In salibus etiam opus erat tehalosachnem, id est, salis spumam habere, & florent salis, quem

quem halosanthos uocant: est autem fauilla salis. De his omnibus Plinius capitibus septimo, octauo, nono, & decimo libri decimitertij agit: & Dioscorides quinto libro, Galenusq; undecimo de simplicium medicamentorum facultatibus, prope finem. **SEN.** Sal naphthicus Sal naphthicus, sequitur. **BRA.** Quis meminit huius salis? **SEN.** Mesue: tamen scire optarim, an apud antiquiores inueniretur. **BRA.** Inuenitur quidem, sed uos eum non habetis. Plinius libro supra citato salem in Babylonia fieri ex aqua bitumine ablato docet: & Galenus undecimo de simplicium medicamentorum facultatibus, in mari mortuo salem fieri monet, quem Sodomium uocent: ibi enim Sodomus Sal sodomium, est, ubi asphaltum colligitur. Vos hoc sale caretis: nec opus est expendere ut habeatur, quoniam facillimum est sine hoc sale uiuere, & ab omni egritudine liberari. Naphthicus appellari debet, non naphricus: peius profuerunt, qui nauticus legunt. **SEN.** Sal Alkali sequitur. Sal alkali, **BRA.** De hoc in aluminibus loquuti sumus: arte fit ex herba cali combusta, quæ dictæ usnæ assimilatur. Tamen ex pluribus alijs herbis & carbonibus ac lignis, uaria salis genera fieri possunt pro diuersarum gentium moribus. **SEN.** Id scio, uerum prædictis tantum in officinis utimur. **BRA.** Naphthicum habere nō poteris: Ammoniacum præterea uerum ammoniacum non est, sed aliqui fictitium parant. Aliqui ex Germania comportatum habent. Salem nitrum habere non cures, quoniā in illo non sibi constant Arabes: nam Auicenna eius proprium colorem nigrum esse censebat secundo libro, sed quarto libro inquit esse in colore salis, & in dulcedine mellis. Quo



autem pro illo uos utimini, ex Germania desertur. Alios sales prosequaris. SEN. Nullus est alter sal, quo utamur. Iam ad hospitium peruenimus: Herbarie coenam para. Interim de nonnullis loquemur, quæ ad nullam seriem dedecere noui. BRA. Age quàm breuius fieri poterit, quoniam fame sitiq; ingentibus corripior.

NONNVL LA QV AE AD  
caput nesciunt Pharmaco-  
polæ deducere.

SE N E X.

Tutia,



X HIS unū est Tutia, & Spodium, non quidem illud Auicennæ ex cannis. BRA. Hæc ad metalla, aut terræ species adducēda erant, de ipsisq; in radicibus egimus. Nā tutia à Dioscoride, Plinio, & Galeno pompholyx dicitur, spodium uero pars crassior existit. Vnde in fodinis ærarijs quum cadmia, uel cli-  
mia in camino perficiuntur, fumus subtilior camino inhærens pompholyx & Tutia est: crassior uero & quādoq; carbonibus mixtus, spodium. Vnde Galenus quum pompholygem habebat, nunquam spodio utebatur: quum uero spodium, nunquam antispodio: quod ex cannis Auicenna facit, antispodium est. Tu quum pompholygem, id est, tutiam facillime habere possis, antispodium & spodium abijcias. SEN. Si quispiam medicus spodium ordina-  
ret quid agendum? BRA. Pompholyge pro spodio  
utaris

utaris, ut Galenus faciebat: nam pompholyx, id est, tutia est perfectissima pars spodij. Ideo à Germanis utrunque Nix appellatur: quamuis & nonnulli sint qui nil, Latino uocabulo utantur. SEN. Rasura eboris sequitur. BRA. Rasura eboris. Ex elephantum ossibus ebur fit, imò ossa ipsa ebur sunt: & quamuis Græci ebur, ebur elephantum appellant, omnia tamen eius ossa ebur dici possunt: ex dentibus autem, uel dicas cornibus, pulchrius fit. Scobe eboris paronychia tolli Dioscorides censet, & Plinius libro uigesimo octauo: tamen Paulus Aegineta ex unguibus etiam fieri monuit: sed & unicornis, uel monocerotis cornu habebis, non autem falsi: nam multi lapidem uice cornu monocerotis habent, imò omnes ferè. Subniger est color, aut subcinericius. Duo integra cornua Venetijs in arario diui Marci reconduntur, omnium quorum uiderim pulcherrima & maxima. Si hoc cornu aliubi habere poteris cura: quippe ueneno aduersatur, & puerorum uermes interficit. SEN. Nec cornua cerui omittenda. BRA. Ut habeas curabo, quoniam illustrissimus princeps & patronus meus HERCVLES ESTENSIS aliquod ceruum insequutus defiget. A Gallis cerui cornua, corne de cerf, à Germanis hirtshorn, dicuntur: Monocerotis autem cornu à nobis alicornio, ab Hispanis cuorno de licornio, à Germanis eodem modo sua lingua einhorn, id est, cornu unicornis dicitur. Germani uero ebur elephant dicunt, cuius rasuram Galli kachese diuoiré uocant. SEN. Copula glandium sequuntur. BRA. In Ferrariensi agro copiose proueniunt, in Mutinensi copiosius: ego è montanis glandibus potius seruarem. Scutella illæ quibus integuntur

Copulæ gladii

tur & ferè pileola adstringunt, propterea Germani nomen inuenere cichel hucteil, id est, glandis pileolum, in his rebus natura prouidit in quibus non est opus, nisi occulta aliqua necessitate factum sit. S E N. Tegname sequitur. B R A. Hoc inter ligna numerare oportebat. S E N. Ad me nihil refert, modo apud antiquos agnosca. B R A. Nihil equidem refert, tamen congenere congenere prope esse oportet. Scito Tegname uocari quasi thymiaa a suffumigio, eo nempe domus suffumigantur ut redolect. Id enim nomen thymiaa multis odoratis rebus commune est, suffumigio aptis, modo ex floribus non sint. Nos duplex genus corticis habemus, quæ pro Thymiamate pharmacopole ueniunt. Vnum crassum, nigrum, & combustæ rei faciem habens, cui nigra frustula connexa sunt, ac si conglobatæ arboris succus sit. Alterum, subtile & rubrū: si hoc suffumigaueris, redolet magis quam primum: inò pluribus primus ille cortex male olet, quem passim uenditis. S E N. Quid est apud antiquos? B R A. Dioscorides primo libro de nascaphtho pertractat, quod uestrum tegname, aut thymiaa esse inclinor: ex India defertur nascaphthon, natura corticosum est, & additur ad suffimenta, sed ingrato odore. Recentes nastatimon legunt, quum nascaphthon legere oporteat. S E N. Loquuntur ne de ipso Arabes? B R A. Loquuntur quidem: nam Serapio capite centesimo octuagesimo sexto sub nomine lasahatem de nascaphtho pertractat. Genuësis decipitur, qui nabach Serapionis esse arbitrat, & errandi ansam Pandetario præstitit, qui ex aliorum dictis, & non ex ipso fonte colligit, quippe nabach frux

bach fructus arboris est, ut de illo Auicenna quoque scribit: sed lasahatem, Dioscoridis nascaphthon uerè est. Interpres aut librarius aliquis deceptus est, qui in Serapione nabach posuit, quum lasahatè scribere debuisset: hæc autem nihil ad rem, modo noscas uestrum tegname uel thymiam, id est, corticem illum apud nos in suspicionem uenisse; ut Dioscoridis nascaphthon, & Serapionis lasahatem dici oporteat. Comparato enim lasahatem Serapionis, nascaphtho Dioscoridis, idem esse pictura demonstrat: imò à Serapione exquisita Dioscoridis uerba adducuntur. Sed unus est in Genuense & Pandectario adeò stupinus error, ut dissimulari non possit: ubi Dioscorides corticosum dicit, ipsi sine cortice legunt, quum tamen cortex sit: de eo Galenus & Paulus eodem ferè modo pertractant, ut Serapio Pauli uerba adducens, eadem scripsisse Paulum fateatur, quæ Galenus antea edocuerat.

SEN. Certum est nostri thymiamatis odorem multis displicere, aliorum fortè miscella gratus efficitur. BRA. In cõpositionibus etiam ingratißimum odorem spirat, ut diebus proximis in uarijs miscellis, quas illustrißimus & excellentißimus Ferrariæ Dux ALPHONSVS suis manibus me præsentè parabat, ut uir erat nouarum rerû sitientißimus, expertus sum, quem nuper mors impia, crudeles parca nobis abstulere. O incertæ & inconstantes mundi res, ô curas hominum, quântum est in rebus inane.

Clemens pontifex septimus, intestino odio ALPHONSVSVM Illustrißimũ principem prosequabatur, septimo Calendas Octobris obiit pontifex, anno à CHRISTI ortu milleno quingēteno trigesimo quarto. Quinto Calē

das Octobris, uigefima prima hora Illustrissimo Duci relatum est Clemētem obiisse, hora prima noctis Illustrissimus Dux egrotare cœpit: pridie Calendas Nouembris, hora sexta noctis, sextadecima horæ parte dempta, Immortali Deo animam reddidit, rebus suis Christianissimo more dispositis. O iniqua fâta, ô Sirenes usque in exitium dulces humanas res, quæ quum blâdiri incipiunt, mox necant. Non potuit hic generosissimus princeps res suas pacatas unquam uidere. Nam ab initio principatus usq; in uitæ calcem omnia aduersa, quæ principi cōtingere possunt, habuit, & egregie superauit. Potentissimi hostes eū non modo pungere, sed uorare & deglutire tentarunt. Ipse dimicans, & sapientia omnes expulit, uicit & triūphauit. Toties ei factæ sunt insidiæ, ut pigeat ac pudeat à quibus, & quoties, referre. His omnibus deniq; superatis, quum tempus quietis instaret, morte præuētus, dum excogitabat ipse reliquum uitæ in noscendis rerum causis, in uarijs experiundis transigere. O quoties mecum loquens, dum egrotabat, in hæc uerba prorupit: Mi Antoni, si à præsentī aegritudine euadam, ingens uiridariū tibi decreui, & nuncios quorsum iusseris mittam, ut herbe, quæ apud nos non sunt, afferantur: adeo simplicium medicamentorum notione delectabatur, ut integre Andromachi Theriaca fieri posset. sponderat nūcios ad omnes mundi partes mittere, in quibus simplicia medicamenta efficaciora inueniuntur: quod insectum non relinquet Illustriss. & excellentiss. patronus HERCVLES ESTENSIS, eiusdē Illustrissimi ALPHONSI primogenitus, qui post dulcissimi & sapientissimi genitoris obitum,

obitum, magno omnium gaudio & plausu in festo omnium Sanctorum Dux creatus est, quem uideo integerrima pace & quiete diu uicturum. Nempe omnia plausere nouo Duci, nec cœlum potuit ingentibus pluuijs prius patris mortem deplorans, non ostendere lætitiã. A summo Olym porisfit Apollo, & nubes fugauit, ut diem lætam nouo principi daret, & quietem perpetuam ostenderet, cum quo Deus est, qui in bonorum animis insidet. s e n. Audiui de hoc principe talia, qualia à iuuenū animis abesse soleant, ut diuinus potius, quam humanus dici mereatur.

B R A. Multa quidem de illo digna circūferuntur, sed nō talia ut eius benignitas expeteret, ut eius frugalitas & clementia expostulant. Pius est, mitis, iustus, dei præceptorum summus custos, & quod nūc rarum in Principe est, liberalis. Cuius testis sum ego, quem amplo prædio in Carpenſi agro donauit: ut deinceps mihi nec succida, nec panis (ut Ciceronis parcœmia utar) deesse possit. Nō est autem hic locus HERCVLIS Illustrissimi Ferrariæ Ducis encomium canere, sed aliàs plenius (ut dignum est tanto principe) aggrediar. Interim alia prosequaris.

s e n. Tartarum sequitur. B R A. Ne aliunde queras, Tartarum, quam Ferrariæ, ad quam præpotentia uina conſtluunt, quamuis mediocria nascantur: separatim ex nigro & albo uino, ex præpotenti & debili tartara serua. Tartari drachma in iure bibita, ter aut quater, præter noxam soluit. Hispani Latinum nomen sequuntur. Germani weinstein appellant, id est, lapis uini. s e n. Antale & Dentale sequuntur. B R A. Tot ab antiquis autoribus testarū genera in usu medico recepta sunt, ut difficile sit spe-

Antale & dentale,

cies interſtinguere, & difficillimū omnia demonſtrare: nunc tamen conabimur has duas ſpecies (ſi poſſibile erit) apud antiquos inuenire. Nonnulli quod uos Dentale appellatis, dentes eſſe illius optimi piſcis, quem uulgò Dentale uocamus, putarunt, ſed falſo: nam dentale piſcis Auratæ aſimilatur, ſed magnitudine eam excellit. Conſtat autem dentale ueſtrum, citrinum unguentum ingrediēs, piſcis dentes non eſſe, ſed inter conchas numerandum, de quibus ab antiquis ſermo fit. Dentale & antale in purpurarum genere à Plinio libro nono, capite 36. & Dioſcoride libro ſecundo, numerari uidentur, & à Plinio eodem loco dentale buccinum dicitur, à Galeno buccinum marinum, quia ſimilitudinem habet cum buccino, quo ſonus editur. Antale à Plinio purpura uocatur: tamen & in genere buccini quoque eſt. Galenus in emplaſtro albo ariabarzantio, inter alia buccinorum cinerem addit. Ceryces à Græcis buccina uocantur: nam idem eſt ceryx quod præco apud Græcos: propterea buccinum dicimus, quod ipſi cerycem nuncupant. Recentes dentale appellant, quia cum dentibus ſimilitudinem habere uidetur. Viuunt hæc, ſed an ſenſum habeant immeritò multi dubitant, quum ſenſu uigere oculata fide conſtet: poſt marinos æſtus ſupra maris littora inueniuntur. Sunt qui hæc coſta, & qui cruda edunt, ſicut alia conchylia. Antale diuerſis inuolucris circūgyratur, tamen buccinum eſt. Accidit quandoque ſtante uento, per Antaliſ anſractus ſibilum emitti, ut tuba uideatur. Hæc Venetijs emes, aut circa mare querus, quum in Malaciam, poſt ingentes æſtus uenit. Optarem ut buccina carnem habentia emeres: quo

res: quoniam (ut Paulus inquit) oleo decocta aurium doloribus proficiunt. Quam ob rem dentale buccinum est: Antale apud antiquos, purpura. Ideo Galenus 11. lib. de Simplicium medicamentorum facultatibus, eodem capite, de buccino & purpura tractat: & Dioscorides primo de purpura, mox de buccino, tanquam de congeneri expedit. Tamen murex plura amplectitur, quam buccinum faciat. Qui uero tellinas, ex nominis uicinitate, dentale esse arbitrati sunt, aberrarunt: quoniam Tellinae albae sunt in genere concharum, lenes, & perpolitae, nullo modo striatae: & sunt tellinae quas nostrum uulgus peueraze, & peueracinas nuncupat. Ad alia te cōferas. HER.

Tellinae.

Coena parata est, & iam frigescent pultaria. SEN. Vmbilici marini supersunt, qui nos paululum remorantur.

Vmbilicus marinus.

BR A. Pulchrum nomen est, à re ipsa sumptum: quoniam hominis umbilico similes spectantur: ab antiquis in genere cochlearum marinarum numerari solent. Vnum uero in genere admonendum, omnes has testas exicare: propterea Galenus in buccino de omnibus unà pertrahit, & in genere. SEN. Lauemus manus, & è regione huius ostij sedeamus, ubi suavis aura spirat. HER. Et ego in hunc angulum secedam, ne sudans, laterali morbo capiar. BR A. Considerare oportet, nunquid alia sint in his montibus quærenda, aut alibi eundum ut habeantur. SEN. Nihil amplius est quod hic desiderem: Cras Ferrariam reuertemur, ea conditione, ut comes sis, & alia nonnulla meae officinae commoda, necessariaque tractemus. BRASAVOLVS. Non possum tibi non obtemperare, quamuis mihi aliò eundum erat.



Nunc autem tempus quietem exigit potius, quàm uerba,  
 & dulcis sopor influit per membra. HERB. Dormia-  
 mus igitur, ut summo mane surgentes, magnam itineris  
 partem perficiamus. SEN. Iam somno capiebar, nisi  
 tuis uerbis interturbasses Herbarie.

DE PINGVEDINIBVS, QVA-  
 rum in officinis pharmacopola-  
 rum usus est.

HERBARIVS.



VRGITE iam, diluculum instat. En  
 Venus iterũ eradiare cœpit. BRA. Lu-  
 cifer mane appellatur. SEN. Inter eũ-  
 dum alia simplicia excogitare, & per-  
 cribare oportet, quibus in dies utimur.

Pinguedines  
 gallinæ, anatis,  
 & anseris.

BRA. Quæ sunt hæc? SEN. Primo pinguedines occur-  
 runt. BRA. Quorum animalium? SEN. Gallinæ, Ana-  
 tis, Anseris. BRA. Ferrariæ cuiuscemodi pinguedines per-  
 quam commodè habentur: tamen glorientes gallinas cui-  
 tare oportet, & antiquas: anserum uero, atq; anatum syl-  
 uestrium pinguedinem seorsum à domesticis serua: nam  
 syluestriũ pinguedo calidior & subtilior existit: debetq;  
 circa salem inueterari, ut Dioscorides 2. lib. & Galenus  
 xj. de simplicium medicamentorum facultatibus oslèdunt.  
 Tu si seruare cupies, hos autores cōsideres, qui plures mo-  
 dos seruandi secundũ diuersas etiã pinguedines docet. Ad  
 nonnulla etiã recens ualet, ad quæ nō inueterata, & è cō-  
 trario. Nec te prætereat, marium pinguedinẽ calidiorẽ  
 & sic

& sicciorem fœminarum pinguedine esse. Ideo seorsum  
 marium, & fœminarum pinguedines serua. Differūt pin-  
 guedo & adeps, quoniam adeps in ualde obesis animali-  
 bus pinguedo est, pinguedo uero subtilior: propterea  
 obesa animalia etiam uulgò adipem habere dicimus. Ani-  
 malia uero quæ macilenta non sunt, & integra sanitate  
 fruuntur, pinguedinem habere, & pinguita esse fatemur,  
 non tamen adipem habere. Ideo pinguedo intra carnem,  
 adeps in fine carnis existit. S E N. Seuū quid est? B R A.  
 Seuum, uel sepum, in ruminantibus adeps est in fine car-  
 nis. In sue sepum, sed ineptum etiā ad candellas, & axū-  
 gia seruantur: in renibus sumenda esse Dioscorides 2. lib.  
 animaduertit. Seuum & adeps gelantur, non gellatur pin-  
 guedo. Tamen inter loquendū quandoq; pinguedine, pro  
 adipe, & adipe pro pinguedine utar, ut fere recentes fa-  
 ciunt. At tu in officina pinguedinem ab adipe separatam  
 habeas, quoniā pinguedo calidior, & minus humida est.  
 Vbi autem magis humectare opus sit, adipem sume: ubi  
 minus, pinguedinem. Nunc in usum uenit uitulnam pin-  
 guedinem seruare, ad circūliniēda catapotia, ne amari-  
 tudo sentiatur. Pinguedo ab Hispanis bordura nuncupa-  
 tur: Galli uero gallinam poule. Germani henn. Hispani  
 ut nos uocāt: sed anas à Gallis canart, ab Hispanis anade,  
 à Germanis ent dicitur. Appellāt uero Hispani anserem  
 ansaron, Galli Oye, Germani bans: quod nomen apud  
 Germanos antiquissimum est: nam Plinius cap. 22. lib. 11.  
 banzam uocari apud Germanos anserem scriptum reli-  
 quit, ac si Plinius Germanum nomen declinaret à gans,  
 quod quum ipsi proferūt, adeò asperè referūt. ut s, r, so=

*Pinguedo urfi, & cerui.* nare uideatur. **S E N.** Taxi, urfi, ceruiq; pinguedines sequuntur. **B R A.** Non parum etiam refert an pinguedo ex iuniore, uel seniore animante sit. In his montibus taxorum, urforumq; pinguedines à rusticis emes, priusquàm discedamus. Vereor autem ne decipiaris, & alià pinguedinem pro urfi pinguedine uendant, rustici hi montani, omnium rusticorum perditissimi, quia continuis factionibus sese mutuis necibus interficiunt: sed en occasio offertur, qualem uolebam: Ab hoc rustico ursus intersectus est: pinguedinem emere quid prohibet? ut ex urso sumpti certi simus: deinde Ferrarie Dioscoridis more aptabimur, seruabimusq;: Nec taxum illum uiuum prætermittamus, quem mulier funiculo ligatum habet, eum Ferrarie unà comedemus, & pinguedinem seruabis. Dioscorides, Galenus, & Paulus huius animalis pinguedinem prætereunt. Constat autem plurimū emollire. Cerui pinguedinem ut habeas curabo, quum illustrissimus patris noster **HERCVLES ESTENSIS** nunc nouus Ferrarie Dux creatus, cui fata sequuntur, ceruos uenatione defiget. Taxus animal est ferè in murium alpinorum genere, à quo Ferrarie nobilissima Taxonorum familia nomen sortita est, in quo sunt duo ingentia uirtutis lumina Galeaceus patruus, & Nicolaus nepos, quorum minora non sunt Hercules, Camillus, & Alphonsus, de quibus alijs. Galli ursum ours, Hispani ut nos, Germani beer uocant. Cernū uero Germani birsch, Galli cerf, Hispani ci. *Pinguedo equi.* cruo nuncupare solent. **S E N.** Equi pinguedo sequitur. **B R A.** Curabo, ut hanc pinguedinem à Magnifico Petro Manfredo Mauro cognominato habeas, qui ea frequenter ad

ter ad equorum egritudines utitur. Tamen ipse pinguedinem comarum equi appellat, quia ex collo potissimum eliquat è quo comæ prodeunt. Germani equū pfert, Galli cheual, Hispani ut nos cauallō nuncupant. s e n. Hirci <sup>Pinguedo hirci,</sup> pinguedo sequitur. B R A. Et hanc Ferrariæ habebis: est enim hircus caprarum maritus, quem uulgò becho nuncupamus, & per similitudinē eos homines bechos appellare consueuimus, qui sponte eorum uxores ab alijs uitiari sinunt. Quippe omnia animalia agrè ferunt, si cōpares suæ alijs iungantur, & pro hoc actu dimicāt, præter hircum. Quam ob rem inter Ferrarienses institutiones sancitum est, si quis patiatur sciens & uolēs uxorem eius ab alio uitiari, supra currum ligatus, caput hircinis cornibus redimitum habens, per totam urbem ducatur, ut hoc probro uilescat. A Gallis hircus boucq, ab Hispanis cabron, à Germanis bock dicitur. s e n. Castrati <sup>Pinguedo castrati,</sup> pinguedo præter dictas habēda. B R A. Hæc etiam ne aliunde queras quàm Ferrariæ. Agnus est dum puerescit: quum creuerit, aries efficitur, ouium maritus: si castratur, uerues dicitur: uos autem castratum nominatis. Dioscorides modum seruandi lib. 2. docet, quamuis & alij sint modi post Dioscoridem inuenti. Galli castratum mouton, Hispani carnero, Germani semmel appellant. s e n. Homo <sup>Pinguedo hominis,</sup> pinguedo sequitur. B R A. De humana pinguedine exordiar, si in primis animaduertero castratorum pinguedinem à Galeno fœminæ assimilari, ut eandem ferè qualitatem habeāt pinguedo fœminæ, & castrati in suo genere: adeò ingētes uires nobis tribuunt testiculi, qui in causa sunt ut tauri nunquā aratro assuescāt, nisi castrati.

Pro humana autem pinguedine seruanda, quum suspensi alicuius sectio fiet, ut assequaris curabo. Quippe illi displicent, qui his detrahunt, qui ex homine medicinas parant, ut Alexander Benedictus, quoniam apud antiquos medicos cum Græcos, tum Arabes ex homine plures ad artem medicam spectantes compositiones fieri colligitur. Adde hominem homini magis assimilari, quàm aliquod aliud animal: sed hæc aliàs disputanda sunt, & diffusis ac certis argumentis comprobanda. Nunc nunc etiã IOANNES SINAPIVS Germanus, uir omni bonarũ literarum genere refertissimus, & noster in naturali philosophia discipulus, libellum ostendit ueluti Enchiridion Botanologicon inscriptum, quem ueluti per transfennam non quidem legi, sed una nocte uorauĩ. In quo libelli autor eos taxare uidetur, qui ex hominũ partibus quicquid in re medica faciũt. Sed ipsius pace dixerim, quũ humanas partes per notas qualitates alicui egritudini succurrunt, in his præsertim quæ exterius applicantur, humanis partibus potius utor, quàm alterius animalis, & ita cuiusq; agendũ suadeo. Nomẽ autoris libelli Euricius cordus est, Simesusius, quem coram ex facie noui quum Ferrariæ literis incumberet, in contubernio excellentissimi Vincentij Caprillis. Euricius uerè cordatus uir, longa experientia præditus: cuius libellum antequam ad hanc usque nostri laboris partem peruenissem, legisse optarem: quippe maximo mihi adiumento fuisset, præsertim in Germanis nominibus agnoscendis. Ad rem nostram redeuntes, Germani hominem mensch, Hispani hombre, Galli homme pinguedo ferpentis, nuncupant. SEN. Serpentis pinguedo sequitur. B R A

In hac

In hac pinguedine errores innumeros faciunt, & pharmacopole, & qui sine distinctione ordinant medici. Nam uocabulum serpens, omnia serpentina significat indiscrete, quæ innumera sunt, ut etiam Quintus Serenus, & plures alij antiqui, puerorum uermes, & terrestres serpentes appellauerint. SEN. Rari sunt qui hac pinguedine utantur: imò nunquā probos medicos ea uti uidi, sed agyrtae solum & ethologos. BRA. De pinguedine uiperæ apud autores sermo fit: de aliorum serpentum adipe nihil ferè legi apud quem quid probatum, nisi apud Albertum Magnum, quæ tamen non ausim, nec uolo inter probos rei medicæ autores numerare. Quum igitur serpentis pinguedo simpliciter queritur, uiperinum adipem intelligendum censeo, qui per decoctionem colligitur. Bononiæ pharmacopolas uidi, qui ex quocumque serpentis genere (puerorum uermibus, & terrestribus lubricis deptis) indiscriminatim acciperet. Serpentem Galli couleuvre, Hispani culebra, Germani schlang uocat. SEN. Sunt & qui leoninam pinguedinem in suis compositionibus, quas receptas dicunt, accipiant: sed an leonina sit, quam Venetijs emimus, ignoramus. Ideo in mea officina hanc habere paruipendo. BRA. Nec immerito, quum rem ipsam an talis sit, ignores. A Germanis leui, à Gallis & Hispanis ut nos lion, uel leon nuncupatur: primi lion, Hispani leon uocant. SEN. Nullis alijs pinguedinibus utimur, sed medullæ sequuntur. BRA. A Dioscoride autem & Galeno plures aliæ enumerantur rei medicæ necessariae. SEN. De illis nihil ad nos, quum ea planitie, quæ in declui uidentur, potius erimus, medullas quibus utimur, enumerare incipiam.

Pinguedo leonina.

# DE MEDVLLIS, QVA rum in officinis usus est.

BRASAVOLVS.

Medulla e cru-  
ribus sumenda.



**E**X PEDIT medullas, quibus uteris, enumerare. **SEN.** Id faciam, si in primis animaduvertero medullas potissimum e cruribus accipi. **BRA.** Tamen Galenus undecimo de simplicium medicamentorum facultatibus, etiam spinalem medullam ex brutis colligi censet, & seorsum a medulla crurium seruari. Nempe medulla proprie crurum dicitur: est autem spinalis medulla durior, & siccior alijs: has seorsum collige, ut Galenus præcitato loco, & Dioscorides secundo libro docent, diuerso tamen ingenio. **SEN.** Prima medulla crurum ossis, cerui est: secunda, utuli: tertia, bouis. **BRA.** Et merito per hunc ordinem numerasti: quoniã Galenus & Dioscorides medullæ ceruine primum locum tribuunt, secundum uitulinæ, tertium taurinæ, & hircinæ: sub taurina bouilam comprehendimus. Germani medullam march, Hispani tuetano uocant. Vitulus autē à Gallis ueau, ab Hispanis bezeron, à Germanis kalb dicitur: sed Galli bouē beuf, Hispani bucy, Germani rindt appellāt. **SEN.** Agni medulla sequitur. **BRA.** Ferrarie probatissimam habebis, ubi curabo ut ceruinā assequaris. Agnus ab Hispanis cordero, à Germanis lamb uocatur. **SEN.** Post medullas, pulmones sequuntur, de quibus statim agemus, si prius hoc fluuē tranauerimus.

Medulla spina-  
lis.

Medulla agni.

# DE PVLMONIBVS ET TESTICVLIS.

SENEX.



NO TANTVM pulmone uti-  
mur nos pharmacopole. B R A. Er-  
go & uno corde. S E N. Imò nullo  
corde. B R A. Fortè nulla mente in-  
telligis. S E N. Rem non accepisti.  
Intelligebam, nullius animalis cor, nostras officinas ingre-  
di. B R A. Tui autem serui animalia sunt: igitur nec tuo-  
rum seruorum corda in officinis habe. S E N. Vinam  
mendacium esset, & salibus tantum iocaremur, sed re ue-  
ra meorum famulorum corda extra officinam sunt, quia  
amasijs & puerilibus deliramentis uacant. Ad rem uero  
proficiscentes, pulmonem uulpis solum medici recipiunt,  
& nostras compositiones ingreditur. B R A. Hunc pul-  
monem siccatum, potumq; suspiriosis mederi Dioscori-  
des censet. Compositionem habetis ex hoc pulmone pro-  
bam, & quæ suspiriosis magnopere profit. Dioscorides  
& Galenus de pluribus pulmonibus unà scribunt, quos  
omnes ad attritus calciamentorum ualere iudicant. A  
Gallis polmon de renart, à Germanis suchs lungen, id  
est, uulpis pulmo nuncupatur. S E N. Vnius etiam ani-  
malis Testibus utimur. B R A. Cuius? S E N. Casto-  
ris. B R A. Et castorium dicitur ipse testiculus, ad tot  
in re medica ualeat, quod (ut Galenus undecimo de simpli-  
cium medicamentorum facultatibus refert) Archigenes

Pulmo uulpis

Testiculi ca-  
storis,



*Amphibium.* integrum librum de ipso per scripserit: hoc animal Dioscorides amphibium appellat, quoniam & in aqua & terra uiuat, sed potissimum in aqua moratur, ob pisciculos & cancos, quos sedulè expiscatur, & quibus uestitur. Nos uulgo hoc animal biuaro nuncupamus. Galli Latini nomen sequuntur castor, Germani à pelle, quam supra dorsum in cauda habet, ut oropygium in auibus, biaber geil nuncupant. Receptum est, & adeò arimis hominum impressum, ut nunquam dimoueri possit, hoc animal sibi testes amputare, quum uenatores eum sequuntur, quum nouerit causam quare insequantur, aut quia nobis inuidet, ne illam partem habeamus propter quam illum insequitur. Fingunt autem recētes, quum eò deuentum est ut fugere nequeant, sibi eam partem amputare, quæ mali causa est: ut hoc ansam dederit pluribus amantibus, piscuras ex hoc animali sibi fingere. Idem Plinius capite trigesimo octauo libri, quamuis tertio capite libri trigesimisecondi dicat medicorum uulgus id existimare. At Sextius medicus diligentissimus falsum esse obseruauit, imò adeò paruos & substrictos habere, & spinæ adhaerentes, ut adimi non possint, nisi uita animalis simul adimatur. Dioscorides idem sentit non posse adimi, quoniam substricti & adhaerentes sunt, quales suos habent, & nos hoc obseruauimus ter aut quater in uiuis fibrit & mortuis: non sunt quales ab aliis quibus Venetijs uenduntur: lutræ similitudinem habet, cauda solum differt, & habitu corporis: tamen & lutræ testes ad eadem ferè ualent, ad quæ castoreum. In Ponto nascuntur, & in fluminibus aliquot Hispaniæ frequentes sunt, & apud

apud nos ubi Padus mari iungitur. Quum annis proximis essem cum Illustrissimo Principe ALPHONSO duce Ferrariæ, circa loca eius maritima, ubi dicitur caput Gauri, uulgò Codegoro, in aquis castorem conspicatus pilosum piscem putabam, sed nautæ uenatores eum sequebantur. Vnus erat in prora contum ferratum habens, alij paulatim, nauem ducebant uersus eā partē, in qua fibrum submergi uiderant, quum fiber motu exterritus caput exereret, hic qui contum habebat, illum confixit, quem illustrissimo duci præsentarunt. Ego autem illum membratim dissecai, denique testes & paruos, & ferè dorso inhaerentes inuenimus. Reperiuntur & eo loco lutræ, quamuis in Neapolitano agro frequentiores sint. Intra pelliculam castorei liquor est, qui cerosus esse debet, odore graui, & redolente uirus, gustu mordaci, & acri, friabilis. Ex uno principio, hi testes sunt. Vos autem pharmacopolæ nescio quid Venetijs pro castoreo ematis, quum facile apud nos haberi possit fiber: nec in Pontum, aut Hispaniam mittendum: eius morsum euitant insequētes, quoniam nunquam deserat, nisi perfracto membro. Ad alia pedem conferas. SEN. Olea se-

quuntur, de quibus statim agemus, quum  
alpes istas superauerimus. BRA.

Imò ut uia breuior uideatur,  
inter cundum enumera.

# EXAMEN DE OLEIS QVAE EX MI- nera sumuntur, & quæ per ex- pressionem fiunt, & quæ igne parantur.

SE N E X .



**O**LEA quæ mineris innascuntur,  
& subterraneis meatibus, in hoc ordi-  
ne carceres habent. **B R A.** Eorum no-  
mina edoce. **S E N.** Petroleum, oleum  
de monte Zibio, oleum de saxo. **B R A.**

De his ubertim in asphalto & naphtha prædiximus, addi-  
dimusq; petroleum ex regno Neapolitano adduci, è para-  
ticulari loco, qui uulgò nuncupatur il Tocho. **S E N.**  
Ad olea igitur, quæ per expressionem fiunt, descendam,  
inter quæ in frequentissimo usu sunt, quæ ex amygdalis  
amaris, et ex dulcibus fiunt. **B R A.** De his in fructibus di-  
ctum est. Non pigebit tamen addere, quoad gustum per-  
fectius fieri, si pellicula circundans dematur. Nec tem-  
perare possum, quin pinguiusculū quorundam pharma-  
copolarum errorem detegam, qui ab ethologis oleum  
amygdalarum dulcium emunt, in uesticis portantibus,  
quum tamen oleum seminum lini sit. **S E N.** Id mihi die-  
bus antè actis accidit: propterea statui deinceps nunquā  
emere, sed in officina expressis amygdalis parare. **B R A.**  
Para & alia, ut oleum seminum lini, oleum ex uitellis  
ouorum, quod falsò nonnulli pharmacopole cicatrices  
delere contendunt, ut oua à fatuis detrahant. Nunc tamē  
mulie

Oleum amy-  
gdalarum ama-  
rarum.

mulierū usus est, ex hoc oleo facies decorare, aut simplici-  
 ter, aut alumine, saleq; gemmæ additis. **SEN.** Itaq; ex se-  
 minibus cucurbitæ oleum parabo, ex glandibus, atque nu-  
 cibus. **BRA.** Oleum ex nucibus in usu medico non ui-  
 detur. **HER.** Saltem ad accensas lampades seruandas  
 habendum. **SEN.** Tamen & multis agritudinibus suc-  
 currit: quomodo fieri oporteat, Dioscorides secundo li-  
 bro ostendit. **HER.** Quæ aliarum nationum uocabu-  
 la prætermittis? **BRA.** Ut tibi maiorem geram, ex ara-  
 bo. Galli oleū huille, Hispani azeytes, Germani oel, uel  
 ole supra o, ponentes, et sono quodā inter o & e medio  
 proferentes appellant: nuces ab Hispanis nuezes, à Gallis  
 noys, à Germanis nusz uocantur: linum Germani & Galli  
 lin, uel Germanicè leim: Hispani ut nos lino dicunt: ouum  
 œuf Galli, Hispani hueuos, Germani ayer nuncupant:  
 oleum cucurbitæ ab Hispanis azeites de pepitas de cala-  
 bacas, à Gallis huille de courges nominatur: glandes, Hi-  
 spani bellotas, Galli glans, Germani eichel uocant. **SEN.**  
 Persicorum oleum, & chrysomalorum sequitur. **BRA.** Oleum persico-  
 rum & chryso-  
 malorum,  
 Ex horum seminibus oleum fit, non ex fructibus: tamen  
 persicorum oleo rarò utimur, quoniam eius loco amy-  
 gdalarum amararum oleum sumitur: quamuis ex persi-  
 cis oleum exiccet magis, quàm ex amygdalis amaris. Per  
 chrysomela autem quid intelligis? **SEN.** Fructus illos  
 quos muniacas appellamus. **BRA.** A Germanis ama-  
 rellem uocatur. Dioscorides in cotoneorum genere chry-  
 somela numerat: colorem aureum, & suauissimum odo-  
 rem habent, & per costas distincta sunt. Alij melimela  
 est, à melleo sapore, quæ à Varrone mustea appellatur,  
 propter

propter celeritatem mitescendi: & re uera nullum pomum celerius mitescit nostro dicto armeniaco. In persicarum genere, aut prunorum potius numerāda sunt quæ armeniaca nuncupamus: quoniam, ut inquit Plinius, ex Armenia delata sunt. Nos uocabulū corrupimus, & muniacæ quasi Armeniacæ uocauimus, quæ Palladius inter persica numerat: oleum seminum horum fructuum hæmorrhoidū doloribus succurrit, & à uobis pharmacopolis in hoc usu tantum fit. Hominum ingenium, quod nunquam desinit noua rimari, per uarias infectiones, mediis quasdam arborum species uel indiuidua inuenit, quæ nunquam excogitauit antiquitas: nos uulgò albercocco uocamus, fructus inter persicum, & armeniacū medios, cuius sapor nonnihil etiam persici representat. Appellāt

Oleum glādis.

Germani persicum p̄firssinn. S E N. Glandis oleum sequitur. B R A. Apud autores glans unguentaria reperitur, quam nos uulgò been Arabico nomine uocamus:

Oleum balani-  
num.

balanus ab antiquis, & balanus myrep̄sica. De balanino oleo, Dioscorides primo libro tractat, quod nos uulgò oleū de been nuncupamus. S E N. Nunc de hoc oleo nō loquor, sed de oleo ex roborum glandibus factō. B R A. Estō, Ferrariæ exprimes: nunc autem glandes in his montibus collige, ex robore tantum, non ex ilice, aut altera arbore, quamuis suas uires & hæ glandes habeant. S E N.

Oleum laurini

Laurinum oleum sequitur. B R A. De hoc in herbis scriptum reliquimus, ubi omnia, quæ ex hac arbore colligi oporteat monuimus. In his montibus baccas collige, quas ad oleum conficiendū Ferrariæ exprimes. Sunt enim hic efficaciores quàm Ferrariæ: tamen frequentissima lauri  
Ferrariæ

Ferrariæ uirent, & aliquot locis adeò Ferrariense solum amat, ut serè sponte crescat. Vestalium uirginum pudicissimarum, probatissimarumq; cœtum nostra patria habemus, inter quas nonnullas sanctas numerare possem, Corporis CHRISTI sorores nuncupantur: claustrum habent, in quo adeò crescunt, pullulant, & multiplicantur lauri, ut uix recedentes agere possint quin ubiq; scaturiant, imò ipsis inuitis pullulant. SEN. Est ne claustrum illud, in quo Illustrissimi Ducis filia moratur? BRA. Illud est, in quo ELLEONORA ESTENSIS uirgo pudicissima, huius mundi illecebris sponte derelictis, uitā sanctissimā uiuit, & in continua Dei obsequia ducit, quæ ueluti morum specimen ac speculum, alijs optime, probatissimeq; uiuendi exemplar incōparabile tribuit. Ipsamet etiam patre prius inuito, qui filia unica spoliari nolebat, sese diuinæ speculationi, & CHRISTI obsequijs tradidit, & domina ac imperatrix aliorum imperio semet sponte subiecit. Sed pro hoc oleo Dioscoridem primo libro consule. SEN. Certe (ut de ipsa audiui) semper in melius proficit. Oleum de spica sequitur. BRA. Apud uos duplex oleum de spica reperitur: odoratum unum, al- Oleum de spica. terum simpliciter de spica nuncupatū: sed apud antiquos odoratum solum de spica reperitur, quod nardinum uocant: apud nos confectum suauiter non olet, quoniam ex herba uulgò dicta lauandula, & non ex nardo fiat. Sunt nonnulli qui lauandulam nardum Gallicam credidere, imò Oleum nardinum ex lauandula. Genuæ multi ex lauandula nardinum oleum magno cre-  
rore parant, quum apud ipsos uera nardus sit. Alij quum lauandula ab indigenis aliuca nuncupetur, saluicā apud

antiquos esse existimarunt. Alij libanotidis coronaria speciem censent. Oleum, quod apud nos fit, uiride est: si autem ex Gallia deferatur, aut ab aliquibus Genuensium officinis, flauescit, & magis redolet. Diuersis modis conficitur, per expressionem seminum, ui solis, aut ignis: sub terra ad statutum tempus in uitreato uase conditur, ut Nicolaus in eius antidotario præcipit. **Oleum myrtinum** sequitur. **B R A.** De hoc à Dioscoride primo libro, & myrteum uocat. **S E N.** Sesaminum oleum sequitur. **B R A.** Sesamum in Græcia & Aegypto frequentissimum est, imò nullum alterum oleum in cibus & usu habent Aegyptij. Græci & oliuarum oleo, & sesamino utuntur, sed ad dulcorandum panem sesamum addunt. Plinius libro decimo octauo, capite septimo, illud tractat, & eius effigiem pingit. Dioscorides uires tantum tractat, arundinem habet ut milium, sed ampliorem, & radicem numerosiorem, quam milium: caulis est ferulaceus, propterea solum uehementer emacrat: foliaceum florem habet, & grana eius in siliquis distincta sunt, ut lupini. Candida grana magis probantur, & dulciora sunt: ex his granis expressis Dioscoridis more primo libro, oleum fit, in medico usu & coquinario. Antiquitus in Italia sequebatur, ut Columella scribit, & Plinius, sed nunc non solum non feritur, imò nec noscitur. Non desunt autem qui putarint grana quædam quæ in Ferrariensi agro nuper seminari cœpere, ad oleum parandum, sesamum esse: & re uera optimum oleum ex illis granis efficitur, quo Magnificus Albertus Bendedeus utitur: tamen nec caulem, nec florem sesamo similem habet, sed syluestri rapano

phano potius. Promiserat Illustrissimus ALPHON= svs Ferrariæ Dux, ex Græcia sesamum haberi, cu= rare. At morte præuentus non potuit. Verum Illustrissi= mus HERCVLES Dux nuper electus patris promissæ reintegrauit, sponnditq; in Bondonij campis latum agrum daturum, ut seratur: nam summè terram emacrat: sed Bondonij campi luxuriant magis quàm oporteat, & latissimè ac fertilissimè cultoribus respondent, ut facile exhauriri non possint. hæc de sesamo satis: nunc ad alia te uertas. SEN. Olea, quæ per expressionem fiunt, expedita sunt: ea sequuntur, quæ igne paramus, & à Iuniperino scheda nostra initium sumit. BRASA. Ex iuniperi ligno hoc oleum dupliciter fit, aduersus pestilentem morbum apprime ualens. In duplici uase conficitur, quorum alterum perforatum in altero sit, & igne circumdetur, ut recentes docent: fit etiam ex iuniperi baccis, sed per expressionem, ut alia quæ ex seminibus parari Dioscorides monuit. A Gallis iuniperus genesure, ab Hispanis genebro: à Germanis wachelderbeer, id est, bacca Iuniperi: uel krommetbeer, id est, bacca turdorum nuncupantur. SEN. Tartari, atque sulphuris olea sequuntur. BRASA. Et hæc ui ignis fiunt: in tua officina Ferrariæ assequeris. Sulphur Galli soufre, Hispani enxufre, Germani schuestel uocant. SENEX. Vitrioli oleum accedit. BRASAVOLVS. In Chalcantho oleum fieri admonuimus, quod non solum homines, sed & arbores interficit: ideo in secessu parandum, ubi nullus habitet. Albucasis & alij recentes modum conficiendi ostendunt. Sat est nobis ueluti per

Oleum iuniperinum.

Oleum tartari & sulphuris.

Oleum uitrioli.



Oleum Tere-  
binthinum.

transennam res ipsas ostendere, & quum occultæ sunt, detegere. Conficiendi uero modum à recentibus discas, ne ab ipsis eorum labores sumere uideamur. **SEN.** Terebinthi oleum occurrit. **BRA.** Nos alio Terebinthino oleo utimur, quàm antiqui fecerint: quippe ex terebinthina, imò potius ex laricina, ui ignis oleum educimus multis ægritudinibus aptum. Antiqui uero (ut Dioscorides primo libro ostendit) ex Terebinthi seminibus parabant, eo modo quo myrti semina ad oleum exprimuntur. Nos terebinthi seminibus caremus. Ideo illud quod ui ignis fit, ex uera terebinthina, non ex laricina habere curabis. **SEN.** De oleis expeditum est. **BRA.** Cur oleum ex maturis oliuis & immaturis prætermisisti? tamen per expressionem fit. **SEN.** Quoniam Ferrariæ copiosè habeo. **BRA.** Adde in fructibus pertractatum esse: miror autem cur tam pauca olea scructis. **SEN.** Plura in usu non sunt. **BRA.** Ad cicatrices delendas, uel potius remittendas & emolliendas, terebinthinum oleum summè proficit, his demptis quas uarioli reliquere. **SEN.** Ego autem singulis annis ad uariolorum stigmata eius olei copiam uêdo. **BRA.** Decipiuntur qui pro uariolis emût, ut experiri licuit in Magnificis cōpatribus Renata Su-bisia Galla uirgine pudicissima, & Comite Bonifacio Bi-ulaqua nobili egregio: hi enim simul cum Magnifico Fe-derico Quaino Lucretiam natam ad undam baptismatis eleuarūt, Anno à CHRISTI ORTU M. D. XXXIIII. decimoquarto Calendæ Octobris: quæ in lucem prodie-rat quinto Idus Septembris, sed hæc omittamus, quæ ad rem nostram nihil faciunt. Interim alia prosequaris.

**SEN.**

SEN. Nihil aliud in mea scheda reperitur ad officinam nostram necessarium. BRA. Vbi olea reliquisti, quæ ex floribus & herbis fiunt? SEN. Hæc data opera omisi, quoniam Ferraria in mea officina optime paro. BRA. Erant & illa numeranda, ne quicquam hic scriptum desideretur. SEN. Nihil antiquius mihi esset, quàm hæc tecum dulci colloquio discutere, ut nostris simplicibus medicamentis nihil desit inconsultum. BRA. Iam urbis moenia uideri incipiunt, & summa turris Rigibelli cacumina apparent. Pilea quatiamus, ut ab hoc ingenti puluere liberemur. SEN. Domi commodius fiet, quippe decet peregrinum hominē multo puluere aspersum esse, eum præsertim qui ex horridis montibus descendērit. BRA. Cras ad te diluculo accedam, ut olea omnia ex herbis & floribus, quorum in officinis usus est, recenseas, ne quicquam nostro sermoni, de his quæ in quotidiano usu tractatis, deesse uideatur. SEN. Ut compositiones recta trutina expenderes, optarim. BRA. Hoc acturus sum, & iamdiu cœpi: tibiq; pro nostra antiqua & recenti amicitia satisfacere decreui, composita omnia ad antiquorum compositiones comparare, & ubi recentes sunt aliquæ compositiones, eas per componendi normas examinare. Nunc autem uale, & olea omnia, quæ in officinis habetis, simul collige. SEN. Id lubentissime faciam, nec graueris ad me tēpestiuē accedere, quoniam ego, expeditis nonnullis ero tecum in prandio.

BRA. Interim igitur uale.

EXAMEN OLEARVM  
DE OLEIS QVAE EX  
floribus & herbis fiunt.

SENE X.



ALVVS sis mi Antoni Musa: Superior nox annus uisa est, quippe uehementer opto praeitata olea enumerare, & recta trutina speculari. Olea in primis scripta sunt, quae ex herbis, aut floribus infusis, postea expressis fiunt, quorum primum Rosatum est. B R A. Non est opus ea enodare, quae ab alijs autoribus ad libellam tradita sunt. Dioscorides primo libro modos conficiendi oleum rosatum uel unguentum ( ut ipse uocat ) ostendit, à quo Mesue omnia fere sumpsit. Tu hos autores insequeris, & completum Mesue, & non completum preparabis: nec ex Omphacio parare despicias. Ad haec autem agenda, olea sumes graui odore minus affecta: nam illi profecto delirant, qui ex amurca olea conficiunt. Tu ex perfectissimo oleo facies, quod floris, aut herbae odorem uehementius seruabit. Idem oleum rosaceum, ex oleo sesamino fieri posset, & ita Aegyptij faciunt: uerum sesamino oleo caremus, propterea ex oliuarum oleo paramus. Illos tamen non laudo qui ex amygdalino facere tentant. SEN. Oleum uiolatū, uiolatum sequitur. B R A. Eadem ratione fit, nisi quia in oleo amygdalarum dulcium parari conuenit, & tunc eo potissimum in pectoris aegritudinibus utimur: sed ex oleo oliuarum inflammationibus etiam succurrit. At  
unum

unum ambiguum est, in quo nonnunquam pharmacopolas disceptantes audiui, quid ad conficiendum oleum sumendum sit, flores an herba. Nos simpliciter in oleo florem poni oportere certi sumus. Nec te prætereat & si in his oleis per infusionem factis flores & herbae exprimantur, proijcianturq; , nihil impediri etiam si in oleo continuè relinquantur. SEN. Oleum de absinthio, & chamæmalinū sequūtur. BRA. De absinthio ex herba, chamæmalinū ex floribus perficitur. Illos autem inepte operari arbitror, qui ex parte lutea separatim, et ex albis foliolis olea diuersa parant: quū potius ex herba & floribus seorsum parāda sint. SE. Anethinū, liliorū alborū, et rutaceū sequūtur. BRA. Anethinū, & rutaceū ex herba fiunt, quæ perfecta sit, & præsertim cacumina sumenda: rutaceū apud Mesuē fit, myrtini more. Tu Mesuē & recentes legas, qui uarijs modis cōficiūt, de quibus seorsum agemus: sunt enim qui succū addāt, & qui minime, et qui igne bulliūt, et qui feruoris solis relinquant, & qui utrūq; agant, ut per aliquot dies solis radijs calefiāt, postea igne perficiāt. Nos simul uno uolumine modos oēs parādi olea edocere cœpimus, plures alios à Chymistis inuētos addentes. At oleū liliorū alborū multis modis fit: nam cōpositū reperitur, quod recipit mastichem, calamū aromaticum, carpobalsamum ad quantitatem unius uncie, pro quolibet, garyophylla, cinnamomum ad quantitatem semiuncie, croci ad quantitatem trium drachmarum, folia liliorum alborum, id est, florum folia, ad quantitatem nouem unciarum. Deinde in uitreo uase condantur, & duas libras perfecti olei oliuarum superinfunde, & è regione

Oleum absinthium & chamæmalinum,

Oleum anethinum et rutaceū

Oleum liliorū alborum,

radiorum solis per quadraginta dies serua: denique expri-  
me, & pro exquisito uendes. Non desunt qui hoc uocent  
oleum liliorum ex speciebus: quum potius compositio  
sit, quàm inter simplicia medicamenta numerandum. Sim-  
plex autem eo modo fit, quo & alia supradicta, ut recen-  
tiores ostendunt, quippe qui plura antiquorum oleis, ex-  
perientia ducti addidere. **SEN.** Oleum de menta, &  
de maiorana sequuntur. **BRA.** Ex menta, & menta-  
stro seorsum fieri potest, & nostræ etiam mulieres ad ro-  
borandum uentriculum ex Florentina menta conficiunt,  
quam nonnulli sisymbrium arbitrati sunt. De amaraci-  
no oleo eadē ratio est, quamuis Dioscorides duo unguen-  
ta parari iubeat: unum amaracinum, alterum sampsuciu-  
num, appellans. Amaracus perfectissimam & probatissi-  
mam speciem habet, quam ex Galeni sententia in antido-  
tis marum appellari censeo: eam autem esse iudico, quam  
nos gentilem, id est, nobilem maioranam uocamus, sua-  
uius spirantem alia. Ex hac igitur, & altera minus odo-  
rata olea seorsum parare studebis. **SEN.** Oleum nenu-  
farinum sequitur. **BRA.** Ex ambabus nymphææ spe-  
ciebus, alba inquam & lutea, seorsum olea cōficere opor-  
tet: ex omphacio potius, quàm maturo oliuarum oleo,  
quoniam frigiditas in eo expetitur. **SEN.** Oleum de  
cheiri succedit. **BRA.** Arabes, imò potius recentes uo-  
cabula peruertere: nam quod Græci leucoion, ipsi cheiri  
appellat, est autē ad oēs uiolas cōmune nomē: tamen usus  
fecit, ut ex luteis tantū & albis eodē modo paretur, quo  
de alijs docemur, & recentes ostendunt. **SEN.** Oleū de  
sambuco occurrit. **BRA.** In his nominibus recentiores  
longe

longe aberrarunt, sambacinum, & sambucinum: primum oleum ex iasminis significare uidetur, quoniam sambac aut zambac apud Serapionē leseminum sit: aliud ex sambuco, sed de hac re in floribus exquisitius tractauimus. Nunc sambucino, id est, ex sambuco facto, sunt qui ex floribus parent, alij ex acinis, quos non despicio, sed ex floribus potius factum eligerem. Eos autem non probo, qui ex interiori medulla cōficiunt. SEN. Oleum de cochijis accedit. BRA. Pulcherrima herba est, & theca, qua semina cōduntur, pulcherrima. Echinus uidetur, præcipuis etiam uiribus insignitur: tamen apud antiquos nunquam reperitur herba cochia: nam à uesticariæ generibus longe abest, si quis omnes recte perpendat. Quod autem à recentioribus momordica appelletur, ad antiquam cognitionem nihil facit. Oleum uarijs modis paratur, & per infusionem, ut prædicta, & sub terra per multos annos defossū, & per cocturam, fitq; ex echino, folijs seorsum & seminibus. SEN. Quibus proficit hoc oleū? BRA. Quod sub terra conditur, uenarum hemorrhoidalium doloribus succurrit. In genere id oleū omnes dolores sedat. SEN. Oleum de papauere sequitur. BRA. Et si multæ sint papauerum species, una sola potissimum utimur, albo inquam papauere. Ex hoc oleum conficitur, quamuis & ex nigro dormitioni aptū parari possit. Quippe co temporibus inunctis, naribus'ue sublinitis, pro meconio uti poterimus: ex seminibus fit, quū & ex floribus fieri conueniat. SEN. Oleum irinum sequitur. BRA. Ex iride fit hoc oleum, sed uario modo: nam aliqui ex radicibus, alij ex floribus parant. At in communi ferè usu est, ex

Oleum de cochijis.

Oleum de papauere.

Oleum irinum.

Oleum de hypericon.

radicibus floribus additis in dupla portione, & aqua decoctionis radicum: deinde oleum sesaminum, aut maturarum oliuarum infundunt. Denique in uitreato uase bulliunt, itaq; uarijs uicibus permutando faciunt, ut in oleo rosacco Dioscorides, & post ipsum Mesue ostenderunt. SEN. Oleum de hypericon sequitur. BRA. Rutam syluestrem ab antiquis, etiam ascyron in herbis appellari monuimus. Recentes ex foraminibus, quæ in folijs uidentur, si è regione solis, aut lucis alterius conspiciatur, perforatam uocant. Id oleum uarijs modis conficitur: sunt qui in uitreatum uas flores simpliciter ponant, & per se ui solis oleū educi sinant: alij sub terra condūt, alij infundendo parant. Sed hi duobus modis utuntur: uno, ex solis floribus, altero, pluribus mixtis rebus in hæc ferè modum sumentes cacumina ascyri, id est, à nobis uocati hypericonis ad quantitatem trium unciarum, & in uinum odoratum infundūtur, trium dierum & noctium curriculo: mox duplici uase optime obturato bulliat, deniq; exprimantur, & abijciantur cacumina, in eodemq; uino, eandem quantitatem cacuminum ascyri infundito totidem diebus ac noctibus: postea adde terebinthinæ uncias tres, olei ueteris uncias sex, croci scrupulum unū. Misceantur hæc, & in duplici uase (ut inquirunt) coquantur, quoad uinum euanescat, postea in uitreato uase, uitreato uel seruato. Verum nō est opus hæc longius enarrare, quum à Mesue & recentibus luce clarius ostendatur. SEN. Equidem harum compositionum pleni codices sunt. BRA. Imò & ad composita medicamenta potius spectant, de quibus post simplicia agere promisi, nec promissis

# EX FLORIBVS.

521

promissis frustraberis: nihil enim gratius habeo, quàm bonis uiris inferuire: imò & olea quæ simplicia sunt, id est, ex oleo & flore uel herba inter composita medicamenta numerabuntur. **SEN.** Olea nunc sequuntur, quæ per decoctionem & ui ignis fiunt. **BRA.** Omnia per decoctionem & ui ignis fieri possunt. **SEN.** Verum est. At in subscribendis, usus ignis potissimum requiritur. **BRA.** Subscribas cito. **SEN.** Oleum de spica nardi. **BRA.** Quod ex Gallia affertur, emere suadeo: ex India raro comportatur: apud nos ineptum est, & non ex nardo, sed potius ex dicta lauandula fit, quod nonnulli balsaminum uocant, & pro opobalsamo utuntur. **SEN.** Oleum de citonijs occurrit. **BRA.** Ex ipso pomo, & floribus etiam fieri potest. **SEN.** Oleum de mastice accedit. **BRA.** Hoc cum uino fit, & sine uino, & ex oleo sesamino, & ex rosaceo. **SEN.** Oleum de scorpionibus sequitur. **BRA.** Et hoc duplici modo fit: ex scorpionibus & oleo, in quo suffocati sunt, & per triginta dies in sole seruati. Alter modus aristolochiam, gentianam, cyperrum, corticem radicis capparorum, & oleum amygdalarum amararum recipit: quod potius cõpositio est, quàm simplex oleũ, urinam mirifico proritans, si peccen ungatur. Galli scorpions, Hispani scorpiones hoc animal appellant. **SEN.** Oleum uulpinum accedit. **BRA.** Ex uiua & integra uulpe ab aliquibus paratur, quã in oleo animam reddere cogunt. Id non probo, utpote stercora & urinam recipiens. Alij interaneis ablatis ex oleo faciunt, quos probo. Galli uulpem regnart, Germani fuchs uocant. **SEN.** Oleum de piperibus accedit. **BRA.** Com

Oleum de spica nardi,

Oleum balsaminum.  
Oleum de citonijs.  
Oleum de mastice.  
Oleum de scorpionibus,

Oleũ uulpinũ,

Oleum de piperibus,



positio ampli est, non simplex medicamentum. **SEN.**

**Oleū myrtinū.** Oleum myrtinum sequitur. **BRA.** Myrtinum supra Dioscorides ex expressione baccarum fieri admonuit, sed alter modus est per decoctionem aut infusionem. **SEN.**

**Oleum de cap paribus.** Oleum de capparibus accedit. **BRA.** Et hoc inter composita enumera, quoniam ex corticibus radicum capparum, iride, agno casto, tamarisco, uino, & oleo fit. Nuper ex capparum floribus paratur, quoniam Ferraria plantari coepere cappares, & prodeunt: lienis durities mirifice soluit. **SEN.**

**Oleum de castoreo.** Oleum de castoreo occurrit. **BRA.** Per decoctionem fit. **SEN.** De euphorbio accedit. **BRA.** Dum fit, summo opere cauere oportet, ne euphorbia puluis os ingrediatur, & in ebulliendo fumus cuitandus. Fit ex hoc genere compositum & simplex, eadem

**Oleum de lumbricis terrestribus.** ratione & de castoreo. **SEN.** De lumbricis terrestribus oleum sequitur. **BRA.** Et hoc præter lumbricos alia recipit: quamuis & simplicissime etiam paratur: quam ob rem Mesuem & recentes in his parandis speculeris.

**Oleum lacertarum.** **SEN.** Oleum lacertarum postea occurrit. **BRA.** Ex lacertis simpliciter, eo modo quo ex scorpionibus parari nouisti: quod duplex est. Vnum, ex communibus lacertis, quæ per domos nostras & parietes uersantur. Alterum, ex uiridibus lacertis, quæ Latine stelliones, uulgo leguri dicuntur, & hoc ex uiuis lacertis ab aliquibus fit, ab alijs ex mortuis & exenteratis, ne stercora oleo inna tent. Lacertas Galli lezard, Hispani lagardixa, Germa-

**Oleū costinū.** ni eidem uocant. **SEN.** Costinum oleum sequitur. **BRA.** Inter composita numerandum est, quoniam recipit costum, cassiam, sampsuci cacumina, uinum, & oleum sesaminum

minum: nunc uero in tua officina hoc oleum parare designas, quia costo carcmus: nam radix ea, quam pro costo uendūt pharmacopole, à costi notis distare, Dioscorides & ceteri antiquiores suis descriptionibus ostendunt: tamē facile est ex Arabia Venetias ferre costum, facilius ex India, facillimū ex Syria: plurimū odorē habere oportet & eximiū, quali caret costū uestrum: nec candidū est, gustū ue mordicat, ut uerum costum facere oportet. His autem omiſſis ad alia te conferas. **SEN.** De oleis expeditum est, quæ in officinis habemus, nisi aliquod incuria omiserimus. **BRA.** Plura tamen alia ab autoribus scribuntur: **SEN.** Hæc solum in usum uenere: quamuis & à Mesue alia quedam scribantur: quicquid sit, idem ferē modus est omnia componendi: & recentiores chymistæ nouos quosdam modos inuenere, quos partim ore, partim in suis editis uoluminibus didici. Verū quum hac nocte omnia quæ nobis accedere, perpēderem, & collecta simplicia mentis acie contemplerer, nonnulla in mentem uenire, omiſſa quidem, sed necessaria, ut Scylla. **BRA.** De hac in succis diximus. **SEN.** Testudines. **BRA.** Quæ drupedia sunt nobis notiſſima, uel ex nemoribus, aut mari capiantur. Marinae testudines pedes habent ad ambulandum ineptos, quippe alæ uidentur, quibus pro remis utūtur: quas nos marinas dicimus albo cortice tectas, & nigris quibusdam signis uermiculatas, ex mari non sunt, sed maritimis nemoribus, & sabulosis. Nostra autem nemora, & fouearum aquæ nigras faciunt. Marinae rarissime à nobis uidentur, id est, quæ ex mari nō maritimis nemoribus, quia has frequentissimas habemus. Annis supe-

Testudinum  
summaria consi-  
deratio,

rrioribus Magnifica Eleonora Flisca unam uerè maritimam habebat, & ingètem, quæ pedes in modum alarum ad natandum habebat, ad gressum ineptā. Gallanæ à nobis, ab alijs tartugellæ, à nōnullis biscalæ scutellarie uocantur. **S E N.** Etiā leporinis pilis utimur. **B R A.** Quid opus est rem tam notam describere, quam Galli lieure, Hispani liebre, Germani hasz uocāt, & hasz hasz, id est, leporis pilum? de his finiuissē, nisi in mentem uenisset, summos philosophos scriptū reliquissē lepores promiscui generis esse, quod etiam cuniculis & passeribus adscribūt.

In leporibus  
mas & foemina  
reperi.

Nos autem manifestissime in his marcm & foeminā deprehendimus, quippe institutū est nobis, omnia quæ possumus, experiri, nulli sumptui, nec labori parcentes, in his præsertim quæ supra humanam rationem ab antiquioribus scribuntur. **S E N.** Caligine etiam utimur. **B R A.** In unguentis potissimū, fuliginis (ita enim Latine uocatur, non caligo) usus est. Fumi pars est, quæ parieti inheret: quippe fuliginem fumum crassiorē condensatum uocamus, Germani ruest. **S E N.** Ballæ marinæ, & spōgie etiā in mentem uenere. **B R A.** Idem ferè est harū rerum usus.

Fuligo quid.

Ballæ marinæ.

Marinæ ballæ, uel pilæ magis nuncupandæ, arefacientem naturam habent: quid sint, nusquā apud antiquos reperi. In spongiarum genere eas repono, quāuis zoophyta non sint, id est, inter plantas & animalia media, qualia spongie sunt, ex maris spuma ad littora collisa, & cuiusdam herbæ minutissimis festucis fit. Nōnulli ex fractis spōgijs & spuma, alij arte faciunt ex glutino & taurinis pilis, ignaros pharmacopolas decipientes. Ita fit maris impetus in maris æstus: in minimas festucas herbā reddit, &  
ad lit

ad littora detrudit, quæ mixta spumæ conglobantur, & ob motum supra littus ex fluctu collidente in gyrum tendunt, & pilæ formam. Ad spongas accedamus. Apud antiquos tria tantum spongiarum genera inuenies, quæ per marem & foeminam, per densum & molle distinguuntur, & suis nominibus appellantur, tragos, manæ imauos, Achilleum. Tragos spongia est spissa, dura & aspera in marium genere: manæ imauos: minus spissa & mollior est: achilleum, tenuis est spongia, densa, ad penicillos apta. Mas fistulas habet minores, foemina latiores, quoniam per illas fistulas nutrimentum sumunt. Nos varias spongiarum distinctiones habemus, quas antiqui aut non nouere, aut data opera reliquere, utpote quæ in suis cõtineantur. Nos enim coloribus, figura, & magnitudine distinguimus. Dioscorides albam fieri arte docet libro quinto, imò candidam, si mollißimè inuersæ, id est, parte cõcaua sursum spectante, lanuginosa maris spuma aspergantur, & insolentur, etiã si nox calida sit radijs lunæ supponitur, eadẽ maris spuma, quã ἐλὸς ἄχων uocant, aut marina aqua cõspersæ. Plinius de spongijs omnia ferè sumit, quæ ab Aristotele quinto de animalium historia scripta relinquuntur: figura distinguimus, & magnitudine, quoniam aliquæ oblongæ, aliquæ minus, aliquæ latæ, aliæ rotundæ, aliquæ crassæ, aliæ subtiles, aliquæ tuberosæ, aliæ planæ. Subtilioribus, mollioribusq; spongijs ad fomenta utimur, sicuti antiqui Rhodiæ ad eadem, quia molliores: & pro dilatandis uulneribus, his utimur ex terebinthina, ad alia uero crassioribus, & asperioribus: maioribus ad cisternas utimur, ut aqua purior

Spongiarum  
apud antiquos  
tria genera,

descendat. Nonnulli pharmacopole pro spongia re quadam utuntur intus lanosa, quam aliqui maris spumam arbitrantur: quoniā apud Dioscoridem, ἐλάτῃς ἄχνη, id est, maris spuma, spumosa maris lanugo dicatur. At re uera non est maris spuma, quam pro illa sumitis. Quandoque arbitratus sum urticam marinam esse, quoniam si aperitur, internæ partes manum urunt ueluti urtica herba: quod in antiquiori ægrius, in recenti uehementius fit, ut in urtica herba etiam contingit: facillimum est spumam maris habere circa scopulos collisam. At re ad libellam perpenſa, quid esset id à uobis spumam maris appellatū spongiæ figuram habens præduræ, aut pumicosum, inueni. Nam Dioscoridis, Galeni & antiquorum alcyonium esse certe constat. s e n. Quod igitur à nobis spuma maris dicitur, apud antiquiores alcyonium est? B R A. Equidem. s e n. Gaudeo plurimum apud me alcyonium latere, quod diu uidere optaui. B R A. Sed aliqui uestrum, primam speciem habent spongiæ similem, alij quintam speciem, quæ pumicosa est. At seorsum haberi debent, quoniam, ut Dioscorides refert, uarijs rebus accommodantur. Plinius quatuor genera solum enumerat, & in aliquibus à Dioscoride dissidet. Illi errant (non tamen summe, quia hæc omnia exiccandi uim habent) qui alcyonium antiquorum, id est, ab ipsis uocatam spumam maris, pro uera spongia sumunt. s e n. Nescio unde ortum sit, quod nos alcyoniū spumam maris appellemus. B R A. Ego autem scio: uos pharmacopole barbaros potius imitari, quàm probos autores. At Serapio capite 388. de Alcyonio tractat sub hoc nomine spuma maris: quod uidere

Spuma maris.

Alcyonium.

dere licet, illum Dioscoridi & Galeno conferentes. Nam eadem species & eadem uires à Serapione in spuma maris assignantur, quæ à Dioscoride & Galeno in alcyonio. Propterea eius interpretes in illius capitis lēmate potius de alcyonio, quàm de spuma maris scribere debebat, quippe Serapionis nomen est zebethalbahar: fuit ergo in causa, Serapionis interpretes, ut uerum alcyonium, spumam maris appellaretis. Tamen Dioscorides ab indigenis etiam Bembici Insulæ Propontidis, alcyonium ἐλὼς ἄλγυρον, id est, maris spumam nuncupari dicit: & re uera ex spumæ collisu fit. SEN. Audiueram alcyonium cuiusdam auis nidum esse. BRA. Ita nuncupatur, quoniam alcyones aues, maris tranquillitatem, & summam malaciam ostendentes, earum nidos illis ferruminant: propterea & tu prius decipiebaris, & alij qui putant alcyonium nunquam uidisse, quod singulis diebus tractant. SEN. Idem igitur sunt, salis spuma aut maris spuma, & alcyonium. BRA. Non idem, sed diuersa, imò ab autoribus diuersis capitibus tractantur: tamen ab eodem principio nasci, & in uiribus quodammodo conuenire certum est. Quam uero maris spumam nunc appellatis, & pro illa publicè uenditis, alcyonium est, & non maris spuma. Ad spongiam redeuntēs, Plinius sui temporis medicos uellicat libro tricesimo primo, cap. ult. qui ad duo nomina spongias reddidere: ad Aphricanas, quarum firmitus sit robur, & Rhodiacas ad fouendum molliores. Nos uehementius conqueri oportet, quoniam nostro æuo medici & pharmacopole ad unum, nomen reddidere, communissimum inquam: nam quum spongijs indigent, nihil

aliud instituunt, quàm spongia una aut duæ recipiantur. Nonnullos tamen demo, qui molle & asperum addunt. Ex Græcia, Illyria, & orientioribus partibus Venetias afferuntur: tamen & in nostro mari spongiæ nascuntur, sed minores. Nos spongas prope Comacium paruas quidem, sed ualde molles collegimus saxi-inherentes. Non desunt, qui lanuginem quandam supra ostreorum conchas innatam pro spongijs seruent, & ea quum opus sit, utantur: quum potius musci marini genus sit, quàm spongiæ, imò è contrario intra spongas ostreae, pisciculi, & lapides inueniuntur, ostreis & pisciculis nutriuntur. In tua officina omnes spongiarum species habeas. A nobis plures spongiarum differentiae uisæ sunt, quàm ab antiquis enumerentur. Studebimus interim species omnes oculata fide secernere, & quibus locis inueniantur: lapidem quoque, qui intra spongas natiuus reperitur, habere oportet, nempe uesicæ calculos minuit. Ob id Plinius libro 36. capite 19. cysteolithos uocari censet, quia uesicæ medetur. Serapio tamen de hoc lapide agens capite 16. eos reprehendit, qui ad lapidem uesicæ ualere prodiderunt: imò, inquit, renum lapidi tantum occurrit. Tamen in calce eiusdem capituli palam sibi aduersatur, inquiens, & lapis in spongia inuentus, contra lapidem uesicæ cum uino sumptus ualet. Deniq; illud addam, antiquos medicos affirmare, nusquam diutius spiritum durare, quàm in spongijs: propterea qui pestilenti morbo affectos curant, spongia aceto aspersa circa nares & os ponunt, ne infectum aërem trahant: & ad alia plura antiqui spongia utebantur, ut ex ipsa spiritum traherent,

non

non ex libero aëre, ob aliquam infectionem. Quod genus remedij apothongifmon uocabant, præsertim Archigenes, & re uera in pestilenti morbo, & epidemico, nihil excellentius. Reliqua prosequaris. SEN. Hactenus omnia simplicia ad unum usque enumerauimus, quibus in officinis utimur: nisi unum aut alterum incuria mente exciderit, aut diligentiam nostram effugerit. Ne tibi graue sit, mihi opportunum uideretur Composita incipere. BRAS. Nunc molestus non sis: quippe id lubentissime agam, quod sponendi, & quod iamdiu cœpi. Paucis quibusdam negotijs expeditis, perficiam: quum enim operi manum dabimus, nunquam amoueuntur, priusquam in calcem peruentum erit. SEN. Hactenus optimus deus te incolumem seruet: officinam meam uisitabo, & collecta medicamenta simplicia suis loculis disponam. BRA.

Bonis auibus recedas. HER. Ergo perdicibus & fasianis recedet. BRA. Cur ita? HER.

Quoniam bonæ aues sunt. BRA.

Eo intellectu, turdis &  
coturnicibus etiam  
recedendum  
erat.

HERB. Et illis.

BRA. Igitur deo comite recedatis.

F I N I S.



# Aristotelis Pro

BLEMATA QVAE AD STIR=  
pium genus, & oleracea pertinent.



VR aquam salsam apium recipit, por-  
rum recusat? An quod alterius radix  
imbecilla, alterius ualida est. Impatibi-  
lius autem, quod ualidius.

Cur in prouerbio est, Mentam belli  
tempore, neq; edito, neq; serito? An quia menta refrige-  
rare corpora potest, ut corruptione cōstat seminis geni-  
talis. id autem ipsum aduersum omnino est ad fortitudi-  
nem, atq; animositatem, quamuis genere sit idem.

Cur aliqua fructu uacent, cum florem habeant: ut cu-  
cumer, cucurbita, malus punica? An his fructus nō deest:  
sed ipsa pro fructibus habentur, quibus flos insidet. Fru-  
ctus enim id est, quod florem gerit. Cucumeri autem flo-  
rem inherere perspicuum est.

Cur eorum, quæ terra gignit, alia cocta, alia cruda,  
sunt cibo idonea? An quibus succus esculentus non proti-  
nus est, ijs decoctis dulcior redditur à calore. Quibus au-  
tem sapor uel protinus gratus consistit, hæc etiam cru-  
da esitantur.

Cur alia elixa, alia assa melius edi possint? An quod  
humidiora non eatenus humectari, sicciora non amplius  
exiccari oportet. elixa autē humidiora, mollioraq; omnia  
reddun

redduntur. quæ uero minus humida sunt, hæc igne confecta sicciora prorsus euadunt.

Cur alia esculenta, alia inesculenta experiamur? An cause succus est. Quod enim & ignis expers succum continet imitem, & igne confectum nihilo minus redditur, hoc cibo ineptum penitus est. quod autem succo esculento quidem, sed uehementiusculo constat, hoc pro condimento recipimus. quod enim exiguo corpore uim magnam obtinet, id naturam condire potest ampliorum esculentorum.

Quam ob causam stirpium alia ad semen usque uiuere tantummodo possint, deinde cum semen tulerunt, exarescant, ut genus herbarum, & quæ olera nominamus: alia non, sed sæpius fructificare solita sint. Ipsarum etiam uiuentium ad semen usque ferendum, cum magna pars annua sit, genus apij quod ab equo hipposelinum appellatum est, quasi equapium dixeris, anno postero fructum affert: cumque attulit, exarescit. cur ita? An omnia eatenus uigent etate, quatenus semine quoque ualeant. nam & homines ad annum trigesium usque proficiunt, aut copia, aut crassitudine. Vbi autem semen ferre non amplius possunt, modo stirpium obarescunt, atque senescunt. quanquam alia ocyus, alia serius occidunt. idque portione. sed quam ob causam alijs longum uitae spatium, alijs breue datum est, porro alterius interest disputationis declarare. sed cum omnibus finis, ac terminus sit perfectio seminis, quibus uita breui tempore continetur, hæc semel aut certe non sepe. quæ autem esse longæua natura uoluit, hæc sepe fructificare necesse est. Quam ob rem quæ imbecillima sunt, ferre non plus ualent, quam semel: tum exarescant necesse est. ac eorum ipsorum alia anno

primo simul & semen reddere, & uitam explorare naturæ ratio sancit: alia postero, ut equapium. Quæ uero præuاليا surgunt, hæc annis plusculis post fructificare incipiunt, diuq; uitam agere possunt, fructificareq; sæpius, ut arbores.

Cur si quis apium radice tenuis circumfodiatur, partiq; imæ panicum undiq; ingerat, deinde terram accumulet, itaq; irriget, radices mira magnitudine adolescent? An quòd natura panici fungosa, & calida pabulū attrahit, conceptumq; non sursum transmitti patitur: sed inter radicem contentum calore sibi indito concoquit, ut radicis amplissimum sequi incrementum necesse sit.

Cur si quis cucumeres, aut cucurbitas protinus paruulas cōdiderit in terrā, maiores multo efficiet? An quòd spiritus, & sol exiccando incrementum impediunt, molemq; tum minorem, tum crispiorē reddunt: quemadmodum & arbores, quæ loca uento, soli; exposita tenet, quæq; in cauis manet, & riguis. alteræ enim magnæ, fungosæq; fiunt: alteræ parue, & spissæ. At uero inter terram occulta, quoniā contrā afficiantur, cōtrā euadāt, necesse est. Quin etiā quæ uasis includimus, ut cucumeres in ferulis cauis, aut tegulis, & mala punica, aut quæuis mala in ollis, ampla redduntur, & fungosa. contrā, quæ detecta sunt, parua, solidaq; auferunt, nullo ambiente operculo, quod alimoniam faciat largiorem. Id enim obiectum facit, ne pabulum aut euanescat, aut arescat.

Cur plantarum acrium semina acriora sunt, quàm radices, & folia? An quòd semine omnia oriuntur, inq; cæteræ omnes partes ex eo ueluti fonte quodam, ut quidam aiunt,

aiunt, & sapes, & odores deriuari necesse est .nam etiam odores omnium unà cum seminibus esse suaues incipiunt. Quòd si acritudo cæteris ex semine proficisci solita est, semen ipsum maximè esse tale ratio exigit.

Cur tenues radiculae acriores sunt? An quòd ampliores illæ spatio temporis longiori plenius concoctæ mitescunt.

Cur capparis locis prouenire cultis haud facile potest? multi nanque tentarunt & radice translata, & semine sparsa, cum apud nonnullos commodior capparis sit, quàm rosa: sed tamen efficere nihil potuerunt. quid ergo causæ sit, ut cultis nesciat hospitari: inculta, & auia persequatur, & maxime sepulchris adhæreat? Igitur de hoc, cæterisque generis eiusdem accepisse illud oportet, quòd non omnia eadem ex materia consistere solent, aut augeri: sed sunt, quæ ex aliorum corruptione, & principio consistant, & post augeantur. ut pedunculi, & pili corrupto alimento, aut qua labe alia corporis prodeunt. Ergo ut in corpore nonnulla excremento proueniunt alimenti, quod certè crudelitas est, & ubi naturæ uires superare non queunt, abscedunt quidem in uesicam, & aluum, quæ in promptu maxime sunt, aliqua uero animal producant, itaque in senectute, & morbis hæc augentur: sic in terra alia concocto alimento & consistunt, & augentur, alia excrementis, aduersaque concretionem oriuntur. Culturæ autem officij est, ut cōcoquat, reddatque; efficax alimentum, quo genus mite, urbanumque; fructuum consistit. Quæ igitur mitigatione, informationeque; huiusmodi creantur, hæc urbani uocabulo significamus, eo quòd solertia hominis educata quasi eruditaque; meliora euadant. Quæ

autem cura adhibita mitescere nequeunt, aut etiā aduerso habitu loci sui generis prodeunt, hæc syluestria sunt, & rustica, cultisq; uiuere nolūt. cultus enim dū ea melioribus instituire moribus cōtendit, deprauat, atq; peruertit, q̄pe cū a sua natura desciscere nequeāt quæ orta sunt ex corruptione, quo in genere capparum quoq; profectō est.

ἐκ φανίσω

radicularum.

Cur si quis radicularum folia tempore hiberno, cum maxime uigent, absciderit, & terram pedibus complanarit, conculcaritq; ut imbrem nullum admittere possit, radiculæ ipse per æstatem amplitudine mira incrementum accipiet? An propterea quia ne corrumpantur, causa conculcandi soliditas est, quæ humorem putrefacere prohibet. alimentum uero, quod aliter ad germen sursum trāsmitteretur, radix sibi ipsa totum dispensat, itaq; uel amplior fiat, necesse est: uel suo de latere radices alias mittat geminans modo ceparum, has enim multiplices effici nouimus, si quis annuas non euellat, sed tēpori hiberno relinquat. At cum uim istam procreandi, ut lateri ceparum natura dedit, sic radicularum: negarit, necesse profecto est, ipsas illas crassescere nimiam ob copiam alimenti.

Cur si quis cucurbitas, aut cucumeres apud puteum sitos in ipsam dimiserit puteum tempestiuos, beneq; operuerit, uirides per annum totum seruabit? An quod uapor aquæ refrigerans efficit, ne asiccantur, seruatq; uirides, & uetiores. & obturatio illa, & spiritus, satis alere possunt, quæ iam in plenum creuerunt. permanendi uero facultas propterea datur, quod relictis radicibus suppetit alimentum. nam si quis cum fructificauerint, detractis sarmentis, præcisq; planta ter-

ram

ram aggerarit, conculcaritq; circum radices, cucumeres faciet præcoquos, utpote, cum radix ualeat conseruari. Haud enim cucumer annuū sortitur naturā: sed uiuere ulterius potest. Ferent autē isti fructū maturius, quā qui semine prodierūt. quoniā radix bona pars scilicet operis præcondita iam naturæ habetur. quod illis seminatis prius cōfici necesse est. Terræ autē aggregatio, & cōstipatio teporē inducit, quo radix, & seruari, & germē mittere celerius queat. Vnde etiam fit, ut si quis per hiemē cucumeris semē in quallis situm aqua irriget tepida, & ἐν ταλαίῳ modo soli exponat, modo collocet apud ignē, præcoquos κοίς, in qualis admodum cucumeres faciat, si tempore cōgruo ad ipsum lis seu qualis cum quallis in terram demittet. thulis.

Cur non meridie, sed mane noctuue irrigare consueuerunt? Vtrum ne solis feruor humorem absumat. An quod, si aqua calida sit, necabit quæ irrigantur.

Cur omne odoratū genus tam seminū, quā stirpiū mouere urinam potest? An quia calidum est, concoctuq; facile. Cuius sanē generis sunt, quæ urinam ciere ualent. Calor namq; interior cito extenuat, nec aliqua corpulentia odor continetur. Nam & ea quæ minime odorata sunt, ut allia, caloris sui ratione uim mouendi urinā habent, uel potius colliquandi. seminū autē genus omne odoratū, calidū esse proculdubio nouimus. Odoris enim natura calore aliquo omnino creatur. At uero, quæ male olēt, haudquā apta cōcoctioni sunt. Esse autē nō calida solū, sed etiā cōcoctu facilia debēt, quæ sint prouocatura urinā. ut scilicet unā descendendo humores extenuent.

Cur ocyus olus excaulescat, quod semine uetustiori,

ut trimo, aut bumo prodierit, q̄ quod nouo? An q̄, sicut in animantium genere semen celerius affert quod uiget: ita etiā seminū, quæ uetusta admodum sunt, uim suā omnem exhalarūt. quæ rectissima, imbecilliora propterea sunt, quòd excrementū adhuc procreationi minime conueniens continent: quæ media tempore, hæc humore inutili omni exacto, ualidissima esse probantur. celerius igitur semen profundunt. Id autē ipsum non nisi excalescere est, quippe cum semen ex caule proueniat.

Quā ob causam ruta insita in ficū, pulcherrima plurimaq; proueniat? Inscritur uero inter corticē, limoq; obducto fouetur. An q̄ ruta radix fōmentū, teporemq; desiderat. itaq; cinere quoq; circūdata iuuatur. ficus autē calida est. quod eius succus omnium acerrimus docet, ex fumus, quē multū emit: it. habet igitur calorē, atq; humorē talē, qualē etiā cinis. Quam ob rem si ille iuuare possit, ficus porrò copiam, ac uigorem eo magis præstabit, quo humor cineris quidem non perpetuē affluit. fici uero irre quieto confluuiū manat, ut pote cum arboris succus consumi ex toto non possit.

Cur stirpium nonnullæ caulem semper edant inanem? An illis, quarū natura imbecillior est, has rarū, manēq; emittere caulem necesse est.

Cur in terra Attica fructus cæteri dulcissimi sunt, thymum uero acrimum est, cum id etiā ipsum fructus quidā existat? An quòd ager ille tenuis, siccusq; est. quā ob rem non multū humoris continent, quæ in eo nascuntur. Ergo quæ dulcia sua constant natura, hæc ob humoris contenti mediocritatē, ubi sol partē consumpsit maximam

*mam*, facile reliqua cōcoquantur. Etenim multum concoqui negotium magnum est: mediocre expeditius confici potest. Vnde fit, ut fructus, qui lege suæ naturæ dulces creantur, dulciores euadant: qui sicci è natura, minimeq; dulces proueniunt, suam ob inopiam tantum humoris retinent, quantum suo conueniat generi, quod dulce nequaquam est. Sol autem quantum dulcissimum sit, & leuissimum, eximit. Itaque acerrimi relinquuntur, qui humore superuacuo carent, quem fructus cæteri obtinent.

Cur pulegiū, & liriū, & cepe, suspensa florent solstitij tēpore? An inest crudū in his alimentū, quod ut hieme concoqui ex frigore nequit: sic solstitio ex calore concoquens auget. utrū, quia influxu carent asiduo, breui marcescunt. Etenim quæ nullū alēdi initium, nullū influxū asiduum habent, intereunt, exiccanturq;. Qua de causa accidit apud Scythas, ut frumentū diu in terra maneat, propter copiam niuis, & ubi emerferit celeriter crescat.

Cur cepe unū tam acriter mordere oculos potest? Vnde nomē quoq; à Græcis crōmyon impositū putāt, perinde quasi pupillā cōprimi cogeret. origānus uero nihil huiusmodi facit nec aliud quippiā ex cæteris quanq; acre. Neq; enim nasturciū, quod mordacius est, oblatū oculis efficit æque ut lachrymæ profluant. at cepe & cū oculis admouetur & comeditur, lachrymas mouet. An q; acriū genus discrimine euariat numerofo, quo sua cuiq; uis consistit, rataq; habetur. Nasturciū ergo, quia calidius est, resiccare quod colliquauerit, amplius potest. Nā extrudere lachrymā cū editur, potest. admotū tamē ad oculos, nihil propterea mouet, quia nullū mittit uaporē. est enim



id & siccius, & calidius. *Origanis* ceteraq; id genus calida sunt leniter, & sicca. quod lachrymas autē moueat, mordax id esse debet, & humidū & lentū. Quis ob res oleum quoq; lachrymā excutit, quāuis leniter mordeat. subiens enim, irreptansq; suā ob lentitiā, atq; tenuitatem dolorē mouet, ac proinde humorē tabificat. ac cepe uim eiusmodi sanē habet, ut quod & humore, & uapore sit calido, tenui, & lēto. Itaq; oculis admodū, eo quod uapor eiusmodi est, humorq; tenuis cōmeat, lachrymas mouet. cumq; editur, itidē transmissa respiratione facere potest. Aliū calidū quidē est, & acre, & humoris aliquid continēs: sed lentū nō est, itaq; lachrymā mouere nō potest.

Quā ob causam *myrta* collisa in manu dulciora sentimus, q̄ integra? An quēadmodū racemorū acini uindemiati dulciores sunt, quā nō uindemiati. Etenim musto, quod natura suaue est, excerpti acini quasi condiuntur. quippe qui uel extrinsecus mustū refudēt. at qui in racemo cohērēt, utiq; incōditiones cōstāt. ergo *myrta* quoq; natura dulcia, intusq; suā dulcedinē acinorū in modū uine cōtinentia, ubi manu cōpressa, cōflicataq; sunt, diffusa intestina dulcedine, parte quoq; exteriorē inopplentur. itaq; dulciora non immerito sentiuntur.

Cur *myrta* enucleatiora sunt, quæ minora, & palmula nucleo penē uacant, quæ minutæ adoleuerūt, & uuarū acinu, qui passim constiterunt exigui, uinacea uel nulla cōtinent, uel pauciora minoraq;? An quia minus perfecta sunt, quæ minora. idcirco semen continent indiscretū, cui perinde ut fini, nucleus deputatus est. quā ob rē & minora sunt, utpote furculi quidē agnati exteriores, partusq;  
imperfecte

imperfecti: & minus dulcia, quàm quæ iustum continent nucleum. Sunt enim minus concocta. Concoctio autem non nisi perfectio est.

Quâ ob causam fructuû alij partē radici proximam habent amariorē, ut cucumeres: alij postremam superiorem, ut glandes? An quod alijs pars ista radici proxima crudo uescitur alimento, quoniā esse confluuiū per radicē frequentat: alijs quia sicci è natura sunt, postrema pars succo dulci cōcoctoq; inde absumpto, iam plenius siccat, amarescitq; modo salis. Redditur enim unumquodq; amarū, cum amplius exiccatur, ut oliuæ, ut glandes inuenteratæ efficiuntur amaræ.

Cur aliqua germinare non terra contenta, sed abscissa, aut euulsa, uel recondita possint, ut caules liliorum, ut allia, ut cepæ? An quod omnes alimentum intra se continent, nec certo, definitoq; loco omnes oriuntur. Crescere autem unumquodque potest non eo, quod in se continet alimentum, sed quod decoctum iam & digestum illud pabulum est. continent igitur uel antehac alimentum: sed augeri tum duntaxat incipiunt, cum tempus ad id adest, cuius opera res illa effici potest. uelut etiam oua crocodillorum tempus tute operiri sibi commodum nouimus. incrementum tamen continuari non licet, quoniam aliud non suppetat alimentum.

Cur allia & cepæ quo sicciora serantur, eo meliora possint euadere. cætera autem deteriora? An quod omnia istiusmodi maxime plena humoris cōficiuntur. itaq; terræ cōmissa sicciora tēperamento commodo germinare incipient. Adde quod minus putrent, cum sicciora seruntur.

Cur allia & cepæ solæ ex plantis reconditæ germina  
re possint? An quòd humore alimentòq; sunt re fertæ.  
Copia igitur alimèti est quæ germen efficere queat. Idq;  
constat argumento tum squillarum, tum etiam bulbo-  
rum, qui idem facere possunt. Crescere autem quodque  
solet cum tempus uenerit.

Quā ob causam quæ aqua frigida irrigamus, dulciora,  
quam quæ tepida, euadant? An quòd sic interclusum ca-  
lidum falsius est, ut calidius, quod falsius. dulce autem  
ita contrarium, ut frigidum est. & alimento oleribus hu-  
mor est unde saporum genera oriuntur.

Cur allia, cum excaulescunt, plenius, quàm recens edi-  
ta olent? An quòd recentia humoris multum adhuc ex-  
tranei continent, quo fit, ut uim suam integram habere  
nequeant. Cum autem decocta iam sunt, secreto humore  
illo inuili, tum suum odorem sincerè adipiscuntur, qui  
scilicet acer est. Quinetiam cæteri nuper editi fructus  
dilutiores sunt: & cepas recentiores ob eam causam mi-  
nus acres sentimus.

Cur fructus myrtorum non conditarum magis, quàm  
folia defluant: conditarum autem, reseruarumq; alga,  
ut fit, folia defluant, fructus adhæreant? An ita euenit  
non cōditis, quoniā natura sancitū est, ut fructus peracta  
decoctione flaccescant, ac decidant. quæ quidem deco-  
ctio repositis agi non potest: sed ea tenuis tantum effici-  
tur, ut algæ uapor prohibeat, ne humor fructus immute-  
tur. folia contrā, cum siccent, decidunt. Algæ autem, ut  
falsa exiccādi uim habet. Ergo non idem folijs accidit ara-  
bori adherentibus, & conditis, modo quo dictum est.

Quam

Quam ob causam cucumeres cognomento pepones, optimi palustribus planis, id est, humidis fieri soleant ut apud Orchomenū, & in Aegypto? Aquarum etenim uberem terram esse Aegyptum putamus. Cur ergo cucumeres qui humidi sunt, & ob id hortenses, ac rigui minime laudati locis palustribus, quæ madida sunt egregie fiant? Vtrum quòd ob terræ duritiam altius coguntur descendere. Solum nanque limosum, ac planum maxime indurescit. Qui autem altius innituntur, meliores euadunt. An quòd terram siccam esse oportet, quoniam cucumeres natura humidi sunt. ita enim sequetur, ut per retractum in medium ueniant. Palustris uero si plana, altaq; sit, alimentum nec exiguum præbet propter soli altitudinem, locumq; ipsum, neque nimium, quoniam solum resiccari necesse est.

Quam ob causam ruta & nonnulla pigmenta odora sudorum faciant foeditatem? An quorum in odore grauitas est, atque acritudo, ea cum excrementitijs mista humilibus deprauare odores possunt.

ἐνία τῶν

μύρων nonnulla pigmenta siue unguenta.

Qua de causa rutam, fascinationis remedium esse aiunt? An propterea, quia tum effascinari se credunt, cum aut uoraciter edunt, aut incommoditatum aliquarum tenentur suspitione, aut cibum habent suspectum, quem capiunt. itaque cum de mensa eadem quid priuate sibi assumunt, participem intuētem quempiam faciunt, affanturq; cum impertiant, ne me fascines. ergo cibum cum perturbatione sument, nec quid bibent, aut edent sine perturbatione, & flatu, qui una hauriatur, & ingeratur. Quam ob rem flatu ipso, uel cum extrudendus effertur,

βασκανία

fascinationis.

cibus quoque una clatus eijcitur: uel cum interclusus per humore tenetur, tormina mouetur, & cruciatus. Igitur ruta præsitata, ui sua & potestate calfactoria, uas quod recipit cibos, claxat: & reliquum corpus itidem afficit. ex quo fit, ut flatus ille interclusus transmitti, atque secedere possit.

Quenam causa sit, ut origanus musto iniecta uinum dulce efficiat? duas in amphoram inieciisse heminas satis est. An quod tollit quantum in musto est, aquabundum & feculentum sua siccitate in se ipsa recipiens, quibus scilicet saporem confici austerum censemus. argu-mento, quod uina si quid aquæ habeant sibi illatum, minus mollia redduntur, atque & si diutius stare in sæce si-nantur, itidem fiet. & cum uinum dulce molimur, uas multum temporis soli exponimus, ut sol quantum sit dilutum, auferat, & reliquum decoquat. hoc autem idem facere uel origanus potest, quippe quæ sit & sicca, & calida.

Cur nigrae myrti fronde sunt frequentiore, quam albæ? An quod nigrae generis sunt syluestrioris. cuius indicium, quod locis rusticis istæ proueniunt, minimeq; ex cultu mutantur. humida autem omnia fronde crebriore conduntur. Quod enim minus suos fructus decoquere possunt, idcirco ad frondem alimentum se uertit.

FINIS.

# FRANCISCVS FRELLAEVS

LECTORI S. D.

**B**ONI Typographi officium est, Lector, in cu-  
dendis uoluminibus non tam lucri sui rationem  
habere, quàm communi studiosorum utilitati sic  
prospicere, ut ea potissimum ex ipsius officina pro-  
deant, quæ ingenium & eruditionem respiciant. In  
hanc nos rem hæcenus quantum labore & indu-  
stria conniti potuimus, studiosè operam dedimus,  
dabimusq; profectò quandiu hoc munere funge-  
mur. Hinc est, quòd quoties eruditum aliquid af-  
fertur, uix, mihi crede, exprimere possum quan-  
topere gaudeam, gratulerq; nostræ ætati, in qua  
tam feliciter bonæ artes omnes renascuntur & ue-  
lut postliminio redeunt. Atqui hæc uoluptas ad te,  
Lector, studiososq; omnes peculiariter pertinet.  
Etenim si non modò agricolas, sed & omnes quoq;  
homines quos communis hæc uita continet, agro-  
rum delectat fertilitas, quæ ad corpus hoc tuen-  
dum natura est comparata, quanto gaudio par est  
literarum cultores affici, quoties prodeunt huius-  
modi ingeniorum fœturæ, quæ naturæ arcanis ape-  
riendis, ac salubribus philosophiæ præceptis tra-

dendis, suauissimum animo pabulum suppeditare so-  
lent? Superioribus itaq; proximis diebus Roma huc  
ad nos allatus est ANTONII MVSÆ de Simpli-  
cibus pharmacis liber, & is quidem eruditorū iu-  
dicio admodum eruditus. Hunc nos uigilanter ca-  
stigatum, additis etiam marginalibus annotationi-  
bus, in uulgus damus. Ex eo tu ubi fructum cepe-  
ris, scito te magna ex parte eum acceptum referre  
debere uiro docto et celebri BENEDICTO CVR-  
TIO SYMPHORIANO, qui, quibus est huma-  
nitate & literis, in iuuandis ingenijs ac in re lite-  
raria amplianda multo est diligentissimus: is enim  
pro solita sua liberalitate, libri huius mihi copiam  
fecit. Hic igitur ANTONIVS MVSA ac-  
curatè admodum, candide Lector,  
tibi legendus est, ne alijs uti-  
litatem tuam studiosè  
procurantibus,  
tu tibi  
defuisse, & quæ  
in rem tuam sunt, ne-  
glexisse uideare. Vale.

# Index copiosissi

MVS IN EXAMEN OMNIVM

*Simplicium quæ in hoc libro  
continentur.*

<b>A</b>		<b>Alumen</b>	459
<b>A</b> Brotanum	102	<b>Alumen catinæ</b>	460
<b>A</b> Absinthium	50	<b>Alumen plumæ</b>	462
<b>A</b> canthus	144	<b>Alumen rochæ</b>	463
<b>A</b> caria	346	<b>Alumen rotundum</b>	464
<b>A</b> cetosa	182	<b>Alumen scissile</b>	462
<b>A</b> cetum	332	<b>Alumen scaiolæ</b>	464
<b>A</b> corus	256	<b>Alumen zucharinum</b>	462
<b>A</b> diantum	121	<b>Ambarum, siue Ambra=</b>	
<b>A</b> eris ærugo	420	<b>cam</b>	397
<b>A</b> etites	443	<b>Ambubeia</b>	47
<b>A</b> gallochon	322	<b>Ammi</b>	167
<b>A</b> garicus	286	<b>Ammoniacum</b>	372
<b>A</b> gnus castus	192	<b>Amomum</b>	136.156
<b>A</b> grimonium	89.122	<b>Ampeloprason</b>	96
<b>A</b> lbucus	189	<b>Amphibium</b>	506
<b>A</b> lcyonium	526	<b>Amygdala</b>	201
<b>A</b> lkakengi	83	<b>Anacardus</b>	231
<b>A</b> loë	353	<b>Anagyris</b>	136
<b>A</b> loës lignum	312	<b>Androsace in quibus dif=</b>	
<b>A</b> lthæa	71	<b>ferat à cuscuta</b>	63
		<b>Anemone</b>	38



# INDEX.

<i>Anemones species duæ</i>	38	<i>Aspalathus</i>	325
<i>Anethum</i>	198	<i>Asphaltus</i>	452
<i>Anguria</i>	152	<i>Asphodelus</i>	288
<i>Anisum</i>	177	<i>Asplenon</i>	48.114
<i>Antale &amp; dentale</i>	495	<i>Asprella</i>	79
<i>Anthera</i>	25	<i>Assa foetida</i>	399
<i>Anthos flores</i>	31	<i>Astragalus</i>	296
<i>Anthrax</i>	448	<i>Atramentū scriptoriū</i>	471
<i>Antimonium</i>	443	<i>Atra. calcographorū</i>	472
<i>Antispodium</i>	292	<i>Atriplex</i>	175
<i>Apium</i>	179	<i>Auellana</i>	200
<i>Argentum</i>	419	<i>Auis lingua</i>	195
<i>Argentum sublimatū</i>	430	<i>Aurum obrizum</i>	418
<i>Argentum uiuum</i>	421	B	
<i>Argenti uiui quatuor ge-</i>		<i>Baccharis</i>	96
<i>nera</i>	422	<i>Balaustium</i>	42
<i>Argenti uiui uis maxima</i>		<i>Balle marinae</i>	524
<i>ibidem</i>		<i>Ballote</i>	94
<i>Aristolochia</i>	245	<i>Balsami cortex</i>	204
<i>Arnabo</i>	271	<i>Bardana</i>	119
<i>Arnaglossum</i>	70	<i>Bdellium</i>	404
<i>Aron</i>	252	<i>Been</i>	300
<i>Arsenicum</i>	465	<i>Ben</i>	ibidem
<i>Arsinagal</i>	389	<i>Ben album</i>	301
<i>Artemisia</i>	111	<i>Ben rubrum</i>	ibid.
<i>Arthanita</i>	54	<i>Berberion</i>	435
<i>Asarum</i>	96	<i>Berberis</i>	187
<i>Ascyron</i>	99	<i>Beta</i>	84
<i>Asparagus</i>	181	<i>Betonica</i>	85
		<i>Bistorta</i>	

# INDEX.

<i>Bistorta</i>	295	<i>Caprifolium</i>	114
<i>Blattæ bizantiæ</i>	426	<i>Caput</i>	23
<i>Bolus Armenus</i>	474	<i>Cardamomum</i>	169
<i>Borago</i>	29	<i>Cardamomi tria semina</i>	170
<i>Borax</i>	481	<i>Carduus</i>	125
<i>Branca ursina</i>	144	<i>Carduus benedictus</i>	126
<i>Brassica marina</i>	101	<i>Carica</i>	210. & seq.
<i>Britanica</i>	296	<i>Carlina</i>	297
<i>Bruscus</i>	241	<i>Carpesium</i>	242
<i>Bucheidem</i>	282	<i>Carpobalsamum</i>	201
<i>Buglossa</i>	28	<i>Caruus</i>	172
<i>Bursa pastoris</i>	128	<i>Cassia fistula</i>	224
		<i>Cassia lignea</i>	ibid.
		<i>Cassia syriacæ</i>	ibid.
		<i>Castanea</i>	313. & seq.
		<i>Catanance</i>	295
		<i>Cataputia</i>	194
		<i>Cauda equina</i>	79
		<i>Caulis</i>	82
		<i>Cedrium</i>	409
		<i>Cedria</i>	ibidem
		<i>Cedrus</i>	231
		<i>Centaurium maius</i>	9
		<i>Centaurium minus</i>	106
		<i>Centonicum</i>	102
		<i>Centunculus</i>	ibid.
		<i>Cepa</i>	176
		<i>Cera</i>	351
		<i>Cervina lingua</i>	144

# INDEX.

Cervine lingue due	145	Corallium	304.438
Cerussa	423	Coriandrum	162
Chamedrys	76	Cortex	22
Chamaleon	298	Costus	238
Chamemalon	14	Cotonea	216
Chamemali species tres	15	Cotyledon	110
Chamaepitys	81	Crinon	35
Chelidonium	86	Croci flores	39
Chelidonium minus	87	Crystallus	441
Cheiri	43	Cubebe	226
Chrysanthemum	15	Cucumis	152
Chrysocolla	482	Cucumis pepo	ibid.
Cichoreum	46	Cucumis citrinus	ibid.
Cicuta	164	Cucumis anguinus	349
Cima	77	Cucurbita	152
Cinnabaris	362.432	Curcuma	262
Cinnamomi cortex	305	Cuscuta	61
Cinnamomum mosylicum		Cyclaminus	54.243
307		Cymbalaria	113
Cirsion	29	Cyminum	177
Cisthos	347	Cynoglosson	29
Citharac	49	Cyperus	260
Citrach	116		
Citrum	231	D	
Colla piscis et gluten	412	Dactylus	214
Coloquintida	229	Daphnitis	116
Consolida	249	Daucus	173.189
Copule glandium	491	Delphinium	67
Corallina	301	Diacoralli trocisci	137
		Dictamnus	280
		Dinarella	

## INDEX.

Dinarella	110	Fuligo quid	524
Doronicum	299	Fumus terræ	64
Dracunculus	252	G	
Dragagantum	384	Alanga	256
E		Galbanum	403
Laterium	349	Galga	100
Electrum	397	Garyophyllata	131
Elleborus	285	Garyophyllus	205
Empetron	66	Garyophylli folia	147
Endiuiā	46	Gattara	51
Ephemerum	277	Genicularis	298
Epithymus	56	Genista	183, 304
Equisetum	79	Gentiana	246
Eranthemum	15	Gethis	135
Eruca	165	Geum	ibid.
Eruum	169	Giarca	100
Eryngium	274	Githone	175
Esula	263	Glans unguentaria	300
Eupatorium	39, 250	Gluten taurinum	413
Euphorbium	369	Glycyrrhiza	246
Euphrasia	134	Granata	448
F		Gramen	73. & seq.
El terræ	106	Guaiacum	326
Fœniculus	52, 181	Gummi Arabicum	382
Fœnugracum	160	Gummi cedri	408
Flos	22	Gummi charabe	392
Folia	24	Gummi elemi	385
Folium Indum	146	Gummi hederæ	387
Fruementum	161	Gummi iuniperi	391

# INDEX.

Gummi pini	399	luncus odoratus	110
Gypsum	485	luncus rotundus	ibidem
		luniperus	104. 210
H		L	
Halicacabus	83	Abrum Veneris	125
Hastula regia	289	Labrusca flores	40
Hedera arborea	143	Ladanum	348
Helxine	139	Lagopum	132
Hepatica	104	Lana	23
Herba salutaris	270	Lapatium sylvestre	133. 27
Herba uenti	110	sequent.	
Hermodactylus	277	Lapis aquile	442
Hierobotane	68	Lapis Armenus	439
Hyacinthus	447	Lapis hematites	ibid.
Hydropiper	137	Lapis iudaicus	ibid.
Hyoscyami semen	150	Lapis lazuli	428
Hypericon	98	Lapis stellatus	427
Hypocisthis	347	Lappa	199
Hyssopus	92	Lasfer	399
I		Laureola	77
Imperatoria	304	Laurus	75
Intubus	47	Lens	166
Inula	253	Leucoion	17
Inuolucrum maius	113	Libanotis	32
Ion	17	Libanus	317
Iouis glans	314	Etchen	105
Iris	247	Lignum sanctum	327
Iris Illyrica	ibid.	Ligusticum	180
Iua	81	Lilium	35
Iuinba	212		
		Lingua	

# INDEX.

Lingua passa	212	Marrubium nigrum	ibid.
Linum	159	Marrubij species due	94
Lithargyrum	424	Meconium	352
Lonchitis	359	Medulla agni	504
Lupinum	163	Medulla è cruribus sumen-	
Lupulus	125	da	ibid.
Lupus salictarius	126	Medulla spinalis	ibid.
Lychnitis	37	Mel	333
Lycium	358	Mel apum	346
Lyncurium	440	Mel roris	ibid.
		Mel canna	ibid.
		Melilotus	35
<b>M</b> Acer	319	Memith	263
Macis	ibid.	Menta	50
Magnes	441	Mentastrum	51
Maiorana	52	Mercurialis	85
Malabathrum	147	Mespilum	165
Mala granata	218	Meum	240
Mali punici flores	42	Mezcreon	116
Malua siue maluaniscus	71	Milium solis	184
Mandragora	310	Millefolium	135
Manna	334	Minium	431
Mannæ tria genera	335	Minij gleba	479
Māna apud Hebræos quid significet	341	Mirasole	186
Marchasita	425	Morion	311
Marella	111	Mumia	454
Materfylua	113	Muscus	105
Matricaria	111	Muscus marinus	301
Marrubium	93	Myosotis	140

# INDEX.

Myrobalanus	221	Oleum anethinum	514
Myrrha	366	taceum	517
Myrsinite	267	Oleum balaninum	518
Myrtidanum	78	Oleum balsaminum	521
Myrtillus	210	Oleum costinum	522
Myrtus	78	Oleū de capparibus	ibid.
		Oleum de castoreo	ibid.
		Oleum de cheiri	518
		Oleum de citonijs	521
		Oleum de cochijs	518
		Oleū de cuphorbio	522
		Oleum de hypericon	520
		Oleum de lumbricis terre-	
		stribus	522
		Oleum de mastice	521
		Oleum de menta	521
		iorana	518
		Oleum de papauere	519
		Oleum de piperibus	521
		Oleū de scorpionibus	ibid.
		Oleum de spica	521
		Oleū de spica nardi	522
		Oleum ex nucibus	509
		Oleum glandis	510
		Oleum irinum	519
		Oleum iuniperinum	513
		Oleum lacertarum	522
		Oleum laurinum	510
		Oleū liliorum alborū	517
N			
Nardus	123		
Nardus mōtana	ibi.		
Nasturtium	201.158		
Nenufar	27		
Nepeta	51		
Nucda	ibid.		
Nigella nigra	174		
Nil	295		
Nix	ibid.		
Nux cupressi	219		
Nux methel	ibid.		
Nux moschata	223		
Nux uonica	219		
Nux Indica	231		
Nymphæa	28		
O			
Oenanthe	41		
Oleum absinthium			
& chamæmalinū	517		
Oleum amaracinum	518		
Oleum amygdalarum ama-			
rarum	508		

# INDEX.

<i>Oleum montis ziliij</i>	458	<i>Origanus heracleotica</i>	<i>ibi.</i>
<i>Oleum myrtinum</i>	512. 522	<i>Origanus sylvestris</i>	34
<i>Oleum nardinum ex lauan</i>		<i>Orobis</i>	168
<i>dula</i>	511	<i>Os dactylorum</i>	414
<i>Oleum nenufarinum</i>	518	<i>Os de cornu cerui</i>	415
<i>Oleum persicorū &amp; chry-</i>		<i>Os de corde cerui</i>	<i>ibid.</i>
<i>somalorum</i>	509	<i>Othonna</i>	263
<i>Oleum rosatum</i>	516	<i>Oxyacantha</i>	187
<i>Oleum sambucinum</i>	518	<i>Ozimū garyophyllatū</i>	117
<i>Oleum sesaminum</i>	512	<b>P</b>	
<i>Oleum tartari &amp; sulphu-</i>		<i>Paeonia</i>	192
<i>ris</i>	513	<i>Panis porcinus</i>	54
<i>Oleum terebinthinum</i>	514	<i>Papauer rubrum</i>	37
<i>Oleum uitrioli</i>	513	<i>Papauer album</i>	154
<i>Oleum uiolatum</i>	516	<i>Papauer nigrum</i>	155
<i>Oleum uulpinum</i>	521	<i>Parietaria</i>	139
<i>Oliua</i>	213	<i>Parthenium</i>	141. 112
<i>Olus atrum</i>	178	<i>Pastoris uirga</i>	124
<i>Opium</i>	352	<i>Pentaphyllon</i>	114
<i>Opoponax</i>	371	<i>Peplion</i>	67
<i>Opobalsamum</i>	202	<i>Perdicium</i>	142
<i>Opobalsami boni notæ</i>	203	<i>Perforata</i>	98
<i>Opobalsami boni liquor in</i>		<i>Perla</i>	435
<i>quib. deprehēdatur</i>	<i>ibid.</i>	<i>Persicaria</i>	137
<i>Opobalsami ueri colores</i>		<i>Pes columbinus</i>	135
	204	<i>Petroleum</i>	457
<i>Ordeum</i>	161	<i>Petroselinum</i>	177
<i>Orchis</i>	282	<i>Peucedanum</i>	255
<i>Origanus</i>	33	<i>Phyllitis</i>	49. & seq.



## INDEX.

<b>Pimpinella</b>	108	<b>Primula Veris</b>	145
<b>Pinea</b>	200	<b>Propolis</b>	351
<b>Pinguedines gallinae, anatis</b>		<b>Pruna</b>	208
& anseris	498	<b>Psforicum</b>	469
<b>Pinguedo castrati</b>	501	<b>Psyllium</b>	191
<b>Pinguedo equi</b>	500	<b>Pulegium</b>	54
<b>Pinguedo hirci</b>	501	<b>Pulmo uulpis</b>	505
<b>Pinguedo hominis</b>	ibid.	<b>Pyrethron</b>	270
<b>Pinguedo leonina</b>	503	<b>Pyrites</b>	425
<b>Pinguedo serpentis</b>	502		
& seq.		<b>R</b>	
<b>Pinguedo ursi &amp; cerui</b>	500	<b>Rapa</b>	189
<b>Piper</b>	206	<b>Raphanus</b>	314
<b>Piper Hispanum</b>	138	<b>Raphanellus sylvestris ibi.</b>	
<b>Piper ex Calechut</b>	ibid.	<b>Rapum terræ</b>	54
<b>Pira</b>	217	<b>Rasura eboris</b>	491
<b>Pissasphaltum</b>	455	<b>Resina oleagina</b>	377
<b>Pistacea</b>	230	<b>Resina terebinthina</b>	378
<b>Pix</b>	375. 409	<b>Resina regia</b>	382
<b>Pix Hispana</b>	376	<b>Rha</b>	7
<b>Plantago</b>	70	<b>Rhabarbarum</b>	8
<b>Polemonium</b>	99	<b>Rhabarbari dosis</b>	236
<b>Polium</b>	124	<b>Rhamnus sylvestris</b>	360
<b>Polygonatum</b>	298	<b>Raphanitis</b>	248
<b>Polypodium</b>	258	<b>Rhaponticum</b>	4
<b>Poma</b>	215	<b>Rbecoma</b>	9
<b>Pompholyx</b>	294	<b>Rheon</b>	7
<b>Portulaca</b>	73. 153	<b>Rhizotomos</b>	249
<b>Portulaca sylvestris</b>	72	<b>Rhus obsoniorum</b>	210. 347
		<b>Rhus sutorium</b>	ibid.
			Risaga

# INDEX.

Risagalum	389	Salix equinalis	79
Rosæ	20	Salvia	37
Rosarum tria genera	21	Sambucus	39
Rosæ damascenæ	ibid.	Sanamunda	133
Rosarum distinctio	ibid.	Sandalus	325
Rosa Hierosolymitana	156	Sandaracha	387
Rosa lunonis	35	Sanguis draconis	360
Rosmarinus	32	Sanicula	116
Rubia tinctorum	254	Sarcocolla	373
Rubia sativa	ibid.	Sapphirus	445
Rubinus	448	Sardonix	449
Rumex	137	Satyrion	282
Ruscus	241	Saxifraga	290
Ruta capraria	99	Scabiosa	129
Ruta hortensis	ibid.	Scammonium	356
Ruta sylvestris	98	Scandix	315
S		Scariola	153
S Abina	103	Scevola	79
Saccharum	341	Sclarea	97
Saccharum candum	ibid.	Scolopendra	48
Sagapenum	370	Scordion	95
Sal	486	Scoria	420
Sal Ammoniacus	487	Scorodon	95
Sal alcali	460.489	Scorodoprason	ibid.
Sal gemmæ	486	Scylla	333
Sal Indus	342.487	Sebestem	228
Sal naphthicus	489	Semen	23
Sal nitrum	488	Sementina	197
Sal sodominus	489	Semperuiuum	72
Salix	75	Semperuiuum malus	ibid.

# INDEX.

<i>Semperuiuum minus</i>	<i>ibid.</i>	<i>Sulphur</i>	456
<i>Sena</i>	65	<i>Sumachia</i>	209
<i>Sentis</i>	78	<i>Symphytum petræū</i>	91, 256
<i>Serpentaria</i>	251	T	
<i>Serpyllum</i>	69	<b>T</b> <i>Alchum</i>	483
<i>Sertula campana</i>	36	<b>T</b> <i>Tamar Indus</i>	223
<i>Sigillū sanctæ Mariæ</i>	298	<i>Tamariscus</i>	75
<i>Siler montanum</i>	183	<i>Tamarix</i>	326
<i>Sinapis</i>	157	<i>Taprobana</i>	323
<i>Sisymbrium</i>	143	<i>Tartarum</i>	495
<i>Smaragdus</i>	446	<i>Tassus barbassus</i>	37
<i>Solatrum</i>	80	<i>Tegname</i>	492
<i>Solatri duo genera</i>	<i>ibid.</i>	<i>Telline</i>	497
<i>Soldanella</i>	100	<i>Testiculi castoris</i>	505
<i>Sorba</i>	218	<i>Testudinum summaria con-</i>	
<i>Sphacelus</i>	37	<i>sideratio</i>	523
<i>Spica</i>	123	<i>Teucrium</i>	109
<i>Spina Aegyptia</i>	346	<i>Thapsia</i>	259
<i>Spina Syria</i>	<i>ibid.</i>	<i>Thlaspi</i>	128
<i>Spodium</i>	292	<i>Thryallis</i>	37, 108
<i>Spongiarū apud antiquos</i>		<i>Thus</i>	317
<i>tria genera</i>	525	<i>Thuris manna</i>	318
<i>Spuma maris</i>	526	<i>Thuris pollen</i>	<i>ibid.</i>
<i>Squinantum</i>	109. & seq.	<i>Thuris fuligo</i>	<i>ibid.</i>
<i>Stactæ</i>	367	<i>Thymbra</i>	127
<i>Staphisagria</i>	193	<i>Thymus</i>	55
<i>Stichas</i>	31	<i>Thymi species duæ</i>	56
<i>Stœbe</i>	130	<i>Thymus niger à medicis</i>	
<i>Styrax</i>	374	<i>improbatur</i>	59
<i>Styrax liquida</i>	368	<i>Tormentilla</i>	155, 289

# INDEX.

Tragacantha	384	Vitriolum	465
Trixago palustris	95	Vmbilicus terre	54
Tricomanes	121	Vmbilicus Veneris	110
Tuber terre	54	Vmbilicus marinus	497
Turbit	267	Vnguis	24
Tusilago	120	Vniones	435
Tutia	294.490	Vrceolaris herba	141
V		Vrtica	73.159
V Aleriana	239	Vsne	105
V Veratrũ album	285	Vua taminia	193
Veratrum nigrum	286	Vue passæ	211
Verbenaca	87	X	
Verbenaca species due	88	X Amin	174
Verzinum	326	X Xiris	256
Vincitoxicum	128	Xylobalsamũ quibus notis	
Vinum	332	deprehendatur	204
Vinum omphacium	ibid.	Z	
Viole	17	Z Edoaria	271
Violarum nomina apud		Zeg	466.469
Græcos	ibidem	Zenestra flores	40
Viscum	409	Zenestra uirgæ	ibidem
Viscum quernum	411	Zinziber	238
Viscum Romanum	409	Zizipha ædesina	213
Vitis sylvestris	41	Zurumbet	271
Vitis alba	283		
Vitis nigra	284		

FINIS.

L V G D V N I,

Excudebat Ioannes Barbous, aliàs Le Normand,

ANNO M. D. XXXVII.